





16206. W. H. C. I.





TRACTATUS
De
IMPEDIMENTIS



Dirimentibus Matrimoniis in specie,

In quo singula fideliter, & clare
ex Jure Canonico, & probatis Authori-
bus explicantur, & resolutione va-
riorum Casuum ad praxim
reducuntur

¶ P. J. NEPOMUCENO TROPPER
ex Ord. Minor. Striat. Observant. Pro-
vinciae S. Crucis Carnioliae
Lectore Generali.

Accedunt in fine Theses Theo-
logicæ sub Ejusdem præsidio pu-
blicè propugnatæ.

Cum facultate Superiorum.

LABACI,

Typis, Adami Friderici Reichhart Inc.
Prov. Carn. Typographi

1744.



030030895



Approbatio Theologorum.

EX mandato A. R. P. Bennonis Walt-
reich Ministri Provincialis Opuscu-
lum, cui titulus: *Tractatus de Impedi-
mentis dirimentibus Matrimonij &c.* à M.
V. P. Joanne Nepomuceno Troppet Ss.
Theologiae Lectori generali actuali com-
positum, attente legimus, & in eo non
solum nil orthodoxæ fidei, & bonis mo-
ribus contrarium reperimus: sed etiam
ob styli claritatem, eruditioinem, & ma-
gnam, quæ rūm conscientiæ arbitris, rūm
Ecclesiasticis Tribunalibus obvenire po-
test, utilitatem, ut in lucem publicam
prodire valeat, omnino dignum cense-
mus. Datum Labaci in Conventu D. V.
Assumptæ die 6. Julij 1744.

Fr. Godefridus Pfeiffer.

*Sac. Canon. & Ss Theolog. Lec-
tor generalis actualis.*

Fr. Vincentius Mariashich
*Ss. Theolog. Lector generalis,
actualis.*

Facultas A. R. P. Ministri Provincialis.

COncedo facultatem , ut Opus intitulatum : *Tractatus de Impedimentis Matrimonij dirimentibus &c.* à M. V.P. Joanne Nepomuceno Tropper Ss. Theologiae Lectore generali actuali elucubratum , & à duobus Theologis revisum , servatis servandis typis mandari queat . Datum in Conventu nostro Labacensi ad D. V. Assumptam die 22. Julij 1744.

(L.S.) Fr. Benno Waltreich
Reformatæ Provinciae Car-
niolice Minister Provincialis.

Facultas Reverendissimi Patris Ministri Generalis.

F. Raphaël à Lugagnano Lector Eme-
ritus , Catholicæ Majestatis in Re-
gali Congressu Madritensi pro Immacu-
lata Concepcione Theologus , ac totius
Ordinis Fratrum Minorū S. P. N. Fran-
cisci Minister Generalis , Commissarius
Visitator Apostolicus , & in Domino
Servus.

Dile-

Dilecto nobis in Christo P. F. Joannī
Nepomuceno Tropper Lectori generali
Nostrae reformatæ Provinciæ Carnioliae
salutem, & Seraphicam benedictionem.

Cum juxta Apostolicas, Nostrique
Ordinis Constitutiones revisum, & appro-
batum fuerit Opus quoddam, à te com-
positum, cui titulus est: *Tractatus de Im-
pedimentis dirimentibus Matrimonij &c.* te-
nore præsentium facultatem tibi imper-
timur, quatenus, servandis servatis, il-
lud typis mandare possis, & valeas. Vale.
Romæ ex Ara Cœli die 30. Julij 1744.

F. Raphaël à Lugagnano
Reg.

(L. S.)


*De mandato Reverendiss. in Christo Patris
F. Silvius ab Arce priorc
Secretarii Generalis
Ordinis.*

Facultas Reverendiss. Of-
ficij Episcopatūs Labacensis.

UT præsens *Tractatus de
Impedimentis Matrimo-
nij*

nij dirimentibus, à M. V. P. Jo-
anne Nepomuceno Tropper
Ord. Minor. Strict. Observan-
tiæ Ss. Theologiæ Lectore Ge-
nerali magnâ diligentia conge-
stus, & à duobus Theologis sui
Ordinis lectus, & approbatus,
typis mandari possit, licentiam
hīscē concedimus. Ex Officio
Episcopali Labaci die 20. Au-
gusti 1744.

Carolus Peer Ss. Theo-
logiæ Doctor, Cano-
nicus, & Vicarius
Generalis Labacen-
sis.



Amice Lector!

NEad publicum Actum, cui ratione
Officij pro more præsidere teneor,
vacuis, ut ajunt, manibus compaream,
sed munere aliquo benevolentiam tuam
devinciam, præsens tibi offero Opuscu-
lum, tanto, ut æstimo, gratius, quanto
familiariorum exhibit materiam, cuius
Sistema, si mox in limine nôsse desideras,
en illud in compendio!

Sistema totius Tractatus.

Error.

§. 1. Explicatio Erroris.	Pag. 4.
§. 2. Impedimentum Erroris.	6.
§. 3. Explicatur Error qualitatis re- dundantis in personam.	13.
§. 4. Resolvitur Casus de Errore.	19.

Conditio.

§. 1. Explicatio Conditionis.	25.
A 4	§. 3.

§. 2. Impedimentum Conditionis.	28.
§. 3. Proponuntur aliqua dubia.	35.
§. 4. Resolvitur Casus de Conditione.	45.

Votum.

§. 1. Explicatio Voti.	49.
§. 2. Impedimentum Voti solemnis, quantum ad matrimonium sub- sequens.	53.
§. 3. Impedimentum Voti solemnis quoad matrimonium antece- dens.	57.
§. 4. Origo hujus Impedimenti	74.
§. 5. Resolvitur Casus de Voto sole- ni.	79.

Cognatio.

Articulus I.

Cognatio Spiritualis.

§. 1. Explicatio, & Impedimentum Cognitionis Spiritualis.	84.
§. 2. Specialia de Patrinis.	93.
§. 3. Resolvitur Casus de Cognatio- ne Spirituali.	101.

Articulus II.

Cognatio Naturalis.

§. 1. Explicatio Cognitionis natura- lis.	103.
§. 2. Im-	

§. 2. Impedimentum Cognitionis na-	
turalis.	115.
§. 3. Resolvitur Casus de Cognatio-	
ne naturali.	128.

Articulus III.

Cognatio Legalis.

§. 1. Explicatio, & Impedimentum	
Cognitionis legalis.	139.
§. 2. Resolvitur Casus de Cognatio-	
ne Legali.	147.

Crimen.

§. 1. Impedimentum Conjugicij.	150.
§. 2. Impedimentum Adulterij cum	
promissione matrimonij.	159.
§. 3. Quid sentierendum de eo, qui hoc	
Impedimentum ignorat?	171.
§. 4. Resolvitur Casus de Impedi-	
mento Criminis.	179.

Cultus Disparitas.

§. 1. Examinantur matrimonia Fi-	
delium cum Infidelibus.	187.
§. 2. Examinantur matrimonia Ca-	
tholicorum cum Acatholicis.	209.
§. 3. Resolvitur Casus de matrimo-	
nio Catholicæ cum Hæretico.	216.

Vis, seu Metūs.

- §. 1. Explicatio Vis, seu Metūs. 225.
§. 2. Impedimentum Vis, seu Metūs. 226.
§. 3. Corollaria ex dictis, ubi etiam
de probatione Metūs. 237.
§. 4. Explanantur quædam dubia. 247.
§. 5. Resolvitur Casus de Impedi-
mento Metūs. 257.

Ordo.

- §. 1. Quid de Minoribus Ordinibus
ad propositum dicendum? 265.
§. 2. Impedimentum Ordinum Ma-
jorum. 268.
§. 3. Resolvitur Casus de Impedi-
mento Ordinis. 283.

Ligamen.

- §. 1. Polygamia practicata. 291.
§. 2. Impedimentum Ligaminis. 294.
§. 3. Quædam pro praxi necessaria
explicantur. 304.
§. 4. Resolvitur Casus de Impedi-
mento Ligaminis. 316.

Justitia publicæ honestatis.

- §. 1. Explicatur publicæ honestatis
Justitia. 325.
Im-

§. 2. Impedimentum publicæ honestatis ratione Sponsalium.	326.
§. 3. Impedimentum publicæ honestatis ratione Matrimonij rati.	340.
§. 4. Resolvitur Casus de Impedimento publicæ honestatis.	346.

Affinitas.

§. 1. Explicatur Affinitas.	350.
§. 2. Impedimentum Affinitatis.	363.
§. 3. Quid de Affinitate, quæ matrimonium subsequitur?	375.
§. 4. Resolvitur Casus de Impedimento Affinitatis.	383.

Impotentia.

§. 1. Explicatio Impotentiaz.	392.
§. 2. Impedimentum Impotentiaz.	395.
§. 3. Modus procedendi cum impotentibus.	405.
§. 4. Quid de Senibus, infirmis, hermaphroditis, eunuchis, & in indebita ætate constitutis sentendum?	423.
§. 5. Resolvitur Casus de Impedimento Impotentiaz.	435.

Clandestineitas.

§. 1. Explicatio, & Impedimentum Clandestineitatis.	442. Ea
---	------------

- §. 2. Ea, quæ Parochum, & Testes
concernunt, dilucidantur. 446.
§. 3. Utrum Clandestinitas sit ubi-
que impedimentum dirimens. 465.
§. 4. Resolvitur Casus de Impedi-
mento Clandestinitatis. 475.

Raptus.

- §. 1. Explicatio, & Impedimentum
Raptūs. 484.
§. 2. Resolvitur Casus de Raptu. 493.

Ex hoc Sistematice abundè vides, ex
quibus, & quo ordine positis Opusculum
coacervetur. Si ultrà normam, quā usus
sum, prænoscere cupis? sequens est. Sty-
lum adhibui currentem, &, ut arbitror,
clarum. A copiosa allegatione Autho-
rum studiò abstinui, sæpiissimè, dum
aliter visum non erat, unicò contentus,
licet plures non desint, ne intellectum
tuum in legendo distraham. Dum ad
Canones, & Decreta, quæ sunt origo, &
radix, ex qua Impedimenta emanarunt,
deveni, ea ex ipso fonte Juris fideliter,
etiam longiusculè quandoque, descripsi-
tus, à tua utilitate futurum, si ea hīc
repereris, quæ aut in Corpore Juris ope-
rosè quærere, aut si illud ad manus non
sit,

fit, non sine nocumento ignorare deberes: tūm quod plūs efficaciæ, & ponderis insit formalibus Legum, quād dum, locis tantūm indicatis, per aliena verba proponuntur: nativa etenim lux præfulget adscititiæ. Quāmvis vix sit sententia, quæ à contradictoribus non infestetur, sufficere tamen censui ut plurimum, eam, quæ præplacet, sua cum ratione, aut authoritate simpliciter sequi, intactis, & inimpugnatīs (dum speciale motivum aliud non suasit) fundamentis oppositis, ne eis probabilitatis laudem decere velle aestimer.

Omnia Impedimenta calamō æquè extensō prosecutus sui, licet quædam rarae sint praxeos; sufficit namque ea contingere posse, ut scientia illorum suam habeat utilitatem. Quodlibet Impedimentorum proposito, & resoluto Casu aliquo ampliare studui, ad forum quoque externum oculum convertens, quod theoria ad praxim reddatur facilior. De Impedimentis merè impedientibus nil discessi, nec de dispensatione Dirimentium

(si pauca quædam ocurrētē exigētiæ
materiæ excepēris) ne enim Opusculum
in Tomum erigatur, brevitas temporis
a Scholasticis Lectionibus , & exercitijs
vacui, calamum necessariò continuuit. Si
tamen studijrequisita , & typi faverint
alia fortè opportunitate defēctum sup-
plebo: interim exiguo hocce labore frue-
re , & vale.

TRAC-

OS SO
•••••••••••••••••••••
TRACTATUS
unicus.

De Impedimentis Matrimonium dirimentibus

Præambulum.

Unanimis est Catholicorum, & indu-
bitata sententia, matrimonium non
tantum contractum esse naturalem, à
Creatore omnium, qui Legem illam **Gen.**
1. & 2. crescite, & multiplicamini, imple-
ri jussit: mox à cunabulis mundi in Pa-
radiso institutum, & admissum, dum
*Protoplatus ille (c. 18 xxvii. q. 2. inter Pa-
leas) radix, & origo nostra, detractam sibi
costam in mulierem videns formatam, pro-
phetico spirita inter alia protulit: Hoc nunc
os ex ossibus meis, & caro de carne mea
propter hoc relinquet homo patrem, & ma-
trem, & adhærebit uxori suæ &c.* quibüs
verbis quoque perpetuus, & indissolubi-
lis nexus maris, & fœminæ ex mente
Concilij Trid. in præfat: sess. 24. de Sa-
cram. matrim. significatur. Verum etiam
à Salvatore nostro (*Matth. 19. rejecto*
Repudij Libellō, qui Judæis aliquando
concessus erat *Deutor. 23.* ob duritiam
cordis eorum, & matrimonio, primævæ,

A

&

& originariæ perpetuitati restitutio ad veram rationem, ac dignitatem Sacra-
menti novæ Legis elevatum esse, ut sit
efficax signum Gratiae, quæ, ut explicat
Trid. ibid. naturalem amorem (conjugum)
perficeret, & indissolubilem unitatem firma-
ret, conjugésque sanctificaret, qui obicem
peccati non ponunt, nec ita copulantur,
sicut Gentes, quæ ignorant Deum. Tob. c. 18.

Hæc ratio Sacramenti efficit, quod
contraðus matrimonij alias politicus, &
civilibus Legibus subjectus, ab illis tanquā
sacer (si Infidelium conjugia excipias) em-
nino eximatur, nec alias, quam Ecclesiæ
Leges veneretur, quæ dum eidem patro-
cinium ferunt, firmum, & ratum ma-
net. *Si quis dixerit, causas matrimonia-*
les non spectare ad Judices Ecclesiasticos,
anathema sit. Trid. l.c. Can. 12. Quam-
quam negari haud queat, à Principibus
quoque saecularibus (dummodo contra sa-
cros Canones nihil attentaverint) per
Leges circa contrahenda matrimo-
nia publico bono prospici posse, & illos
in earum transgressores animadvertere,
salva semper manente integritate, & va-
lore matrimonij, ut constat ex c. de Fran-
cia i. de sponsalib. & matrim.

Quapropter huic auctoritati innixa
Ecclesia, duplicitis generis constituit impe-
dimen-

dimenta, alia purè *impedientia*, quæ valorem matrimonij non tangunt, sed illud illicitum duntaxat reddunt. Alia *dirimentia*, quæ ita inhabilitant personam, quam afficiunt, ut validum matrimonium celebrare nequeat: & talia, ijs adnumerata, quæ aliunde de Jure naturæ, & Divino matrimonium dirimunt, antiquitus non nisi duodecim erant, sed accedentibus per Trident. Conciliū aliis duobus, defacto ad decimum quartum numerum ascendunt, & in sequentibus versibus, quæ obviè leguntur, exprimi solent, licet quidā eos variare maluerint.

*Error, Condīcio, Votum, Cognatio,
Crimen,*

Cultus disparitas, Vis, Ordo Ligamen, Honestas,

*Si sis affinis, si fortè coire nequibis,
Si Parochi, aut duplicis desit præsentia testis,*

Raptaque sit mulier, nec parti redditur tutæ.

Et hæc impedimenta dirimentia eodem ordine, quem Versus exhibent, ex probatis DD. tūm Canonistis, tūm Theologis, ut plurimūm verò ex Jure explicare, dilucidare, & resoluto ad finem cuiuslibet impedimenti Casu aliquo, ad praxim accommodare studebo. In Dei ergo Nōmine incipio. A 2 Er.

§. I.

Explicatio Erroris.

I. Si etiam nū homines non divitiis, ut optabat Marcus Aurelius Imperator, ad Faustinam Conjugem suam scribens, sed probitate: non pulchritudine, aut aliis qualitatibus, & finibus, sed virtute conciliarent connubia, quod volebat Lycurgus, dum Lacedæmonijs legem tulit, ne ulli liceat dotem dare, aut datam accipere; cuius etiam mentis dicitur fuisse Camillum Romanorum Belli Ducem, qui eñ, quòd alij divites, alij nobiles, alij pulchras, juvenes &c. offerebant filias, conjugem nullam filio suo unico, triginta licet annos nato, eligere voluit, quia, ut ajebat, nemo erat, qui filiam virtute præstantem se daturū polliceretur. Si ita, inquam, res in matrimonio ageatur, nequaquam tot deceptiones, & errores intervenirent, & Judices conscientiæ tot querelis non onerarētur à Conjugibus, qui se circumventos lamentantur, dum longè aliud subinde sñō damnō experiuntur, quam ante matrimonium sperabant. Ut igitur innotescat, quid illis respondendum, de erroris impedimento hic agam.

2. Error itaque, qui est sinistra apprehensio: aut falsum judicium intellectus secundum illud c. *In quibus xxii. q. 2. Errare, id est, aliud pro alio putare: contingit vel circa personam, si nimis credas hanc, quam ducis, esse Cajam, & est Bertha: vel circa qualitatem, qui error est accidentalis, ut si judices, illam esse Virginem, divitem &c. quæ est corrupta, pauper: ea enim omnia, quæ circumstant personam, illique per accidens convenient, in proposito nomine qualitatis veniunt, ut nobilitas, pulchritudo, integritas, ingenuitas, bona fama, legitimus thoros, honestas morum &c. hisque opposita. Quamquam de qualitate servitutis singulariter agetur *infra sub impedimento conditionis*. Porrò uterque error potest esse antecedens, vel *concomitans*. Primus contingit, dum quis eam ducit, quam erroneè credit Tatiā, aut nobilem, non ducturus, si sibi de hoc errore constaret: unde dicit illam, quia tali errore laborat, & hoc ipsō hic error dicitur *dans causam contractui*. Alter vero contingit è contrario, dum omnino ita dispositus est, ut etsi de suo errore informaretur, à proposito tamen non desisteret, quia sibi in persona, quæcunque tandem sit, multum forsitan complacet.*

3. Observandum verò, quòd quandoque possit quidquam accidentale esse respectu rei, de qua tractatur, substantiale autem respectu ipsius contractus, dum nimirum principaliter illud respicitur. Habet v. g. in Reda 6. equos albos, & uno demortuō cum Francisco pacisceris de alio, qui numerum compleat. Recipit ille pecuniam, & equum optimum, nigrum tamen adducit. In hoc casu maior albus est quidem accidens respectu eius, sed de substantia contractū, quia intentio tua non erat equum optimum duntaxat, sed album simul emendi; nisi ergo Franciscus equum album det, ex errore substanciali contractus nullus est. Ex errore substanciali dico, non gravi; non enim gravis in se requiritur, ad invalidandum contrahendum, sed sufficit etiam levis in se, qui tamen, dum intenditur a contrahente, sine quo non contraheret, substancialis erit quoad Contrahendum.

§. II.

Impedimentum Erroris.

4. Non extat iure Canonico aliquod Rescriptum Pontificium, aut Canon, vel decisio Conciliaris de hoc Impedimento, sicut alias de alijs, sed in Causa xxix. quæstio I. duntaxat, quæ tota Gratiani

tiani est, ut in margine signatur: unde
juxta illam tantum, & alia Juris princi-
pia, ac rationem procedendum erit. Ita-
que.

5. *Affero I.* Error antecedens circa
personam est impedimentum dirimens
matrimonij: unde si hanc, quam ducis,
putas esse Cajam, est autem Titia, nihil
agis: *Error* siquidem personæ conjugij con-
sensum non admittit. *Caus.* & q. citt. quia er-
rantis (circa substantiam utique, seu per-
sonā) nullus est consensus *L.* non idcirco *C.*
de Juris, & facti ignorant: dum autem
consensus vel unius etiam conjugum a-
best, nullum est matrimonium per vulgæ-
ria. *Nec obstat* historia de Jacob *Gen. 29.*
qui suppositam sibi Lyam habuit uxo-
rem, licet per errorem crediderit esse
Rachelem, quam solūm desponsare vo-
luit. *Nam*, ut *DD.* communiter advertūt
ex c. & q. citt: Jacob deprehenso errore
consensit deinde in Lyam: postquam enim
ait Scotus *4. d. 30. q. 1. S. ad primum.*
Jacob deprehendit esse Lyam, consensit no-
do consensu propter illa verba Laban: non
est consuetudinis in loco isto, ut minores prius
tradantur ad nuptias (erat autem Rachel
natu minor) & ex tunc fuit uxor ejus: a-
lias bene concedo, quod potuisset repudiassæ
eam, sicut non suam. Amore itaque poti-

undæ deinde Rachelis (notat P. Sporer
de matrim. c. 1. n 4.) consensit Jacob in
Lyam: tum etiam compassus illi, jam de-
floratae per ignorantiam ex parte sua in-
vincibilem. *Nec iterum obstat ex eodem*
lib. Gen. 27. benedictio, quâ Isaac bene-
dixit Jacob, putans hunc esse Esau. Siqui-
dem & Isaac animadverso errore ratam
habuit benedictionem priùs datam: unde
dixit postmodum: benedixi ei (Jacob)
eritque benedictus &c. & hanc ratificatio-
nem Scotus cit. attribuit instigui Divi-
no, quem ex ipso textu colligit.

6. *Affero II.* Error quoque concomi-
tans circa personam, dirimit matrimoniu-
m. *Communis contra Brancatum cit. apud*
Mastrum in 4. Sentent. Disput. 7. n. 388.
Quapropter si tibi volenti ducere Cajam,
adducatur Titia, tûque id ignores, nul-
lum erit matrimonium, etiamsi ejus fo-
res animi, quòd Titiam etiam duceres,
si illam esse scires: cùm enim voluntas
non possit consentire in incognitum, hòc
ipsô, quòd nescias esse Titiam, non con-
sentis in illam, sìcque subintrantrant Jura,
& rationes, quæ matrimonium absque
consensu negant. Quòd autem ita sis a-
nimô dispositus, quòd si etiam scires esse
Titiam, & non Cajam, nihilominus du-
ceres: nihil suffragatur, cùm in matrimo-
nio

nio non attendatur voluntas, quæ esset, sed quæ est, dum illud contrahitur; aut saltem fuit, & ne cum revocata virtu-
liter durat, ne matrimonium sine omni
consensu contrahi dicatur. Secùs dicen-
dum, si actu intenderes ducere præsen-
tem, Caja illa sit, aut alia: quia videlicet
intentio, & consensus tuus non se-
quitur errorem, quod credis esse Cajam,
sed dirigitur in personam præsentem, quam
vides. Simile occurrit in Sacramento
Baptismi: nam si Parocho baptizanda
præsentetur fœmella, ille verò intentio-
nem habeat baptizandi puerum tantum,
quia videlicet infantem oblatum talem
esse putat, nullus est baptismus: quām-
vis verum sit, quod fœmellam quoque ab-
luere vellet, si talem esse sciret, ut The-
ologidocent. Valeret autem baptismus,
si Parochus, licet eodem errore laborans,
formaret, uti regulariter tenetur, inten-
tionem abluendi infantem præsentem,
cujuscumque sit sexus.

7. Et quia error substantialis, seu
personæ ex natura rei dirimit matrimo-
nium, ex defectu videlicet voluntarij
consensus, hoc impedimentum etiam
quoad Infidelium matrimonia attendi
debet, qui Juri naturæ, & essentialibus
contradictus subsunt. Quod pariter intelli-

gendum est de errore circa qualitatem in casibus, in quibus ille per dicenda irritat matrimonium, quia similiter id fit defensu consensus.

8. *Affero III.* Error in qualitate tantum, etiam ex dolo proveniens (si non redundet in personam, nec qualitas illa fuerit per modum conditionis in pactum deducta, nec sit causa matrimonij) non annullat matrimonium. *DD.* Communi-
ser: Sicut enim, si quis emerit agrum, vel vineam, quam putabat esse uberrimam, quamvis erraret in qualitate rerum, rem minus fertilem emendo, non potest tamen venditionem rescindere: ita similiter, qui dicit in uxorem meretricem, vel corruptam, quam putat esse castam, vel Virginem, non potest eam dimittere. *caus* & q. citt. Si enim error non redundet in personam, nec consensus errantis sit restrictus ad qualitatem, nec ideo errans consentiat, quia erravit, consensus simpliciter, & absolute fertur in personam ipsam: adeoque substantialiter voluntarius est, dum persona illa ipsa est, quacum intentio contrahendi erat, nec erit, nisi secundum quid involuntarius ex hoc, quod persona eam, quam putaras, qualitatem non habeat. Merito igitur dicitur loco cit. quod error fortunae, & qualitatis non excludit consen-
sum.

sum. Quòd autem dolò adductus sis ad credendum, talem qualitatem illi personæ inesse, non obest: si namque ipse error non impedit consensum simpliciter voluntarium, non impedit illum, undecumque, etiam ex dolo, proveniat, nisi aliud ab Ecclesia, cuius potestatis est, impedimenta statuere, decernatur, quod hucusque factum minimè legitur. Idem contingit in Professione Religiosa, quæ valida est, etsi profitens credat, eam tanto rigore, asperitate &c. vestitam non esse. Sporer de matrim. n. 5. Engel. lib. 4. t. I. §. 4. n. 4. ac alij.

9. Licet autem talis cognito errore hanc non duceret, hoc ipsò tamen, quod aetu in eam consentiat, se ab illa liberare nequit; quemadmodum enim non attenditur consensus, qui esset, sed qui actu est, aut fuit, & virtute manet *ex dictis N. 6.* ita neque dissensus, aut nolitio ducenti, quæ nunquam fuit, nec est, sed in casu tantum foret. Et revera quam sèpè audimus conjuges, sibi invicem objicientes: *Si prævidissem, tam parvam tibi dotem futuram: me tui intuitu ad officium non promovendum: te tam duræ cervicis, tam sævæ esse indolis &c. nequam tuus fuissim maritus, aut uxorem me non habuisses!* nec tamen ulli in mentem venit,

venit, dissolutionem matrimonij quærere.

10. *Affero IV.* Error circa qualitatē, dum ea actu, vel virtute in conditionem deducitur, dirimit matrimonium. Ita omnes per vulgaria, quod omnis contractus, sub conditione honesta initus, ea non subsistente, sit nullus, quia actus agentium non operantur ultra intentionem eorum: ut noti Juris est: dum igitur non est intentio se fœminæ obligandi, nisi sub conditione, illa non verificata, nulla est obligatio. *Dixi: actu, vel virtute;* sufficit namque, quod quis conditionem ante contractum matrimonij intenderit, nec animum mutaverit: quia intentio conditionis virtualiter permanet. Sporer l.c. n. 6. Reiffenst. de matrim. tit. 1. n. 349. ac alij communiter, argumento desumpto ex alijs Sacramentis, ad quæ virtualis intentio sufficit. Unde qui sæpius diceret, se talem nunquam ducere velle, si sciret eam legitimi thori filiam non esse, à vinculo liber erit, dum innotuerit defectus Natalium, quamvis hanc conditionem in actuali matrimonij contractu non habuisset, modò priorem suam mentem non revocaverit.

11. *Affero V.* Error qualitatis, dum redundat in personam, vel est unica,

aut saltem principalis causa matrimonij (secus, si sit causa merè extrinseca, & impulsive) est verum impedimentum dirimens. Et in hac Assertione, quæ principale punctum tangit, amplius sistendum. Unde pono.

§. III.

Explicatur hæc Assertione V.

I. Quæres. Quando error qualitatis redundat in personam? Respondeo, hoc ita explicari à Reiffenst. Spperer cltt. Elbel de matrim. conferen. 4 n. 89. aliisque: si persona, quæ desideratur in conjugē, non est à visu nota, sed per qualitatē aliquam tantūm, quæ dicitur illi inesse: si non traditur illa, sed alia, quæ tali qualitate caret, error circa qualitatem redundat in personam, dirimitque matrimonium: e. g. Audisti Græcensi Consuli duas esse Filias. Neutram noscis, sed quia dicitur, unam ex illis pinguis substantiæ hæredem nuper factam ex testamento consanguinei, recens mortui, petis, ut hæc tibi in uxorem detur. Si tibi non illa, sed altera illius soror præsentetur, eāmque ducas, nullum est matrimonium. Ratio est: quia (idem judiciū est de alijs similibus casibus, qui quām maximè contingere possunt, dum matrimonium

nium per Procuratorem contrahitur)
tu vis illam tantum, quæ hæreditatē adiit,
non ejus sororem: si ergo soror tibi tradi-
tur, non traditur illa, quam ducere vis,
sed alia, in quam non consentis, nisi ex
errore substantiali, putans videlicet il-
lam esse, quæ hæres facta dicitur. Fami-
liare in proposito est DD. exemplum de
eo, qui vult ducere primogenitam, &
offertur secundò genita.

13. *Sed quid*, si tibi tradatur quidem
illa, quam hæredem factam audiisti: at
post matrimonium, cum illa contractum,
dolenter experiris, divitias quandoque
fingi, ut filiæ nubiles facilius matrimo-
nium inveniant? *Respondeo*, in hoc eti-
am casu matrimonium nullum esse. Ra-
tio est, quia cùm persona tibi ignota fue-
rit, non potuisti immediatè in illam con-
sentire, sed mediante qualitate dunta-
xat, seu hæreditate tibi ex fama notâ,
ut proinde tui consensûs objectum non
fuerit persona sola, sed persona hæredi-
tate vestita; per consequens, si hæredi-
tas non verificatur, deficit principalis
pars objecti, in quod tuus ferebatur con-
sensus, estque ob id nullus. Atque in hoc
casu crederem intervenire errorem circa
qualitatem, qui redundat in personam,
seu æquivalet errori personæ, cùm in ca-
su

superioris N. contingat potius error ipsius personæ hōc ipsō , quōd non tradatur illa , quæ petitur , sed alia .

14. *Quæres II.* Quid sentiendum , dum error circa qualitatem dat causam contractui matrimoniali ? *Respond.* Si unicus finis , & motivum , ob quod ducis hanc personam , sit qualitas aliqua , ob errorem in illa nullum erit matrimonii . Non possunt Viri in uxorem ducere divitias , nobilitatem , honorem : non possunt fœminæ thesauro , officio , applausi nubere , quoniam contractus matrimonialis est personalis , & inter personas initur . Ast nihil vetat , quod quandoque fieri videmus , videlicet aliquam ex his qualitatibus ultimatum intendi , & quia illa facilitiori via obtineri haud potest , matrimonium , tanquam medium opportunius , cum ea persona eligitur , quæ apta ad illam obtainendam qualitatem videtur . Cūm igitur in hac facti contingentia matrimonium absolutè non desideretur , sed sub respectu tantum , & conditione : si persona sit utilis ad finem intentum (nec enim medium appetitur , nisi propter finem , ut Philosophi docent) si erroneè credatur , illam esse utilem , quæ non est , matrimonium ex defectu consensus nullum erit . *Vide Ca-*

Caramuel *Theol. fundamental lib. 3 n. mibi*
3740. qui etiam *in sua Theol. Regul. tom.*
2. n. 3532. consultus de valore Professio-
nis, factæ à quodam Religioso ex errore,
ante resolutionem præmittit tanquam
suppositum, quod error, & dolus circa
contractus qualitatem annullant eundem,
quando qualitas est principale motivum,
& causa promittendi, & contrahendi: &
hæc doctrina juvat quoque ea, quæ sequen-
ti Numerō dicam. Casum verò hac de re
vide §. sequent. Vide etiam, quæ dixi N. 3.
Atque ex his constat, finem operis ma-
trimoniū esse quandoque distinctum à fine
operantis, seu contrahentis.

15. Amplius dicunt Gobat, Kugler,
quos citat, & sequitur P. Elbel *loc. cit. n.*
90. nimurum errorem circa qualitatem
probabilius invalidare matrimonium in ca-
su, quod de qualitate antea tractatum erat:
cui doctrinæ standum censeo, dum de
qualitate fervide, & singulariter ageba-
tur, v. g. de divitijs, nobilitate &c. &
quidem ita, ut ex hoc tractatu, aliisque
circumstantijs (puta, si persona prius
non exactè secundum omnes circumstan-
tias cognita sit, aut multum deformis,
vel quoad statum minimè proportionata,
infamis &c.) verosimile fiat, alteram par-
tem non habuisse respectum ad solā per-
sonam

sonam , sed etiam ad qualitatem illam. In hoc etenim casu persona , & qualitas ad integrant unum objectum consensūs , qui nullus est deficiente qualitate , tamquam aliquo principali , de quo tam sollicitè tractabatur.

Meritò itaque Elbel l. c. n. 96. resolvit , probabilius nullū fuisse matrimonium Semproniae prædivitis , & honestæ Virginis , nubentis Sempronio , qui mentiebatur se cujusdam Principis Ministrum , multisque , ut id persuadeat , confictis litteris usus fuit . Repertum verò deinde erat , eum impostorem esse , qui ob varia , hinc inde patrata crima , aliquoties jam exulavit , & fugâ sibi consuluit . Vehementer siquidem præsumitur , Semproniam nobilem , & prædivitem Virginem homini tam infami , cuius conditionem alias ignoraverat , nequaquam nubere voluisse , ac etiam specialiter de statu illius actum fuisse , cum falsis litteris ad id , quod de suo statu fingebat , persuadendū uti debuerit . Immò hic quoque potest dici , intervenisse conditionem : Si scilicet talis est Sempronius , qualem se esse dicit , ut ex Layman l. 3. tract. 4. c. 5. n. 3. constat , ubi ait : Si error versetur circa substantiam valde immutantem objectum , & nimis excedentem promittentis existimatio-

nem, censeri potest promissio non simpliciter facta, sed sub virtuali conditione existimata circumstantiae.

16. Notandum verò per omnem modum, in hoc toto Quæsito II. sermonem fuisse de errore qualitatis, quæ est unica, aut saltem principalis ratio motiva matrimonij. Si enim esset causa secundaria tantum, & impulsiva, judico, errorem circa talem qualitatem inter dirimentia impedimenta non recenseri. Et in hoc tantum sensu intelligo Canonistas, & Theologos, qui errorem circa qualitatē, dantem causam contradui, dirimere matrimonium nolunt ob rationem, quod consensus circa personam, quæ dicitur, totaliter salvetur, licet causa, quæ facilitabat matrimonium, aut gratius quoque faciebat, non subsistat: sicutque error contingat circa accidentalia duntaxat, nec matrimonium infringere possit: desumptō argumentō à paritate dispensationis in causis matrimonij, quæ valida est, deficiente etiam causā extrinsecā, & merè impulsivā. Inde fit, quod non audiretur, qui reclamare vellet contra matrimonium ex eo, quod conjugem, quam habet, nequaquam duxisset, si prævidisset splendida illa promissa, quibus lactabatur, vacua fuisse, & inania, nisi deducat quoque,

se non nisi ab illis unicè, vel principali-
ter motum, eam in uxorem accepisse.
Quemadmodum etiam nequit impugna-
ri legatum, quod ex causa falsa processit,
ut si Testator diceret: *Titio, quia negotia
mea curavit: quia patrociniō ejus liberatus
sum, lego &c.* quāvis Titius nec negotia
curaverit, nec ejus patrociniō liberatus
sit, valet legatum. §. longe 31. *Inst. de leg.*
G L. Demonstratio falsa. 17. §. quod au-
tem, nisi indubitanter probetur, quod
Testator legatum numquām fecisset, ni-
si tali errore præventus. Vide *DD. de
Testamentis, & ultimis voluntatibus scri-
bentes.*

§. IV.

Resolvitur Casus de Errore.

Venerat Venetias negotiorum causa Cre-
sulus homo Germanus, dives, sed
non nobilis, nec animum gerens, aliquam ibi-
dem ducendi. Reperit ibi fæminam famæ
non bonæ, quæ se dicebat filiam Comitis N.
opulenti, & altis tematis: fugisse parentum
tyrannidem, & nubere velle. Cognoscebat
Cresulus Comitem, sciebat illum habere fi-
liam, quæ rigorem domesticum pertœsa, ad
Monialium Asceterium confugerat. Cre-
dedit hanc esse, & illam in uxorem duxit. Re-
vertitur in patriam, opinione jam sua tanto

Comiti affinis factus: at ibi reperit Comitis filiam adhuc hærere apud Moniales, & hanc esse meretriculam quamdam, Lanionis filiam, quæ castæ, & nobilis Virginis nomen sumpserat. Conqueritur, & matrimonium esse nullum vociferatur. Quid consilij?

17. Respondeo, sciscitandum à Cresculo, utrum in hanc fœminam absolute consenserit, forte, quia corporales illius dotes multum placebant, quod vel maximè fieri potuit, si illa ex carnali commercio devinatum, aut addictum sibi habuit Cresulum: vel ideo tantum illam elegit, ut se optimæ domui affinem redderet, habiturus filios maternæ nobilitatis, immò & bonorum hæredes? si primum; validum est matrimonium *ex di-ctis NN.* 8. & 16. Si secundum: contra matrimonium procedendum est *juxta N.* 14. nisi, detecto etiam errore, matrimoniali Jure usus fuisset, eamque ut maritus, carnaliter cognovisset. Nam cum matrimonium cum ea eatenus tantum voluerit, quatenus erat via, & medium, se tam nobili familiæ aggregandi, voluntas illā ducendi in re conditionata erat, & tam parum censendus est in illam consisse, quam parum Lanionis filia utilis est ad eos nobiles fines, quos Cresulus ubi præfixerat.

18. Et reverà, si candidè fateatūr, se non venisse Venetias, animò ibidem ducendi aliquam (dum ergò ibidem hoc non obstante duxit, utique id factum desideriō, se tam conspicuæ associandi familiæ) ultrà etiam se scivisse, fœminam hanc Venetiis non benè audire: non ergo illam duxisse, quia bona erat, sed quia ad fines præstitutos utilis visa; sæpè enim contingit, quod *dum dos sit* (nobilitas, aut aliud notabile commodum) nullum vitium vitiō vertitur, ut ait Plaut. sed quocumque palliatur & excusarur. Si inquam, candidè hæc exponat, quæ magnam probabilitatem præferunt, non nimis durum experietur confessarium.

19. Sed quid, si in foro contentioso putatitiæ suæ uxori litem moverit, séque ab illa, etiam per sententiam publicam liberare voluerit? *Respondeo*: cùm in foro hoc multam reflexionem causent gravia pericula scandali, damni prolium, perturbationis Reipublicæ &c. quæ facile oriuntur ex dissolutione matrimonij ob prætentum errorem circa qualitatem, quæ semper, dum quis uxori, quæ ingrata est, valedicere cuperet, per modum conditionis, aut principalis motivi matrimonij fingi potest: arduum Cresulus experietur negotium, nec fidem eorum,

quæ allegaverit, à Judice obtinebit, nisi ea omnia, gravibus rationibus, & fortibus documentis, aut testibus probaverit; Iura enim volunt pro matrimonij indissolubilitate pro possibili stari debere. Et tametsi, dum de contrahendo matrimonio agitur, tam claræ, & plenæ probationes non exigantur: si tamen matrimonium est firmatum, non debet sine plurium juramento dissolui. c. super eo. 22. de testib. & attestat. Unde concludit Caramuel l.c. n. 3743. ex errore nulliter contrahentes, difficultimè per sententiam definitivam Ecclesiastici Consistorij juvari posse.

20. Optimè autem agent, si consilium, quod Elbel cit. n. 95. ex Clericato adducit, secuti, qualitatem illam, cuius motivô ducuntur in contractu matrimonij, expressè in pactum, & conditionem deduxerint (addo: aut saltem coram alijs protestati, etiam ante contractum, fuerint, se numquam contracturos, si hæc qualitas, quæ dicitur, non adesset; nā visā illa conditione, aut depositō juramentō ab ijs, qui protestationē audiérant, sine difficultate sententiam nullitatis conjugij obtinebunt. Quamquam enim difficultas in talis facti contingentia in eo ultimatim sita sit, utrum, qui conditionem expreſſerat, aut coram alijs protestatus est,

est, se nullatenus, nisi ob talem qualitatem contrahere velle, animum suum non revocaverit: nam omnino certum non est, eum suum consensum in actuali contractu ad illam conditionem, aut qualitatem ligasse: quis enim novit, an non ille suam mentem mutaverit, vel ob complacentiam in persona absolutè deinde consenserit? & si non tempore contractus, saltem post illum? & ob hanc incertitudinem, etiam probatio conditionis apposita, aut protestationis coram alijs factæ, non videretur ad concludendum nullitatem matrimonij sufficere: qui enim simpliciter consensum negat, hanc negativam probare planè nequit, cum per rerum naturam factum (ergo multo magis consensum purè internum) negantis probatio nulla sit. *L. Actor.* quod asseverat. *C.* de probat. Nihilominus quia, ubi probations directæ haberi nequeunt, tunc id, quod per circumstantias, & præsumptiones probatur, verum esse censetur. *arg.* *c. tertio loco.* *5. de probat.* nisi altera pars oppositum probaverit, ut docet cum alijs Reiffenst. lib. 2. tit. 19. n. 67. poterit Juxdex, ut dictum, ad sententiam nullitatis conjugij descendere. Sed haec incidenter retigisse sufficit, amplius de probatione, ad nullitatem matrimonij necessariâ, alibi tractatur.

21. Illud notandum, quod tametsi
tale matrimonium juxta allegata laboret
vitiō nullitatis, confessarium tamen in-
ducere debere, ut illud novo consensu
ratificetur, & hoc ob bonum prolis, si
quæ suscepta supponatur, ad vitandum
scandalum, aliudque incommodum, quod
inde timeri fors posset; & pœnitens tan-
tò facilius eò inducetur, ut ex necessita-
te faciat virtutem, quanto magis con-
derit in Divinam bonitatem, quæ hanç
staudem, quam patitur, aut passus fuit,
aliis felicitibüs indubie alleviabit. Si
denique dicta pericula, & incomoda non
adsint, nec pœnitens animum revalidan-
di matrimonium habeat, in foro tamen
externo intentum suum non assequatur;
ita se gerat, ut nullatenus jure matrimo-
niali erga uxorem utatur sive activo, sive
passivo, sed eidem, tanquam frater soro-
ri cohabitet per ea, quæ delicto, & illicito
usu matrimonij traduntur: nisi forsitan
causam divortij objicere, & evincere pos-
sit. Dum verò fugæ ad aliam Regionem
locus erit, arripiat illam, modò sine scan-
dalo, & aliorum damnorum timore con-
suli valeat, & in alia Regione aut
cœlibi magat vitam, aut aliud conjugium
attenter, prout sibi magis expediens vi-
sum fuerit. Sed de hoc ultimo vide, quæ

infra agendo de *Impedimento Voti solemnis* fusè dicam, & probabo à N. 54.

CONDITIO.

§. I.

Explicatio Conditionis.

22. **V**arias esse conditiones, & qualitates personam, matrimonii contrahentem, sufficientes, visum est in priori Impedimento: sed in præsentiarum venit conditio servitutis propriè talis duntaxat consideranda. *Propriè talis*, inquam; cùm enim servitus dicat subjectionem ad alterius dominium, sicut variò modō hæc subiectio contingere potest, varia quoque est servitus: & quidem, ut nihil dicam de Famulis, qui ad tempus tantum servitia Domino locant: alij sunt servi *adscriptitiij*, qui glebæ, aut prædio colendo perpetuum addicti, sine Domini licentia inde recedere nequeunt, & redditus Domino applicare tenentur, demptis iis, quæ sunt ad viatum necessaria, & ad recompensationem expensarū, in colendo prædio absumptarum. Alij sunt originarij, qui scilicet ex *Adscriptitijs* originantur. Alij denique propriè tales,

in quorum personas, & actiones magnum
Dominus obtinet Dominium, cum eos
& mittendi in longinquas, & vendendi, ac
commutandi arbitrium habeat.

23. Et haec est dura illa servitus,
quam Innocentius graviter deplorans,
de vilitate humanae conditionis exclamat:
O extrema conditio servitutis! natura libe-
ros genuit, sed fortuna servos constituit. Ser-
vus cogitur pati, & nemo sinitur compati:
dolere compellitur, & nemo condolere per-
mittitur Extrema profecto haec servitutis
conditio est, quae ita enervat hominem,
ut civiliter sit quasi non ens. Homo sine
capite non est homo, & servus censembar-
tur olim esse acephalus *L. quod attinet 32.*
ff. de R. I. ac I. Politic. voluit Aristote-
les, illum ad Dominum pertinere, sicut
pecus. Verum quia haec servitus inhu-
mana prorsus est, placeat audire Docto-
rem Subtilem, qui *4. d. 36. q. 1. §. ad ar-*
gumenta inquit: magnam crudelitatem fuisse
in prima inductione servitutis, quia homi-
nem arbitrio liberum, & dominum suarum
actionum ad virtuosè agendum, facit quasi
brutum, & liberò arbitriò non utentem, nec
potentem agere virtuosè: quam libertatem
in servo etiam Sophocles agnovit, asse-
tens, quod etsi corpus servum sit, tamen
mens est libera: nec enim fieri justè potest,
ut

ut homini nulla præ bruto eminentia concedatur.

24. S. Ambrosio videtur, servitutem ab ebrietate progerminatam; ait enim: manebat ante vini inventionem omnibus inconcussa libertas: nemo sciebat à consorte naturæ suæ obsequia servitutis exigere. Non esset bodie servitus, si ebrietas non fuisset. At difficilis est Caramueli hæc sententia: fatetur quidem, paucos inter ebrietatis initium (quod fuit in Noacho Gen. 7.) & ebrietatem interseri annos: verum enim verò, ait in Theol. Fundam. l. 3. n. 3752. propter ebrietatem homines fuisse servitute damnatos, sicut non audeo asserere, sic nec D. Ambrosio adversari præsumo. Quidquid sit, indubium est, quod de vera innocent. c. 164. sentit S. August. Nomen, & conditionem servitutis culpa genuit, non natura. Dicit quidem Seneca 7. contr. 6. Nemo natus liber, nemo servus: hæc postea nomina singulis imposuit fortuna, sed id intelligendum videtur de indifferentia ad servitutem, & libertatem, quatenus ex sui primæva nativitate, aut origine homo natus quidem est liber, non tamen cum ea necessitate, ut talis permanere deberet, quamvis permanisset, si originaria culpa non præcessisset, tollens privilegium libertatis, & concedens fortunæ, ut alio-

aliquos servitute damnet per nativitatem (dum videlicet ab ancilla nascuntur) captivitatem, venditionem, aut justam etiam Principis sententiam, quam ut legem tulit Periander unus ex septem Græciæ Sapientibus, quæ in Antonio de Guevara l. 1. c. 40. ita legitur: *Si quis fortè in rixa alium interficerit, modò ne fraude sit, capite neutiquam luto: sed occisi fratris, aut consanguinei perpetuum servus est, quia, ut ibi additur, levior pœna est mors brevis, quam diuturna servitus: & secundum Curtium tib. 8. tristius morte est in servitute mori.*

Quomodo, & quando ex dictis modis aliquis justè servituti propriæ tali subjiciatur, videndum relinquo apud Jurisconsultos, & Canonistas in lib. 1. Tit. xxix. Decret.

§. II.

Impedimentum Conditionis.

25. **R**omani olim Cives servis, viliibusque personis non nisi contubernia concedentes, matrimonia inter sua tantum privilegia recensebant: *Inter servos, ait Paulus L. 2. Sentent. C. 20. & liberos matrimonia contrahendi non possunt, contubernium potest, quatenus Domini, non expedito servorum consensu, ancillas, aliás-*

aliásque fœminas illis jungabant, vel in perpetuum, vel ad tempus. Jure quoque Civili *L. cum ancillis 3. C. de incest. nupt.* omnia liberorum cum ancillis reproban-
tur matrimonia ea ratione, quod ex hu-
jusmodi contubernio servi nascantur, quos
utique consonum non est beneficium taliū
contuberniorum multiplicari. Verum
quia à veteribus Romanis practicata con-
tubernia fornicationis potius promove-
bant turpitudinem: nec enim sine con-
sensu, aut ad tempus tantum matrimonij
vinculum subsistit; allata quoque
Lex Juris Civilis, cuncta liberorum cum
ancillis irritans matrimonia, in hac uni-
versalitate approbari nequit.

26. Ideo *c. I. de conjug. servor. lex*
illa est emendata: *Juxta verbum Apostoli*
sicut in Christo JESU neque liber, neque
servus est à Sacramentis Ecclesiæ removen-
dus: ita nec inter servos debent matrimonia
ullatenus prohiberi: & si contradicentibus
Dominis, & invitatis contracta fuerint, nullæ
rationes sunt propter hoc dissolvenda: debita
tamen, & consuetæ servitia non minus de-
bent proprijs Dominis exhiberi.

Ex quo capit. evidens est *I.* posse ser-
vum cum ancilla & licitum, & validum
celebrare matrimonium, etiamsi desit
consensus Patroni: quemadmodum enim
jus

jus habent ad alia Sacra menta Ecclesiæ, cum statu servili compatibilia, & in utilitatem suscipientium duntaxat ordinata: ita non sunt privandi jure ad hoc magnū Sacramentum matrimonij. Meritò igitur à DD. redarguuntur illi Domini, qui similium conjugia prohibent, & impediunt. Matrimonium siquidem est ex fine suo secundario ad remedium fragilitatis naturæ, quæ sicut se apud omnes insinuat, ita hoc antidotum contra eam nemini, nisi qui se spōnte ab illo retrahit, negandum videtur: præsertim cum, ne Domini, aliquod damnum sibi inde ori-ri, lamententur, providè cautum sit, statuendo II servos nubentes ad servitia Dominis præstanda, omnimodè obligari; neque enim sine propria voluntate jure, sibi aliàs debito, privandi sunt. Verum de hoc ultimo amplius §. seq.

* 27. Unde maledicta, & crudelitatem sapiens est ex Scoto, ut priori §. visum. illa servitus, quam quidam invehunt, volentes servum nullam omnino sui corporis habere potestatem: proinde nec posse eam alteri tradere, quæ tamen traditio est de essentia contractus matrimonialis. Quāmquām verum sit, servum non habere illam liberam, & plenam corporis facultatem, quā gaudet, qui est à servitu-

vitute liber, sicutque talem facultatem,
& potestatem conjugi secum contrahenti
dare nequit, sed modicam tantum, &
multum limitatam: si tamen illa (ait
Scotus cit.) velit esse contenta illa modica
potestate, sive ad modicum usum (vult au-
tem hoc ipso, quod cum servo contrahat
scienter quem scit, eum posse dare, bene po-
test sibi ipsi præjudicare (in non accipien-
do amplio jure in corpus sponsi, quod ac-
ciperet præcisa conditione servili illius)
& tenet commutatio, maximè cum & illa,
ut pote pariter serva, seu ancilla, non ni-
si restrictam sui corporis potestatē spon-
so tradat.

28. Dixi autem N. 26. *Servum habe-
re jus ad Sacra menta Ecclesiæ, statui ser-
vili compatibilia &c. qualia sunt Baptis-
mus, Eucharistia, Pœnitentia &c. Nam
cum Sacramentum Ordinis propter vili-
tatem personæ servilis eandem dedeceat:
probrosum quippe foret, hominem, ob
servitutem vilipensum, sacris Characte-
ribus insigniri: non sine ratione c. 5. de
serv. non ordin. prohibetur servus sine
Domini consensu ordinari.*

29. Per omnia similis est decisioni
*Juris suprà N. 26. allatæ, declaratio Con-
cilij Cabilonensis II. quæ refertur c. di-
ctum est 8. xxix. q. 2. Nobis visum est, ut
con-*

conjugia servorum non dirimantur, etiam si
diversos Dominos (ancilla unum, servus
alium) habeant: sed in uno conjugio perma-
nentes, Dominis serviant suis. Nec obstat,
quod C. admittuntur dist. 54. Servi non
admittantur ad Professionem religiosam,
nisi cum consensu Domini, cum tamen
haec favorabilior sit matrimonij vinculū.
Quia enim, ut ait Scotus cit. locō, profitens
in Religione totaliter se submittit obedientiæ
Prælati illius Religionis, & in hoc ex toto
subtrahit se a consuetis servitijs Domini
sui: meritò ad Professionem non assumi-
tur sine voluntate Domini, ne hunc suo
jure, quod in illius servitia obtinet, in-
vitum fraudari contingat. At non sic, per-
git idem, contrahens matrimonium, sed so-
lùm in aliquibus actibus (se obligat suæ
conjugi) qui possunt stare cum hoc, quod il-
reddat servitia consueta Domino suo.

30. Validum igitur est matrimonium
servi cum ancilla, tum de jure, tum ex
natura rei ob æqualitatem, quæ in hoc
reperitur, quod neuter contrahens frau-
dem, aut detrimentum patiatur, sed qui-
libet potestatem limitatam sui corporis
alteri tradat, & talem in alterius cor-
pus vicissim recipiat. Si tamen servus
hujus esset animi, quod nollet aliquam
habere in uxorem, quæ non sit libera
(nec

(nec enim desunt, qui in commutatione ditescere cupiunt, plus, quam tradant, accipere volentes) si illa sit serva, hoc ipso matrimonium erit nullum, quod omnis qualitas, consequenter & servitus possit venire in conditionem hujus contractus, ut constat ex dictis de *Impedimento Erroris*.

31. Ultrà statuitur d. t. c. 4. Mandamus, quatenus si constiterit, quod miles (aut quicunque aliis) ignoranter contraxit cum ancilla ita, quod postquam intellexit conditionem ipsius, nec facio, nec verbô consenserit in eandem, contrahendi cum alia liberam ipsi concedas auctoritate Apostolicæ facultatem. En impedimentum dirimens inter ingenuum (ita appellatur liber) & servam, seu ancillam. Ad quod tamen.

32. Requiritur I. ut Ingennus ancillam, quacum contrahit, ignoret esse tallem: siquidem si ancillam eam scierat, & collaudaverat (volendo illam in uxorem) prout legitimam eam habeat. Similiter & mulier ingenua de (cum) servo alterius facere debet. can. 6. caus. & q. cit. Si enim ea ab ancilla habere non poterit, quæ posset a libera, sibi imputet, quod tales deponere voluerit.

33. Sed quæ ignorantia statutus servilis sponsæ sufficit ad hoc impedimentū?

Respondeo P Mastrium 4 d. 7. n. 396. ex
Sanch. judicare, quod sufficiat etiam vin-
cibilis; quamvis enim haec ignorantia,
dum agitur de culpa vitanda, aequipare-
tur scientiaz, & ideo a peccato excusatur
ille tantum, qui id, quod facit, invinci-
biliter ignorat esse peccatum: dum ta-
men agitur de valore actus, etiam invin-
cibilis ignorantia locum habet. Potuit
quidem, qui aliquam in uxorem elegit,
inquirere, cujus illa conditionis sit (nec
enim in matrimonij cœcè festinandum
est), quia tamen, omissa etiam hac explo-
ratione, quam fors vehemens impedivit
amor, actu credidit esse liberam, semper
verum erit, illum in ancillam nullum
habuisse consensum.

Nihilominus non nego, ignorantiam
servitutis allegantem, haud aliquam
in judicio mereri fidem, dum servitus per-
sonæ publica erat, quia, ut notat Abbas,
quæ vulgo nota sunt, sciri ab omnibus
præsumuntur. Non nego item, contra
matrimonium non posse agere illum, qui
dubitans, an, quam ducere cupit, sit an-
cilla, non expectata ulteriori informa-
tione actu illam dicit; cum enim pericu-
lum, ne servam habeat in uxorem, nihil
estimare videatur, etiam servam illi gra-
tam esse, convincitur.

34. Requiritur II. ut postquam intellexerat, eam esse ancillam, nec factō, nec verbo consenserit in eandem, ut textus dicit. Non verbō, id est, matrimonium non ratificando per novum consensum. Non factō, seu eam non amplius carnaliter cognoscendo: nam si cognita illius servitu-te, adhuc in matrimonio permaneat, aut si eam carnaliter cognoscat, ut eam sicut uxorem maritali (deinceps) affectione per-trahet, compelli debet, rescripsit Alexander III. c. 2. d. i. Nec audienduserit in judicio, si asserere voluerit, se non jure matrimonij, sed affectu tantum fornicario carnaliter illi comixtum fuisse: hanc siquidem contra se allegans turpidinem rejicitur in judicio externo, in quo nemo supponitur malus, aut fornicator, donec id non probetur.

§. III.

Proponuntur aliqua dubia.

35. **Q**uæres I. An Patronus possit ser-vis, qui se invito conjuges facti sunt, impedire usum matrimonij, servum e. g. ad unam, & ancillam ad aliam mittendo Regionem? Respondet Scorus cit. cùm causa matrimonij sit favorabilis (& usus illius conjugatis aliquando, etiam quoad conscientiam, multum uti-

lis) inducendi essent Domini (utique ex lege charitatis) ne voc facerent: sed si facerent, non apparet, qualiter supposita servitute facerent contra justitiam; quia iste (servus) prius fuit in potestate Domini, ut mitteret eum illuc, immo ut venderet (si vendere, à fortiori mittere, quò libuerit) eum: & similiter illa (serva) in potestate Domini sui, similiter quantum ad alium locum: & per actus proprios (id est per contradictum sine Domini voluntate matrimonium) sine voluntate Dominorum non potuerunt se facere liberiores, nec se à jure Dominorum suorum magis eximere, quam prius: igitur adhuc licet Domino mittere, quò voluerit.

36. Quæres II. Si uxore, debitum matrimonij petente, Dominus à marito servo exigat aliquod servitum, cui hic parere debet? Respondet P. Carolus Franciscus à Breno in *Manual. Missionar.* c. 5. q. 48. maritum favere debere uxori, postposito pro illo casu servitio Domini: sicut enim Dominus nequit impedire matrimonium ex NN. 26. & seqq. ita nec debitum reddendum, quod est effectus matrimonij, nam cui jus aliquod conceditur, etiam exercitium concedi censetur. Imo si id aliquando liceret Domino, liceret semper, sicque totum jus in usum matrimonij

monij corrueret. Accedit, quod debitum reddere ad petitionem uxoris obligetur maritus ex jure naturæ, servire autem Domino ex Jure Gentium, ex quo servus introducta est: cum igitur fortius liget jus naturæ, debitum potius præstandum erit. Denique concurrere potest in uxore periculum majoris peccati, nisi vehementi ardori carnis per maritum satisfaciat, cui periculo omnimodè obvian-dum est. Et pro hac sententia citatur D. Thomas. D. Bonavent. & multi alij.

37. Verum quia resolutio prioris quæsiti aliud suadet, & consequentia doctrinæ servari debet, per sequentes Affer-tiones respondeo.

Affero itaque I. nisi obsequia servi sint Domino pro illo tempore necessaria, aut multum utilia, ex lege charitatis de-bere servum relinquere uxori, donec huic satisfaciat. Nisi, inquam, obsequia servi sint Domino necessaria, aut multum utilia; hoc ipsò enim, quod maritus sit servus, jus habet Dominus illò utendi, quo jure spoliari non debet in grave proprium de-trimentum propter commodum alterius: nec ad id obligat charitas. Nec urget, ser-vum esse fortius obligatum uxori, videli-cet ex jure naturæ, quod prævalet juri Gentium, ex quo tantum obligatur ad

obsequia Domini. *Etenim* sicut servus in contra^{ctu} matrimonij non potuit se obligare ad usum illius, nisi in quantum sine damno Domini licuerit, aut sine præjudicio: ita nec uxor accepit jus ad postulandum debitum, nisi sub simili conditione; tantum enim accepit, quantum ille dare potuit: adeoque deficiente in illa jure petendi, maritus non obligatur ex jure naturæ ad reddendum debitū, sed potius ad serviendum Domino.

At uxor (ais) indubie labetur in peccatum carnis, nisi per maritum satisfiat. Respondeo, omnia peccata liberè committi: si voluerit, peccabit, secūs, si noluerit: proinde maritō, in servitijs Domini occupatō, in uxor's arbitrio erit, aut labi in peccatum, aut stimulis, quibus agitatur, masculè resistendo, se ab omni labe præservare. Quid faciunt Cœlibes, qui beneficiō matrimonij carent: homines sunt, ut alij, sentiunt aliam legem in membris suis: habent & illi stimulum carnis, qui illos quandoque colaphizat, nec tamen omnes labuntur, sed clamantes ad Dominum, confidunt in illud Paulο dictum: *Sufficit tibi gratia mea.* 2. Corint. II. Immò multi etiam conjugati alijs negotijs inhærentes, proficiscuntur in longinqua, & quis assecurat uxorem,

domi

domi manentem, ab insolentia carnis? In conjugio casus multi occurunt, in quibus conjuges sine culpa, sed non sine causa abstine-re coguntur. c. quoniā. 6. ut lite non contestatā.

38. *Affero II. Dominum* (præcisa necessitate) à fortiori non posse sine læ-sione charitatis servum pro semper ita applicare servitijs, quod numquām tem-pus supersit utendi uxore. Patet ex huc-usque dictis. *Nec opponas*, quod dum Do-minus potuerit servum ita applicare ante contractum matrimonium, si post illud non posset obstante præcepto charita-tis, sine sua culpa, aut voluntate per-deret aliquid de suo Jure in servū, quod non videtur admittendum. *Nam* nihil novi est, quod quandoque aliquis ob va-riias circumstantias remittere ex charita-te teneatur aliquid de suo jure, ut con-stat de puella, quæ quidem jus habet pro-spiciendi per fenestram, à quo tamen ju-re desistere debet, etiam sine sua culpa, dum advertit, se à Juvene expectari sub fenestra, qui eidem insidiatur: & hoc, ne se ostendendo, occasionem præbeat inter-nè lasciviandi. Charitas igitur respicit proximum, ad quem semper attenden-dum, ne per exercitium Juris, quod quis obtinet, illi detur occasio ruinæ, aut e-tiam impediatur ab aliquo magnobono.

39. Assero III. Quàmvis Patronus præceptô charitatis adstringatur, ne impedit servum à reddendo debito uxori, illud postulanti, & hoc conformiter ad Assertionem primam: si tamen impedit, non peccabit contra justitiam. **Quia**, ut dictum *ibidem*, potest salvâ justitiâ Dominus mittere servum maritum, ad aliam etiam Regionem, eumque *ibidem* detinere, quo casu debitum uxori reddere non poterit: ergo etiam potest illæsâ justitiâ impedire illum ab exsolvendo debito, dum id *uxor* anhelat. Immò ut dictum N. 37. *uxor* non habet jus ad exigendum à marito debitum, dum eō Dominus uti voluerit.

40. Assero denique IV. directè ad quæsumum: servum debere ex justitia Domino potius parere, servitiū imponenti, quàm uxori debitum urgenti. Hoc ipsò enim, quod Dominus *ex priori Asserto* non peccet contra jus, dum tali casu servitium imponit, sicque habeat jus illud imponendi: necessariò infertur, in servō esse jus passivum præstandi illud obsequium, cùm jus activum, & passivum sint correlative. Peccabit quidem Dominus contra charitatem *ex Assertione I. & II.* si id fecerit, quia facile pro hoc casu potuit suum jus remittere, non jubendo servitiū ul-

ullum: at non peccabit servus, si reliqua
uxore Domino paruerit, quia habuit pa-
rere necesse: & imputari non debet ei, per
quem non stat, si non faciat (non reddat
conjugi debitum) quod per eumerat facien-
dum, R. 41. I. in 6.

41. *Quæres III.* An idem dicendum,
si Dominus consensit in matrimonium
servi cum ancilla? Respondeat Doctor Sub-
tilis loc. cit. *Dominus concedens* (servo)
contrahere (matrimonium) *relaxat impli-*
citè illa servitia consueta (nisi expresse
contrarium excipiat) *Et si Dominus po-*
stea revocaret istam concessionem, utpote ip-
sum totaliter (ergo aliquando non prohi-
betur id facere) *impediendo à copula car-*
nali, vel mittendo eum in partes longinquas,
vel detinendo eum in laboribus ita, quod
non posset aliquando visitare uxorem, pecca-
ret mortaliter, & in manifestis (en manife-
stum, & evidens hoc Scoto est!) *esset per*
Ecclesiam corrigendus, si scilicet sit fide-
lis, & Ecclesiæ subdus.

42. *Quæres IV.* Sed quid? si dum In-
genuus ignoranter contraxit cum ancilla,
& ita invalidè, detecta postmodum puta-
titia uxoris servitute, vellet nihilomi-
nus in matrimonio permanere, illa au-
tem separationem urgeret, deberétn
cogi ad persistendum in matrimonio? Re-

spondeo, inculcandum illi præceptum charitatis, vi cuius ad vitanda scandala, ad magis providendum prolibus, & ad obviandum alijs inconvenientijs ad permanentium in matrimonio obligatur. Cogitem potest à Judice Ecclesiastico, & hoc in pœnam delicti, quia scilicet se liberam simulando decepit maritum, qui talem esse creditit. Si tamen scandalum in aliquo casu cessaret, nec alia damna ex iustitia reparanda essent, vel aliâ viâ, quam ratificando matrimonium, resarciri possent: nec præceptum Judicis urgeret, aut si urgeret quidem, sed ab illa, licet non absque peccato, contemneretur, & proinde consensum renovare nollet, certum videtur, matrimonium, non obstante renovatione consensūs à marito factā, nullius esse roboris, cum illud utriusque requirat consensum.

43. *Quæres V. Quo Jure conditio servitutis dirimat matrimonium? Respondeo contra Pirhing, Schambog. & alios cum Scotistis communiter, illud dirimere de Jure naturæ, & non merè positivō Ecclesiasticō. Ratio urgens est; quia nemo prudens, nisi id alias constet, censendus est, se ipsum in contractu oneroso graviter damnificare velle, aut sibi magnum inferre præjudicium; quis enim hoc supponet*

ponet? jam verò matrimonium est contractus onerosus, & liber vi illius dat potestatem ad plenum, & illimitatum usum sui corporis, ad valdè autem restrictum accipit ab ancilla, immò fors ad nullum, si contingat eam à Domino suo continuis servitiis occupari, aut aliò mitti; nec nisi tam modicum, & valdè dubium sui corporis usum illa promittere potest in contrafactu matrimonij hōc ipsō, quod sciat, se ancillam esse, & ab arbitrio Domini pendere: adeoque cum tanta inæqualitate dati, & accepti, ex qua gravissimum Ingenuo accidit damnum, non est ullò modō censendus in hoc matrimonium consentire.

Et hoc est, quod Scotus cit. ait, impedire scilicet conditionem servilem eum, qui commutat potestatem sui corporis cum potestate in corpus uxoris, ne recipiat tantum, pro quanto intendit commutare. Accedit, quod nemo censeatur consentire, aut velle tale matrimonium, ex quo sua posteritas mancipati subjiceretur, cum potius quivis ad bonum suæ successionis aspirare soleat: Ex matrimonio autem, cum ancilla initō, non nisi mancipia nascuntur juxta dicenda N. 47. Constat igitur defectum consensū in tali casu non oriri ex eo, ut quidam

dam supponit, quod servitus repugnet substantia matrimonij: hoc enim compatible esse cum servitute negari nequit propter dicta N. 26. Sed quia in ipsa commutatione corporum, quae principale est punctum hujus contractus, valde notabilis intercedit inæqualitas, & liber, si ita loqui liceat, læditur infra dimidium.

44. Imò si attentiùs legantur ea, quæ AA. dicunt, evidens erit, illos idem sentire, licet in conclusione differant. Etenim Schambogen, si interrogetur, cur error circa servitutem dirimat matrimonium, non sic error circa alias qualitates: respondet, agendo de servitute, his verbis: *quia error conditionis servilis contingit propriè circa ea, quæ sunt de matrimonij essentia, & ad illius substantiam pertinent, quod non fit in errore alias qualitatum.* Apertiùs loquitur Pirthing. Tit. de conjug. servor. n. 5. vel enim contrahit quis cum ancilla, ignorans esse talem, sed putans esse liberam, & tunc matrimonium non tenet: sed quare non tenet? propter errorem, ait, qui consensum excludit. L. si per errorem 15. ff. de jurisdict. ubi dicitur: cùm non consentiant, qui errant, quid enim tam contrarium est consensui, quam error, qui imperitiam detegit? Amplius se exprimit in Notat. 2. ponens differentiam inter servitu-

tem,

tem, & alias qualitates, additque: et si servitus per se substantiae matrimonij non repugnet (quod ultrò fassus sum N. præcedent:) obstat tamen ejus causæ, nempe liberati consensus. Nonne hoc idem est, quod nostra sententia propugnat? an autem hoc sit dirimere matrimonium Jure duntaxat Ecclesiastico, & non potius Jure naturæ? nemo non videt. Hoc posterius igitur tenendum est, & per consequens exinde inferendum, hoc impedimentum non tantum fideles, sed ligare etiam Infideles, quorum consensus similiter necessarius est ad illorum matrimonia.

§. IV.

Resolvitur casus de Conditione Servitudinis.

ORONTIUS de præsenti sibi desponsavit Liberatam, sua conditione quidem ancillam, sed quam credidit fuisse Ingenuam. Post cursum unius anni Liberata manumittitur à Patrono, & libertate donatur. Oroncius verò, quia sicut in principio ignoravit servitudinem sponsæ, ita secutam dein manumissionem, continuat quidem Jura matrimonialia: verum postquam lapsò ab hac manumissione tempore aliquo venit in notitiam primæva servitudinis Liberata, unde quoque

instruclus erat de nullitate matrimonij, valori illius obstante servitute; querit, an uxorem suam dimittere possit?

45. Respondeo cum distinctionibus varijs hoc in casu procedendum esse; etenim vel servitus Liberatæ erat oppidò nota, vel non? si ita: Orontio afferenti, se eam nescisse, in foro fori non creditur, ut notatum N. 33. si non erat publicè nota, Orontio facilè credetur, quod bona fide putaverit illam esse liberam, donec ab ea ostensum non fuerit, Orontium scivisse servitutem, & ea non obstante matrimonium attentasse: nam ignorantia præsumitur, ubi scientia non probatur, R. 47 I. in 6. Quantum ad hoc igitur, matrimonium videretur nullum. Verum quia in casu dicitur, Orontium etiam post manumissionē Liberatæ maritali consuetudine convixisse, interrogandus est, an id factum durante tantum ignorantia servitutis: vel verò, an unicum saltem actum conjugalem exercuerit cognita jam servitute? si primum: pronuntiandum contra valorem matrimonij. Si secundum: per copulam, utpote quæ supponitur affectu maritali facta, censeretur ratiificasse matrimonium priùs nullum per ea, quæ dicta sunt N. 34.

Dixi: censeretur; non enim id absolute

lute tenendum, sed adhuc inquirendum,
 an copula fuerit habita, postquam in-
 structus etiam erat, servitutem Libera-
 tæ fuisse impedimentum dirimens matri-
 monij: vel antecedenter tantum? si pri-
 mum; currit id, quod dictum est de revali-
 datione, seu ratificatione matrimonij.
 Si vero commixtus ille erat post cognitam
 quidem servitutem, sed nesciens adhuc,
 eam valori matrimonij obstat: poterit,
 non obstante commixtione carnali, Li-
 beratam dimittere: Ratio est; quia hanc
 commixtionem non practicavit, nisi ex
 errore, quô credidit, matrimonium esse
 firmum, licet sponsa fuerit serva: qua-
 propter copula, ex hoc errore exercita,
 non potest habere vim impliciti consen-
 sus, aut ratificationis matrimonij, cùm
 nihil sit tam contrarium consensui, quam
 error. L. si per errorem 15. ff. de jurisdict.
 prout amplius docetur agendo de revali-
 datione matrimonij, ad quam videlicet
 requiri dicitur, ut revalidanti constet
 prior nullitas illius.

46. Duo adhuc observanda sunt in
 hoc casu. I. Orontium, quâmis, supposi-
 tis juxta mox dicta supponendis, posset
 recedere à Liberata ob nullitatem matri-
 monij; inducendum nihilominus esse ad
 sanandum defectum, & vitium illius,

OS SG

conformiter ad cit. N. 42 propter vitandum videlicet scandalum, bonum prolium, si quæ susceptæ sint, & bonum ipsius etiam uxoris, maximè cùm à vinculo, & duro iugo servitutis manumissa, plena fruatur libertate. **II.** Quòd si Orontius, nec quidquam faciente hac charitatis obligatione, se ex nullitate matrimonij liberare ab uxore velit, pariter eidem dotem, si quam habuit, in integrū reddere tenetur, textu claro cit. c. 2. de conjug. servor. si verò aliter fuerit, & sententiam divorciij proferri contingat, mulierī pecuniam, quam p̄fato viro pro dote concessit, restitui faciatis.

47 Pro coronide hujus materia scis. citaberis, quale judicium de prolibus, ex ancilla genitls, formandum? sūntne ingenuæ, vel servæ? Respondeo in aliquibus Provincijs consuetudinem obtinere, quòd proles sequantur conditionem Patris, non attenta servitute, aut libertate Matris, ut legitur d. i. c. 3. Cœterū præcisa hac consuetudine, de Jure communi, proles genita à Matre, in servitute constitutâ, servituti pariter subjicitur per L. partum 7. C. de rei vindicat. obtinetque hic illud tritum: *partus sequitur ventrem*: Intellige, si Mater nec tempore conceptionis prolis, nec nativitatis, nec intermedio

medio libera fuerit: nam sufficit Matrem liberam fuisse eo tempore, quô nascitur, licet ancilla conceperit: & è contrario, si libera conceperit, & dein ancilla pariat, placuit eum, qui nascitur, liberum nasci: ut habetur Inst: de Ingen. in prin. quia enim libertas res inestimabilis est, L. libertas 105. de R. I. ne prolem illâ privari contingat, Jura libertatem Matris pro quocunque tempore, quô proles suum esse accipit, aut habet, sufficere volunt.

V O T U M.

§. I.

Explicatio Voti.

48. **V**otum est promissio DEO de meliori bono liberè facta: & quia Deus est amator bonorum, mox ac votum ab aliquo elicetur, illud acceptat, ex qua acceptance votens, qui erat liber in votendo, fit debitor in reddendo. *De cætero reliqua universa (aliunde non præcepta) non profitentibus (non voventibus) quidem monita tantum, seu consilia censa da sunt, nec gravant non observata: cum tamen profitentibus in præcepta, prævaricantibus in criminis fiant.* S. Bernardus lib. de præcept. & dispens. c. 3.

49. Tot sunt vota, quot actus virtutum aliunde imperati, sive sub consilio tantum commendati: at in proposito illud tantum consideratur, quod est castitas, nec omne, sed solemne duntaxat, quod consistit in Professione religiosa: *Præsentis declarandum duximus oraculo sanctionis* (ait Bonifacius VIII. c. un. de voto in 6.) illud solum votum debere dici solemne, quantum ad post contractum matrimonium dirimendum, quod solemnizatum fuerit per susceptionem Sacri Ordinis (sed de hoc infra, dum de impedimento Ordinis) aut per professionem expressam, vel tacitam, factam alicui de Religionibus, per Sedem Apostolicam approbatâ.

50. Est autem Professio religiosa *Promissio liberè facta, & legitime acceptata*, quâ quis, in debita etate constitutus, post annum probationis se adstringit cuidam Religioni, ab Ecclesia approbatâ. Ex qua descriptione constat. *I.* requiri: ut fiat liberè, & quidem, quia est opus summè arduum, plena libertate, ob quod non admittit vim, nec metum gravem, & injustum: per omnia dicenda de *Impedimento Vis, seu Metûs*: Imò error etiam, qui substantialis est, illi nocet. *II.* Requiri etatem determinatam, quæ est annorum 16. completorum ex Tridentino *sess. 25. c. 15.* *III.*

III. Ut non fiat, nisi post expletum
Probationis annum: nec qui minori tempo-
re, quam per annum post susceptum habi-
tum in probatione steterit, ad Professionem
admittatur: professio autem antea facta sit
nulla &c. Trident. l. c. An autem annus
iste debeat esse de momento in momentū
completus, non conveniunt Doctores: P.
Reiffenst. l. 2. tit. 31. & n. 94. usque n. 103.
defendit, affirmativam sententiam esse
in praxi omnino tenendam. Sed Cara-
muel Theolog. Reg. n. 2230. negat, rem
practicam, & moralem debere tanto rigo-
re ad Mathesin reduci: nullus enim do-
cuit Abbates, & Monachos momenta
numerare: & Tridentinum jubet quidem
Novitios esse per annum probandos: at
hunc annum de momento in momentum
computari non jubet: Concordat Mar-
chantius Tribunal. Sacram. tom 3. tract. 3.
tit. 1. q. 4. conclus. 2 ubi probat, non esse
attendenda momenta Mathematica, aut
Astrologica horarum, sed sufficere, ut
quis die anniversaria simpliciter profitea-
tur. Et si alicubi constitutiones con-
trarie emanarunt, id non factum de
necessitate, sed ad præcludendas recla-
mationes dolosas, & impertinentes eorum,
qui se sectari fingerent Opinionem alter-
de horis, & momentis.

IV. Ut fiat in aliqua ex Religionibus, à S. Sede approbatis. *arg. c. cit. un. de voto in 6. & c. un. de Religios. Domib. in 6.* *V.* Denique debet adesse consensus illorum, vel illius, qui possent auctoritate admittendi ad professionem, *arg. c. ad Apostolicam sedem. 16. de Regul Professio enim est contractus onerosus & professum, & religionem obligans Noñe Regularis ipsa professio (S. Bernardus l. cit. c. 4.) quā se junior subdit sponte Priori, aequè adligat Priorem? communis eisdem pacti pari reor utrumque necessitate teneri, fierique duos per unius sponsionem alterutrum debitores: fidelis curæ unum, alterum humilis obedientiæ. Facultas itaque profitendi à Superiore petenda est, cuius petitionis omissio facit quidem professionē invalidam: si tamen nomine Prælati, aut Superioris admissa erat, per facultatem, & consensum deinde accedentem suppletur defecitus prior, & professio ex integrō sanata, reparatur, & ad valoris firmitatem reducitur: dummodò ante ratificationem, & consensum, à Prælato deinde obtentum, professus interim mutando voluntatem à professione non resiliat. *Pithing ad 2. Decret. tit. 31. n. 136. Reifsenst. ibid. n. 170. per Jura, & rationes ab illis allatas. Quæ omnia currunt quo-**

quæ

que de consensu Capituli, seu Conven-
tūs, quando is ultra consensum Prælati
requiritur.

51. Et hæc de solemnī voto professio-
nis adnotāsse sufficiat: qui plura scire de-
siderat, adeat Theologos, & Ecclesiasti-
ci Juris Consultos, copiosè hanc materi-
am pertractantes.

§. II.

Impedimentum Voti solemnis
quantum ad matrimonium sub-
sequens.

52. **J**AM olim Justinianus Imperator,
perpendens gravitatem sceleris in
eo, qui Virgines, DEO per votum sacra-
tas, ad matrimonium solicitare attenta-
verit, sacrilegum hunc ausum morte ex-
piandum duxit. L. 5. C de Episcop. &
Clericis. Si quis, non dicam, rapere, sed
attentare tantum, jungendi matrimonij cau-
sa sacratissimas Virgines ausus fuerit, ca-
pitali pœna puniatur. Summi verò Ponti-
fices non tantum excommunicationis sen-
tentiam fulminant in hos sacrilegos, sed
insuper Personas, solemnī voto Deo di-
catas, ad omne conjugium plenè inhabi-
litant, ut constat ex c. 3. qui Clerici, vel
voventes, ubi consultus Alexander III. Re-
spondemus inquit, quod si quisquam, qui

se Religioni devovit, & habitu suscep^to professionem fecit, postquam sibi aliquam copulaverit, est cogendus ab ea recedere &c.
& Trid. sess. 24. de Sacrament. Matrim. can. 9. clarissime: Si quis dixerit, Clericos in sacris Ordinibus constitutos, vel Regulares castitatem solemniter professos, posse matrimonium contrahere, contractumque validum esse, non obstante lege Ecclesiastica, vel votō &c. anathema sit. Cūm enim castitatem in professione solemnī spondens, se, suūmque corpus Deo in holocaustum offerat, indignum esset, si illud per matrimonium conjugi ad usum concederet. Nec potest Deo firmiter adhærere, terrenis solitudinib^s implicatus; nam qui uxore premitur, cogitat, quae sunt mundi: quomodo placeat uxori, & divisus est. 1. Cor. 7.

53. Præter solemnem professionem, in qua tria, paupertatis videlicet, castitatis & obedientiæ solemnia vota emituntur, etiam ea, licet simplicia sint, emissa in Societate IESU à Novitijs post biennium probationis, dirimunt, non quidem in perpetuum, sed ad tempus duntaxat: cūm enim rationabili ex causa, ut loquitur Gregorius XIII. Bullā: quanto fructuosiū, anno 1582. datā: juxta constitutiones easdem (Societatis) à Preposito Gen-

Generali dimitti, & à votis hujusmodi liberari possint: certum est, sic liberatos, nisi aliud obstet, habiles iterum reddi ad matrimonium. Sed de his votis plura apud DD. Societatis. Dirimit item matrimonium simplex votum castitatis, quod emittere debet uxor, quæ post matrimonium consummatum viro licentiam dat suscipiendi sacros Ordines, ut multis cit. tradit Sanchez l. 7. de matrim. disp. 40. per totam. Ob quod nequit illa, etiam post mortem viri ad Ordines promoti, alteri nubere, prout statuitur c. quia sunt 10. dist. 28. ibi. Si in conjugio Diaconi mulierem, de qua agitur, fuisse constituerit ---- ij, qui male sociati sunt, disjungantur. & can. seriatim, dist. 32. Quia tamen in his locis vis dirimendi matrimonium, post mortem viri ineundum, non attribuitur voto, cuius nec fit mentio: ob quod etiam uxor, quæ licentiam dedit marito ad Ordines ascendendi, licet illa continentiam non voverit, inhabilis fit ad aliud matrimonium post mortem viri, ut docet Sanchez l. c. censeo, eam inhabitatem non provenire à voto uxoris, quod simplex est, sed potius uxori interdictum esse ab Ecclesia sub nullitate aliud conjugium, sive voverit continentiam, sive non.

Porrò ex hoc non licet inferre, idem

sentiendum esse de uxore, quæ post consumatum matrimonium facultatem præbuit viro ad professionem Religiosam: quamvis enim teneatur castitatem vovere ex c. cum sit, de convers: conjug. & c. ad Apostolicam Sedem, eod. cum tamen nullibi in Jure irritetur matrimonium, quod post mortem mariti attentaret, tenendum est, illud fore quidem validum, sed illicitum, utpote impediente simplici voto contractum.

54. Quæres I. Est ne impedimentum dirimens professio, dum eam esse nullam contingit, aut ob defectum consensūs, aut ætatis debitæ, nec hic defectus probari potest? Caramuel in *Theolog. Regul. tom. 2. n. 1541.* hanc ponit assertionem numerō octavam. *Religiosus, qui evidenter scit, se invalidè fuisse professum, id tamen plenè probare non potest, si uxorem ducat, matrimonium invalidum erit, & nullum, & hæc assertio, si nullitas Professionis proveniat ex defectu consensūs purè interni, est illi manifesta: si verò ex defectu externo, occulto tamen, videtur eidem, esse statuta ab Ecclesia.* Hoc ut demonstret, recurrit ad fundamentum ex L. Barbarius 3. de officio Prætor. quod nimis error communis ob bonum publicum Jus tribuat: contingere namque potest;

test, illum, qui publicè creditur superior, aut Judex, ob latens aliquod impedimentum talem à parte rei non esse, sicque omni authoritate destitui: ne autem causæ, jam semel coram illo terminatæ, ad tribunal iterum revocentur, prœmia, benè meritis ab illo collocata, excidant, & pœnæ restitutioni, aut refusioni subjaceant: prudentissimè statutum est, omnia à tali Judice acta esse valida, utpote cum Jus, & potestatem, quam à parte rei non habet, ob bonum publicum, stante tali errore communi, ab Imperatoribus accipiat, in quantum illi defectum supplere voluerunt.

55. Præmissò hōc fundamento sumit Caramuel. I. dictum exemplum Judicis, qui quāvis à parte rei non sit talis, quia tamen creditur esse, statuente id Jure, omnia, quæ agit, valida sunt, sicut acta veri Judicis: ex quo infert, quod estò Petrus ob defectum consensūs pure interni à parte rei non sit professus; quia tamen creditur communiter ut talis, se etiam ut verum professum gerere debet: quemadmodum igitur verè professus ducere uxorem non valet, ita nec Petrus.

56. II. Urget idem exemplum de Judice, qui ob latam in eum excommunicationis sententiam, sed quæ à parte rei

injusta est, tenetur se gerere ut communicatum, nec actus Judiciales validè exercere potest, id est, non punire, non præmiare, non jubere &c. quia videlicet communiter creditur, quod sit justè excommunicatus: pari igitur ratione, qui supponitur esse verè professus, quamvis coram Deo non sit, validè ducere uxorem nequit.

57. III. Qui contra invalidam professionem intra quinquennium non opponit, postmodum non auditur amplius: non audiatur, prohibet Tridentinum sess. 25. de Regul. c. 19. nisi intra quinquennium tantum à die professionis: sed habeatur tanquam verè professus, omnibus illis privilegiis fruatur, quibus alij professi; & inde est, quod possit ad titulum paupertatis initiari Sacris Ordinibus, promoveri ad Prælaturas, habere vocem in Capitulo &c. ut omnes DD. sentiunt: si igitur similia illi valida sunt ex eo, quod credatur esse verè professus; eadem ratione invalida illi erunt, quæ talia sunt respectu aliorum Religiosorum verè professorum, uti sunt contractus matrimonialis, emptionis, venditionis &c. obstantibus votis castitatis, & paupertatis.

58. Cùm vero hæc fundamenta applicari valeant matrimonio, quod quis fit

tē contraheret cum aliqua ; nam & talis crederetur cum consensu contraxisse, & matrimonium in facie Ecclesiæ reputaretur validum , licet à parte rei, & coram Deo foret nullum. Caramuel *ibidem* consequenter resolvit, hoc matrimonium esse impedimentū dirimens respectu alterius, quod relata priore conjugē contraheretur cum alia : unde ita contrahens ab Ecclesia cogeretur redire ad primam , & juberetur illi convivere ; & quia illā tangere non auderet , cùm illius maritus à parte rei non esset, teneretur consensum , qui defuit , de novo elicere , quō factō licentia matrimoniali uti posset.

59. Verū ab opposita sententia , quæ in DD. tūm de professione Religiosa , tūm de matrimonio tractantibūs, passim reperitur, non recedens, sequentia ratiocinia subjungo.

I. Nulla authoritas humana, nullæ etiam Leges efficere possunt, ut quis nolens vota in professione verō, & sincerō animō elicere, ijs in conscientia obstricatus maneat, ut *omnes* fatentur , quia nimicum voluntas, & consensus est ex natura rei ad votum necessarius. Si igitur votum , in professione sine consensu interno emissum, dirimeret matrimonium sequens, cùm hæc vis dirimendi illi, utpote

te in se nullo, ex se non insit, deberet necessariò provenire ex decreto Ecclesiæ, quæ tamen nunquam id statuit, quia nec in Jure, nec in aliquo Concilio expressum legitur. Juber quidem Ecclesia, ut is, qui asserit se sine debito consensu professum fuisse, & in hac nullitate professionis se fundans, uxorem duxit, ad monasterium retrudatur, ibique tamquā professus regularem agat vitam, nisi statuto tempore defectum consensū legitimè probet: sed quia nunquam declaravit, se etiam illam professionem pro impedimento dirimente habere, quæ ex defectu consensū, aut aliō occulto obstaculo nulla est à parte rei (*quæ tamen declaratio necessaria esse videtur*) manifestum est, illam retrusionem ad Monasterium juberi ex suppositione tantum, quod in professione consensus non defuerit. Et hujusmodi supposito fundatur in illa Reg. 45. I. in 6. *Inspicimus in obscuris, quod est verisimilius, vel quod plerumque fieri consuevit: plerumque autem contingit, & verisimilius est, quod, qui professionem juxta normam Religionis in manibus Prælati emittit, verum animum profitendi habeat: adeoque meritò concludit, illum esse legitimè & à parte rei professum, cùm verisimilia quasi pro veritate habeantur arg. L. cum*

quid

quid 3. ff. de rebus creditis, si certum petatur, nisi contrarium constet.

60. Dixi: quæ tamen declaratio necessaria esse videtur. Si namque de impedimento publicæ honestatis (ut patebit suō locō) Ecclesia non simpliciter statuit, illud ori-ri ex matrimonio rato, sed, ne quis id in-telligat de valido tantum, cùm tamen illa invalidum quoque intellexerit, modò non fuerit invalidum defectu consensus: expressè insuper declaravit, hanc suam esse mentem. Utique etiam declarasset, aut statuisset aliquando, professionem, quantumvis invalidam, impedimentum matrimonij dirimens inducere, ne scilicet aliquis recurrat ad Reg. 52. I. in 6. Non præstat impedimentum, quod de Jure non fortitur effectum. Cùm itaque tale quid factum non legatur, signum evidens est, Ecclesiam id numquam intendisse.

61. II. Idem censeo de lege Triden-tini N. 56. allatā, quod videlicet fundetur in præsumptione, quatenus rationabili-ter præsumitur eum, qui tanto tempore siluit, & pacificè in monasterio permanxit aut validè professum esse, aut interea temporis professionem, si invalida fuit, saltem ratificasse. Concilium etenim numquam dixit, taliter professum, nisi statuto tempore non reclamet, effici verū

Re-

Religiosum, eumque ad materiam votorum æquè, ac verum professum obligari: sed tantùm: Non audiatur: nullatenus ad allegandam quamcumque causam admittatur, quæ præcepta potius tangunt Superiorum, qui, debito tempore reclamare negligentem, amplius audire prohibetur, & ob id quoque eatenus concernunt reclamare negligentem, quatenus impeditur ab omni actione contra professionem: ubi enim aget, aut reclamabit, dum nemo Superiorum audientiam præstare audet? Porrò non est insolitum, Leges illas, quæ actionem tantùm inhibent, non obligare in conscientia, sed forum, & Judicium externum duntaxat respicere, in quo actiones formari solent. Vide latè Sanchez de matrim. lib. 7. disp. 31. ubi etiam probat, quod, cùm vita Regularis sit opus nimis arduum, & difficile, quasi dissonum æquitati naturali videtur, nolentem ad id genus vitæ in conscientia adstringere. Ex quo optimè concluditur, Legem Tridentini de non audiendo, indebito tempore reclamare volente, sed in monasterio detinendo, fundari in præsumptione aut validæ, aut saltem ratificatæ professionis, quales leges multæ reperiuntur in utroque jure, & aliquæ ex hoc tractatu patebunt.

62. III. Verum est, non tantum
Legibus Imperatoriis, sed etiam Eccle-
siasticis bono communis in casu, quô error
communis intercedit, provisum esse: Unde
Parochus, Episcopus &c. dum commu-
niter creduntur (præscindo autem ab illa
difficultate: an requiratur titulus colo-
ratus) tales esse: possunt validè exercere
ea, quæ sunt Jurisdictionis, ut Parochus
assistere matrimonio, Episcopus dare fa-
cultatem absolvendi &c. Immò ea quo-
que, quæ sunt Ordinis, si illi sunt à par-
te rei tales, sed ab exercitio potestatis ex
occulto aliquo Canonicō impedimentō
prohibentur: v. g. Episcopus occultè ex-
communicatus, nisi se continere sine
scandalo valeat, aut sui diffamatione, po-
test conferre Ordines. In Sacramento
quoque Pœnitentiæ suffragatur error
communis? quia, ut multi *Theologorum*
tutè docent, validè illud administrat, qui
æstimatur communiter approbatus ab Epi-
scopo, licet non sit. Quapropter in pro-
posito quoque ille, qui fit è tantum pro-
fessus est propter errorem, quô creditur
verè, & realiter professus, validè, & licetè
etiam, dum abstinere nequit, dabit vo-
ta in electionibus, acceptabit Prælatu-
ram, & ut Prælatus validè jubebit, de-
legabit confessarios &c. ut notant Cano-
niste

nistæ ad 3. *Decretal.* tit. 31. & Sanchez
cit. Quemadmodum autem is, qui à par-
terei non est Episcopus aut Judex, sed
estimatur talis, tenetur aut procurare,
ut talis legitima institutione fiat, aut ab
se abdicare illud officium, quām primum
commode poterit sine sui infamia: pari-
ratione, qui ob defectū aliquē occultum
non est coram Deo professus in consci-
entia obligatus manet, aut facere pro-
fessionem validam, ratificando v. g. nul-
liter emissam, vel querendo dispensa-
tionem, si ex aliquo defectu, alias non a-
movibili, nulla erat: aut mox dum sine
scādalo, suīque diffamatione locus erit, se
liberare à Monasterio, quod fiet fugien-
do, hōcque secundum dum fecerit, liber-
erit, & expeditus ad uxorem ducendam.

63. IV. Similiter admitto Judicem,
etiam à parte rei injustè excommunicata-
tum, sed qui creditur esse justè talis,
non posse actus judiciales exercere: quia
tamen sententia excommunicationis in
eum fulminata fundatur in præsumptio-
ne, quod sit reus, & illa valida, hæc au-
tem præsumptio sit falsa, non illum li-
gat in foro interno, & conscientiæ, nec
subjacet effectibus excommunicationis
coram Deo, id est non privatur commu-
nib[us] Ecclesiæ suffragiis, aliisque com-
modis

moditatibus spiritualibus, ut notat post
alios a se citatos Reiffenst. 5. lib. tit. 39.
n. 41. Ex quo infert, quod Clericus ita
excommunicatus non incurrat irregula-
ritatem in foro conscientiae, si exerceat
adum sui Ordinis v. g. Missam celebra-
do. Quare nec professus noster poterit
ducere uxorem, si tamen duxerit, & om-
nia reliqua ad matrimonium requisita
concurrerint, validum illud erit a parte
rei, & in foro animae, cum invalidatum
esse nullibi legatur: sicut etiam haud ob-
stante voto paupertatis a parte rei Do-
minus manet suarum rerum, validaque
aget contractus emptionis, venditionis
&c. dum scandalum eos non impediverit.
De ceteris Actibus in particulari exacte
Sanchez l. 7. de matrim. disp. 37

64. Hec in substantia sufficiant ad
commendandam comunem sententiam,
cujus fundamenta amplius roborantur ex
dicendis NN. 144. & 150. quatenus vi-
delicet constabit, matrimonium a parte
rei nullum, & promissionem quoque tale
non habere vim cauandi impedimentum
Criminis. Reliqua, que directe concer-
nunt invalidam professionem, petere po-
tes ex juris Canonici Peritis, qui de ea
scribunt ex professo. Ceterum omitten-
dum non duxi, in praxi etiam Caramuel

præplacuisse communem hanc sententiam.
Etenim interrogatus, quid agendum cum
Adolescente A. qui se ob varias rationes
nulliter professum asserit: positō suō sen-
timine de professione illius , tandem
I. c. n. 3576. allegat sententiam San-
chezij cit. n. 39. & aliorum , quæ vult
nulliter professum posse in Religione
expectare occasionem sine scandalo fugi-
endi ; & conformiter ad eam *n. 3583.* con-
cludit, quod sciens nullitatem suæ pro-
fessionis securè fugiat, dum potest absque
scandalo, quod tamen admittendum ne-
quaquam esset stante sententiâ , & fun-
damentis suprà à N. 54. productis. De-
nique *n. 3572.* hæc formalia habet: sic feci
annô 1652. in causa cuiusdam Carmelita
Pragensis, qui postquam multis annis in
Religione quietè vixerat, Prior, & Magister
Novitiorum fuerat, occœpit jugum fastidire,
& se non esse validè professum clamare:
quem ad Tribunal nolui admittere, quam-
diu Rescriptum Apostolicum non impetravit.
Ex quo facto constat , permansionem
quinquennalem in Clauistro non esse ipsa
ratificationem, alias Carmelita ille fru-
stra Sedem Apostolicam pulsasset, ut Re-
scriptum obtineat, vi cuius contra Pro-
fessionem audiretur; sed si à jugo Reli-
gionis liberari voluit, non nisi ad dispen-
satio-

sationem confugere debuit: iñd potius
in Religione permanere, cùm dispensa-
tio ista non nisi gravissimis de causis
concedi soleat.

§ III.

**Impedimentum dirimens Voti
Solennis quoad matrimonium
antecedens.**

65. **A** Lexandrum III. Salernitano
Archī Episcopo rescriptsse c.
verum 2. de conversione conjugat: legitur:
Post consensum legitimū de præsenti lici-
tum est alteri, altero etiam repugnante, eli-
gere Monasterium: sicut Sancti quidam de
Nuptijs vocati fuerunt: dummodo carnalis
commixtio non intervenerit inter eos: & alteri
remanenti (si commonitus continentiam ser-
vare noluerit) licitum est ad secunda vota
transire: quia cùm non fuissent una caro simul
effecti, satis potest unus ad DEum transire,
& alter in saeculo remanere. Idem rescrip-
sit Episcopo Brixensi c. 7. eodem: & In-
nocentius III. Archī Episcopo Lugdu-
nensi, habeturque c. 14. eodem: Unde
Concilium Trid. sess. 24. de reformat. ma-
trim. can. 6. Si quis dixerit, matrimonium
ratum, non consummatum, propter solemnum
Religionis professionem alterius conjugum non
dirimi, anathema sit. Ex quibus.

66. *Deduco I.* Matrimonij necdum consummatō, posse conjugem Religionē aliquam ex approbatis ab Ecclesia ingredi, in eāque solemniter profiteri: *II.* Nec adhoc requiri consensum alterius conjugis, qui tamen *III.* expectare tenetur, donec ingressus Religionem, in ea profreatur; non enim per simplicem ingressum, sed professionem duntaxat vinculū matrimonij disolvitur *IV.* Remanentem in sāculo posse, si continentia non placuerit, ad alias Nuptias appellare: sicut *V.* & professum aliam deinde uxorem ducere, si aliquando dispensationem à votis professionis obtinuerit. *VI.* Evidens igitur est, in contrātu matrimoniali vi dispositionis Juris includi hanc tacitam conditionem: *ut conjugem te habebo, nisi per vota Religionis aliam elegero vitam.* Et hæc sunt quidem indubitata, ex illis tamen suboriuntur dubia sequentia.

67. *Dubitatio I.* Utrūm censeatur matrimonium consummatum ex eo, quod conjux ante illud cognoverit conjugem? seu an priùs possit esse matrimonium consummatum, quam ratum. *Respond.* negativè: quia prior copula est fornicatio tantum, nec potest vinculum matrimonij, quod nondum erat, per copulam firmari & indissolubile reddi. *Ubi tamen P. Elbel*

bel de matrim. n. 371. benè advertit, illū non esse admittendum ad Religionem , qui ante matrimonii imprægnavit uxorem suam , si exinde grave damnum patetetur , quod aliā viā resarciri non posset , nisi illam , ut uxorem retinendo : aut si exinde infamia, vel macula Religioni imineret: urgent enim motiva restitutio-
nis ex damno dato , & obligationis ad non inferendum damnum alteri.

68. II. An matrimonium sit consummatum , dum maritus tantūm seminat uxorem cognoscendo, non illa ? *Respond.* quia in *cit. c. verum 2.* habetur , maritum posse relicta uxore religiosum fieri , cùm non fuissent una caro simul effecti ; sequitur , per illam tantūm copulam consummari matrimonium , quā conjuges fiunt una caro: cùm igitur ex *infra de Impedi-
mento Affinitatis N. 286.* dicendis ad hoc requiritur & fœminei , & virilis seminis co-mixtio , & utrumque sit necessarium ad generationem : hic consequenter dico , fœminā non seminante , matrimonium non consumari , & utrumque liberum manere ad ingressum Religionis. Fateor quidem , in foro externo , Judiciō desuper motō , si constiterit , fœminam esse à viro cognitam , non debere credi asserenti , se non seminasse , quia vehemens

est præsumptio in contrarium, nec tam facile persuaderi potest, fœminam non seminasse, cuius vas ex penetratione viri seminantis ad idem irritatum est. Accedit hoc testimonium fœminarum firmū non esse eō, quod sæpiissimè se seminare nesciant, immò quid hoc sit, ignorent, ut in tribunali confessionis expertus didici. Nihilominus in foro interno, si post talem copulam imperfectam unus coniugum fuisset professus, posset Confessarius alterum, in sæculo remanentem, ad alias nuptias remittere, ut ex Clericato de matrim. decif. 7. n. 12. advertit Elbel l. c. n. 379. qui tamen monet, ante factum conjuges esse potius hortandos, ut in matrimonio permaneant. Suaderem & ego propter dubium, an fœmina reverà non seminaverit, sed si id constaret, non cogerem.

69. III. Estne matrimonium consummatum per copulam vi, aut metu à conjugе exortam? Respondeat P. Reiffenst. l. 3. t. 32. n. 7. negativè, pro eo tempore, quod conjux necdum tenetur reddere debitum, ob eam rationem, quod matrimonium consummatum repræsenteret unionem Christicu[m] Ecclesia, c. debitum. de Bigam: quæ est voluntaria, sic que etiam consummatio matrimonij volun-

luntaria esse debet, ut sit signum illius
 unionis & æquè, ac illa, reddatur indi-
 solubile. Ast Sanchez *de matrim. l. 2.*
Disputat. 22. n. 4. cum multis ibi cit. do-
 cet, tanquam certum esse tenendum, ta-
 li copulâ consummari matrimonium: ex
 eo namque, quòd per illam conjuges fi-
 ant una caro, matrimonium incipit re-
 præsentare conjunctionem Christi cum
 Ecclesia quoad substantiā, licet non quo-
 ad modum, cùm hæc sit voluntaria. Et
 si copula per vim extorta sufficit ad Affi-
 nitatem, c. *Discretionem, de eo, qui cognovit consang.* sufficiet quoque ad consumma-
 tionem conjugij, quia per eam fiunt una
 caro arg. c. cit. verum 2. *de convers. conjung.*
 Addit tamen n. 6. probabilius esse, libe-
 ram manere conjugem violenter cogni-
 tam ad ingressum Religionis, cùm nemo
 sine culpa debeat suo Jure privari cit. c. *di-*
scretionem: præsertim ob injuriam, & in-
 justitiam ab altero sibi illatam, ne inju-
 stè agens ex sua iniquitate commodum
 reportare videatur, effiendo per vim,
 ut condux ab ingressu impedita, apud se
 remaneat.

Qui sententiæ P. Reiffenst. subscri-
 bere voluerit, debet consequenter dicere,
 maritum vi, aut gravi metu extorquen-
 tem copulam ab uxore, hōc ipsō, quòd

per eam matrimonium non censeatur esse consummatum, posse ad Religionem transvolare. Sed si matrimonium dicatur cum Sanchez, esse consummatum, ut mihi probabilius est, vir invita uxore ad professionem admitti non poterit, dum enim ingressus conceditur uxori vim passæ, ne per injuriam suum beneficium destituatur, id non juvat maritum, qui, quantum est ex sua parte, liberè consummavit matrimonium; & obinde vinculō indissolubili ligatur, nec poterit ad alias nuptias aspirare, et si uxor in Religione profiteatur.

70. Dixi *suprà* in *Responsione*: *pro eo tempore, quod conjux necdum tenetur reddere debitum*; nam c. *ex publico* 7. *de convers. conjugat.* conceditur utrique conjugum privilegium, vi cuius neuter obligatur alteri petenti reddere debitum intra spatiū duorum mensium: Unde si intra hoc tempus vir opprimat fœminam, aut per gravem metum extorqueat copulam, gravem committit injustitiam, & peccat mortaliter juxta Sanchez *cit. n. 15.* quia, cum beneficium ingrediendi Religionem reddat dubium (fors enim Judex oppositam sententiam fecutus, illam ob matrimonium consummatum à marito separari non admittet) graviter eam lædit

dit. Porrò quomodo hoc bimestre intel-
ligendum sit , vide **Canonistas ad 3. De-**
cret. tit. 32. & **Theologos.**

71. **IV.** Estne fides à Judice adhiben-
da , dum uterque conjugum asserit , se
matrimonium necdum consummâsse ? **Ré-**
spondeo. Si sponsa fuerit Virgo; adhiberi
poterit inspeccio , an adhuc talis sit , &
prout reperietur , ita judicabitur. Sed
de hac inspectione vide aliqua *infrà de Im-*
pedimento Impotentiæ. Si autem tempore
initi matrimonij non fuerit Virgo, sed Vi-
dua , aut aliás antecedenter corrupta
(tunc enim medium inspectionis locum
habere nequit) simul quoque ad domū
mariti introducta , non est fides adhiben-
da , etiamsi uterque juret , quia etiam
juratis conjugibus in præjudicium matri-
monij non creditur *arg. c. super eo. De eo,*
qui cognovit consang. Aliud dicendum , si
ad domum mariti nondum fuit introdu-
cta ; cùm enim tam vehemens præsump-
tio non urgeat ad credendam consumma-
tionem matrimonij , eō quod non co-
habitârint , videtur accedente Juramen-
to fides illis danda. **Sanchez l. 2. de ma-**
trim. disp 23.

§. IV.

Origo hujus Impedimenti.

72. **Q**uæres I. Quo Jure votum soleñē dirimat matrimonium subse-
quens? Respondet Scotus 4. dist. 38. q. un.
Jure Ecclesiastico: ait enim: quod Eccle-
sia illegitimavit sic voventem: & hoc fuit
rationabile, quia ipse posuit se in potestate
Ecclesiæ, quantum ad oppositum ejus, ad
quod est contractus matrimonij) ad servan-
dam videlicet continentiam) voventē au-
tem privatè (non solemniter) non illegiti-
mavit, quia non sic se posuit in ejus potestate
sed quia posuit se in manu Dei ad oppositū
servandum &c. Ecclesia reliquit eum Judicio
Divino: hoc est, qui solemniter in Reli-
gione, ab Ecclesia approbatā, profitetur,
se specialiter subdit illius potestati, &
non is, qui privatim, & simpliciter vovit
castitatem: hinc Ecclesia, specialem cu-
ram prioris gerens, illum ad matrimoniu-
m nhabilitavit, ut ita omnem viam vio-
landi votum præcludat: alterum autem,
qui se illi hac specialitate non subdidit,
committit Deo, cui, si votum violat, ra-
tionem reddere tenetur.

73. Scotum in hac sententia sequun-
tur non solum Scotistæ universim, sed
plures alij etiam, eamque ex Jure cla-
re

re deducunt. Etenim votum Solenne non dirimit matrimonium, quia votum est, cum sit ejusdem obligationis cum voto simplici: *& Fraternitate tua requisiti arbitramur, quod simplex-votum apud Deum non minus obliget, quam solenne,* ait Celestinus III. & refertur c. rursus 6. qui Clerici, vel voentes. Nequit igitur habere vim dirimenti matrimonii, nisi in quantum solemne est: Jam autem cum ipsa solemnitas voti proveniat totaliter ab Ecclesia juxta c.un. de voto. in 6. ubi Bonifacius VIII. declarat: *Nos igitur attentes, quod voti solemnitas ex sola constitutione Ecclesiae est inventa:* manifestè sequitur, non nisi ad Jus Ecclesiasticum refundendum esse, quod votum solenne dirimat matrimonium.

74. Quapropter nequaquam attendendi sunt, qui docent, per votum simplex promitti tantum, & per solemne actu tradi corpus Dei dominio in ordine ad servandam continentiam; atque ideo, cum res tradita in unius dominium, nequeat amplius validè dari alteri: ex natura ipsius voti solemnis provenit, quod corpus Deo traditum, non possit per matrimonium dari conjugi. Etenim quia non minus (ut ait Scotus cit.) transfert aliquis a se, quod immediate dat Deo (prout

con-

contingit in voto simplici) quām quod
dat illi mediante homine Vicario , seu illo ,
qui professionem nomine Dei , & Reli-
gionis acceptat , non appareat , quomodo
corpus magis constitueretur in dominio
Dei per votum solenne , quām per sim-
plex . Accedit , quod Deus , qui est Do-
minus omnium , fortius dominium cor-
poris non acquirat per votum solenne ,
quām antea haberit ; quemadmodum
igitur ante votum potuit aliquis corpus
suum tradere alteri per matrimonium , &
quidem absque laesione Divini dominij :
ita etiam poterit post votum solenne ,
quantiū est ex natura voti . Unde fit , quod
violando tale votum non fiat injustitia
DEo specialis , sed peccetur contra vir-
tutem Religionis tantum . Vide amplius
Mastrium lib . 4. disp . 7. n . 436 & seqq.
Caramuelem Tom . 2. Theolog . Regul . n .
2184. qui sententiam Scoti fortii Diale-
ticā methodō roborat .

75. Ex his sequitur , Papam posse
dispensare in voto solemnī , nec id negat
Innocentius III. dicens : Nec aestimet
Abbas , quod super habenda proprietate
possit cum aliquo Monacho dispensare ; quia
abdicationis proprietatis , sicut & custodia ca-
stitotis adeo est annexa Regulæ Monachali ,
ut contra eam nec Summus Pontifex possit
licen-

licentiam indulgere. c. cùm ad Monasteri-
 um. 6. de statu Monachor. Siquidem in eo
 sensu negat summo Pontifici facultatem
 dispensandi, in quo eam Abbas (qui in
 cit. c. sui muneric admonetur) arrogare
 sibi posset, id est, ut Monachus , manens
 talis, habeat proprium, & ducendo uxore
 non servet Virginitatem: sìcque sensus
 argumentationis Innocentianæ est. Vo-
 tum castitatis est essentiale statui Mona-
 chali, ob quod nec sumus Pontifex valet
 efficere , ut aliquis maneat Monachus ,
 sìcque simul dispensatus à voto : à fortio-
 ri igitur Abbas nullam ad id habet pote-
 statem. Ad cum hoc stat , quòd possit
 Papa, dispensando in voto liberare ali-
 quem à Monachatu , seu de Monacho
 facere non Monachum ; cùm enim pote-
 stas Papalis se extendat ad votum sim-
 plex, ut *Omnes* concedunt, non quidem ,
 ut maneat votum, votens autem sit de-
 obligatus ab eo : pari ratione idem dicen-
 dum de voto solemnieō, quòd solennitas
 sit opus Ecclesie duntaxat ex N. 73.
 Quocirca gratis se fundat opposita sen-
 tentia in eo, quòd votum solenne obliget
 ex Jure Divino, quod transcendit Papale
 Authoritatem. Hoc siquidem admitto,
 sicut de voto simplici, & Juramento : sed
 si ista duo subjacent potestati Ecclesiasti-

cæ, inquantum ea auferre potest: subjcere pariter dico votum solenne absque eo, quod dispensatio Juris Divini obligationem tangat, quæ de se cessat sublatō per Ecclesiam votō.

Porrò exempla hujusmodi dispensationis ex facto Alexandri III. qui teste Surio dispensavit cum Nicolao Justiniano Monacho: Cœlesti nī, qui dispensavit cum Constantia Sanctimoniali filia Rogerij Siciliæ Regis, ut Henrico VI. Regi nuberet &c. ex alijs refert Mastrius l. c. n. 511. ubi etiam reiicit ea, quæ ad similia exempla AA. respondent. & n. 200. adducit quoque responsonem Sylvestri multum silvestrem, quam ibidem vide.

76. Quæres II. Quo Jure votum solenne dissolvat ratum matrimonium antecedens? Respondet Doctor Subtilis 4. d. 31. q. un. sequentibūs verbis: Christus, qui istam indissolubilitatem induxit (Matrimonio) Matth. 19. reprobans pro lege sua repudium Mosoicum, ipse relaxavit istam indissolubilitatem, quando alter conjugum convertitur ad Religionem: Unde Ecclesia numquam attentasset post matrimonia rata, non consummata, licentiare alterum ad Religionem, altero manente in sæculo, nisi Christus hoc instituisset. Habetur autem hoc ex facto Christi vocantis Joan.

Joannem Apostolum, & Evangelistam ad Apostolatum à nuptijs. Jo. 2. cuius exemplum imitati sunt Sancti Patres &c. Et hoc ultimum est conforme. N. 65. cit. c. 2. de convers. conjugat. ibi: Sicut Sancti quidam de nuptijs vocati fuerunt. Ecclesia itaque Authoritate, à Christo acceptâ, declaravit, dissolvi per professionem Religiosam vinculum matrimonij rati, ut amplius deducit P. Mastrius cit. a n. 190. qui etiam n. 198 adductum Scoti textum subtiliter ex Hiquæo explicat. Sanchez quoquè latè probat hanc dissolutionem non fieri Jure naturæ, aut ex natura voti de matrim. l. 2. disp. 19. n. 3. & disp. prioren. 3. adfert aliqua exempla eorum, qui post nuptias religiosam vitâ amplexi sunt. Qualia etiam leguntur in Gratiano post e. scripsit. 26. xxvii. q. 2. & Scoto loc. cit.

§. V.

Resolvitur Causa de voto Solenni.

Antonius, dum crediderat se sextum decimum etatis annum superâsse, in Monasterio N. ad Professionem admittitur. Post septem inde annos advertit ex Matre sua, quæ tempus singulorum, à se Genitorum, exactè recenseret, se tardius, quam putarat, lucem vidisse, & ductò calculò sex
qua-

quasi Mensibūs ante 16. annum professum
fuisse. Interrogatur iterum Mater, an fir-
mam eorum, quae narrat, memoriam habeat,
dūmque omnia etiam Juramento roborare
paratam videt Antonius, deliberare incipit,
an non sibi liceat ad' saeculum remcare, &
valedicendo Religioni, cuius tædiō jam du-
dum afficitur, uxorem querere? Quid igitur
concludet?

77. Respondeo : Testimonium Ma-
tris de ætate filij admitti quidem in Jure
L. Etiam Matris ff. de probat. Etiam Ma-
tris professio de ætate filiorum recipitur : sed
& Aviæ : Si tamen illud sit solum, nec
aliis adminiculis juvetur (v. g. libellō
Patris, in quo annus nativitatis notatus
est, jurata confirmatione Patrionorum)
non nisi præsumptionem aliquam indu-
cit, ut notant Canonistæ Reiffenst. l. 2.
tit. 20 n. 106. Pirhing ibid. n. 34. præsertim
dum agitur de favore filij, ut in casu, in
quo Antonius se à jugo Religionis libe-
rare desiderat. Atque hoc non tantum
pro foro externo verum est, sed nec in
interno unicum testimonium Matris suf-
ficit : si enim Matri, in sui præjudicium
quidquam afferenti, credere non obliga-
tur, e. g. quod sit ex illegitimo concubi-
tu genitus ; pari ratione non audet fir-
miter credere in proposito, & ob illud ad
añul.

et nullandam professionem, & deserendam Religionem descendere, cum hoc sit unus ex gravioribus factis: Jura quoque multum solicita sint ad manutenendam professionem semel emissam. Donec igitur Antonius ea de sua aetate non habuerit fundamenta, quae in judicio deducita, fidem ficerent (ut esset testimonium ex libro Baptismali , aut matris etiam , sed munitum jurata assertione Patrinorum &c.) non auderet sub nullitate quidquam attentare contra professionem , quae possessione illum vincit.

78. Immò tametsi certus redderetur de professione , ante legitimam aetatem emissam , & ob id invalidam , adhuc attendendum est , an non illam aliquando renovaverit ? supposita enim renovatione , Antonius in Religione permanere debet eodem , quod per renovationem professio prius invalida valere incipiat , aut potius de novo esse accipiat . Si verò dubitet de renovatione : in foro fori illa quidem presumitur ex Jure Tridentini , ut dictum N. 61. Tum quia in omni Religione consuetum est , professionem singulis annis certa die renovare : in foro tamen Poli , haud obstante contraria opinione Sanch. I. 7. de matrim. d. 37. n. 12. credo eam presumptionem non currere , cum Tribunal

bunal conscientiæ præsumptionibꝫ nequaquam regatur; sed sicut constare debet de ipsa professione, ut quisquam illa ligatus declaretur, ita etiam de renovatione, dum certum est, professionem fuisse nullam. Alioquin dubitans de illa renovatione ex possessione libertatis à vinculo Religionis absolvi debet: pro quo vide, quæ dicam in fine *Numeri 141.*

Adverte autem, renovationem debere eñ animô fieri, quòd se ex tunc adstringat votis, licet contigisset, professionem in principio nullitatis vitiô labore: Nam si quis professionem priorem repetit tantùm, quia aliunde credit, fuisse validam, non repetitur, nec renovaturus, si sibi vitium illius constaret: utique illi nihil roboris accrescit per ea, quæ generaliter docentur de renovatione consensûs, & tetigi *N. 45. in fine.*

79. *Quid ergo, si Antonius certus es-
set de nullitate professionis, quam etiam
nunquam ratificavit? Respondeo: cùm
quinquennium ab illius emissione sit, ut
in casu dicitur, præterlapsum, ad proban-
dam nullitatem illius non admittetur,
nisi à S. Sede obtineat Rescriptum, vi-
gore cuius audiri possit. Clericatus de Re-
gularib. discordia 37. n. 8. & seqq. quem
vide.*

vide. Tridentinum namque omnem audi-
entiam denegat, cui Prælatus, & Or-
dinarius contraire non audent, donec à
Pontifice, aut Sac. Congregatione, ne-
gotijs Regularium præpositâ, ad id non
legitimentur. Cœterū si se in foro fori
juvare non posset, unā etiam animum
permanendi in Ordine non habeat: præ-
stoletur occasionem sine scandalo, & tu-
multu clam fugiendi, & ita liber consti-
tutus attentet id, quod sibi magis con-
gruum apparebit. Interim autem, quia
alitur à Religione, pro viribus suis eidem
serviat, ne sit *fruges consummere natus*, &
onerosus: ab actibus tamen legitimis,
quoad licuerit, abstineat, quia tunc tan-
tum validè eos exercere potest, quando
scandalum, aut publica admiratio illos
jubet. Et hæc patent ex ijs, quæ à N. 59.
deduxi.

80. Volunt quidem aliqui, talem,
dum fugerit, obligatum esse ad expen-
sas, in sui favorem à Religione factas. At
nisi expensæ fuerint omnino notabiles,
& extraordinariæ, quæ etiam specialib[us]
servitiis Religioni exhibitis compensatae
non fuissent: haud credo, illam obliga-
tionem adesse: Cùm enim Religiosus
viatu, & amictu contentus, Monasterio
serviat, nec ullus sit famulus tam igno-
bilis,

bilis, qui non aliquid lucretur præter præcisè necessaria, ab omni obligatione restitutio[n]is liber manet.

COGNATIO.

Triplex est cognationis genus : *Spiritualis* videlicet, *Naturalis*, & *Legalis*, de quibus, tanquam distinctis Impedimentis, per distinctos agā Articulos.

ARTICULUS I.

Cognatio Spiritualis

§. I.

Explicatio, & Impedimentum Cognationis spiritualis.

Cognatio spiritualis est vinculum, contractū ex dispensatione Sacramentorum Baptismi, & Confirmationis tantū, quoniam ex datione aliorum Sacramentorum cognatio spiritualis nequaquam oritur, quæ matrimonium impedit, vel dissolvat. c. ult. de cognat. spirit. in 6. Hoc Cognationis Impedimentum non originatur ex Jure naturæ, cum nec Sacra[m]enta sint illius Juris: nec ex Jure Divino, quia in Sacris Paginis non exprimitur: sed ex statuto Ecclesiæ duntaxat. **I**n Baptismo quippe illa spiritualis generatio celo[rum]

celebratur, de qua Veritas ait: Oportet
vos nasci denuo quia nisi quis renatus. fue-
rit &c. c. debitum 4. de Regul. quæ genera-
tio vi Confirmationis amplius roboratur,
& perficitur: quia, ut Melchiades Papa
c. Spiritus Sanctus 2. dist. 5 de consecrat.
dicit. in hoc mundo tota ætate victuris inter
invisibiles hostes, & pericula gradiendum
est: in Baptismo regeneramur ad vitam,
post Baptismum confirmamur ad pugnam: in
Baptismo abluiimur, post Baptismum robo-
ramur. Et quævis continuo transituris
sufficient regenerationis beneficia, victuris
tamen necessaria sunt Confirmationis auxi-
lia &c. Hinc voluit Ecclesia, ut, sicut ex
generatione carnali resultat Cognatio,
quæ matrimonium dividit, ita oriretur
ex generatione spirituali, cum & spiri-
tualibus Patribus debita sit reverentia,
quæ indecens efficit opus matrimoniij in-
ter illos, & filios. Ita diligere honora-
re, revereri) homo debet eum, qui se susci-
pit de sacro fonte, sicut Patrem, ait Nicolaus
Papa c. I. xxx. q. 3.

82. Ut cumque ampla, & ad plures
extensa olim erat hæc cognatio, ut vide-
re est in caus. cit. q. I. & 3. Item tit. de co-
gnat. spirit. etiam in 6. & fusè explicat
post alios Pirhing 4. Decret. tit. II. Ve-
rum quia experientia docuit PP. Conci-

Iij Trident. propter multitudinem probibitionum multoties in casibus prohibitis ignoranter contrabi matrimonia, in quibus vel non sine magno peccato perseveratur, vel ea non sine magno scandalo dirimuntur, sess. 24. de reform. matrim. c. 2. ductu Spiritus S. te ad restringenda aliqua Impedimenta accinxerunt, & à Cognitione spirituali initium sumentes, sanxere: ut unus tantum sive vir, sive mulier juxta sacrorum Canonum instituta, vel ad summum unus, & una baptizatum de Baptismo suscipiant: inter quos, & baptizatum ipsum, & illius Patrem, & Matrem, nec non inter baptizantem, & baptizatum, baptizatique Patrem, ac Matrem tantum spiritualis cognitione contrabatur. Juxta hanc ergo sanctiōnem cognitionis Impedimentum solummodo afficit baptizantem, & Susceptores, seu Patrinos ex una, & baptizatum, hujusque Patrem, & Matrem ex altera parte: sic in exemplo.

Petrus	Baptizans	fuit Cognati	Titio baptizato
Paulus	Patrini	non inter se	Lino Patre Titij
Anna		sed cum	Caja Matre Titij

Quia videlicet Petrus, Paulus, & Anna sunt

fiunt Parentes spirituales Titij, & Compatres, seu illius simul Parentes cum Lino, & Caja Parentibūs carnalibūs. Nisi ergo aliqui, de quibus dubitari contingret, sint ex personis, in hac figura positīs, à spirituali cognatione īmunes censentur, nec hoc impedimento onerantur.

83. Eōdem modō limitat Concil. cit.

Cognationem ex Sacramento Confirmationis: Ea quoque cognatio, quæ ex Confirmatione contrahitur, confirmantem, & confirmatum, illiūsque Patrem, & Matrem, ac Tenentem non egrediatur: omnibūs inter alias personas hujus spiritualis cognationis Impedimentis omnino sublatis. Exemplum est idem, quod de Baptismo, si loco Petri baptizantis, & Titij baptizati posueris illum confirmantem, & hunc confirmatum, simūlque unum ex Patrinis omiseris, cùm unus tantum in hoc Sacramento adesse soleat.

84. Infero ex his **I.** Inter Patrinos ipsos nullam exurgere cognationem: dum enim Trident. dicit: *Inter quos (Levantes, seu Patrinos) ac baptizatū ipsum &c.* Cognatio contrahatur; non intelligit, eam ab illis inter se, sed cum baptizato, & hujus parentibus contrahi: & ob hoc conjuges, simul Patrinos esse, nullo Jure prohibetur. **II.** Nec parentes Legales,

seu adoptivi, si quos Titius habet, cū Pe-
tro, Paulo, & Aña: quia lex Tridentini lo-
quitur de parētibus carnalibus duntaxat,
& quidem etiam illegitimis: quapropter
qui filium suæ concubinæ baptizavit, aut
levavit, illam in uxorem habere non po-
terit. **III.** Ad emanationem hujus Im-
pedimenti Baptismum debere esse validū:
*nam accessorium naturā sequi congruit prin-
cipalis.* R. 42. I. in 6. quando ergo Bap-
tismus nullus est, nulla quoque erit co-
gnatio, quæ est illi accessoria. Dum ta-
mèn non constaret de invaliditate Sacra-
menti, sicut præsumeretur valor illius,
ita etiam cognatio. **IV.** Hoc impedimen-
tum non emori ad mortem prolis bapti-
zatae, sed esse perpetuum, ut alia impe-
dimenta, quæ à Jure ad certum tempus
non arctantur: proinde notante P. Spo-
rer de matr. n. 136. non verificatur illud
usitatum Germanorum. Das Kind ist ge-
storben / die Hevatterschaft hat ein end.
Atque hæc sunt extra omnem dubitatio-
nem, & cognitioni ex Confirmatione or-
tæ, ubi fieri potest, omnino applicanda.

85. *Dubitabis verò I.* Utrum fiat co-
gnatus, qui in necessitate baptizat? Re-
spondeo affirmativè eō, quod Baptismum
ministret, siatque verus Pater spiritualis
baptizati. Et quia Baptismus non confi-
citus

citur, dum postmodum solemnitas cœremoniarum suppletur, nec ille, qui eas supplet, nec qui assistunt, cognationem contrahunt.

Sed quid dicendum, Si ob dubium de valore Baptismi, ex iminenti periculo collati, illum sub conditione iterari contingat? Respondet P. Reiffenst. 4. tit. II. n. 18. ex Sanch. l. c. disp. 62. n. 6. docere, quod Ecclesia stante tali dubio cognationem præsumat in eo, qui Baptismū sub conditione repetit, & Patrinis tunc levantibus. *At seclusa consuetudine aliquis Ecclesiæ, crederem, in foro interno saltem, oppositum esse verius ex ratione,* quod in dubio præsumendum sit pro valore Baptismi, in necessitate collati, donec aliud non constet: adeoque præsumendum quoque erit pro cognatione, ab illo contradicā, qui in necessitate baptizavit, non ab illo, qui sub conditioue rebaptizavit. Quod autem haud obstante ea præsumptione de valore Baptismi, ille nihilominus repeti conditionatē debeat: id fit propter summam necessitatem hujus Sacramenti, quæ possibilem certitudinem exigit: præcisa autem illa necessitate, ob merum dubium utique nulla reiteratione opus esset, prout videre est in Sacramento matrimonij v. g. quod ob me-

rum dubium non amplius repetitur, sicut
nec alia Sacra menta plura.

Dixi: *Seclusa consuetudine alicujus Ecclesiæ*; quia ex ea poslunt impedimenta meri Juris Ecclesiastici ampliari, & alterari, ut patebit per decursum, & amplius docetur agendo de *Impedimentis in genere*.

86. *Dubitabis II.* An idem sentendum de conju ge, qui proprium filium in necessitate baptizavit? Respondeo: hōc ipsō, quod cognatio sequatur Baptismū validē collatum, conju x efficitur compa ter, & cognatus suæ uxoris, & ē contra separari tamen propterea non debent, nec à persolvendo invicem debito conjugi prohiberi ob claram decisionem c. ad limina 7. XXX. q. I. ubi refertur, Joannem Papam VIII. reprobâsse factum An selmi Lemovicinæ Episcopi, qui ob hanc causam, quasi rectitudinis zelō flagrans, maritum à sua conju ge judicavit separandum: etenim si Genitor filium suum (ut ibi Papa ait) corpore morientem aspiciens, ne animam perpetua morte pereuntem dimitteret, sacri undâ Baptismatis lavit, ut eum de potestate authoris mortis, & tenebrarum eriperet, & in regnum Christi jam regnaturum sine dubitatione transmitteret, benè fecisse laudatur; & idcirco suæ uxori, sibi jam

jam legitimè sociatæ, impunè, quamdiu vi-
xerit, judicamus manere conjunctum: nec
ob hoc - aliquatenus separari debere

Immò hoc idem cum Reiffenst. cit.
 n. 30. Elbel de matr. n. 151. Sporer ibid.
 n. 481. contra Sanchez l. 9. disp. 26. de
 matr. n. 7. plures referentem, dicendum
 existimo in casu, quô conjux sine neces-
 sitate baptizaret proprium filium, aut ē
 sacro fonte levaret. videū que decisum
 c. 2. si vir. de cognat spirit. ex epistola Ale-
 xandri III. qui interrogatus: si vir, vel
 mulier scienter, vel ignoranter filium suum
 de sacro fonte suscepérít, an propter voc se-
 parari debeant? in hunc modum respon-
 dit: Quāvis generaliter sit institutum (vi-
 delicet c. si quis xxx. q. 1.) ut debeant se-
 parari: quidam tamen humanius sentientes,
 aliter statuerunt. Ideo nobis videtur, quod
 sive ex ignorantia, sive ex malitia id fece-
 rint, non sunt ab invicem separandi: nec al-
 ter alteri debitum debet subtrahere, nisi ad
 continentiam servandam possint induci: quia
 si ex ignorantia id factum est, eos ignorantia
 excusare videtur: si ex malitia, eis sua
 fraus non debet patrocinari, vel dolus, dum
 nempe conjux patrinum ageret, ut inde
 cognatus suæ uxoris, quam fors aversa-
 tur, effectus, facultatem haberet ab ea
 recedendi. Porrò tametsi textus expres-

sè sonet de conjugé, suum filium levante tantùm, à fortiori tamen omnes intelligent etiam de baptizante. Illud nihilominus concedo, conjugem hoc absque necessitate attentantem, delinquere in Canones caus. xxx. qui id tam solicite vetant.

87. *Dubitabis III* An infidelis, prolem fidelium baptizans, illorum cognatus fiat? *Respond. negativè:* quia hæc cognatio pro suo principio agnoscit auctoritatem Ecclesiæ tantùm, cui infidelis subjectus non est Mastrius 4. *disp. 7. n. 465.* & *communis Modernorum.* Accedit analogia ad cognitionem carnalem: sicut enim consanguinei ab uno communis stipite descendere debent: ita cognatio spiritualis exigere videtur, ut eâ affecti, ab uno spirituali Parente Christo Domino per lavacrum regenerationis descendant, quod de infideli non verificatur. Pari ratione fidelis non fit cognatus infidelium parentum, eorum prolem baptizans. Nec hæc cognatio convalescit in casu, quô infidelis postea ad fidem conversus, Baptismô initiaretur: quia quod in initio vitiosum est, non potest tractu temporis convalescere. L. quod in initio 29. ff. de R. I. Unde illa Reg. 18. I. in 6. Non firmatur tractu temporis, quod de Jure ab initio non subsistit.

Signanter dixi : fidelis non fit cognatus infidelium parentum ; Quàmvis enim non fiat illorum, fit tamen talis respectu prolis eorum baptizatæ , quæ ratione Baptismi fit subdita legi Ecclesiæ , hanc cognitionem inducentis , ratione cujus non poterit fidelis, qui baptizavit, matrimonio illi jungi , ut notat Sanch. l. c. disp. 60. n. 15. Et quia hæreticus etiam propter characterē baptismalem subjicitur Ecclesiæ , teneturque ad leges illius (quòd multi volunt, de quo alibi) sequitur illum ex Baptismo , & officio Patrini verum evadere cognatum.

§. II.

Specialia de Patrinis.

88. **V**Isum est suprà N. 82. ut unus tantum sive vir , sive mulier , vel ad summum unus , & una batizatū de sacro fonte suscipiant , jubere Trid. ibi cit. quod ultrà adhuc mandat , ut Parochus , antequam ad Baptismum conferendum accedat , diligenter ab ijs , ad quos spectabit , sciscitetur , quem , vel quos elegerint , ut batizatum de sacro fonte suscipiant : & eum , vel eos tantum ad illum suscipiendum admittat , & in libro eorum nomina describat , doceatque eos , quam cognitionem contraxerint , ne ignorantia ullæ

excusari valeant. Quid si alij ultra desi-
gnatos baptizatum tetigerint, cognationem
spiritualem nullò paclò contrabant. Consi-
tutionibus, in contrarium facientibus, non
obstantibus &c. In qua lege

89. Notanda I. veniunt illa verba:
de sacro fonte suscipiant: tetigerint, quæ &
similia, ut accipere, levare de sacro fonte,
tenere leguntur etiam in varijs Canonibus
caus. cit XXX q. 1. 2. & 3. ac in Decre-
tal. tit. de cognat. spirit. Ea etenim communis,
& recepta sententia in propria signifi-
catione intelligit, indéque deducit, ad mu-
nus Patrini, in ordine ad contrahendum
cognitionis impedimentum, absolutè
necessarium esse, ut ille baptizandum
(vestitum etiam, in disco jacentem, aut
linteō obvolutum) sive infans sit, sive
adultus, dum sacrâ undâ abluitur, imme-
diatè tangat, & teneat, ut regulariter in
usu est: aut saltem à Sacerdote tempore
ablutionis tentum, mox post immediatè
susciptiat, ut in aliquibus Ecclesijs moris
est: nec sufficere, si infantem ablutum à
manibus alterius, cui illum Sacerdos
tradidit, susciptiat, nisi & id sufficere pra-
xis, & consuetudo alicujus Ecclesiaz, seu
Diœcesis doceat; qualem Sporer de matt.
n. 95. ex Gobat refert in Diœcesi Con-

stantiensi, in qua matrina à Patrino post ablutionem accipit infantem.

90. Ex hoc apparet, quid dicendum de eo, qui mediante procuratore, aut Legato patrinum agit. Et quidem eam praxim, licitam esse experientia docet quoad illustres, & principes personas, fundatürque in R. 68. I. in 6. *Potest quis facere per alium, quod potest facere per se ipsum*, nisi id Jure prohibetur. Quantum verò ad impedimentum cognationis, convenientur DD. illud procuratorem non tangere, cum non suo, sed mandantis nomine infantem suscipiat: nec hoc munus exercendi intentionem habeat, quæ necessaria est, ut N. 96. dicam Nec electus, & designatus sit, quod similiter requiritur ex dicendis N. 93. Sed an idem sentiendum de ipso Principali, seu mandante, variant DD. Reiffenst. Pirhing ll. cc. negant *cum communiori*.

Verum præcisa Declaratione Cardinal. aut consuetudine in contrarium videretur affirmandum ex N. priore, quia videlicet ad cognationem contrahendam necessarius est tactus physicus, quem tamen mandans non exercet, ut certum est. Propterea huic rationi, & opinioni adhærent Sanchez cit. d 59. n. 4. Marchant. Trib. sacr. tom. 3. p. 3. tract. I. s. 5. q. 2.
præ-

præsertim cùm Impedimenta tamquam odiosa, potius minui, & restringi debent, quod & Tridentinum intendit, ut N. 82. visum. Concedunt nihilominus, Mandantem obligari ad omnia ea, ad quæ ex can. 105. d. 4. de consecrat. Patrinus erga Baptizatum tenetur. Et quia hanc obligationem in institutione Patrinorum Ecclesia primariò intendit, ut scilicet pro Baptizato fidejubeant, illūmque indefectu aliorum, veluti Parentes spirituales in necessarijs instruant: consentit, ut munus Patrini etiam per alium obiri possit.

91. Notanter addidi I. præcisis declarationibüs S. Congregationis. Dicit quidem Marchant. l.c. eas, quæ circumferuntur, esse partim incertas: partim sibi invicem contrarias, licet nullas tales adferat. Engel item 4 lib. tit. 11. n. 6. videtur desiderare aliquam usum receptam, & authenticè ad mentem Decreti Urbani VIII. exhibitam: At P. Reiffenst. cit. n. 23. præter plures decisiones Rotæ, de quibus testatur, ut ait, Barbosa, adducit declarationem Cardinalium, quæ expressè sonat. Procurator non contrahit cognationem sibi, sed mandanti. Addidi II. Præcisa item consuetudine alicujus Ecclesiæ: Monui siquidem hoc in nego

negotio eam prævalere, Et talis vigeat in Diœcesi R atisbonensi, testante P. Elbel, qui de matr. n. 147. ait, sibi à Reverend. Consistorio illius gratiosè rescriptū fuisse, Infantem, cuius nomine pater levaret alium ē Baptismo, contrahere cognationem spiritualem. Sed jam regrediendo ad textum Trident. N. 88. positum.

92. *Notandum II.* eos tantūm effici cognatos, qui baptizatum de sacro fonte suscipiunt. Igitur, qui, Baptismō domi jam collatō, agunt deinde patrinos, dum supplentur cœremoniæ, eximuntur à cognatione, conformiter ad dicta N. 85.

93. *Notandum III.* Illos tantūm, quos parentes elegerint, aut alij, seu designatos hanc cognationem contrahere: Unde si qui commoditatis causâ, aut quamcumque ratione baptizatum tetigerint, aut susceperint, non evadunt cognati: Sicut nec illi, qui Baptismo domi, ex accidente collato, assistunt, nisi id fieret advocatō Sacerdote, & designatis Patrini, prout cuin prolibus Nobilium quandoque fieri videmus; quāmvis major solemnitas, & cœremoniæ in aliud tempus differentur.

94. *Notandum* detinque illud: aut ad summum unus, & una baptizatum de sacro fonte suscipiant. Ex quibus verbis aliqui

colligunt, quod si plures, quam duo ad hoc munus eligantur (quod licitum est propter consuetudinem aliquorum locorum) nullus illorum sit cognatus censendus; quia dicunt, Concilium prescribendo duos tantum Patrinos, irritasse factum plurimum: cum igitur in casu, quod plures electi tangunt baptismum, non sit major ratio de uno, quam de altero, nullus illorum contrahit cognitionem. Verum quia plures illi specialiter electi sunt, crederem cum Sanchez cit. disp. 57. n. 14. Reiffenst. Mastrion. 467. &c. omnes ex illis fieri cognatos, qui tangunt, & suscipiunt baptizatum. Prohibet quidem Tridentinum, ultra duos non esse admittendos a Parocco, nisi praxis aliud suadeat: sed notum est, quod multa fieri prohibentur, quae si facta fuerint, obtinent roboris firmitatem. c. ad Apostolicam 16. de Regulari.

Interim ad obviandum omnibus difficultatibus placet factum Caramuelis, quod ejusdem verbis referto: Adhibendi plures patrinos erat consuetudo in Bohemia, antequam ibi Archi-Episcopatum gubernarem. Jussi, ut unus, & una in Baptismate, unus, vel una in Confirmatione (nempe vir pro viro, foemina pro foemina) esset primarij, ceteri secundarij.

rij. Et declaravi, primarios esse Ecclesiasticos, & juxta Canonum institutionem suscepitos. Ceteros esse politicos, & tantummodo concernere politicā authoritatem. Illos debere scribi in libro Parochi, & affinitatem (*cognitionem*) contrahere: hos autē aut non esse scribendos, aut esse scribendos cum addito, ut semper ex libro constaret, eos civiles, & non canonicos fuisse Patrinos. Ita ille *Theolog. fundament. lib. 3. n. 3113.*

95. *Quæres autem I. An Patrinus aliquam intentionem habere debeat?* Respondeo: utique aliquam necessariam esse, ut levatio infantis de Baptismate sit actus humanus: sufficit verò, ut velit agere Patrinum juxta institutionem Ecclesiæ, seu eō modō, quo ad id invitatur, quia videlicet invitatur, ut satisfiat voluntati Ecclesiæ. Nec opus est, ut se ad cognitionem spiritualem reflectat: eam namque contrahet eō ipso, quod Patrinum agat: quia huic actui cognatio ab Ecclesia est affixa; sicut affinis fit Cajæ hōc ipso, quod carnaliter cognoscat sororem illius, licet de ea affinitate non cogitet. Atque ex his patet, eum, qui usu rationis caret, licet baptizatum de sacro fonte levarent, ullā cognitione ligari; nisi properet contrariam consuetudinem aliud di-

cendum sit, qualem adesse in Diœcesi Ratisbonensi dixi N. 91. Patet item hic adesse locum Errori substantiali, ut si leves filium Pauli, quem credis esse Petri; etenim non efficeris cognatus Petro, quia illius filium non levasti: non etiam Paulo, quia defuit intentio illius prole levandi. sed vide, quæ dixi N. 6.

96. *Quæres II.* Quid adhuc requiriatur in Patrino ad contrahendam cognitionem? *Respondeo:* Ex communi sententia in Patrino Baptismi exigi, ut sit baptizatus, & in Patrino Confirmationis, ut sit confirmatus. *In Baptismate, vel Christmate non potest alium suscipere in filiolum, qui non est ipse baptizatus, vel confirmatus.*
can. 102. de consecr. dist. 4. Et Rituale Romanum, ut refert Reiffenst. cit. n. 27. Nullus, qui non est confirmatus, potest esse in confirmatione Patrinus. p. 1. tit. 1. de confirmat.

Qui autem licetè esse, aut non esse possint Patrini, & quæ obligatio eorum, vide *Theologos*: quamquam de obligatione vix restat aliquid dicendum, cum instruētio, & alia à Parentibus, vel Ludi magistris obviè supleantur. Et quæ dicta sunt de Patrinis Baptismi, proportionatè intellige de Patrinis Confirmationis.

§. III.

Resolvitur casus de Cognitione
Spirituali.

Tenela partus doloribus vehementer attrita, infantis pes tantum ex utero eminet: & Obstetrix, fæmina sagax, animosa, & in casibus inopinatis multum versata, periculum iminere videns, sumit aquam, & prolatæ cum intentione formæ, pedem, qui prominebat, abluit. Sed quia applicatis remedijs, Tenela sanum tandem edidit partum, fuit ille sub conditione rebaptizatus, invitato, & comparente ad Pairini munus Ausoniò. Tenela intra annum vidua effecta, libenter nuberet Ausonio, quæ itque, an id sine dispensatione fieri possit?

97. Respondeo: probabilius videri, nulla hic opus esse dispensatione: & quidem primò non ex eo, quod incertus sit Baptismus ab Obstetricie collatus: etenim dum illa est prudens, benè instruta, & in periculis fortis, prout in facti specie describitur, nequit prudenter dubitari, aliquod essentialie Sacramenti neglectum suisse; unde nec Baptisma repetendum esse, nisi consuetudo loci aliud jubeat, advertit P. Kazenberger in Suppl. ad Thcol. Sacram. P. Sporer n. 44. sed Ec-

elestasticam solennitatem duntaxat sup-
plendam. Secundò non etiam ex eo,
quòd, cùm Baptismus, ablutione pedis
tantùm ministratus, sit multùm dubius,
certius est, Sacramentum deinde primùm
confici, dum repetitur; sícque Ausonius,
in repetitione illius Patrinum agens,
evadit cognatus. Tum quia non est ex-
ploratum, ablutionem pedis minùs suffi-
cere ad Baptismum: cùm enim pes sit
pars principalis simpliciter, & multùm
notabilis, ad speciale ministerium corpo-
ris deputata, licet non principalior, ut
caput: videtur probabilius esse, valere
Baptismum, cum illuis ablutione. Quòd
autem pes tantùm regulariter ablui non
soleat, aut si in necessitate abluatur, Bap-
tismus subinde sub condione repetatur,
id non sit, quasi minùs probabile foret,
illum valuisse, sed propter summam ne-
cessitatem hujus Sacramenti, ut *suprā N.*
85. adnotaveram. Quare probabilius e-
rit, Obstetricem tantummodò cognatio-
nem contraxisse, non Ausonium per dicta
N. cit. Tum quia certum debet esse im-
pedimentum, ut matrimonium inhibeat,
& irriter, aliàs manet in possessione liber-
tas, & potestas illud contrahendi: cùm
ergo non sit certum, Baptisma non va-
lere cum solius pedis ablutione, sed va-
lere

lere tantum, dum reiteratur, per consequens certum quoque non sit, Ausonium reiterationi adstantem, tanquam Patrinum contraxisse impedimentum cognationis spiritualis: liberè potest absque dispensatione Tenelæ matrimonialiter copulari; sicut & ille ei, de qua certus non est, suam consanguineam esse.

Verum & hæc intellige quantum ad vim Juris communis, & rationis: consuetudo namque, quæ alicubi vigeret, efficerere posset, ut ille, qui in repetitione Baptismi compatriis officium agit, cognatus fiat: sicque Ausonius in loco hujusmodi consuetudinis nequiret Tenelam habere in uxorem, nisi ab impedimento cognationis per dispensationis beneficium purgetur. Quapropter investiganda erit loci consuetudo, antequam in talis facti contingentia securum judiciū formetur.

ARTICULUS. II.

De Cognitione naturali.

§. I.

Explicatio Cognitionis naturalis.

98. **C**ognitio naturalis, seu consanguinitas, & quasi sanguinis unius

tas est vinculum Personarum, ab eadem persona, aut stipite carnali propagatione descendantium. Vel clariūs: est attinētia personatum ex eo proveniens, quod una descendat ab altera, vel ambæ ab eadē; sive iste descensus, & propagatio fiat per copulam licitam, & uxoriām, sive illicitam, & fornicariām, cùm Canones quoad dirimendū matrimonium id minimè distinguant. arg. c. p̄r tuas, de probat. sive item descensus fiat per lineam masculinam, id est per Patrē, sive fœmininā, seu Matrem eandem: unde fit, quod cognatio, & agnatio in proposito suruantur pro eodem, quāmvis linguā, ad proprietatem Juris accommodatā, illi tantum, qui ex linea fœminea, cognati, & qui ex linea masculina descendunt, seu die eius Mammens / Stamens / und Helms seynd / ut cum alijs explicat Schmier in sua Juris prudentia &c. agnati propriè dici debeant. l. 10. §. 2. ff. de Gradib.

99. Consanguinitas dividitur in lineas, & linea in gradus. Linea est collectio, seu series personarum ab eodem stipite pro manantium: & si personæ sint tales, quarum una ab altera propagatur, constituant lineam rectam: si vero una ab altera non procreatur, sed ambæ, aut plures ab una aliâ, faciunt lineam transversam;

sam, collateralem, seu obliquam. Gradus
 est distantiâ unius personæ ab alia: per-
 sonæ namque in una linea existentes
 distinguuntur per gradus, ut innotescat,
 quantum una in consanguinitate distet
 ab altera. In exemplo: Paulus genuit
 Petrum, Petrus iterum Andream.
 Paulus, Petrus, & Andreas sunt consan-
 guinei in linea recta, & quidem *Ascenden-
 tum*, si ab Andrea numeres ad Paulum,
 quia scilicet progrederis à Genitis ascen-
 dendo ad Genitores: *Descendentium*
 autem, si à Paulo Genitore calculando
 descendis ad Petrum, & Andream geni-
 tos. Aliud exemplum: Otto genuit Ca-
 jum, & Annam. Caius, & Anna non
 sunt in linea recta, quia unus non genuit
 alterum, sed transversâ eō, quod ambo
 sint ab uno communi patre Ottone ge-
 niti: & idem est de prolibus Caij, &
 Annæ, si quas habent, quia similiter se
 invicem non procreârunt, sed omnes ab
 Ottone descendunt, proles nempe Caij
 mediante Cajo, qui est filius Ottonis, &
 proles Annæ mediante Annâ filia Ot-
 tonis.

Quia verò non raro contingit, quod
 unus ex duobus fratribus habeat filium,
 & Nepotem, seu filij filium, qui genera-
 tioni vacans, iterum aliū filium generat;

alter verò frater, vel soror aut nihil generet, aut generet quidem filium, Nepotem tamen non habeat, id est, generet filium, qui alium deinde non genuit: ortum inde dicit linea *transversa inæqualis*, quæ est, dum collaterales consanguinei à communi stipite inæquali gradu distant: ut in priori exemplo: si Caius frater Annæ genuit Titium, Titius iterum Petrum, Anna verò nullum filium, vel filiam habeat; Titius, & Petrus sunt consanguinei Annæ in linea transversa (èò, quod ab illa non sint geniti) sed *inæquali*, quia non æqualiter distant à communi stipite Ottone: Anna namque immedietè descendit ab illo, tanquam filia, Titius autē, & Petrus descendunt ab illo mediæ tantum, mediante videlicet Cajo, qui fuit filius Ottonis: unde Otto respectu Caij, & Annæ dicitur *Pater*, respectu Titij *Avis*, & respectu Petri *Proavis*. Caius, & Anna dicuntur *filius*, & *filia* respectu Ottonis, Titius *Nepos*, & Petrus *Pronepos*. Caius dicitur *frater* respectu Annæ, Titius *fratris filius*, & Petrus *fratris Nepos* (& hoc secundum nomina inscripta Arbori consanguinitatis, quæ est Decreto, & Decretalibus inserta: aliàs autem non malè diceret, qui Titium vocaret respectu Annæ *Nepotem ex fratre*, & Pe-

Petrum Pronepotem ex fratre) Anna de-
nique respectu Caij dicitur soror, respec-
tu Titij Amita, & respectu Petri Amita
magna, id est Avi soror, nam Cajus, cu-
jus illa soror est, est Avus Petri.

Posui hanc brevem nomenclaturam
pro exemplo allato ad brevem aliquam il-
lius notitiam : si ampliorem desideras,
eam colliges ex Arbore consanguinitatis,
quæ passim circumfertur. Vide etiam
vulgare Dictionarium Frisij, quod in
fine omnia nomina adducit, ac explicat :
compendiosè item Sporer de matrim. n.
66. Cœterum mei animi est, ad tollendam
omnem difficultatem, quam in pluribus
probavi, ab his proprijs vocabulis absti-
nere, & gradus consanguinitatis simpli-
ciori calamô, & claritate mihi possibili
in ordine ad praxim explanare.

100. Itaque, qui scire cupit, in quo
consanguinitatis gradu aliqui se invicem
respiciant, omnium primò attendat, ad
quam lineam pertineant, idque sine ma-
gno examine noscere poterit ex dictis :
si namque viderit, illos se invicem genu-
isse, sunt in linea recta : si vero unus ex
illis alterum non genuit, sed illorum
Antenati ab uno Patre, aut Matre, vel
Patre, & Matre geniti sunt, spestant ad
lineam collateralem. Hoc animadverso
at-

attendant ultrà, an ambo æqualiter distent ab illo communi stipite, seu Patre, vel unus sit distantior altero: id est, an unus, antequam deveniatur ad illum communem stipitem, plures supra se numeret, quam alter? si non plures, sed tot unus supra se habeat, quod alter, sunt in linea transversa æquali, & econtra in inæquali, si unus plures supra se habeat, quam alter. Linea ita ad inventâ pergar ultrà juxta unam, vel aliam Regulam ex tribus sequentibus, quas etiam exemplis illustrabo.

101. Prima Regula pro linea reda est: quot sunt personæ, tot sunt gradus, demptâ undâ: idcirco aliud opus non est, quam ut numerentur personæ: sic in exemplo jam positô: Otto genuit Cajum, hic Titium, & Titius Petrum.

Otto Proavus.

Gradus 1 Cajus Avus

Gradus 2 Titius Pater

Gradus 3 Petrus Filius

Personæ sunt 4. deme unam, manent 3. infer ergo Petrum esse in tertio gradu linea ascendentium cum Ottone. Ratio hujus Regulæ est, quod nemo solitariò sump-

sumptus faciat gradum consanguinitatis, sed cum altero; quia consanguinitas fundatur in generatione, quæ est inter duos: duo igitur non constituunt, nisi unum gradum: per consequens dum per numerum personarum recensentur gradus, una persona demi debet. Et clarum est, in posito exemplo esse tres tantum generationes, unam scilicet inter OttoneM, & Cajum, alteram inter hunc, & Titium, ac inter Titium, & Petrum tertiam.

102. Secunda Regula pro linea transversa æquale est: quod gradus distant à communis stipite, eō distant inter se. e. g. duo fratres, qui distant uno gradu à patre, cuius sunt filii, uno quoque distant inter se, & ulterius progrediendo, sumo exemplum suprà positum: Otto genuit Cajum, hic Titium, Titius Petrum; Anna vero soror Caij genuit Bertam, & Berta Paulum, & hoc modò illud adnoto

Otto Pater, seu Stipes

<i>Gradus 1.</i>	Cajus	Anna.	<i>1. Gradus</i>
<i>Gradus 2.</i>	Titius	Berta.	<i>2. Gradus</i>
<i>Gradus 3.</i>	Petrus	Paulus.	<i>3. Gradus</i>

Ut scias, quanto gradu distent Petrus, & Paulus, numera gradus inter Petrum, &

& Ottонem, aut hunc, & Paulum. Petrus, & Paulus cum Ottone sunt in linea recta eō, quōd Petrus ab illo descendat mediō Titiō, & Cajo, Paulus verò mediante Bertā, & Annā: applica ergo Regulam *N. priori* pro linea recta traditam, & videbis Petrum, & Paulum esse Ottoni consanguineos in tertio gradu: conclude igitur, etiam Petrum, & Paulum in eodē gradu esse inter se consanguineos, quia eo gradu, quō distant à communi stipite, distant inter se. Eādem computandi methodō Titius, & Bertha sunt in secundo gradu. Ratio hujus Regulæ concordat cum superiori in illo fundamento, quōd consanguinitatem pariat generatio: cùm igitur Petrus non sit genitus à Paulo nec ē contra, sed ambo ultimatum ab Ottone, Petrus videlicet mediante Titio, & Cajo, Paulus autem mediante Berta, & Anna: ab illo tantum habent suam consanguinitatem, nec habere possunt majorem, quācum cum illo habeant. Quocirca (si licet hanc Regulam ad Dialecticæ principium reducere) quemadmodum eādem unitate, quā aliqua sunt eadem uni tertio, sunt eadem inter se, quia nimis ratione tertij habent identitatem inter se: ita eodem gradu, quō aliqui sunt consanguinei uni tertio, sunt con-

sanguinei inter se eō, quod ratione tertij tantum sint consanguinei inter se.

103. Tertia Regula pro linea transversa inaequali est: quod gradus distat remotior à communis stipite, eō gradus distat ab altero; sic in eodem exemplo manendo, Caius genuit Titium, hic Petrum, & ultra quoque pono, quod Petrus genuit Andream: Anna verò soror Caij genuit Bertam, quæ aut naturali, aut voluntaria sterilitate præpedita, nullam habuit sobolem: hoc ita adscribo.

Otto Pater, seu Stipes.

Gradus 1.	Caius.	Anna.	1. Gradus
------------------	--------	-------	------------------

Gradus 2.	Titius.	Berta.	2. Gradus
------------------	---------	--------	------------------

Gradus 3.	Petrus.
------------------	---------

Gradus 4.	Andreas.
------------------	----------

Vides Andream esse remotiorem ab Ottone, quam Bertam, & Annam: nam inter Andream, & Ottонem mediant Petrus, Titius, Caius: inter Bertam vero, & Ottонem sola Anna, & nihil inter hanc, & illum: ut ergo scias, quotus gradu distet Andreas à Berta, sume Regulam N. 101. pro linea recta assignatam, & juxta eam numerando gradus inter Andreā,

&

& Ottoneū (sunt enim hi duo in linea recta) reperies illum ab hoc distare quatuor gradibūs : infer ergo, Andream à Berta quoque distare quatuor gradibūs, immō etiam ab Anna, non obstante, quod Berta duobūs , & Anna uno tantūm gradu distent ab Ottone : quia videlicet eō gradu unus distat ab alio, quo gradu remotior distat ab Ottone communi stipite. Ratio hujus Regulæ est, quod si gradus propinquioris , & non remotioris personæ attendi deberet, tunc in hoc exemplo, cùm Anna ab Ottone non nisi uno gradu distet, utpote ejus filia, uno etiam gradu distaret ab Andrea , sīcque ita propinqué conjuncta foret Andreæ, sicut Cajo, cui, tanquam fratri, in primo gradu conjuncta est: jam autem ad oculum apparet, sororem esse propinquorem suo fratri , quam filio, Nepoti , aut Pronepoti ex fratre: non ergo ad personam communi stipiti propinquorem, sed ad remotiorem attendendum est: & sicut Dialectica docet, conclusionem sequi debiliorem partem eō, quod majus, & minus extreūm non nisi probabiliter in conclusione uniri possint, dum unum ex illis probabiliter tantūm unitum est cum medio termino in una præmissarum: ita etiam cognatio sequitur remotiorem personam;

sonam, quia nequeunt duæ personæ majori consanguinitate jungi inter se, quam remotior communis stipiti, & si una remotè distat ab illo, remotè quoque distat ab altera.

104. Ex quo sequitur, quod, si Andreas etiam habeat filium, v.g. Joannem, iste possit sine ulla dispensatione ducere vel Annam, vel Bertam, quia juxta Regulam mox traditam, in quinto tantum gradu consanguineus erit illis, in quo non amplius dirimitur matrimonium, ex dicendis seq. §. Sequitur item, in hac linea transversa inæquali haberi illum gradum mixtum, in cuius intelligentia multi hallucinantur: etenim, quia collateralium gradus computantur à communis stipite tantum, manifestum est, Bertam distare in secundo gradu ab Andrea, cum hoc gradu distet ab Ottone: Andream verò à Berta in quarto gradu, cum in hoc distet ab Ottone; proinde Andreas, & Berta sunt in secundo, & quarto gradu consanguinei, seu in gradu mixto.

105. Dum igitur occurrit quæstio de consanguinitate duorum, quorum unus alterum non genuit, sive immediate, sive mediately, mox inquire de uno illorum, à quo sit genitus: dum Patrem audiēris, adscribe illum supra eum, de quo

quæris: ultrà interroga, à quo hic Pater
sit genitus, & illum supra Patrem priùs
notatum adscribe. Idem fac de altero,
& utriusque antenatos semper adscribe
ita, ut per ordinem unus illorum ponatur
supra alterum, donec deveneris ad duos
fratres, vel duas sorores, aut ad fratrem
& sororem, qui sunt ab eodem Patre, vel
Matre geniti, quem, vel quam superiùs
adscribe. Hoc factò videbis, quòd eve-
niet una, vel altera forma ex exemplis
suprà positis in explicatione Regularum,
poterisque eò modò, quò à me factum
vidisti, gradus numerare, & illorum duo-
rum consanguinitatem, de quibus quæ-
stio erat, concludere. Una quoque ad-
verte, difficultatem, si quam in principio
senseris, exercitatione repetita vinci

106. Porrò hæc computatio graduū
est conformiter ad Canones tradita, &
in ordine ad matrimonium in omni Jure
servanda. Computatio verò eorundem
juxta Leges est quidem in linea recta eadē
cum Canonica, sed in utraque transver-
sali differt, ut constat ex epistola Alexan-
tri Papæ II. quæ refertur c. ad Sedem A-
postolicam 2. xxxv. q. 5. in qua & compu-
tatio civilis allegatur, & ratio, ob quam
hæc à Canonica diversificatur: nam §. I.
ita legitur. *In Legibus ob nihil aliud ipso-*
rum

rum graduum mentio facta est, nisi, ut hereditas, vel successio ab una ad alteram personam inter consanguineos deferatur. In Canonibus vero ob hoc progenies computatur, ut aperte monstretur, usque ad quotam generationem a consanguineorum sit nuptijs abstinentum. Ibi prescribitur, ut hereditas propinquis modo legitimò conferatur: hic vero, ut ritè, & canonice inter fideles nuptiæ celebrentur &c. Hac igitur de causa, quia hereditates nequeunt deferri, nisi de una ad alteram personam: idcirco curavit saecularis Imperator in singulis personis singulos praesigere gradus. Quia vero nuptiæ sine duabus non valent fieri personis: ideo sacri Canones duas in uno gradu constituere personas. Et infra §. 4. duogradus Legales unum gradum canonicum constituunt. Fratres itaque, qui secundum saeculares leges dicuntur in secundo gradu, juxta Canones numerantur in primo &c.

§. II.

Impedimentum cognationis naturalis.

I 107. **O**b reverentiam, & honorem, quem non compatitur adiùs matrimonialis commixtio, nisi alia justa causa eundem cohonestet, semper interdictum erat matrimonium inter sanguine

ne junctos. Accessit & ratio politica dilatandi vinculi amicitiae: quoniam enim copulatio maris, & foeminae, quantum attinet ad genus mortalium, quoddam seminarium est charitatis. can. cum igitur xxxv.
q. 1. consanguinei autem amicitiae debito aliunde sibi invicem ex sanguinis vinculo adstringuntur, amplius dilatatur charitas, dum conjugium, inter consanguineos vetitum, cum extraneis contrahitur. Pater quippe, & sacer (can. cit.) duarum sunt necessitudinum nomina: dum ergo quis habet alium Patrem, alium Sacerum, numerosius se charitas porrigit. Et infrà: Eva utriusque sexui filiorum fuit & socrus, & Mater, quæ si duæ foeminae fuissent, mater altera, & socrus altera, copiosius se socialis dilectio colligaret. Unde etiam amicitiae per connubia protrabenda mos Priscis firmissimis habebatur. teste Dion. lib. 2. cuius moris efficaciam firmat exemplum foederis occasione conjugorum inter Romanos, & Sabinas, de quo Lucan. lib. 1. canit.

Generos saceris mediæ junxere Sabinæ. Quia verò unitas sanguinis, quò major, & magis diversa, ac repetita per plures fit commixtio, eò amplius minuitur, ac tandem deficere, nec idem sanguis permanere censetur: inde est, quòd consanguinitas

ditas per omnes gradus non duret, sed ad certos sit limitata, in quibus cum esse desiderit, eam rursus lex matrimonij vinculô repetit, & quodammodo revocat fugientem, ut dicitur can. un. q. 4. caus. cit. dum videlicet per matrimonium cum illa, quæ in valde remoto gradu distat, nova inchoatur consanguinitatis series.

108. In lege Mosaica in varijs gradibus cum consanguinitatis, tum affinitatis invalidum erat matrimonium, ut legitur Levit. 18. sed quia lex illa adveniente gratiâ finem sumpsit: & alias si quis dixerit &c. nec posse Ecclesiam in nonnullis illorum (gradibus in Levitico prohibitis) dispensare, aut constituere, ut plures impedianter, & dirimant, anathema sit ex Trident. sess. 24 can. 3. ad eos tantum gradus attendendū est, qui aut ex natura ipsa (si qui sunt, de quo paulò post) aut ex statuto Ecclesiaz matrimonium dirimunt. Olim ergo.

109. Cognitionis impedimentum ad septem usque gradus protendebatur, ex varijs Canonibus caus. cit q. 3. Verum sub Innocentio III. c. non debet 8. de consang. restrictum est ad quartum duntaxat gradum inclusivè. Prohibitio copulae conjugalis quartum consanguinitatis gradum non exceedat. Nec priorum Canonum culpanda est

revocatio: etenim, ut ibi præmittitur, non debet reprehensibile judicari, si secundum varietatem temporum, statuta quandoque variantur humana: præsertim cum urgens necessitas, vel evidens utilitas id exponat: quoniam ipse Deus ex his, quæ in veteri Testamento statuerat, nonnulla mutavit in novo.

110. *Dubitatis I.* An non in linea collaterali Jure naturæ dirimatur matrimonium? Respondeo, negari non posse magnam esse indecentiam copulari in primo gradu, quæ sine gravi necessitate, & præponderante ratione cohonestari nequit: unde Aristoteles solo naturæ lumine ducit turpissima inter fratrem, & sororem esse credidit conjugia 1. *Polit. c. 2.* Barbaræ quoque nationes id matrimonij genus exhorrescunt, nec nisi perversis legibus regi dicuntur à Ss Patribus, quæ id admittunt. Notum est ex historia *Gen. c. 12.* Abram, dum timuit Ægyptijs fate ri, Sarai, quod esset pulchra nimis, esse uxorem suam, eam rogasse: dic, quodā soror mea sis: supposuit utique, se illis sufficienter persuasurum, eam non esse uxorem, si crediderint esse sororem: unde postquam Pharao reperit non esse sororem, conquestus erat: quidnam est hoc, quod fecisti mibi? quare non indicasti, quod nō

uxor tua esset? Aulici quidem, dum Cambyses Rex Persarum, suæ sororis amore captus, interrogaret, num sibi per legem aliquam matrimonium cum ea liceret: nullam adesse legem, nisi hanc, quod licet Regi Persarum facere, quodlibet, responderunt, ut refert Hermes in *Fasciculo Juris publici. c. i i. n. 84.* ex Herodot. quâ sententiâ animatus, duxit unam ex sororibus, & paulò post alteram. Sed nimis assentatorium erat responsum: nec etiam Cambyses solicitus erat de consensu Judicum, nisi quia ab ipso naturæ lumine monebatur, per conjugium cum sorore serem insolitam, & parùm honestâ attentaturum.

Ad hanc naturalem honestatem, & pudorem non videtur attendisse quoque Cimon, Miltiadæ clarissimi Græcorum filius, dum interrogantibus, cur Elpinicen germanam suam duceret? reposuit: Mea soror & pulchra, & prudens, & dives, & genere mihi æqualis, & à communī Patre meæ fidei concredita est: optimum ergo factu putavi, si, quam natura mihi pro sorore dederat, ultrò uxorem ducerem. Verum quia, ut ait Livius *l. 38. res potius, quam auctores spectandæ sunt:* in probandis hisce connubijs illa ipsa, an rationali verecundiæ consona sint, con-

siderari debent, cùm prudentes cæterà homines ad ea quandoque, sive passione, sive aliò motivò præoccupatos, deduci legimus, & experimur, quæ cum sana mente componi nequeunt. Atheniensis, qui de sapientia laudantur, sanxere, ut refert D. Hieron. *ad Rusticum Monachum ex Plinio*) legitimum cèseri matrimonium, si fratri soror nuberet, cùm inter æquales matrimonii celebretur: illicitum verò, si Neptis Patruo, hoc enim perinde esse, ac si Patri nuberet filia, cùm tamen ratio illud potius prohibeat matrimonii, tanquam in propinquiori gradu contractum.

III. At cùm non sit bona consequentia ex eo, quòd aliquid sit illicitum, deducere, illud quoque esse invalidum: quamvis Philosophicam involvat indecentiam, sororem accipere in uxorem, & Theologicam, dum id lege prohibetur, censeo nihilominus cum Mastrio 4. disp. 7. n. 46. & alijs ab eo relatîs, tale matrimonium Jure naturæ invalidum non esse, quam sententiam Caramuel *Theolog. fund. ament.* l. 3. n. 3763. dicit veram, & omnino tenendam: cùm nulla lex naturæ irritans adduci possit, indecentia autem naturalis non nisi illicitum inferat coniugium. Quapropter S. Aug. 15. *de Civit. DEI*

DEIC. 16. & refertur c. cùm igitur caus.
cit. q. 1. apertè dicit: ob necessitatē in
exordio mundi hoc matrimonium fuisse
permisum, quod profectō quantō est anti-
quius compellente necessitate, tanto postea
factum est damnabilis Religione prohibente:
& paulò pōst dicit. quod humano genere
crescente, & multiplicatō, etiam inter impi-
os DEorum multorum, falsorūmque cultores
sic observari cernimus, ut, etiamsi perversis
legibūs permittantur fratrum conjugia, me-
lior tamen consuetudo ipsam malit exhorrorere
licentiam: & cùm sorores accipere in matri-
monium primis humani generis temporibūs
omnino licuerit, sic aversetur, quasi licere
nunquam potuerit. Ex quibus colligitur,
hoc conjugium in lege naturæ valuisse,
& quidem absque dispensatione, quoniam
nondum leges erant, quæ talia connubia
abrogarent, ait S. Hieronymus in quæst.
super Genes. postmodum autem Religio-
ne prohibente, Mosaicā primū, deinde
Catholicā, omni vigore destituta erant:
& licet ea lex apud multas gentes non
vigeat, vim tamen illius consuetudo, ab
his matrimonijs abstinendi, quasi uni-
versim recepta, supplet.

112. Exinde sequitur I. Pontificem
posse, absolutè loquendo, dispensare in
hoc gradu, quod etiam Caramuel, se ipso

testante l. c. n. 2760. Lovanij in promotione ad Lauream publicè propugnaverat: quāmquām non legatur ea potestate unquam usum fuisse, fortassis nec, ut unquam uteretur, expediat, non enim omnia expedient, quæ licent. Tūm quia plausibilis est sententia Sanchez l. 7. disp. 52. & quāmplurimum aliorum, volentium illum gradum Jure naturæ infirmare matrimonium. Refert quidem Sylvester ex Archi-Diacono, Martinum V. dispensasse cum eo, qui cum sua germana contraxerat, & consumaverat: sed quia alij negant, Archi Diaconum id recensere, factum hoc dubiæ fidei redditur.

113. II. Cūm Infideles non strigantur legibüs Ecclesiæ, eos, qui ad fidem, & Baptisma suscipiendum convertuntur, non esse separandos, quāmvis tempore Ethnicismi in primo gradu lineæ transversæ copulati fuissent, nisi id matrimonium aliàs apud ipsos per specialem legem, vel consuetudinem invalidum foret, ut expressè docet P. A. Breno in *Manuali Missionario*. l. 3. c. 5. q. 13. n. 7. & seqq. Legitur quidem c. gaudemus. de Divort. Innocentium III. hoc declarâsse quoad eos Infideles, qui in 2. aut 3. gradu contraxerunt, ut scilicet liberè possint, & licite manere conjuncti, cūm per *Sacramentum Bap-*

Baptismi non solvantur conjugia, sed crimi-
na dimittantur. Ex hoc tamen non licet
inferre, aliud esse sentiendum de con-
sanguineis in primo gradu, ex eo, quod
Papa responderit tantum ad quæstum,
sibi à Tiberiad: Episcopo motum de ijs,
qui in 2. aut 3. gradu se attinebant, nihil
statuens de ijs, qui primo gradu jungun-
tur, quod etiam quidam ex AA. candidè
fatentur.

114. III. A fortiori non nisi Jure
positivo humano irritum est matrimonii
um in 2. & ulterioribus gradibus lineaè
obliquæ, ut decisum est c. mox citatð.
Exstant quoque exempla hujus matri-
monij in sac. Paginis. Gen. c. 11. Nachor
duxit Melcham fratris filiam: & Abrahā
Sarai, quæ quidem soror illius coram Æ-
gyptijs appellata fuit, ut N. 110. visum:
sed soror dicitur, quia filia fratris erat. c.
quæritur. xxii. q. 2. unde in hoc gradu di-
spensi posse, docetur à Trident. sess. 24.
c. 5. In secundo gradu nunquam dispensemur,
nisi inter magnos Principes, & ob publicam
causam: quæm publicam causam Fidei
considerans Ecclesia, ne heterodoxi,
qui in 2. aut ulteriori gradu conjugati vi-
vunt, à conversione retrahantur, si jux-
ta disciplinam orthodoxam à conjugibus,
quas difficulter relinquent, sperarentur;

Præ-

Præfectis Missionum, Episcopis, ac Vicarijs Apostolicis facultatem tribuit, cum ijs, qui ad fidem convertuntur, dispensandi in quocunque consanguinitatis, & affinitatis gradu sive simplici, sive mixto lineæ transversæ, dummodò primum non attingat.

115. *Dubitas II.* An idem de primo gradu lineæ rectæ dicendum? *Respondet.* Cùm gravem indecētiam dicat matrimonium cum sorore, multò graviorem dicit filij cum matre, aut filiæ cum patre. Quid cum honore, & reverentia, quam vi Decalogi filij Parentibus debent, si ex matrimoniali copula una caro effetti, ad æqualitatem quandam reducerentur, omni paterna superioritate extincta? ubi honestas illa, respectus, & observantia, dum turpitudo illorum mutuò revelaretur? Nefandus profectò foret talis concubitus, nec fieret, ut ait Ovid. lib. 7. *Metamorph.* nisi saevarum more ferarum, quarum nec omnes illum admittunt, notante Plinio lib. 8. *natur. historiæ c. 42.* Solitierant Cimbri, filias ex se genitas, ducere, sed hanc consuetudinem, tanquam naturæ adversam, Marius Consul, postquam de illis, in Germania viatis, triumphum Romæ egerat, penitus sustulit: contra pudorem namque est, fili-

um in uxorem suam ducere. L. adoptivus
14. §. 2. ff. de ritu nuptiar.

Atque hæc perpendens P. Marchant.
Tribun. Sacram. tom. 3. p. 3. tract. 1. tit.
§. q. 1. satis mirari nequit, aliquos cùm
Sanchez cit. disp. 51. n. 10. ad tam in-
congruas speculationes devenisse, ut spe-
culativè probabilitatem aliquam (in casu,
quò defecisset totum genus humanum)
conjunctioni huic nefandæ matrimonij
legitimi tribuerint: quandoquidem etiā
filiæ Loth, quāvis crediderint, omne
virorum genus perijisse, nequaquam ta-
men arbitrabantur, Patrem secum ad
fuscitandum semen, & servandum genus
humanum concubiturum, nisi ratione
illius, per vinum obnubilatâ, ad id indu-
catur: dixit ergo una ad alteram. *Pater
noster Senex est, & nullus virorum remansit
in terra, qui possit ingredi ad nos juxta
morem universæ Terræ. Veni! inebriemus
tum vinô, dormiamusque cum eo, ut servare
possimus ex Patre nostro semen. Gen. 19. 31.*

116. Hîs non obstantibûs, DD. non
mediocris notæ, passim videndi,
præsertim apud Sanchez cit. nolunt, hoc
matrimonium Jure naturæ invalidari eō,
quod substantiæ, & fini intrinseco con-
jugij nou repugnet conjunctio Patris
cum filia; nec clarè ex naturæ principijs
hæc

hæc nullitas deduci queat, ob quod **Ca-**
ram. l. c. n. 376 l. fatetur, se semper cre-
didisse, talia matrimonia ex natura rei
non esse irrita, & se oppositam senten-
tiam cum admiratione suspicere. At illa
multum invaluit, quam etiam **Scotus** 4.
d. 40. q. un. deducit ex verbo **Adæ Gen.**
2. Relinquet homo Patrem, & Matrem, &
adbærebit uxori suæ: hoc enim, ante om-
nem legem positivam dictum, supponit
aliam à Matre debere esse uxorem.

117. Si incertum est, Jure naturæ
dirimi connubia in primo gradu lineæ
rectæ, quantò minus certum erit de alijs
gradibus ejusdem lineæ, cùm non tantum
obligetur neptis avo, nec tantam illi
reverentiam teneatur, quantum filia
patri, à cuius sanguine immediate de-
scendit, & quasi pars illius esse censetur.
Inde est, quòd **P. A. Breno cit.** quāvis
defendat, matrimonium Avi cum nepte
esse à natura nullum, n. 19. tamen, &
n. 29. concedit cum **Sanchez cit.** n. 21.
deemptō primo gradu consanguinitatis li-
neæ rectæ, matrimonia Infidelium, si ali-
ter fieri nequeat ob nimiam difficultatem
separationis, aliásque circumstantias co-
honestantes, (modò consuetudo sit a-
pud eos ita contrahendi) in conversione
ad fidem salvificam dissolvi non debere.

Denj.

118. Denique quoad alios ulteriores gradus lineæ rectæ communior sententia vult , illos in infinitum dirimere matrimonium : cùm omnes Ascendentes habeant rationem Principij respectu descendentium quorumcunque , tanquam eorum Parentes , ut etiā leges agnoscunt : *Appellatione Parentis non tantum Pater , sed etiam Avus , & Proavus , & deinceps N.B.) omnes superiores continentur . l. appellatione ff. de V. S.* Propterea etiam omnes illi in infinitum a ferendo testimonio pro Descendentibus repelluntur in causis non exceptis , ut Juristæ advertūt . Nec hoc correctum est per c. non debet . *suprà N. 109. relatum, in quo cognatio lineæ transversæ tantum ad quartum gradum reducitur.* Non nego quidem illam unitatem sanguinis per tam multiplices commixtiones plenè enervari , & totaliter extingui per ea , quæ dixi N. 107. Attamen , quia hoc non obstante , in morali aestimatione , quæ in Legibus , & Canone fundatur , quicunque Descendentes respectu Ascendentium nomine filiorum veniunt : judico , quidquid dicant aliqui cum Sanchez cit. impedimentum hujus lineæ aquæ modò , ac prius in infinitum protendi . Hinc Adam , si resurgeret , nullam ex fœminis ducere posset , quia Jure Gen-

Gentium incestum committit, qui in gradu
ascendentium, & descendenter uxorem ducit. L. fin. de Ritu Nuptiar.

Fateor nihilominus, speculativam
potius esse hanc controversiam. Brevi-
tas humanæ vitæ perquam raro conce-
dit, videre descendentes in quinto, minus
in ulterioribus gradibus: dumque etiam
haec felicitas alicui contingit, si non u-
nitas sanguinis, excessus tamen ætatis
non admittit, ut Atavus Atneptem (ita
in quinto, & sexto gradu distantes vocan-
tur. c. primus gradus. xxxv. q. 5.) aut
Tritavus ducat Trineptem.

§. III.

Resolvitur casus de Cognitione naturali.

Beræ, quam sibi desponsaverat, ma-
ritali jure cohabit Lentulus, sed quia
suboritur illi dubium (dum Antenatos uxo-
ris attentius considerat) de cognitione ali-
qua, se inter, & illā intercedente, accedit con-
sanguineos, rei veritatē amplius exploraturus,
qui dū in utriusque Majores solicite inquirūt,
evidenter concludunt, Lentulum esse ex ma-
gno Beræ Avunculo Pronepotem, Bertam
vero Promaterteræ illius Neptim. Exponit
haec Lentulus Titio, & Titius pro remedio
dispensationis ad Datariam Papalem sup-
pli-

plicem mittit, in quo hæc duntaxat exprimit: Oratores esse in quarto gradu consanguineos (nam in hoc gradu Lentulus distat à Perta) bona fide contraxisse, & quia matrimonium per multiplicatam copulam consummatum est, difficulter, nec sine gravi incommodo, & damno separari posse. Obtentam gratiam Officialis Episcopi, cui juxta solitum stylum inscripta erat, alijs Dioceseos implicatus negotijs, mox exequi nequit. Verum quia gravis Oratoribus visa est mora longior, delegat Notarium suum, qui aperto Rescripto, & factu de rei veritate inquisitione, omnia refert Officiali, & quoctiam observatis Rescripti clausulis, dispensatio executioni data erat &c. Suntne omnia benè facta?

119. Respondeo. Plura in hac specie facti intercurrisse, quorum quædam approbanda videntur, alia reprobanda.

I. Ante omnia advertendum venit circa usum matrimonij: Etenim si Lentulus prudens concepit dubium de consanguinitate cum uxore sua, obligatur quidem exinde ad ulterius inquirendam veritatem, aut certitudinem: interim tamen ab usu matrimonij non impeditur, sed licet debitum reddit uxori, dum illa in bona fide perseverat, nec de consanguinitate dubitat. Ratio est;

quia uxor in debito exigendo ex possessio-
ne matrimonij, bona fide contratti, &
continuati, defenditur. Dubitatem ip-
sum nihilominus privat jure petendi:
nam omne dubium suspendit determina-
tionem judicij, & dictamen conscienc-
iae, aliquid sibi licere, & dum tale judi-
cium practicum formari potest, cessat
eo ipso dubium: cum igitur cessare ne-
queat, donec per inquisitionem factam
non illucescat veritas, aut moralis certi-
tudo, tanto tempore nequit dubitans
petere debitum. Aliud est de dubio, ex
levibus motivis concepto, quod utique
vilipendi, & explodi debet de consilio
Episcopi, vel Confessarij: & quidem ad
sui Pastoris consilium conscientia levis, &
temerariae credulitatis (si v. g. quidam
non solidæ fidei asserat impedimentum
consanguinitatis &c.) explosa licet potest
non solum reddere, sed exigere debitum con-
jugale. c. inquisitioni 44. de sententia excom-
munic. quemadmodum etiam, si facta in-
quisitione moralis saltem certitudo de e-
xistentia consanguinitatis non appareat,
ut Omnes in ejusmodi casibus advertunt.
Porro illud de reddendo debito intelligo,
ut dixi, in supposito, quod altera coniux
bona fide utatur: si enim & illa rationa-
biliter dubitet de impedimento, similiter

non audet petere, sicutque nec alter redde-re; quia negato jure petendi non est lici-tum reddere in similibus

120. *II.* Benè factum est, quod con-sanguinei fuerint interrogati: quoniam u-nusquisque suam Genealogiam cùm testibus, & chartis, tum etiam ex recitatione majo-rum scire laborat. c. videtur 3. qui matrim. accusare, & propterea consanguinei, e-tiam in judicio, tanquam testes hac in causa admittuntur. cit. c. & c. ixxxv. q. 6. unde non est, cur Lentulus illos interro-gare, & dictis illorum credere non debe-ret, dum jurejurando, se verum dicere affirmaverint, c. notificamus. caus. & q. cit. cùm ita testantes etiam in Judicio fi-dem habeant. Quia ergo adinventa est consanguinitas, conjuges ab usu conju-gij, etiam tactibüs illis, quæ solutis vetita sunt, se continere debent; immò à coha-bitatione quoque, si periculum proxi-mum (quod vix unquam abesse potest à conjugibus juvenibus, & vel maximè car-nali congressui jam assuetis) similia attē-tandi id jubeat, soluti enim sunt ob nul-litatem matrimonii, & ideo nullus adest titulus, qui aliquid eorum cohonestaret.

121. *III.* Supplicem debuisse mitti ad Datariam eō, quod impedimentum consanguinitatis in casu hoc aestimandum

fit publicum : tametsi enim non publicū, sed occultum dicitur, quod quinque sciunt, ut notant DD. ex Glossa recepta in c. manifesta II. q. 1. in aliquo Collegio, aut Vicina, vel Párochia, cuius communitas ex decem saltem hominibūs constituitur: hic autem fors nec quinque consanguinei aderant, qui in consanguinitatem inquisierunt. Accedente nihilominus periculo ulterioris propalationis pauciores etiam sufficiunt ad faciendum impedimentum publicum, dum nimirum illud probare possunt, unā quoque timetur, ne illud divulgent, prout in proposito, cùm non vereamur consanguinitatem edicere aliorum, quæ nullam infamiam generat.

Dixi autem: ad Datariam; hæc siquidem (quæ etiam appellatur *Officium minoris gratiæ*) est tribunal, quod in foro externo pro dispensatione super quarto gradu simplici, aut tertio, & quarto mixto pulsari deberet. Alioquin pro tertio simplici, aut secundo, & tertio mixto ad Cancellariam: pro secundo autem, aut primo, & secundo, vel primo, & tertio, vel primo, & quarto mixtis, aut denique primo gradu affinitatis recurrendum est ad Praefecturam Brevium, ubi fiunt expeditiones sub annulo Piscatoris.

122. *IV.* In supplici Libello debuit exprimi, Lentulum, & Bertam bona fide contraxisse; qui enim scienter, seu mala fide contrahunt (intelligo malam fidem ex parte utriusque conjugis) haud, aut vix spem dispensationis habere possunt. Non tamen necessarium videtur exprimere, matrimonium esse consummatum, nisi in ordine ad dispensationem facilius impetrandum, cum ad simpliciter dispensandum sufficiat, matrimonium esse cum ignorantia impedimenti bona fide contractum. Planè autem superfluum erat apponere, copulam conjugalem suis aliquoties repetitam ad quid enim?

123. *V.* Ultra hæc debuisset quoque exprimi tertius gradus, quod Berta est juncta Lentulo; quamvis enim verum sit, in gradu mixto atendi remotiorem tantum gradum, qualis in casu nostro est quartus; unde si in foro interno petatur dispensatio, sufficit illum in supplici exprimere. Pro foro tamen externo omnimodè requiritur propinquioris mentio, non quidem ex hoc fine, quia dispensatio etiam pro hoc gradu est necessaria, sed ut declaretur in litteris dispensationis, gradum propinquorem non obstat. Hocque indubium reddidit Pius V in sua constit. *Sanctissimus in Christo. 26. Aug. 1566. ibi.*

quod de cœtero: (in quibuscunque dispensationibus ac litteris , commissionibusque desuper, etiam Locorum Ordinarijs faciendis) gradus remotior attendatur, trahatque secum propinquorem , ac ob id sufficiat , remotiorem tantum gradum exprimeret: obtentis tamen postea (N.B.) super propinquiore Litteris declaratorijs &c.

124. VI. Potuit quidem Officialis Notarium subdelegare ad capiendam informationem de rei veritate, ut videlicet examinet ipsos Oratores , testes &c. ad videndum, an omnia sint vera, quæ erant in supplici libello exposita , & repetita sunt in Litteris dispensationis: hæc enim sapiunt meram Jurisdictionem, quam Officialis, licet in proposito sit delegatus, subdelegare tamen potest , tanquam Delegatus Principis ex communi doctrina. Nequaquam tamen committere potuit Notario , aut alteri ipsum Officium dispensandi , sed dispensationem ille ipse , ad quem Litteræ directæ sunt, exequi debet eō, quod executio sit nudum ministerium , in quo Delegatus alterum subdelegare nequit. c. ult. de Offic. Delegat. Cœterum non videtur necessaria informatio de rei veritate per processum, & examen testium in forma judiciali, & in scriptis: sed satis est , si Executor se extrajudicia- liter

liter informet, & deinde comperta rei veritate verbaliter dispenset. Clericatus in *Discord. forensib. civilib. Discordia* 51. n. 6. & 7. post alios cit. allegans etiam ex Garzia decisionem Rotæ in una Mediolanens. matrimonij die 17. Junij 1602. Vide amplius dicenda N. 239. Item *discordia* 49. n. 4. & seqq. docet Juramentum de rei veritate, dum id in *Rescripto* exigitur, posse à partibus sumi extrajudicia-liter eō, quod id requiratur pro ipsius Executoris informatione duntaxat.

125. *VII. Dispensatio* ab Officiali facta nulla erat ob rationem *suprà* allatā, quod scilicet non fuerit facta mentio in Supplici gradū propinquioris, in quo Berta juncta erat Lentulo: siquidem expressio hujus, & desuper facta declaratio, illum non obstat, non tantum est necessaria, ut dispensatio licet executioni detur, sed etiam, ut validè: unde gratia dispensationis à S. Sede facta est quidem valida, inquantum non laborat sub-vel obreptionis vitiō, etsi subticitus fuerit gradus propinquior, ut declaravit Pius V. in Constitutione cit. At nemo illam validè executioni dare potest, quidquid dicat Sanchez l. 8. d. 24. n. 29. & alij, qui attendendi amplius non sunt, postquam & Urbanus VIII. 1. Novemb. 1624. di-

spensationem similem ex hoc tantum capite declaravit invalidam, & matrimonium ob eam revalidatum esse incestuosum, quod non fuerint prius petitae, & obtentae litterae declaratoriæ, secundum gradum non obstare: & Innocentius X. idem declaravit, quod tertius gradus non fuerit expressus, nec declaratio, illum non obstare, petita, & obtenta. Utrumque autem Breve, sicut & constitutionem Pij V. per extensum adducit P. Reiffenst. in Appendix ad 4. Decretal. n. n. 167, 173 & 175. Quocirca cum Officialis competet Lentulum, & Bertram non tantum quartum, sed etiam tertio gradu se invicem attinere, nec tamen tertium gradum fuisse expressum, debuit iterum Romanum recurrere, supplicando, ut per Breve aliud gratijs declaretur, tertium gradum non obstare, & hoc obtentum primum dispensare. Quod quia non est factum, manet matrimonium nullum, donec S. Sedi hic error exponatur, & preces pro nova dispensatione porrigitur.

Adverte autem, hæc intelligenda esse, dum gradus propinquior non est primus, sed secundus, aut tertius: si namque est primus, necessaria est non jam declaratio, illum non obstare, sed dispensatio propria, cum Paulus V. in cit. Constitutione

ne hunc gradum singulariter excipiat: dummodo primum quōquā modo non attingat: cūm in eo Sanctitas sua nunguam dispensare intendat, nisi id specialiter petita exprimat: unde non facta mentione primi gradū, ipsa gratia dispensationis in se erit subreptitia, & nulla. Et hoc, quantum ad primum gradum, verificatur etiam in dispensationibus à Sac. Pœnitentiaria pro foro interno procuratis.

ARTICULUS III.

De cognatione Legali.

§. I.

Explicatio, & Impedimentum Cognitionis Legalis.

Adoptio est actus legitimus, per quē fit filius, vel nepos, qui non est per naturam filius, vel nepos, licet sit consanguineus, ut Juristæ, & Theologi colligunt ex §. *Adoptio Inst. de Adop.* Quemadmodum enim ars imitatur naturam, & quandoque supplet defectum illius: ita Leges, volentes eos, qui per naturam orbi sunt Descendentibus, consolari, admittunt, ut in locum Liberorum alios subrogare valeant, & Familiæ suæ, tam-

quām veros filios aggregare: quōd factus defectus naturae artificiosè quodammodo suppletur, etiam abundantius quandoque, & melius, ut Constat de Vespasiano, & Nerva Imperatoribus, quorum primus habuit quidem filium Domitianum, sed quia omnis pravitatis epitome erat, infelicior dicitur Nervā, qui omni prole destitutus, Trajanū omnis prohibitis speculum, ut ad optimū tenuit filium; ut verum sit, quod cecinit Statius.

*Vidiego transertos alieno in robore ramos
altius ire suis*

Sed & Christum Dominum specie quadam adoptionis usum fuisse, legimus, dum in cruce moriens, Joannem sui locū B. Virginī commendavit in filium, & illam Joanni in Matrem: Ex illa bora accipit Eam Discipulus in sua. Joan. 19. 26.

127. Duplex est adoptio: una perfecta, quæ etiam arrogatio, vel adrogatio dicitur: altera imperfecta, seu absolute dicta adoptio. S. cit. adopt. & L. 7 tit. 7. par. 4. utraque in hoc convenit, quod adoptans debeat esse masculus, ex natura sua potens ad generandum, 18. annis senior adoptatō, & major 25. annorum, vel etiam, ut arbitror, 22. annorum, si quis in hac aetate ex statuto alicujus Patriæ, aut dispensatione Principis fiat Majorenus,

& administrationem suorum bonorum acquirat. Hinc fœmina adoptare nequit, nisi ex speciali privilegio Principis: nec ex natura frigidi, nec spadones: benè verò castrati, & Sacerdotes, quia illi ex accidente tantum superveniente, hi verò ex virtute Religionis generare non possunt. Conveniunt denique in hoc illæ adoptiones, quòd utrâque adoptati succedant adoptanti, ab intestato decedenti.

Differunt autem, quòd per arrogationem adoptatus transeat in potestatem arrogantis: & ob id arrogatus debet esse sui Juris, alias si foret in alterius potestate constitutus, non posset arrogantis potestati subjici: & quia per adoptionem simplicem adoptatus non subditur potestati adoptantis, poterit adoptari etiam ille, qui sui juris non est. Item arrogatus fit hæres necessarius arrogantis ex testamento in quarta Bonorum parte: non adoptatus. Item arrogatio requirit autoritatem, seu Rescriptum Principis, à quo & arrogans, & arrogatus interrogandi sunt, utrum in arrogationem reverà consentiant: ad adoptionem verò sufficit auctoritas inferioris Judicis, v. g. Magistratūs, merum, & mixtum imperium habentis: nec est necessaria illa expressa interrogatio, dummodo

modò alioquin constet de voluntate adoptati, & adoptantis. Et hæc omnia defumuntur ex varijs *SS. cit. Inst. de Ad- opt.* de quibus amplius consule Legistas.

128. Ad imitationem quandam cognationis naturalis voluerunt Leges etiam ex adoptione ex surgere cognationē, quæ propterea etiam *Legalis* dicitur, inducens impedimentum dirimens matrimonij contrahendi, ut patebit. Solæ quidem Leges non sufficerent ad dirimendum matrimonium, cum id authoritatis apud fideles Ecclesiæ tantum competat: sufficiunt tamen, quatenus sunt ab Ecclesia quoad propositum continua praxi, & consuetudine approbatæ, & canonizatae: quas etiam Nicolaus Papa venerandas nominat. Ita diligere. *xxx. q. 3.* ubi cognationem spiritualem ex naturali, & Legali firmare nititur: **Unde inter eos (spiritualiter cognatos) non arbitramur posse fieri quodlibet legale conjugium: quandoquidem nec inter eos, qui naturæ, & eos, qui adoptione filij sunt, venerandæ Romanae Leges matrimonia contrahi permittunt.** In Decretalibus quoque indistinctè, & sine ulla limitatione ponitur titulus: *Ds cognatione Legali*, id est ex Legibus ortæ, quæ nullibi reperiūtur esse cor-

correclæ, aut restrictæ. His itaque Legibus insistendo.

129. Quæres I. An ex utraque adoptione N. 127. insinuatâ consurgat cognatio Legalis, dirimens matrimonium? Respondeo: multos quidem sat probabiliiter affirmare cum Glossa in c. un. de cognat. legali, eō, quod Jura sine distinctione de adoptione loquantur: dum autem Jura non distinguunt, nec nos distingue re debemus per vulgaria. Scotistæ se insuper in Scoto fundant 4 d. 42. q. un. Verum quia Scotus nihil expressè decidit, sed mentem Glossæ cit. duntaxat adducit: alijs etiam impedimenta, tanquam odiosa, strictam interpretationem subeunt: cum Engel 4. tit. 12. n. 3. Pirhing ibid. §. 2. Sanchez l. 2. d. 63. n. 9. Sporer de matrim. n. 85. & alijs hoc impedimentum probabilius intelligo de adoptione tantum, quæ arrogatio nuncupatur: Tum quia cognatio legalis introducta est ob similitudinem, quam cum naturalibus habent filij adoptivi: cum igitur hæc similitudo non nisi in arrogatis verificetur, qui tantum familiæ arrogantis aggregantur, & illius subduntur potestati, licet non ex verbis Legum, ex fine tamen sufficienter deducitur, eas hoc impedimentum de arrogatione intellexisse.

130. Quæres II. Inter quas personas versatur hoc impedimentum cognationis legalis? Respondeo: hic adesse quandam analogiam ad cognationem naturalem quantum ad lineas, & ad affinitatem. Quapropter singillatim loquendo.

I. In linea recta versatur interadoptantem, tanquam Patrem ex una, & adoptatum, hujusque Descendentes, sub potestate adoptati existentes, tanquam filium, & Nepotes ex altera parte. §. 1. *Inst. de Nuptijs*, & L. 15. ff. de Adop. ubi statuitur, eos descendentes cum adoptato censeri simul adoptatos; quos tempore adoptionis sub sua habet potestate: ita namque unam cum adoptato in adoptantis transirent potestatem, ut advertit Sanchez cit. n. 34. Quare si Paulus adoptet Cajam, Cajæ filiam ducere poterit: cum enim Caja non gaudeat patria potestate in filiam. §. *fæminæ Inst. cit.* hæc per adoptionem Cajæ non transit in potestatem Pauli. Idem est de filiabus Petri, si sint emancipatæ, dum Petrus adoptaretur a Paulo. Et hæc cognatio, quæ dicitur *Paternitas Legalis*, durat in perpetuum, nec cessat soluta adoptione: Eam, quæ tibi per adoptionem filia, vel Neptis esse cœperit, non poteris uxorem ducere: quamvis eam emancipaveris l. c. non obstante

Sante solutione adoptionis, quæ fit per emancipationem.

131. *II.* In linea transversa inter filios legitimos adoptantis, qui adhuc sub illius patria potestate vivunt, & inter adoptatum ipsum tantum, non autem fratres, aut sorores hujus. Hæc cognatio est *Fraternitas Legalis*, & durat durante solummodo adoptione: si quæ per adoptionem mibi soror esse cœperit, quamdiu durat adoptio, inter me, & ipsam nuptiæ consistere non possunt. *c. un.* de cognati legali. Concordat *L. 23. ff. De Rite Nuptiar.* Eam, quam Pater meus adoptavit, & emancipavit, potero uxorem habere, æquè, & si me emancipatō illam in potestate retinuerit, poterimus jungi matrimonio. Additur quoque modus, non obstante adoptione deveniendi in matrimonium: *Itaque volenti Generum adoptare, suadetur ut filiam emancipet. Similiter suadetur ei, qui velit Nurum adoptare, ut emancipet filium:* & refertur in *Decreto, tamquam Palea c. 6. xxx. q. 3.*

Dixi autem: *inter filios naturales legitimos: filij* siquidem illegitimi adoptantis, cùm non sint in potestate illius *h.* *si adversus 12. Inst. de Nupt.* ex communī, & receptā sententiā non fiunt cognati Legales cum adoptato,

Sed

Sed quid, si quis adoptet plures, Titium v. g. & Annam, sūntne isti impenititi à conjugio invicem, tamquam frater, & soror legales? Respondeo: In hoc quoque casu prævalere iententiam negatam ex solido fundamento, quod Jus hoc impedimentum non exprimat. Fatigantur quidem aliqui ad sciendum, ob quam rationem Leges hunc casum omiserint. Ast cum Caramuele Theolog. fundam. l. 3. n. 378. sufficit scire, quod Jura illum non respexerint: à ratione autem male deducitur aliquid impedimentum, quia legibus tantum regimur in statuendis impedimentis.

132. III. Ad modum denique cuiusdam affinitatis legalis tangit hoc impedimentum adoptatum, & uxorem adoptantis, tamquam filium legalem, & novercam: *Adoptivus filius, si emancipetur, eam, quæ Patris adoptivi uxor est, ducet non potest, quia Novercæ locum habet.* L. 14. ff de rit. nupt. & vicissim adoptantem, & uxorem adoptati, tanquam Patrem legalem, & nurum ejus. Ibid. Notandum autem est in Lege cit. illud: *adoptivus filius si emancipetur: cùm enim per emancipationem cesseret adoptatio, si ea non obstante perseverat impedi-*

mentum.

mentum, clarum est, illud in hoc genere esse perpetuum: sicut in linea recta.

Dum igitur dubium aliquando emergerit de legali aliquorum cognatione, per consequens de impedimento inde orto: attende imprimis, an adoptio tantum, vel arrogatio intercedat, quod si te latuerit, accede Legistas, quorum est exactè has duas species distinguere. Si testati fuerint, veram adesse arrogationem, confer illos cum personis, per præcedentes tres NN. adductis, & explicatis, & si quidem repereris illos cum aliquibus convenire, facile tibi erit concludere cognitionem legalem, secus judicabis eos omnino liberos.

§. II.

Resolvitur casus de Cognitione Legali.

ORmillus mortua consorte, quæ liberos illi reliquerat, dicit Libitinam, quæ pariter ex priori matrimonio aliquarum prolium mater facta fuit. Ut utriusque matrimonij Liberi in Bonis sine distinctione succedere possent, usitatam in Germania Unionem prolium (Kindlichkeit / oder Erb-Verbrüderung) requisitis ad eam solennitatis incurrunt. Suntne propterea ex cognitione

tione aliqua inhabiles ad matrimonium,
si quod invicem contrahere vellent?

133. *Respondeo.* Si liberi utriusque
verè sint adoptati, utique non subsisteret
matrimonium inter illos ratione frater-
nitatis legalis N. 131. explanatæ; liberi
enim Ormilli fierent filij Libitinæ, per
consequens fratres, & sorores liberorum
Libitinæ, & è contra: unde si quæ Or-
milli filia aspiraret conjugium cum ali-
quo Libitinæ filio, necessarium esset, ut
aut suam filiam Ormillus, aut suum fili-
um Libitina emanciparet, prout ipsum
Jus l. c. instruit: vel Libitina emancipa-
ret filiam Ormilli, ne sit amplius filia il-
lius adoptiva, vel tandem Ormillus fili-
um Libitinæ; cessante namque adoptione
per emancipationem, aut aliam viam, in
Jure civili fundatam, cessat quoque Le-
galis fraternitas, ut ibidem dictum.

134. *Dixi, si verè sint arrogati:* id e-
nim ex mente, & intentione Parentum ar-
rogantiū patere debet: ex voluntate item
liberorum arrogatorum, ut deducitur ex
dictis N. 127. an scilicet liberi reverà vo-
luerint in filios adoptivos arrogari; Pa-
rentes verò illos adrogare. Cæterū au-
tem, tametsi adhibuerint solennitates il-
las, quæ de Jure arrogationi præscribun-
tur, nisi tamen expressè de dicta volun-
tate

tate constet, non est arguenda cognatio legalis: in Germania siquidem etiam ad meram Unionem prolium solent solennitates arrogationis adhiberi, cum tamen illa Unio non tam fiat propter majorem conjunctionem personarum, quam Bōnorū tantū, ut diversorum matrimoniorū liberi æqualiter tam in Bonis paternis, quam maternis succedant, ut advertit Engel 4. tit. 12. n. 7. Cum ergo Jūra de hac Unione nihil statuerint, sitque de consuetudine tantū introducta (etiam inter Principes personās) impedimentum cognitionis legalis nequaquam ad illam extendendum est.

CRIMEN.

135. **E**xperientia docet Confessarios, quod conjux, provecta ætate, aut notabili, & habituali sui conjugis infirmitate gravata, ut hoc tam molesto onere liberetur, vitæ quandoque illius (quacunque arte, & mediō) insidietur: frequentius autem se alteri viro adulterandam exponat, & pactum cum eo, de ineundo aliquando matrimonio faciat.

Gravissimo huic malo obviare cupiens Ecclesia, authoritati, quam circa im-

pedimenta matrimonij habet, innixa, prudentissimè, & opportunè statuit impedimentum *Criminis*, vi cuius nec illa conjux, quæ in mortem sui mariti machinata est; necea, quæ se, vivente marito, alteri viro prostituit, cum complice criminis hujus unquam matrimonium contrahere potest: ut vel ita, ablata videlicet spe conjugij, post mortem exoli conjugis cum amasio ineundi, enormia illa crima efficaciter, quantum in se est, reprimat. *Ratio inducens Ecclesiā ad sic ordinandum*, est repressio adulterij, & homicidij, quæ frequenter acciderent, si tales personæ possent legitimè contrahere, sit *Scotus 4. d. 35. q. un.* Quivis enim, si sapit, se continet ab eo delicto patrando, per quod videt se privandum illō, quod tantoperè desiderat.

Ut autem hæc crima, & consurgens inde impedimentum, debitè clarescat, sequentib[us] h[ab]et id, quod mihi probabilius in tanta varietate Opinionum visetur, exponam.

§. I.

Impedimentum Conjugicidij.

163. I. *C*oelestinus III. ut refertur laudabilem. i. de convers. Infidel. consultus de Sarracenis, qui dum in

captivitate essent, guarundam Christianarum viros earum insidijs, & machinationibus occiderunt: utrum, quia postea per ipsas ad fidem christianam conversi sunt, eas de Jure accipere possint in uxores? respondit: si mortem ipsorum virorum malitiosè fuerant machinatæ, licet earum studiō ad fidem accesserint, nec tamen eis adbærere debent, nec sunt, si adbæserint etiam, tolerandi: non obstante emolumento fidei Catholicae exinde proveniente: cum tale damnum (quod crimen conjugicidij interficit) taliter lucrō Ecclesia compensare non velit. Dum igitur conjux cum aliquo altero in mortem sui conjugis machinatur, dirimens impedimentum incurrit, quo obstante nequit morte secuta cum illo matrimonium contrahere, sive alter sit fidelis, sive infidelis: quamvis enim infidelis directe non stringatur hoc impedimentū Ecclesiasticō, utpote extra jurisdictionem Ecclesiae constitutus, ad annulandum tamen matrimonium sufficit, fidelem esse impedimentō ligatum, ne cum infidelicopulari valeat.

137. Id porrò cum communi advertendum, ut machinatio, ab utroque attentata, inducat impedimentum, eam intelligi consummatam, seu cum effectu mortis (ut liquet ex cit. c. in quo infideles oc-

cidisse viros Christianarum narratur) si-
ve fiat physicè, sive moraliter, id est ro-
gando, suadendo, jubendo &c. alteri, ut
conjugem exosum occidat, dummodo oc-
ciso vi hujus sequatur.

*Vi hujus, inquam: si enim Caja
jubeat, aut roget Titium, ut maritum
suū occidat, sed pœnitentiā ducta, man-
datum revoget, antequam Titius occi-
dat, eaque revocatio ad notitiam illius
pervenerit, nullum oritur cum Titio
impedimentum, licet postmodum occi-
dat; cum Caja ratione factæ revocationis
non sit amplius causa mortis. Simili ra-
tione si ex conspiratione Cajæ, & Titij
vulnus quidem inflictum erat, sed non
lethale, ex quo tamen, ob imperitiam
chirurgi ineptè curatō, obiit, non oritur
hoc impedimentum, quia videlicet non
ex machinatione, aut vulnere, sed ex in-
scitia medicantis secuta mors est: unde
omnes illos ab hoc impedimento reor li-
beros, qui non sunt causa physica, aut
moralis mortis, licet occasionem ad ean-
dem præbuerint: versamur enim circa ma-
teriam odiosam, quam salva proprietate
Juris pro possibili restringere oportet.*

*Ex quo autem fine hæc machinatio
fieri debeat, ut causet impedimentum,
dicam N. 140.*

138. II. Alexander III. interrogatus:

an liceat alicui cum ea contrahere matrimonium, quam uxore sua vivente sibi defacto matrimonio copulavit? rescripsit: si adultera est in mortem uxoris machinata, siue fidem dedit, sive non, quod eadem defuncta bane esset ducturus, secundum Canones ab ejus consortio prohibetur, & hæc prohibitio perpetuò est servanda, ut refertur c. super hoc 3. de eo, qui duxit in matrim. &c. Ex quo constat altera species impedimenti, ex conjugicio provenientis, quando scilicet conjugatus adulteratur cum aliena fœmina, quæ in mortem illius uxoris machinatur (intellige cum effectu, seu morte secuta per omnia ea, quæ N priore notaveram) hoc enim stante nequit post mortem suæ uxoris cum illa adultera contrahere, etiamsi antecedenter matrimonium non promiserit: Immò si promisisset, duplici criminis impedimentum obstringeretur, ex adulterio nempe, & machinatione unius in mortem uxoris: & iterum ex adulterio, & promissione futuri matrimonij, de quo §. seq. Propterea si adulteram ducere volens, ad dispensationem confugeret, utrumque hoc impedimentum in Supplici exponere debet.

Cœterum, quæ dixi de adultera ma-

chinante in mortem uxoris viri, currunt etiam de viro machinante in morte suæ uxoris, cùm c. 6. eodem clare legatur: nisi alter eorum (id est adulterer, vel adultera) in mortem uxoris defunctæ fuerit machinatus; est enim eadem ratio. Item si fœmina sit maritata, & illa, vel ejusdem adulteræ vitæ mariti fuerit insidiatus, ut liquet ex c. si quis vivente. xxxi q. 1. ibi: nisi forse vir, aut mulier virum, qui mortuus fuerat, occidisse notetur. Ex quo Can. amplius corroboratur, ad hoc impedimentum requiri veram occisionem, ex machinatione secundam. Sed.

139. *Dubitatis I.* An sufficiat ratihabitio occisionis? id est: Titius adulterium commisit cum Berta: hujus maritum occidit Livius, quod factum approbavit deinde, seu ratihabuit Titius, quia nimis rum Bertam viduam ducere potest. Estne impedimentum criminis inter Bertam, & Titium? *Respond. negativè:* nisi occisionem suassisset quoque Titius, jussisset &c. per dicta N. 137. *Ratio est:* vel Livius occidit maritum Berte nomine, & favo e Titijeō, quod crediderit, se rem illi gratam præstiturum; vel sine hac reflexione ex odio tantum, aut rixa? si primum: videretur quidem, Titiū esse impedimento ligatum ex *Regula IO. I. in b.*

Rati-

Rati^b abitionem retrotrabi, & mandato non est dubium comparari. Verum cum haec Regula fallat in ijs, quæ expressum mandatum requirunt: impedimentum vero criminis requirat aut occisionem, aut mandatum ad eandem, quod utique antecedere debet; nec enim propriè machinatur in mortem, qui mortem jam illatam approbat: Titius im^munis erit ab impedimento. Si secundum: à fortiori idē dicendum est eo, quod in tali casu ille nec ratihabere occisionem censendus sit; nam ratum habere quis non potest, quod ipsius nomine non est gestum, ut habet alia Regula. 9. I. in 6.

140. *Dubitas II.* Qua intentione debet fieri machinatio in mortem conjugis? *Respondeo*, me nullam reperire in Jure expressam: communem tamen, & receptam sententiam desiderare intentionē, post illatam mortem cum superstite conju^ge contrahendi, quia videlicet Jus movebatur ad hoc impedimentum, ut, ab^lata spe conjugij cum superstite, præcluderet viam conjugicidijs, ad quæ adulteri non inclinant ordinariè, nisi, dum animum habent invicem contrahendi: unde *Glossa* in cit. can. si quis vivente, ad illa verba: occidisse notetur, addit. ut conjungatur alteri in matrimonium. *Sanchez l.7. de*

matrim. d. 78. n. 12. citans 50. circiter
 DD. quibus addendi Caram. Theol. fun-
 dam. l. 3. n. 3772. Engel 4 Decret. tit. 7.
 n. 6. Pirhing. ibidem §. 3. n. 26. Reiffenst.
ibid. n. 23. & alij. Ex quibus aliqui ultrà
 volunt, hanc intentionem debere à ma-
 chinante alteri adultero manifestari. Sed
 quia nullum hujus fundamentum video,
 ad quid enim ea manifestatio, cùm con-
 sensus, aut voluntas alterius nullibi exi-
 gatur? alias etiam finis Legis salvatur,
 dum is, qui animò superstitem ducendi,
 occidit conjugem, spe, quam concepit,
 privatus manet, licet suum animum non
 prodiderit: potius cum Mast. io 4. sentent.
 d. 7. n. 498 judico, sufficere ad impedi-
 mentum, ut unus ex adulteris occidat ea
 intentione, alterò non tantùm intentio-
 nem, sed etiam occisionem ignorante.
Sporer de matrim. n. 105.

141. Ex his *infero*, non esse locum
 impedimento, si Titius post adulterium,
 cum Caja patratum, occidat sive venenò,
 sive gladiò suam uxorem, quia rixosa
 est, gravis, capitosa &c. aut ex aliò quo-
 cunque motivò, dum modò nullatenus ex
 intentione, Cajam postmodum ducendi,
 de quo casum ex Navarro vide in P. Spo-
 rer l. c. n. 103. qui tamen advertit, in fo-
 ro externo, dum constat de uxoricidio,

& adulterio, semper præsumi intentiōnem ducendi, nisi contrarium gravissimis conjecturis probetur: v. g. Titium occidisse ex nimio furore, & calore iræ uxorem, quam aliàs amore prosequebatur &c.

Sed quid in foro interno? Respondeo, eò modò, quò se pœnitens accusat, judicandum esse. Si verò ille ipse dubitet de sua intentione, quia scilicet habuit quidem sèpùs animum, se à sua uxore liberandi, & adulteram ducendi, nescit tamen, utrùm hic, & nunc, dum occidit exorta contentione, se etiam illa voluntas insinuaverit: sentit quidem Sporer cit. abstinendum esse à matrimonio, & solicitandam dispensationem ab impedimentoa ea ratione, quòd contrahere volens debeat moraliter certus esse de impedimenti parentia, ne Sacramentum matrimonij periculo nullitatis exponat. Ast quia firmiter judico, dubitantem de impedimentoo debere quidem conari ad inveniendam veritatem, dum tamen ea attingi nequit, securè se posse, depositò dubiò, resolvere ad matrimonium, Titium ita dubitantem nequaquam impedire à conjugio: quemadmodum nec illum, qui dubitat e. g. de consanguinitate cum sponsa: cum enim prohibitorum

rium sit edictum de matrimonio contrahendo, ut, quicunque non prohibetur, per consequentiā admittatur c. cum apud de Sponsalib. certum esse debet, & non dubium impedimentum, ut vi illius aliquis à matrimonio prohibeatur: sicut in alijs materijs certum debet esse præceptum, aut prohibitio ad hoc, ut aliquid facere non audeam; alioquin inanet in possessione libertas illud faciendi juxta Regulam 65.

I. in 6. In pari delitto, & causa potior est conditio possidentis, cui, & alteri simili principio: Beatus, qui possidet, innixus Carinuel, edidit integrām Dialectin de Non certitudine inscriptam, in qua à ratione, exemplis, authoritate DD & Jure demonstrat, ut aliquid licetē fieri possit, sufficere, quod certum non sit, illud esse prohibitum. Ex qua solida doctrina sequitur, eum, qui moraliter certus non est de impedimento, posse judicium moraliter certum formare, nullum adesse impedimentum.

142. Dubitas III. Quale requiratur adulterium ad hoc impedimentum? Respondeo: ad hoc dubium patere ex dicens N. 148. sicut etiam ex N. 145. patet, adulterium, & conjugicidium deberet concurrere durante eodem conjugio: & ex N. 144 quod illud conjugium fuerit validum, & legitimū. g.

§. II.

Impedimentum Adulterij cum
promissione matrimonij.

143. I. **G**regorius IX. declaravit. si quis, uxore vivente, fide data promisit aliam seducturum, vel cum ipsa defacto contraxit, si nec ante, nec post, legitimā (NB.) ejus superstite, cognovit eandem: quamvis utrique ipsorum pro eo, quod in hoc graviter deliquerint (ergo mortalis culpa est, vivente propria uxore alteri matrimonium promittere, multò magis actu illud contrahere) sit pænitentia injungenda, non est tamen matrimonium, quod cum ea contraxit, post uxoris obitum dirimendū. Ceterū tolerari non debet, si prius, vel postea, dum (NB.) vixerit uxor ipsius, illum adulterio polluisset. c. si quis. fin. de eo, qui duxit in matrim. idem legitur c. significasti 6. eod. statutum ab Innocentio III.

Ex quibus evidens est tertia species impedimenti criminis, quæ exinde oriuntur, quod conjugatus adulteretur cum alia fœmina, cui etiam aut matrimonium promittit, post mortem suæ uxoris celebrandum, vel, quod pejùs est, illud actu cum ea contrahit, vivente scilicet legitima sua uxore (idem est, si econtra-

con-

conjugata id attentet cum alio viro, vi-
vente suo marito) nec quidquam suffra-
gatur , etiam si longissimo tempore adul-
ter , & adultera ita conjugati perman-
sissent , prolibūs quoque inde susceptis ;
cùm multiplicitas prolis ita susceptæ magis
eorum crimen exaggeret , & diuturnitas tem-
poris peccatum non minuat , sed augmentet.
c. cùm baberet 5. eodem. ubi propterea se-
parari jubentur , qui per decennium co-
pulati cum hoc impedimento , decem
proles genuere: erga quas nihilominus
æquitas naturalis demandata fuit , ut
delicet uterque (Parentum) Liberis suis ,
secundum quod eis suppetunt facultates , ne-
cessaria subministrent , in quo Episcopi in-
vigilare debent.

144. Ad hoc autem impedimentum
omnime requiritur (idem dic de impe-
dimento ex adulterio , & conjugicidio
proveniente) ut conjugatus , qui adulte-
ratur cum altera , illique matrimonium
promittit , sit à parte rei conjugatus , seu
verò , & validò matrimonio suæ uxori co-
pulatus . c. significavit 2. tit. cit ubi refer-
tur , Alexandrum III. jussisse eum , qui
vinculis , & carcere compulsus ad quan-
dam ducendam , eâ postmodum relata ,
aliam sibi matrimonio junxerat , cum hac
secunda permittendum esse eō , quod pri-
mum

mum matrimonium ob metum gravem,
& injustum fuerit invalidum: unde Rubrum dicti c. sic sonat: si vivente prima uxore, & ea non cognitâ, quis contraxit cum secunda scienter, & eam cognovit: etiam mortuâ primâ secundam habere non potest. Secùs si prima erat non legitima uxor; quia nimis ille, qui caret legitima uxore, quam tamen talem credit, peccat quidē peccatô adulterij ob conscientiam erronem, dum accedit ad aliam sc̄eminam, sed à parte rei non committit adulterium, quod tamen in proposito Jura exigunt.

Nequaquam tamen requiritur matrimonium consummatum cum propria uxore, sed sufficit ratum duntaxat, ut patet ex Rubro mox cit. ibi. & ea non cognitâ; est enim verum, & legitimum conjugij vinculum, licet non sit per copulam consummatum. Et quia vinculum non dissolvitur per divortium, vir, ab uxore sua per divortium separatus, reus etiam fit impedimenti, si aliam adulterio polluit, illique fidem dat futuri matrimonij. Ob eandem rationem idem dicendum, dum uxor alicujus post consumatum matrimonium in aliqua ex Religionibus solenniter professa est, prout deciditur c. ex Litterarum. 4. d. t.

145. Requiritur item, ut & adulterium

rium, & promissio matrimonij fiant vi-
vente eodem, vel eadem conjugē (quod
intellige quoque de impedimento supe-
riore ex conjungicidio, & adulterio, quorū
utrumque debet commissum esse durante
vita ejusdem conjugis) ut manifestè in-
dicant verba N. 143. relati cap. per NB.
signata, colligiturque ex alijs c. c. de hoc
impedimento tractantibūs. Quocirca si
Titius vivente sua uxore cognovit Cajam
& mortuā primō illā huic fidem matri-
monij dedit, potest illam ducere, quia
adulterium, & promissio matrimonij non
sunt facta durante eodem matrimonio.
Nec si fidem dedit Cajæ, sed hac fide, &
promissione revocatā eam cognovit : quia
per revocationem cassata est, & abolita
promissio, sīcque manet solum adulteri-
um, quod non sufficit ad impedimentum.
Aliud foret, si patratō jam adulteriō pro-
missionem revocaret ; nam per promissio-
nem priùs factam, cui accesserat adulte-
rium, causatum jam fuit impedimentū,
quod sine dispensatione non amplius tol-
litur. Nec denique, si Titius data fide
Cajæ, post mortem suæ uxoris duxit An-
nam, & hac vivente cognovit Cajam,
prohibetur in casu mortis Annæ à ducen-
da Caja eō, quod adulterium, & pro-
missio non concurserint ad tempus ejus-
dem conjugii.

146. II. Alexander III. prout legiturc. propositum 1. cod. 1. consultus de eo , qui vivente sua legitima uxore sibi aliam hujus ignaram copulavit, & cognovit , his formalibūs respondit : quia p̄fata mulier erat inscia , quòd ille aliam haberet uxorem : nec dignum est , ut prædictus vir , qui scienter contra Canones venerat , lucrum de suo dolo reportet . . . taliter respondemus , quòd nisi mulier divortium petat , ad petitionem viri non sunt aliquatenus separandi : subaudi post mortem uxoris : ante mortem autem absolutè separari debent ad vitandam Polygamiam.

In hoc Rescripto Papæ patenter requiritur , ut fœmina , quam adulterata fide sibi desponsat , sciat illum uxoratum : secùs enim , si bona fide crediderat , illum esse à matrimonio solutum , potest quidem post mortem uxoris ab illo recedere , cùm matrimonium , priùs vivente uxore contractum , fuerit nullum : si tamen adulterum , ut maritum habere , & retinere voluerit , cogendus ille est , ad conjugium , prius nulliter contractum , novo consensu revalidandum ; id namque naturalis æquitas postulat , ne fœmina dolosè circumventa , & hac fraude ad carnales copulas simulato jure matrimoniij seducta , à deceptore deseratur invita.

Interim vide, quæ N. 42. dicebam in simili de ea, qui se ingenuam fingens decepit ingenuum, quod videlicet sit cogenda ad permanendum in matrimonio, si ille voluerit.

Vide etiam dicta N. 33. ut scias, quæ ignorantia ad hoc sufficiat, eaque ad propositum accommoda. Item amplius dicenda N. 306.

Quæ de fœmina ignorante dixi, multò magis vera sunt, dum ipse etiam vir bona fide credit suam uxorem obdormisse, séque liberum reputans, progreditur ad aliud conjugium, illōque utitur. Si tamen hi duo bona fide copulati, rescient postmodum, uxorem priorem etiamnum vivere, utique ab invicem separari debent, nec amplius congregendi audent sub reatu adulterij per dicenda de impedimento Ligaminis.

147. Sed quid? si ea notitia non obstante ab assueta copula carnali non desistant, incuruntne propterea impedimentum criminis? Respondeo: P. Sporer cit. n. 108 illos liberare cum Tamburino, si copulas continent non quidem vi prioris promissionis matrimonialis, à qua, tamquam nullā, recesserunt, sed ex affectione carnali duntaxat; quia in hoc casu evanescente promissione, & quodammodo

modò revocatâ, fiunt solius adulterij participes. Damnat autem illos, si in priori promissione conjugali permanentes, vi illius ulterius commisceantur; concurrunt enim promissio, & adulterium formale, quæ impedimentum causant. Bonâ quidem distinctio, sed in eo augenda, quod dum hi putativi conjuges nesciunt, sed dubitant, utrum à priori promissione recesserint, illamque revocaverint, concludendum, & standum sit pro illa, & consequenter etiam pro impedimento, nam promissio semel facta, est in possessione, & tamdiu permanere censetur, donec non constat esse revocatam, ex doctrina, N. 141. datâ. Adde iterum, illam distinctionem currere pro foro interno duntaxat: etenim cum periculum sublateat, ne revocatam simulent promissionem, cui tamen adhærentes, permanent in proposito iterati conjugij, dum uxorem reverâ obire contigerit: hoc ipsò, quod constituerit, eos in adulterio continuanter vixisse, in foro fori præsumetur impedimentum.

148. *Dubit as autem I. Quale adulterium in proposito intelligatur? Respondeo cum Sanchez l c. d. 79. n. 2. Sporer. n. 110. Pirching, Pichler, & communis Modernorum, intelligi consummatum per*

copulam perfectam cum immissione seminis intra vas naturale. Ratio est: quod, licet quantum ad rationem peccati, verum committatur adulterium per copulam inchoatam tantum cum fœmina non sua, violatur enim fides thori conjugalis: immo etiam per pollutiones, & tacitus impudicos, qui induunt malitiam copulae adulterinae, ad quam ordinantur: nihilominus quia in communis sensu, & existimatione per adulterium simpliciter intelligitur copula perfecta cum non sua, per immisionem seminis consummata: non nisi tale adulterium intelligendum venit, dum agitur de impedimento exinde resultante, aut de poena ordinaria, contra illud à Jure statuta: atque ita parificatur hæc species impedimenti criminis cum alia superius explanata, quod sicut ad illam requiritur machinatio in mortem consummata, ita etiam adulterium consummatum, jubente vel maximè illo communi principio: odia restringi, & favores convenit ampliari.

Nec opposas, quod hæ lasciviaz, & inchoata adulteria amplius coercentur, si etiam illis concedatur vis, & efficacia causandi impedimentum. Hoc siquidem verum est: attamen quia nullibi legitur, eam vim copulae inchoatae à Jure anne-

xam esse, sed tantummodo adulterio, quod in odiosis non nisi de consummato interpretari debet: non est id asserendū. Alioquin pari ratione tandem enorriter lascivis, pollutionibus, & copulæ sodomiticae cum aliena fœmina ob eandem rationem vis dñi mendī matrimonij admitti deberet, quod nemo dixerit. Quocirca non video, ob quam urgentem rationem P. Reiffenst. qui in sua *Theo. moralis tract.* 14. d. 13. q. 4. n. 93. adulterium consummatum ad hoc impedimentum requisiērat, mutatā postmodum sententiā in *Jure Canonico l. 4. tit. 7. n. 13* docuerit, sufficere copulam iunctivam tantum.

Addit porrò Sanchez *l. c.* impedimentum incurri, dummodo, quacumque tandem arte, aut instrumento, fœmina semen virile recipiat, licet vas illius non penetretur. Verum quia per adulterium communi opinione venit penetratio vas ex immissione membra virilis, speculatiōnī huic non arbitror adhærendum. Videantur dicenda de *Impedimento affinitatis.*

149. *Dubitās II.* de promissione matrimonij, qualis esse debeat? Respondeo, de ea multum discrepare tūm Theologos, tūm Juristas, aliquibūs plura, pauciora alijs requirentibūs. Quid ego sentiā,

per sequentes *Assertiones* declarabo, dum tamen præmonuero, generaliter loquendo illam requiri, & sufficere promissionem, quæ in alia materia valida esset, & obligationem pareret.

Affero I. Promissionem debere esse veram, & actualem, nec sufficere velleitatem tantum, aut intentionem promittendi: qui enim vellet tantum promittere, aut qui intendit, actu non promittit, nec obligationem contrahit. Unde si Titius uxoratus diceret suæ adulteræ: *si conjugatus non forem, te ducerem: vel, intendo te ducere post mortem meæ conjugis &c.* non ligaretur hōc impedimentoō. Immō Engel 4. tit. 7. n. 9. illum ab impedimentoō liberat, etiam si diceret: *mortua uxore non aliam ducam preter te: utique ex eo,* quod exinde non fiat simpliciter obligatus, sed ex supposito tantum, quod aliquam ducere vellet: & hoc verum esse videtur, nisi circumstantiæ aliud suadeat verum scilicet promittendi animum.

150. *Affero II.* Non requiri quidem promissionem juramentō firmatam, cūm id necessarium esse nec ratio urgeat, nec lex jubeat. Requiri tamen seriam, nec sufficere fictō animō prolatam: ficta namque promissio non est vera promissio, nec à talis obligat. Engel, Sporer, Reiffenst.

Il. cc. & communior contra Sanchez cit. n. 10. & quosdam alios. In foro tamen externo , dum constiterit de promissione , judicabitur , illam ex serio animo processisse , præsumitur enim mentem concordare verbis.

151. Affero III. Non est necessariū , ut sit promissio mutua , & reciproca , sed tantū , ut sit acceptata . Ratio primi est contra Bellarmin . Layman &c. citatos ab Elbel *de matrim. n. 165.* quod nulla legge exigatur repromissio : immo , quia e. significasti 6. de eo , qui duxit &c. dicitur : nisi alter eorum fidem dederit : non autem , nisi uterque , aut : nisi alter eorum altero re promittente &c. potius deducitur , promissionem unius tantū sufficere . Tum quia in odiosis docemur quidem , verba in omni proprietate sumere , & intelligere , non tamen ultra aliquid addere : cùm ergo jus exigat promissionem duntaxat , ea autem verè , & propriè talis sit , etiam re promissione non accedente , nescio , quomodo hæc superexigi possit . Quapropter mihi minimè probatur principium illud , eam nempe requiri promissionem , quam sponsalia exigunt . Sanchez c. n. 22. Engel , Sporer , Reiffenst. & alij.

Ratio secundi est , quia promissio non acceptata non est rigorosa promissio ,

sed nuda pollicitatio, ut post alios bene probat Sanchez n. 19. Porro acceptatio sit vel verbō, vel factō: non enim verbis tantum mentem nostram exprimimus, sed signis quoque, & factis. Verbō acceptat adultera promissionem, dum reponit: placet, acceptio &c. nequaquam autem, si audita promissione matrimonij dicat: ita, si Deus voluerit, aut si at, quod Deo placuerit: hoc namque responsō potius rejicitur promissio, cum Deo minime placeat is tractatus, & promissio. Factō autem acceptare censetur, dum fœmina auditī hīs verbīs: si mibi copiam tui corporis dederis, te ducam, aut me obligo ad teducendā post mortem meæ uxorū, mox consentit adulterare volenti, & copiam sui corporis facit, nam & vir aestimaretur factō promittere matrimonium, dum fœmina dicente: si mibi matrimonium promittas, concedo tibi usum corporis mei, se, etiam silens, ad usum illius accingere. Hīs benē perpensīs non consenties P. Elbel in solutione casūs quem locū cit. proponit

Patet jam, non sufficere ad hoc impedimentū, quod adultera audita promissione matrimonij, ab adultero factā, simpliciter taceat: siquidem Regula illa ordine 43. l. in 6. Qui tacet, consentire videtur

detur, non verificatur in odiosis, nisi quando tacens potest, & debet loqui: hæc verò promissio est odiosa, & præjudiciosa adulteræ, utpote impedimenti induciva: nec illa tenetur loqui. Caram. l. 3. *Theol. fundam. n. 2771.*

152. *Affero denique IV.* Promissiōnem (quidquid dicat Sanchez cit. quem prolixum vide, si lubet) debere esse absolutam, quia promissio non absoluta non obligat, nec est vera actualis promissio. Unde si contingeret promissionem matrimonij conditionatè tantum fieri, non oriaretur impedimentum, nisi conditio ante mortem conjugis adimpleatur: si enim ante mortem eveniat, promissio evadit absoluta: si verò primū post mortem, tunc, cùm vivenre uxore, aut conjugē de se necdum fuerit obligatoria, remansit solum adulterium, quod insufficiens est ad impedimentum inducendum.

§. III.

Quid sentiendum de eo, qui
hoc impedimentum ignorat?

153. *P* Pichler in 4. Decret. tit 7. d n.
6. citatis Palud Major. Zergoll, Krimmer, & quibusdam alijs defendit, illos, qui committunt quidem cri-

mina ad præsēs impedimentum requiſita, sed ignorant Legem, quæ talibus criminibus impedimentum adneſtit, illud nequaquam incurtere, ea potissimum ratione, quod hoc impedimentum sit latu in pœnam criminum conjugicidij, & adulterij, ut videlicet conjuges abſterreantur ab his delictis, dum ſibi præclusam ſpem matrimonij vident: atqui ignorans pœnam aliquam eſſe delicto imposiſtam, illam non incurrit eō, quod gravius peccet, qui ſciens legem pœnam ferentem, illam transgreditur, quam ignorans: adeoque æquum eſt, ut ille gravius puniatur, ſicque impedimento ſubjaceat, non iſte. Quemadmodum etiam, ut dictum fuit N. 146. liber eſt ab hoc impedimento, qui committit quidem adulterium, ſed nescit, ſe illud committere, puta, quia credit, alterum non eſſe conju-gatum. Confirmat amplius à paritate: etenim maritus, qui peccat cum conſanguinea uxoris ſuæ, ignorant Legem, quæ illum privat jure petendi debitum à ſua uxore, non privatur illō. Nec eſt excommunicatus, qui ignorant delicto à ſe commiſſo annexam eſſe communicationē. Nec fit irregularis ex plurium ſententia, qui ignorant v. g. ſe ex homicidio iuſto, aut violatione cenzuræ fieri talem, non ob-

obstare, quod Irregularitas sit potius quam
dam inhabilitas, quam poena. Tandem, ut
multi Theologi docent in materia de Pæni-
tentia, reservatio peccatorum non incur-
ritur ab eo, qui ignorat, sua delicta esse re-
servata: ergo etiam non incurrit hoc im-
pedimentum, qui occidit conjugem, aut
adulteratur cum aliqua, cui matrimo-
nium promisit, & nescit, seu ignorat le-
gem, impedimentum statuentem.

154. Oppositam sententiam tutan-
tur Caram. l. n. 3772. Reiffenst. n. 26.
Sporer de matrim. n. 114. & ab ijs citati,
quam etiam Pichler facetur esse communem:
& fundatur in primis in illo generali prin-
cipio, quod cum impedimenta non depen-
deant ab hominum voluntate, sed a Jure
duntaxat, quod nullibi declarat, necessa-
riam esse scientiam illorum, ut incurran-
tur, Sanchez l. 7. d. 40. n. 7. sicut alia im-
pedimenta afficiunt ignorantes, ita eti-
am impedimentum criminis. Deinde,
quod etiam poenæ, et si invincibiliter i.
gnoratæ, maneant illos, qui scienter delici-
tum aliquod committunt (exceptis cen-
suris propter dicenda) docent Layman,
Suarez, Ledesma, & communissima alio-
rum, quos citat, & sequitur Reiffenst.
ad 5. Decret. tit. 3. n. 321. & contrarium
videtur Covaruv. error admodum manife-
sus,

stus, & maxima oscitatio: cùm enim
 cuivis notum sit, crima voluntariè com-
 missa, nedum à Deo, sed etiam à Jure, &
 Legibus puniri variis modis pro diversita-
 te, & gravitate illorum, hēc ipsō, quod
 quis aliquod sponte comittat, se subdit
 pœnæ in illud statutæ, habetque implici-
 tam saltem, & virtualem notitiam talis
 Legis, licet explicitè ignoret pœnam de-
 terminatam. Quam doctrinam etiam
 comprobat universalis praxis Tribunalium
 utriusque judicij: non qui-
 dem ex eo, quod tribunalia præ-
 sumant notitiam pœnæ in delinquen-
 tibus, quæ scilicet in foro externo sem-
 per præsumitur, maximè pœnæ à Ju-
 re comuni infliguntur: sed ex ratione insi-
 nuata, quod sufficiat delictum volunta-
 riè, & scienter admisisse: unde fit, non
 examinari in Judicijs de Scientia pœnæ,
 sed tantum de crimina. Et Deus bene-
 dictus etiam, qui utique in præsumptioni-
 bus non fundatur, cùm sit scrutans corda,
Orenes Psal. 7. sed secundū suā æquitatē
 in suis judicijs, & pœnis procedit: nequa-
 quam attendit ad scientiam pœnæ in de-
 linquente, sed totam fulminat in illum
 quoad omnem gradum, etiamsi ea inten-
 sio ignoretur.

Quæ cùm ita se habeant in pœnis
 purgatione

perè talibus, & vir dicativis, à fortiori vera sunt in ijs, quæ præter hoc, quòd sint pœnæ, sunt etiam inhabilitates, seu redundant personam inhabilem ad aliquem actum validè exercendum, ut est impedimentum criminis inhabilitans ad matrimonium. Etenim dum actus nullus est propter impedimentum Juris, vel personæ inhabilitatem, certum est, quòd gestus ab ignorantе illud impedimentum, aut inhabilitatem non evadat validus, neque ignorantia prodesse possit ad valorem. Pithing ad 5. Decret. t. 27. n. 50. Sic collatio beneficij facta excommunicato excommunicatione majori est nulla, etiamsi ille probabiliter, aut invincibiliter ignoret, se esse excommunicatum, ut docent DD. communiter.

155. Limitavi suprà: exceptis censuris, propter apertum extum Bonifacij VIII. qui refertur e. ut animarum 2. de constit. in 6. & passim in materia censurarū allegatur à Juristis, & Theologis: ut animarum periculis obvietur, sententijs (censuris) per statuta quorumcumque Ordiniorum (etiam Papæ, qui est Ordinarius Ordiniorum) prolatis, ligari nolumus ignorantes: dum tamen eorum ignorantia crassa non fuerit, aut supina. Ex quo DD. inferunt: cùm ad incurrendum Censurā re-

requiratur contumacia, & virtualis facta
contemptus Clavium, seu potestatis Ec-
clesiasticæ (excommunicatio enim est
pœna gravissima , quæ pœna in Ecclesiæ
nulla major est. c. corripiantur 17. xxiv. q.
3. & ideo c. sacro. de sentent. excommun-
prohibetur : ne quis in aliquem excommu-
nicationis sententiam ferat, nisi competente
monitione præmissa de ipsa excommunica-
tione per tradita à Sanchez l. 9. de matr.
d. 32. n. 13. ex Soto, & alijs, ut nulla il-
lius ignorantia in excusationem adferri
possit) non fieri reum illius, qui censurā,
aut Legem, eam fulminantem, ignoravit:
non enim contemnit disciplinam, qui ig-
noravit. L. si ignorans 50. ff. Locati.
Cùm autem ad luendas alias pœnas nul-
libi contumacia requiratur, nec Jus illam
exigat, aut declareret, ignorantiam habere
vix aliquem ab ijs eximendi: non vide-
tur bona illatio à Censuris ad alias pœnas,
præsertim cùm dicta N. priore aliud sua-
deant.

156. His tamen non obstantibus ve-
rum manet, ignorantiam facti excusare
ab impedimento, sicutque immunem esse ab
illo, qui ignorat se adulterium commisisse,
ut supra docui claro Jure: etenim cùm
pœna sequatur tantum culpam, nec æqui-
tas admittat, ut innocens puniatur: quid
mirum

mirum, eum, qui ignorat, se adulterio
 implicari, & ob id reus non est hujus cri-
 minis, evitare impedimentum, quod de
 Jure illud crimen duntaxat reprimere in-
 tendit? Quemadmodum qui probabiliter
 ignorat, se esse excommunicatum, aut
 suspensum, exercendo actum Ordinis
 non sit irregularis eō, quod nesciat se
 contra Legem, Ordinis exercitium cen-
 suratis prohibentem, agere, proinde non
 agat culpabiliter: hinc ille tantum pu-
 nitur, qui damnabiliter se ingesserit *Divinis*
c. 1. de sent. & re judic. in 6. junctō c. 4. de
Clerico excommunic: An autem ad effugi-
 endam Irregularitatem juvet ignorantia;
 negant *Omnes* de ea Irregularitate, quæ
 ob defectum significationis contrahitur;
 quia stante quacunque ignorantia tolli-
 tur significatio, v. g. unitatis Christi
 sponsi, & Ecclesiæ sponsæ. De ea verò,
 quæ ob delictum imponitur, illi DD. qui
 excusationē ignorantiae admittunt, se in
 eo fundant, quod æquiparetur excomuni-
 cationi, & imponatur ex contumacia, &
 contemptu Clavium: unde etiā pœna con-
 temptus ab Abbatore, Navarro &c. apud
 Sanchez *cit.* dicitur, & quemadmodū Ex-
 comunicatione ex dictis, & Suspensione ex c. re-
 prehensibilis *26. de Appellat. &c.* monitionē
 exigit: nec Prelati, nisi Canonica monitione

præ

præmissa, suspensionis, vel excommunicationis sententiam ferant in subjectos, nisi forte talis sit culpa, quæ ipso suo genere (ipso Jure) eam Centuram inducat : ita & Irregularitas præviam monitionem postulat , ut illam sciens, nec reformidans, contemnere convincatur. Ex quibus , ut consideranti patet, non bene dedicatur, Criminis quoque impedimentum prætextu ignorantiae Juris vitari posse , cum consumaciam non prærequirat.

157 Denique cùm c. 2. si vir. de cognat. spiritu : quòd suprà N. 86. per extensum videri potest, expressè declaratur, virum, qui suæ uxoris prolem ex se genitam, de sacro fonte suscepit extra ullā necessitatē, ignorans se inde cognatū spiritualē uxoris effici, non privari jure debitum conjugale petendi : quia si ex ignorantia id factum est , eos ignorantia excusare videtur. Si autem extra matrimonium vir de sacro fonte suscipiat prolem alicujus fœminæ, licet ignoret , cognitionem spiritualem exinde emanare, incurrit impedimentum compaternitatis spiritualis secundum Omnes, etiam AA. Non videtur, ex eo, quòd conjux carnaliter cognoscens consanguineam suæ uxoris, sed ignorans, se inde privari jure petendi debiti , eō non privetur (quod esse certum ait P. Sporer

cit. n. 483. Vide etiam dicenda de *Impe-
dim.* *Affinitatis N.* 306. non obstante,
quod fiat verus affinis suæ conjugis :
concludenter deduci, illum quoque es-
se liberum ab impedimento Criminis,
qui se implicavit quidem crimen requisiti-
o, sed ignoravit legem impedimenti:
Jura equidem, & ratio magis favent ma-
trimonio legitimè jam contracto, quam
contrahendo, & pro possibili servant ju-
ra illius, ne tedium, & ingratum fiat
conjugibus. Proinde si subsistente matri-
monio auditur excusatio, ab ignorantia
petita, ut jura conjugum manutenean-
tur, non debet propterea similis excusa-
tio exaudiri ante matrimonium in ordine
ad effugiendum impedimentum, quod ig-
norari dicitur.

*Si petas: quid tandem sentiam in
hoc intricato negotio? Respondeo: me-
am mentem in resolutione sequentis
casus declarandam.*

§. IV.

Resolvitur Casus de Impedi- mento Criminis.

TItia fæmina juvenis experta, maritum
sibi datum, qui ex senilis languore viri-
bus illius omnino impar erat, adjecit animū,
ut consolationem, quam in conjugali thoro

desperabat, aliunde quereret. Nec diu moratur, cùm ecce! jaclâ cum Lino secretiore amicitiâ, satisfactionem in eo invenit, quam frustrâ à marito expectabat. Dùmque longiori tempore id vitæ genus continuant in quo sibi uterque complacet, pacium ineunt conjugij, post obitum mariti, quem proiecta illius ætas brevi futurum præsagiebat, celebrandi. Moritur ergo senex maritus, & aliquo pòst tempore silvestres hi sponsi fidei alterutrum datæ memores, Parochum accedunt, denuntiari petunt, & omnia ad diu optatas nuptias parant. Die copulationem præcedente, cupiens Titia se ad matrimonialis Sacramenti gratiam disponere, Confessarium adit, adulteria cum sponso multiplicata exponit, cùmque, dum interrogatur, sibi vivente adbuc maritò desponsatum fatetur. Objurgat Titiam confessarius de tanto crimine, præsertim quòd viam sibi præcluserit ad conjugium tam ardenter expetitum. Sed auditò hoc inopinatò nuntiò, Titia multum alterata hæret animò, se hoc impedimentum nec à longè somniôsse asserit: & quia nuptiæ jam divulgatæ nullam patiuntur moram, remedium, & juvamen querit. Quid factò opus?

158. Respondeo: Propugnatores benignioris sententiæ N. 153. expositæ, utique non impedient has nuptias, sed

Ti-

Titiam propter ignorantiam Juris absolvant ab omni impedimento : immo aliqui ex AA. ut puto , idem facient . Etenim si P. Sporer p. 3. *Theol. Sacram.* c. 6. n. 735. secutus P. Gobat absolveret etiam sine speciali facultate à casu reservato pro prima vice, addita tamen monitione , & instructione de reservatione , dum adverteret pœnitentem nescire , casum esse reservatum : quāmvis fareatur cum eodem Gobat , hanc absolutionem quoad peccata, quæ reservantur ad cautelam tantum, & rectam gubernationem ovium , repugnare judicio omnium Superiorum, ac praxi Confessariorum, qui passim etiam ignorantes non absolvunt (de quo tamen testari nequeo, cùm nesciā, quid ij, aut aliqui in hoc secreto Tribunali practicare soleant) si , inquam , hic Author à tali absolutione non abhorret, crederem, ob consequentiam forte doctrinæ in casu proposito Titiam absoluturum ab impedimento ob eandem ignorantiam illius : utrobique enim agitur de valore actus, seu Sacramenti, Pœnitentiæ videlicet, & Matrimonij ; nec apparet, ignorantiam quoad unum esse majoris efficaciæ, quām quoad aliud .

Cœterū quantumvis Sporer *de matrim.* v. 114. mentionem faciat hujus

sententia, eāmque appellet antiquam,
& obsoletam (sed utique hodie non est
talis, cūm quidam Recentiores illam pro
viribus persuadere conentur) addit ni
hilominus cum P. Gobat h̄ic cas. 10 n.
202. quod non vereretur conjuges , qui
bona fide contraxere adstricti impedimen
tō Criminis, relinquere in bona fide. Ta
cerem idem & ego, dum adverterem con
jugem nec cogitare de impedimento ,
minus, an tale sublateat, interrogare, &
unā notarem magnam difficultatem esse
(sed quando abest?) si insinuatō impe
dimentō cogeretur separari ab altero
conjuge, aut ut interim se contineat ab
omni usu matrimonij, donec dispensatio
nis (si impedimentum sit ex dispensabi
libus unum) remedium procuretur , aut
denique in renovatione consensūs , quæ
necessaria est juxta Omnes , cuius varios
modos, & arduitates, Apostolica decisiōne
dignos (ut ait Reiffenst. in Append. ad
4. Decret. n. 584.) videre est passim apud
mox citatum Reiffenst. Sporer . & alios.
Hęc namque hodie communis esse cœpit
sententia in materia cuiuscumque im
pedimenti, quam səpē cit Sporer n. 444.
egregiè exponit, multa lectione, & longa
praxi, ut præmittit, edodus ; eāmque ad
praxim deduxisse jam olim S. Carolum

Bor-

Borromæum narratur, qui habitō Consistoriō Ecclesiasticō reliquit in bona fide Nobilem illum, qui suam propriam filiā, & sororem, puellam videlicet à se per coitum infandum, cum Matre habitum, genitam, in uxorem accepit. Verū hæc sententia non fundatur in eo, quod ignorantia impedimenti excuset ab illo, sed quodstantibūs difficultatibūs recensit in procuranda dispensatione, consultum sit conjuges, qui credunt, se legitimō matrimonio uti, permettere in materiali fornicationis peccato, ex quo nullum reatum coram DEo contrahunt: ne alias, si nullitas matrimonij ex latente impedimento manifestetur, & tamen spes separationis, aut continentiae in cohabitando non appareat &c. formalibūs peccatis implicentur. Vides igitur integrā remanere difficultatem, & casum nostrū adhuc insolutum esse. Unde

159. Perpensis gravibūs fundamentis alterius sententiæ severioris, negantis, ignorantiam Juris excusare ab impedimento criminis: tūm quod exploratum non sit, impedimentum hoc esse in pœnā duntaxat statutum, & non principaliter potius ad absterrendos homines, ne spe futuri matrimonij ad conjugicidium descendant, aut adulterijs assuefiant, uti

N. 135. ex Doctore Subtili adnotaveram: aut si habeat rationem poenæ, non tamen pure vindicativæ, sed inhabilitantis, de qua major videtur difficultas ex deductis priore §. Tum quia versamur in materia valoris Sacramenti matrimonij, quæ nos ad probabiliora cogit.

Dico: Confessarium non posse declarare, Titiam ex eo ab impedimento crimini liberam, quod ignoraverit, adulterio, & promissioni matrimonij ab Ecclesia adjunctum esse: sed injungere debere, ut Nuptiæ differantur usque ad adventū dispensationis; & raro deesse poterunt aliæ causæ ad differendas illas, præfertim dum maturè, & debito tempore impedimentum proditur.

160. *At, ait,* in casu nostro non esse locum dilationi; omnia enim parata sunt ad nuptias, consanguinei, & amici invitati, Denuntiationes factæ publicè. *Respondeo,* Confessarium mox posse recursere ad Episcopum, & suppressis nominibus Oratorum ab eo petere dispensationem. Quàmvis enim in impedimentis dirimentibus, cùm sint à Pontifice, aut Generali Concilio statuta, nequeat Episcopus regulariter dispensare ex generali ratione, quod Lex Superioris per inferiorem tolli non potest. *Clement.* ne Romani. 2. de Elect.

Elect. in casu nihilominus urgentis necessitatis gubernium universalis Ecclesiaz postulat, ut per Episcopos oviculis, in tali arduitate constitutis, succurratur, pro quo casu rationabiliter creditur, summum Pontificem eam autoritatem Episcopis concedere: Nam quod in *Lege* non est licitum, necessitas facit licitum. c. 4. de R. I. in 6. ampliusque docetur in materia de constit. lib. 1. *Decret.* posse scilicet Episcopum in casu particulari urgente necessitate saltem pro foro conscientiae dispensare contra SS. Canones. Sanchez l. 2. de matrim. d. 40. Engel, Sporer cit. n. 55. Reiffenst. in cit. Append. a n 15. appellans hanc sententiam communem, & propemodum certam. Obtenta igitur dispensatione, quæ oretenus dabitur Confessario, res est salva

161. Sed necdum finis; potest namque contingere, Episcopum non esse in loco, sed longè distantem: aut esse durū in dispensando; quid ergo agendum? Respondeo ex Sporer cit. Elbel, ac alijs, instruendam esse Titiam (quod illa etiam suo sponso suggeret, cui pariter nota est causa hujus impedimenti) ut accedat altera die ad Ecclesiam, contrahat exterrè matrimonium cum intentione, non quidem Sacramentum matrimonij in-

eundi, sed faciendi id tantum, quod potest, cum proposito tamen non consummandi, nec quidquam lascivi attentandi cum putato marito, donec dispensatio procuretur. Abstinebit autem facile in nostro casu ab his omnibus, nec solicitari ad quidquam poterit a marito, cum & ille sciatur, se usque ad dispensationem omnijure conjugali carere. Adveniente deinde dispensatione, & renovato consensu erunt illis omnia, tanquam veris, & legitimis conjugibus licita.

CULTUS DISPARITAS.

162. **A** Postolus, ad Ephesios scribens c. 4. *unus Dominus, una fides, unum baptisma*, triplicem indicat unitatem, quam fideles, soliti servare unitatem *Spiritus in vinculo pacis*, & unum Deum æquali ritu colentes, charitate crescunt in illo per omnia, qui est caput Christus. Ib. aqua tria unitate, vel una saltem ex illis, qui recedunt, disparis cultus, & Religionis esse notantur, ut Ethnici, Turcae, coeterique Gentiles, & infideles, qui nec unitatem veri DEI agnoscunt, nec fidei; nec baptismatis necessitatem venerantur; Judæi item, qui unum quidem

dem D^eum adorant, sed umbris veteris Legis pertinaciter adhaerentes, non agnoscunt Dominum nostrum J^cesum: proinde etiam in fide, & baptismate à veris fidelibus alienantur. Et denique Acatholici, seu Hæretici omnes, qui in eo ab unitate dicta deficiunt, quod ab integritate veræ fidei turpiter recedant. Videntur ad præsensest, & examinandum, utrum Catholici, seu fideles cum his coniubia celebrare valeant.

§. I.

Examinantur matrimonia fidelium cum infidelibus.

163. **N**arrantur quidem in Sac. Paginis plura matrimonia, à veri DEi Cultoribus cum Infidelibus celebrata; ut Joseph cum Ascenech filia Putiphari. Gen. 41. Moysis cum filia Jethro. Exod. 2. Hester cum Assuero. Ester. 2. &c. quorum aliqua ob particularem rationem ex instinctu Divino facta fuisse cum certa confidentia de adjutorio, quod fideliis non subvertetur per infidelem, certum videtur Doctori Subtili 4. d. 39. q. un. Alia vero utique, tanquam illicite attentata, reprobari debent: tūm quod indecens sit, prostituere Gentilibus membra Christi, ut

ait S. Cyprian. relatus à S. August. l. i. de adulterin. conjugijs c. 25. ob quod Esdræ l. c. 9. inter cœtera peccata populi Israël etiam hoc legimus, quod accipientes filias alienigenas, seu Idololatras commiscerunt semen sanctum cum populis terrarum. Tum quod præter raram concordiam conjugum diversæ Religionis præsentissimum periculum perversionis immineat conjugi fideli; malæ quoque educationis prolium, ex tali matrimonio progenitrum &c.

Quapropter Dominus Deus, dum se adstirum Israëlitis promiserat in expugnatione Amorrhæi, Chananæi, Hævæi &c. Regum Gentilium, inter reliqua præcepta Moysi data Exod. 34 etiam hoc erat: *Nec uxorem de filiabus eorum accipies filijs tuis ob eam rationem: ne postquam ipsæ fornicatæ fuerint, fornicari faciant & filios tuos in Deos suos,* id est, ad Idolatriam impiè seducant: *Idolatria namque, quam sequuntur infideles, aut quilibet noxia supersticio fornicatio est,* dicit. S. Aug. l. i. de sermone Domini c. 16. Vanum autem timorem non fuisse, luculenter sub damnō probavit Salomon 3. Reg. 11. postquam enim adamavit mulieres alienigenas multas de gentibus, de quibus præceperat Dominus filijs Israël: *non ingredimini ad eas*

gas &c. certissimè enim pervertent corda ve-
stra, ut sequamini Deos earum &c. depravatum est cor ejus per mulieres, ut sequere-
tur Deos alienos.

164. Recordor hujus occasione. Ra-
bi Salomonis Jarchi, qui exponens illa
verba Num. 25. adoraverunt Deos earum,
recenset modum, quō quædam ex mulie-
ribus idololatricis usæ, Israëlitæ ad cul-
tum falsi Numinis seducebant: quam ex-
positionem Caramuel l. 1. Theol. fundam.
ita reponit. Cùm mulieres prurigine Ve-
neris exstimularentur, accedebant ad Is-
raëlitæ dicentes: *babeo, quod tibi dicam,*
attende me, quæso! & hòc dictò è sinu sta-
tuam Phegor producentes, ajebant: *ado-
ra bunc:* quòd factò operi venereo se accin-
gentes, Deastrum illum impudicum, &
nefandum summo se honore illo actu af-
ficere existimabant. Quia igitur concum-
bere cum illis erat Simulacrum illud ado-
rare, Israëlitæ eò ipsò, quòd concubue-
rint, Idololatræ evaserunt. Sed hæc per
parenthèsim.

165. Non tantùm in veteri, sed eti-
am Lege Gratiae reprobantur ejusmodi
matrimonia: licet enim nullibi expressis
verbis id legatur, unde, crederem,
S Aug. loc. cit. dixisse: *Non enim tem-
pore revelati Testamenti novi in Evangelio,*
vel

vel ullis Apostolicis litteris sine ambiguitate declaratum esse recolo: utrum Dominus prohibuerit, fideles infidelibus jungi. Patenter nihilominus deducitur ex illo D. Pauli 2. ad Cor. 6. *Nolite jugum (conjugij secundum D. Hieronym. Ep. ad Gerunziam) ducere cum infidelibus: quæ enim participatio justitiae cum iniquitate? --- qui consensu templo Dei cum Idolis? vos enim estis Templum Dei vivi &c.* Si enim omne commercium cum infidelibus prohibetur, multò magis conjugale, quod ceteris articulis est, & intimius. Hinc c. 15. xxiiix. q. 1. ex D. Ambr. l. 1. de Abraham c. 9. prohibetur: *Cave Christiane, Gentili, aut Iudeo filiam tuam tradere. &c. si quis. eadem. Si quis Iudaicæ pravitati conjugali societate jungitur &c.* quicumque tantum nefas admisisse cognoscitur, à Christiano cœtu, atque convivio, & à communione Ecclesiæ protinus segregetur.

166. Quamquam autem ex his probetur quidem, similia matrimonia esse omnino illicita, sed non irrita: tūm quod legatur, tempore S. Hieronymi ea practicata fuisse, ut ipse testatur l. 1. in Jovinian: tametsi non omnia approbentur, nihilominus DD. uno ore fatentur, longo usu, receptâ observantia, & praxi (de cuius initio haud constat) irrita illa censi-

seri, & invalida. Immò P. Marchantius
tom. 3. Trib. Sacram. p. 3. tr. 1. tit. 6. q. 2.
conclus. ult. credit, se in Concilij Genera-
lis Nicœni I. Canone 67. non obcuram
taliū matrimonio:ū reperire irritatio-
nem, quem vide, si placet: sicut & alios,
qui examinant, utrūm tale matrimoniu-
m haberet rationem Sacramenti, casu quo
per dispensationem Papalem justificare-
tur, ex ratione publici boni concessam
(ob spem v. g. quod Gentilis magnæ au-
thoritatis per mulierem fidelem conver-
teretur ad vivificam fidem) suppositā ta-
men morali assecuratione, ne ipsa mulie-
r perversionis periculo supponatur. Vi-
de, inquam, alios (principiè Mastriū in
4. d. 7. & n. 35. ubi relatīs, & discussīs alio-
rum fundamentīs negativam opinionem
propugnat) & ego ad sequentia dubia pro-
pero, quæ directè mei sunt propositi.

167. Dubium I. Utrūm ille infideli-
um conjugum, qui ad fidem convertitur,
licitè alteri, in infidelitatis tenebris re-
manenti, cohabitare audeat: vel potius
ab eo recedere debeat?

Ante Responsionem præmitto I. cer-
tum esse, conjugia infidelium inter se,
tanquam contractus merè civiles, & na-
turales, esse valida, dummodò non obstet
aliquid impedimentum, à jure Divino,
quod

quod etiam infideles agnoscunt, aut
Principe Terræ illorum statutum; Prin-
ceps enim quemadmodum in alios civiles,
ita etiam in matrimoniales infidelium cō-
tractus potestatem fortitur, leges videli-
cet, quæ expedientes videntur, ferendi
vel sub pœna, vel sub nullitate actus. *II.*
Ilorum conjugia, quāvis sint legitima,
non tamen esse rata, vel firma ad mentem
Ecclesiæ, claro textu c. quantò. de *Divort.*
Etsi matrimonium verum inter infideles exi-
stiat, non tamen est ratum: inter fideles au-
tem verum, & ratum existit: quia Sacra-
mentum fidei - - - ratum efficit conjugij Sa-
cramentum, maxime consummati, quod
non nisi morte solvitur: cùm tamen infi-
delium etiam per unius conjugis conver-
sionem dissolvatur, ut *infrà* explicabo.
Jam.

Respondeo: Olim licuisse cohabitare
infideli conjugi præcisō periculō subver-
sionis, aut conjugis conversi, aut proli-
xum, vel inductionis ad aliud peccatum
(cùm enim hoc periculum ex præcepto
Divino, & naturali caveri debeat, suppo-
sitō illō nunquam approbanda erat ea
coabitatio) ut clarè indicat D. Paulus
I. ad Corintb. 7. qui postquam de conju-
gibus fidelibus loquens, proposuisset præ-
ceptum Domini, uxorem à viro non disce-
dere

dere : de illis, quorum unus tantum fidelis est, alter autem infidelis, mox subjungit : cœteris ego dico, non Dominus : si qui frater (Christianus) uxorem habet infidalem, & hæc consentit habitare cum illo (in pace, concordia , sine contumelia Creatoris &c.) non dimittat illam. Et si quæ mulier fidelis, habet virum infidelem &c. idem, quod prius. Quem textum applicans D. Aug. l. 1. de adult. conjugijs c. 13. relat. tunc can. Jam nunc. 8. xxviii. q. 1. intelligit de consilio, quoad hoc ab Apostolo dato : Quod mihi visum est, eum monendo disisse : quia enim conjux si delis relinquere conjugem licet potuit infidelem : ideo fieri hoc non Dominus, sed Apostolus prohibet (dehortatur, ut contextus indicat) quod & nim Dominus prohibet, fieri omnino non licet. Monet ergo Apostolus, quò possit esse multorum occasio lucrandorum, ut fideles conjuges in relinquendis infidelibus permissa licentia non utantur. Et iterum : Non igitur propter vinculum cum talibus servandum conjugale, sed ut acquirantur Christo , recedi ab infidelibus conjugibus Apostolus vetat (dehortatur) multa enim sunt non jubente Lege, sed libera charitate &c.

Et quod hoc motivum, à S. August. insinuatum, Apostolum reverè moverit ad dandum id consilium, ille ipse declarat

i. c. mox addens: *Sanctificatus est enim vir infidelis per mulierem fidelem, & vice versa: sanctificata est mulier infidelis per virum fidelem,* in quantum ad preces, pia monita, & exempla conjugis fidelis benedictio quædam Divina descendit super infidelem, cor illius ad amplexum veræ fidei emolliens. Nec in eo desperandum est: etenim unde scis mulier, si virum salvum facies? aut unde scis vir, si mulierem salvam facies? ibidem, id est, scire minimè potes, infidelem conjugem ad salutare propositum fidei exemplō tui movendum non esse. Pergit Apostolus, & aliam sui consilij rationem allegat: *alioquin filii vestri immundi essent, nunc autem sancti sunt.* Nam enim erant parvuli Christiani (explicat D. Aug. l. 1. de serm. Domini in Monte c. 16.) qui sive auctore uno ex parentibus, sive utroque consentiente sanctificati erant, quod non fieret, si uno credente dissociaretur conjugium eō, quod proles apud infidelem relictae, ut særissimè contingret, in illius superstitione, & Gentilitate educarentur.

168. Verūm enim verò, cùm multiplex experientia docuerit, spem, que tempore Apostoli, & aliquibüs post sæculis fundata erat, successu temporis evanuisse, & obstinatione infidelium crescente, evi-

dens

dens potius periculum succrevisse , ne conjux, fidelis facta , instante altero ad vomitum iterum redeat , aut ad varia peccata seducatur : quidam siquidem Gentilium, Philistæos secuti, fornicationes, adulteria, & ipsas propudiosas libidines esse actus Religionis, cultui DEorum inserientes delirant : Machometani quoque & multi Ethnici ex suæ sectæ præscriptō propudiosè abutuntur uxoribūs, quæ exemplò agri, ad omnem araturam apti , cuicunque libidini exponuntur : ut proinde vix detur casus, in quo infidelis sine contumelia Creatoris cohabitet fideli.

Quocirca absolutè vetita est cohabitatio illa, alias pro suo tempore ab Apostolo ex gravibus motivis commendata. *Judæi, qui Christianas mulieres in conjugio habent, admonentur ab Episcopo Civitatis ipsius, ut si cum eis permanere cupiunt, Christiani efficiantur, quod si admoniti noluerint, separentur. c. 10. caus. & q. citt. sæpè namque (Can. II.) malorum consortia etiam bonos corrumpunt ; quanto magis eos, qui ad vitia proni sunt, ut Neophiti, vitijs prioris superstitionis assueti. Et quamquam hæc Lex ex Concilio Toletano IV. excerpta, Judæos solūmmodo concerne videatur : paritamen passu ambulant nunc utique, scilicet Gentiles , & Judæi,*

quia utriusque obstinati sunt. Et ideo nisi uxor fidelis converti velit, non permittitur ei coabitare, sive sit Gentilis, sive Iudea. S. Thomas in 4. d. 3. q. un. art. 3. Quidquid in contrarium opinetur Marchant. loc. cit. conclus. 5. docens, non tantum licere eam cohabitationem, sed insuper ex lege charitatis proximi esse graviter obligatoriam, quatenus fidelis tenetur infidelis salutem promovere, quod facilius praestabit eidē cohabitando: ea namque spes, ut ostendi, vix amplius rationabilis videtur. Non nego tamen, in raro casu talis spei posse, junctō consilio Episcopi, fidelem aliquo determinato tempore remanere apud infidelem, cùm nulla regula sit sine exceptione, & concedit Sanchez l. 7. de matrim. d. 73.

169. *Dubium II.* Utrum etiam dissolvatur matrimonium quoad vinculum, dum unus infidelium conjugum fidem amplectitur? Respondeo affirmativè cum D. Paulo, qui loc. cit. ait.: quod si infidelis discedit, discedat: non enim servituti (matrimonij) subjectus est frater, aut soror (Christianus, aut Christiana) in hujusmodi casibus: id est, si infidelis nolit converti, nec sine injuria Creatoris manere cum fidi, sed discessum potius eligat, discedat, & fidelis liber est à servitute con-

conjugij: contumelia quippe Creatoris solvit jus matrimonij circa eum, qui relinquuntur. c. 2. caus. & q. citt. Quod perpendens Innocentius III. relatus c. quanto. de Divort. declarat: si alter infidelium conjugum ad fidem catholicam convertatur, altero vel nullo modo, vel non sine blasphemia Divini Nominis, vel ut eum pertrahat ad mortale peccatum, ei cobabitare volente: qui relinquuntur, ad secunda, si voluerit, vota transibit. Et in hoc casu intelligimus, quod ait Apostolus: si infidelis discedit &c. (ut supra) & Canonem etiam, in quo dicitur: consumelia creatoris &c. (ut pariter supra) idem legitur c. gaudemus. eodem: utique autem integrum fideli non esset, ad alia vota transire, si vinculum prioris matrimonij non exspiraret. Ast ad hujus intelligentiam.

170 Quæres: An vinculum matrimonij cesseret hoc ipso, quod unus conjugum infidelium per Baptismum ad fidem perveniat? Respondeo negativè eo, quod crimina in baptismo solvuntur, non conjugia. c. si quis i. caus. & q. citt. concordat c. gaudemus cit. ibi. cum per Sacramentum baptismi non solvantur conjugia, sed criminia dimitantur. Sed ad solvendum vinculum requiritur ultrà, ut conjux conversus actu alias nuptias ineat, quod mihi evidens vi-

detur ex mox cit. c. ubi deciditur: quod si conversum ad fidem, & illa conversa sequatur, antequam propter causas predictas legitimam ille ducat uxorem, eam recipere compelletur Quare compelleretur recipere, aut quod fundamento, si per ipsam conversionem viri extinctum foret vinculum conjugij? ergo antequam ille ducat uxorem aliam, retinet vinculum ad priorem, & facultatem tantummodo habet illud extenuandi per hoc, quod aliam ducat. In quanto sensu accipi debet, quod cantat Glossa in cit. c. Verb. contumelia.

Spernas spernentem, vel blasphemare volentem:

Nam sunt absque mora sic vincula rupta priora.

Sunt rupta, quatenus deperdunt eam indissolubilitatem, quam aliquin naturam suam obtinent. Idcirco recte deducit Sanchez cit. d. 75. antequam conversus ad alia vota transeat, non posse infidelem aliud matrimonium inire: cum Jura, priori N. adducta, eam potestatem illi tantum faciant, qui relinquitur ab infideli, converti nolente. Tum quia antea secundas conuersi conjugis nuptias firmum manet prius matrimonium, eodem autem manente invalidum est aliud ob Polygamiam, a Christo reprobata in Evangelio

Mattib.

Matth. c. 19 Quapropter si post attentatum tale conjugium etiam infidelis ille converteretur ad fidem, teneretur reliquo hōc secundō putativō conjuge ad priorem, antecedenter conversum, redire ex supposito, quod necdum ad alias nuptias transiverit, & illum rehabere velit. Sed de hōc ipsō.

171. *Interrogas: An mox, quod unus conjugum convertatur, habeat facultatem alias nuptias attentandi? Respondeo: cum visum sit Innocentium III. declarasse, eam facultatem pro casu, quō alter vel nullō modō, vel non sine blasphemia Divini Nominis, vel ut eum pertrahat ad mortale peccatum, cohabitare vellet: multi sentiebant, conjugi converso non licere, per aliud conjugium prioris vinculum disrumpere, dum alter, etiam infidelis manens, sine blasphemia Creatoris, aut alterius peccati incentivō ad pacificam se resolvit cohabitationem. Verūm quantumvis hæc sententia speculativè vera, & in Jure fundata sit, in praxi tamen credo, à Sanchez cit. d. 74. n. 9 Pichler &c. nequaquam recedendum, qui conjugem conversum ad alias nuptias admittunt, dummodò alter in amplectendo fidem, illius exemplū sequi renuat: quod suadeturex dictis N.*

168. de ingenti obstinatione infidelium,
 & odio in veram Religionem, ac varijs a-
 busibus, & peccatis, quibus dediti sunt, &
 moraliter certum redditur, conjugem
 conversum ad eadem solicitandum, & im-
 pediendum ab ijs quoque, ad quæ Divino
 Jure obligantur. Et hanc sententiam
 esse in praxi, præcipue pro locis Missio-
 num expeditiorem, testatur P. A Breno
in Manuali Missionarior. Oriental. l. 3. c.
15. q. 1. n. 16.

Quapropter dum unus ex conjugibus
 infidelibus veræ Religioni subscripsit,
 interrogandus alter erit (& consultò co-
 ram testibus, ne id aliquando negari pos-
 sit) num & ille animum ad eandem Reli-
 gionem habeat? si id neget, & hoc san-
 ctum propositum detestetur: aut si tem-
 pus aliquod deliberationis requirat, quod
 utique concedendum est: post lapsum au-
 tem illius in obstinatione perseveret; si-
 ne cunctatione conversus conjux jus ob-
 tinet, sibi alium exquirendi conjugem.
 Quæ omnia, qualiter fieri debeant, pru-
 dentis viri arbitrio relinquuntur secun-
 dum circumstantias, in casu aliquo appa-
 rentes.

Sed quid, dum ob absentiam conju-
 gis infidelis animus illius explorari ne-
 quit? Respondeo, rem posse per nuntium,
 aut

aut Litteras expediri : si verò distantia tanta sit, quæ omnem accessum impediet, & alias moraliter certum videatur, infidelem suam domum, substantiam, locum &c. non relietur, ut fidelem sequatur, qui apud illum remanere non audet, ut *suprà dictum* : admitti fidelis potest ad secunda vota ; durum namque illi iugum imponeretur, quod ab amplexu veræ fidei multùm absterreret, si altero redire nolente, aut alicubi, ubi ignoratur, latente, hic in cœlibatu vivere (non enim omnes capiunt verbum hoc) cogeretur. Pro pro ex Sanchez cit. n. 12. P. A Breno l. c. n. 43. allegat S. Pium V. qui id pro Indis novæ Hispaniæ proprio motu declaravit : de quo etiam extat Diploma Gregorij XIII. per extensum apud Ponce tract. de matr. l. 7. c. 48. videndum.

172. Et quæ hucusque dicta sunt de potestate, quam conjux fidelis factus, possidet in ordine ad ineundū aliud matrimonium, intellige de potestate quoque ingrediendi Religionem, ita tamen, quod prius matrimonium non dissolvat per simplicem ingressum, sed per professionem solemnem, quæ etiam matrimonium ratum inter fideles dissolvit, licet sit firmius consummatum infidelium. Quantum verò ad Ordines sacros; utique

potest conversus conjux ad illos promoveri , sed vinculum matrimonij prioris manebit , quod omne infidelis conjugis conjugium sub nullitate prohibet, donec alter Ordinib⁹ initiatus ē vivis nondiscresserit.

173. *Dubium III.* Quid in casu dicendum , quō talis conjux convertitur , qui plurium uxorum maritus est , quod minimē rarum apud Orientales ? *Respondeo :* certum esse , non nisi Conjugum cum prima uxore legitimum reputari per ea , quæ dicam de impedimento *Ligaminis* ; reliquas verò primæ superimpostas fœminas , tantummodo concubinas esse : unde si prima cum aliqua ex alijs illum in fide sequatur , illam tantum recipere tenetur , nisi illi crimen adulterij objicere possit , & criminis injuriam nondum dimiserit , nec ille etiam tali reatu fidem matrimonij vicissim violaverit per tradita in materia de *Divortijs* , & clare patet exc. *gaudemus. de Divort.* Id tamen ita intellige , quod primam ex uxoribus , adulterij ream , non quidem teneatur recipere , sed tamen aliam copulare sibi non audeat eō , quod adulterium conjugis non dissolvat vinculum matrimonij : cūm igitur illud etiam non dissolvatur propter infidelitatem , quia uxor prima ad

ad fidem conversa supponitur, ligatus manens cum prima utique nequit de alio conjugio cogitare. Si verò prima suo Gentilismo obstinatè ad hæreat, integrum marito converso est, aut unam ex concubinis conversis, aut aliam, quam libuerit, per contractum novi matrimonij in uxorem accipere: per hoc etenim, quod tempore infidelitatis aliquam tenuerit, ut concubinam, non impeditur ab illius nuptijs, cùm & ipsi fideles sibi concubinas per connubium sociare valeant.

174. *At si dubium maneat, an cum prima contraxerit legitimum matrimonium per verum consensum, quid agendum?* Respondeo: Urbanum VIII. interrogatum à P. Joan. de Lugo (postea Cardinale) de tali casu circa matrimonia Indorum Neophytorū declarasse, quod post conversionem cum quacunque baptizata contrahere valeat, ut referunt Pichler in 4. Decret. tit. I. n. 100. & ex Cardena Crisi proposit. damnat. ab Innoc. XI. dissert. 2. c. 8. art. 5. P. A. Breno l. c. n. 20. Item P. Nicolaus de Techo in Historia Paraguariæ l. 10. c. 15. apud Pichler cit. Ubi enim (ait Papa) intercedunt sententiæ utrinque probabiles (ut in casu posito erant de vero consensu cum prima) sequi licitum est opinionem Barba-

ris illis favorabiliorem, quia non sunt adstringendi ad aliquam determinatam uxorem, dum incertum manet, utrum illa sit revera prima uxor per verum matrimonium: minùs prohibendi sunt ab omni matrimonio cum quacunque, ne propterea difficiles reddantur ad conversionem, aut ad vomitum infidelitatis redeant, videntes se ob dictam incertitudinem beneficium matrimonij carere debere.

Nec obstat quod prima sit fortassis vera uxor, quia à parte rei verus fuit consensus in illam, licet de eo dubitetur: per consequens, si conversus postmodum aliam ducat, Polygamiam incurrat. Si quidem hæc Polygamia erit materialistantum, & ignorata, quæ non nocet, sicut nec alia impedimenta, quibūs non raro conjuges ignoranter ligantur.

175. *Dubium IV. Quid juris, dum est contrario unusex conjugibus fidelibus ad Gentilitatis superstitionem prolabetur? Respondet Innocentius III. relatus c. cit. quantò. de Divort. Si vero alter fideliūm conjugum vel labatur in heresim, vel transeat ad Gentilitatis errorem: non credimus, quod in hoc casu is, qui relinquitur, vivente altero possit ad secundas nuptias convolare, licet in hoc major appareat con-*

sumptu-

tumelia Creatoris : quia matrimonium fidelium est indissolubile, præsertim consummatum. Nec obstat --- quod si delis relictus non debeat jure suo sine culpa privari , quod tamen fieret , si nec conjugem Apostamatam retinere, nec de alio conuge auderet sibi providere : destitueretur namque favore conjugij, nullâ ex parte sui interveniente culpâ. Non obstat, ait Papa ; cum in multis casibus hoc contingat, e. g. si unus conjugum reddatur impotens &c. similia enim infortunia non nisi patienter sufferenda sunt, tamquam ea, quæ remediis carent.

176. *Dubium V. Quid cum prolibus, in infidelitate genitis, agendum, dum unus conjugum fidem amplectitur? Respondeo : si filij (vel filiæ) utpote septen- niō minores, sint doli incapaces, in favorem fidei Christianæ respondemus (inquit Gregorius IX. c. ex litteris. de convers. infidel. relatus) patri (vel matri conversis) puerum (aut puellam) assignandum, non obstante, quod secundum Leges civiles liberi alias sint sub potestate, & cura patris §. fin. Inst. de patria potest favor enim Religionis, & fidei bonum prævalet dispositioni juris Civilis : nam summam esse rationem, quæ pro Religione facit, dicitur I. sunt personæ. ff. de Religios. & sumpt. funer.*

ner. concordat c. *Judei xxix.* q. 1. ubi legitur, in Concilio Tolet. IV. de prolibus Judæorum (per consequens etiam Gentilium ob identitatem rationis) decerni: filij, qui ex talibus id est, patre, & matre Judæis) nati existunt, fidem, atque conditionem matris (quæ ibidem conversa supponitur) sequantur: & vice versa: hi qui procreati sunt de infidelibus mulieribus, & fidelibus viris, Christianam sequantur Religionem, non Judaicā superstitionem. Quāmvis itaque quivis parens, etiam in infidelitate remanens, ex Lege Divina teneatur filijs suis non tantum in necessarijs corporis, & vitæ præsto esse, sed ea etiam procurare, quæ ad æternam illorum salutem requiruntur, ut est Baptismus, & Catholica fides: nihilominus ad fidē conversus obligatur speciali lege Ecclesiastica ad laborare (in quo ab Episcopis, & Superioribus fidelibus strenuè juvandus erit) ut proles ad Baptismum perveniat, & in cultu veri DEI religiosè educatur: nisi vi, aut aliâ viâ ab executione sanctorum hujus obligationis prohibeat.

Si verò filij (aut filiæ) dolū jam novarent, ad maiorem ætatem pervenientes, à parente converso ad fidem hortari quidem possunt, & quocunque svavi modō, etiam minis moderatis induci, ad se per Bap-

Baptismum salutari jugo veræ fidei submittendum, id enim postulat cura, pietas, & amor parentum in filios, ex quibus saluti illorum invigilare tenentur: si tamen hujusmodi media neutiquam suffragatur, relinquendi sunt propriō arbitriō, dum alteri parenti infideli adhædere decreverunt: cùm in ijs, quæ ad fidem pertinent, ultimatim sint sui juris, à potestate parentum exempti: nam benefacere (fidem amplecti, credere, baptizari) nemo potest, nisi elegenterit, nisi amaverit, quod est in libera voluntate, ait S. August. l. 2. c. 83. contra litteras Petilianis, referturque c. 33 xxiii. q. 5. unde præmittit ibidem, quod ad fidem nullus cogendus est invitus: sed per severitatem, immò & per misericordiam DEI tribulationum flagellis solet perfidia castigari: cui doctrinæ adhæsit Concilium Toletan. IV cit. statuens (ut c. 5. dist. 45. legitur) nemini deinceps ad credendum vim inferri: cui enim vulnus Deus, miseretur (ad Rom. c. 10.) & quem vult, indurat &c.

177. An autem hi Canones absolute interdicant omnem coactionem ad fidem ita, ut nec Principes fideles audeant infideles sibi subditos, & rationis usum adeptos, vi, & metu ad fidem adstringere: videlicet

de Scholaisticos, & Theologos, maximè
Scoti Expositores, qui 4. d. 4. q. 9. credit,
religiosè fieri, si ipsi (adulti) cogerentur
minis, & terroribüs ad suscipiendum Bap-
tismum: non quidem minis tendentibüs
ad mortem: has enim D. Aug. Epist. 127.
ad Donatum Proconsulem Africæ dissua-
det in hujuscemodi causâ: potestatem oc-
cidentite babere obliviscaris: sed minis in
materia civili, aut exiliô, dum majus ma-
lum non timetur, ut explicat Mastrius in
4. sentent. disp. 2. n. 107. & antecedentibüs:
quemadmodum constat exemplō Ferdi-
nandi Hispaniarum Regis, qui Judæos, &
Mauros, baptizari nolentes, ē Regno di-
scedere jussit. Vide item Lamindum Pri-
tanum de Ingeniorum moderatione in Reli-
gionis negotio, qui l. 2. per aliquot Capita
contra insultus, & censuras Phereponi
egregiè, & nervosè defendit, & explicat
D. Augustinum, sentientem salutares, &
laudabiles esse terrores, & castigationum
flagella contra Hæreticos, & infideles, ci-
tra mortem moderatè, & prudenter in-
tentata, ut ad gremium Ecclesiæ acce-
dant, aut redeant. Mibi etenim non va-
cat his ultra propositum immorari.

§. II.

Examinantur matrimonia Ca-
tholicorum cum Acatholicis.

178 **M**atrimonium Catholici cum Hæ-
retico, aut è contra claro Jure
iliiclitum redditur c. 15. xxix. q. 1. ubi ex
S. Ambros. *l. de Patriarchis* prohibetur:
*Cave, Gentilem, Judæam, atque alienige-
nam, hoc est hæreticam, & omnem alienam &
fide tua uxorem accersas tibi: &c. seq.* Non
oportet cum hominibus hæreticis miscere con-
nubia, cum id etiam Jure naturali, & Di-
vino vetitum sit propter evidens pericu-
lum perversionis in conjugi catholico, &
ne impediatur ab observatione p̄cepto-
rum Ecclesiasticorum: ne proles inde-
natæ educentur in hæresi: & denique
(quia conjuges sunt ministri Sacramenti
matrimonij) ne à catholico conjugi Sa-
cramentum indigno ministretur hæreti-
co. *Accedit, quod plerumque hæretici
interponant pactum, aut saltē subin-
telligent, ut masculæ proles sequantur
conditionem patris hæretici, & in illius
sesta educentur, fœmellis matris catho-
licæ curæ relictis, quod pactum est in om-
ni jure abominabile, & impium: cùm
quis parentum teneatur liberis suis non
tantum de necessarijs corporis, sed animæ
etiam*

etiam providere, & nec unum in favore
Diaboli educare. Quapropter monent
DD. Dominos Parochos, ut pro viribus
resistant, séque opponant hujuscemodi
matrimonijs.

179 *Ergo ne nunquam licita sunt talia conjugia?* Respondeo: apparente dicto periculo nunquam: nec in partibus Germaniæ, in quibus catholici cum Sectarijs promiscuè morantur: quia, ut DD. Germani Reiffenst. 4. Decret tit. I. n. 371. Sporer de matr. n. 119. Pichler 4. tit. n. 130. aliisque notant, experientiâ edocti, in illis quoque locis non deesse similia pericula. Nec obstat contraria praxis, & consuetudo, quâ passim catholici cum hæreticis ibidem copulantur. Consuetudo siquidem derogare potest Legi Ecclesiastice, ejusmodi connubia veteris, non tamen Legi Divinæ, & naturali, quæ ratione periculorum emanatorum subintrat, nam nemo sanæ mentis intelligit, naturali juri (cujus transgressio periculum salutis inducit) quacunque consuetudine (quæ dicenda est verius in hac parte corrupætela) posse aliquatenus derogari. c. cùm tantò. de consuetud.

In raro nihilominus casu, quo sufficierter cautum fuerit, quod Hæreticus velit admittere omnia prolium educationem

tionem in vera fide, & futuræ suæ uxori
 liberum Religionis exercitium, obser-
 vantiam Festorum, & Jejuniorum Eccles-
 iasticorum &c. legitimari posset tale ma-
 trimonium, tanquam licitum: quāvis
 enim lex Ecclesiæ abolutè prohibeat si-
 milia matrimonia: huic tamen in locis
 mixtæ Religionis abrogatum esse docent
 Pichler *cit.* & alij per contrarium usum.
 Et si dubium adhuc remaneat de cessa-
 tione ejusmodi periculorum, recurrendū
 arbitror cum *citato* Authore vel ad Pa-
 pam, vel ad Episcopum, qui in Germania
 dare potest ad id facultatem, præsertim
 rationabili, & gravi causa suadente, dum
 v. g. spes adluceret, maritum hæreticum
 convertendi, sopiendi intensas inimiciti-
 as, conservandi, aut procurandi pacem,
 & tranquillitatem publicam, aut conspi-
 cuarum familiarum: vel dum fœmina
 catholica non reperit conjugem paris
 conditionis, nisi hæreticum &c. si enim
 ob similia motiva utilis fit recursus ad
 Sedem Apostolicam pro dispensatione
 super impedimentis dirimentibus, multò
 magis pro dispensatione super impedi-
 mento impediente duntaxat, ne ma-
 trimonium licite contrahatur.

180. Immò absque omni dispensa-
 tione impunè celebratur tale matrimo-
 nium

nium, dum conjux hæreticus promittit, se professionem fidei emissurum, textu
claro c. 16. *suprà cit.* ubi, poqstuām ma-
trimonia prohibentur cum acatholicis,
excipitur : si se profiteantur Christianos
esse futuros, & Catholicos : & in Concilio
Chalcedon. can. 14. nisi fortè promittat
(heterodoxus) ad orthodoxam fidem se
per personæ orthodoxæ copulam transferre.
Ex una enim parte urget lucrum conver-
sionis heterodoxi, & ex altera cessat peri-
culum perversio[n]is in orthodoxo.

Porrò benè nota, Jura dicere: profi-
teantur, promittant, ut indicarent, non suf-
ficere meram spem conversionis, sed re-
quiri veram promissionem. Quin immo
cùm constet, hæreticos, ceteroquin fide-
les etiam, hac in parte sàpè numerò fal-
laces esse, prudenter & providè monet
P. Reiffenst. *cit. n.* 364. ex Layman l. 5.
tract. 10. p. 4. c. 14. cautè procedendum,
nec passim ejusmodi promissionibus fi-
dendum, sed omni modo adlaborandum
potius esse, ut hæreticus catholicam du-
cere volens, antecedenter fidem Roma-
nam profiteatur. Et si id renuat ob dam-
num aliquod, vel incommoda, quæ timet
(v. g. privationem hæreditatis notabilis
&c. si ad notitiam parentum ab illo emissa
professio fidei pervenerit) adest modus
talia

talia damna vitandi, ut videlicet id faciat
in occulto sub gravi secreto. Et profectò
si huic consilio non acquiescat, vix fidem
meretur de sincero desiderio, & propo-
sito fidei suscipiendæ: ad quid enim dila-
tionem prætendit, qui nullum damnum
metuit?

181. Quamquam ex hucusque dictis
per se sint illicita matrimonia catholicos
inter, & hæreticos, nec nisi in quibus-
dam casibus per accidens licita, nunquam
tamen sunt invalida, dummodò (NB.)
*non infirmentur ab aliquo impedimento sive
naturali, & Divinō, sive merè Ecclesiastico;*
cùm id nullo jure, traditione, aut
consuetudine probetur, sed ea potius va-
lori illorum patrocinentur ob frequentis-
simam praxim, quæ necdum reprobata
legitur, nec ullibi conjuges separari ju-
bentur: unde etiam c. decrevit. 16. de hæ-
reticis in 6. supponuntur catholicæ mulie-
res validè nubere hæreticis viris, nec se-
parantur, sed dote dūtaxat privantur.

Urgeret quidem in oppositum *Can.*
72. qui dicitur esse VI Synodi generalis:
Non licere orthodoxū cum hæretica conjungi,
nec orthodoxam cum hæretico: sed & si quid
*eiusmodi factum apparuerit, irritas nupti-
as existimari, & nefarium conjugium dissol-
vi.* Ast quia hic, & quidam alij Canones

non sunt ab illa Synodo editi, sed à quibusdam Episcopis tantum, in Trullo Pastorio Regio (unde & *Trulliani* dicti) congregatis, postmodum verò à Sergio Papa reprobati: non est citatus Canon attendendus, qui, si etiam authenticus foret, per contrariam praxim, & sensum omnium catholicorum omnimodè evanuit.

Dixi suprà: dummodo non infirmentur ab aliquo impedimento &c. hoc siquidem irritat conjugia, etiam si sit lege Ecclesiae statutum: quia licet hæreticus non ligatur impedimento ab Ecclesia statuto, ligatur tamen catholicus, redditurque inhabilis; cum ergo contractus matrimonij nequeat claudicare, seu in uno contrahentium valere, non in altero, satis est, quod catholicus ex tali impedimento reddatur impotens ad contrahendum. Ex quo sequitur, matrimonium catholicorum, votô solemnis castitatis adstricti, cum hæretico: aut si huic esset in secundo gradu consanguineus, vel affinis &c. esse nullum, non quidem ex disparitate cultus, sed ex impedimento voti, cognationis &c.

182. Si tandem quæras, quid de matrimonij hæreticorum inter se judicandū? Respondeo: Ea, si sine omni impedimento

contrahantur, esse non tantum vera, &
 legitima matrimonia, utpote nullo Jure
 infirmata, sed etiam Sacra menta, dum
 modò contrahantur secundum Christi
 institutionem, licet hæretici non credant
 esse Sacra menta: quemadmodum Theologi
 defendunt, Baptismum v. g. ab Infidelis
 ministratum cum intentione faciendi id,
 quod Christiani solent, obtinere ratio-
 nem Sacra menti, quamvis ille ex suo
 errore esse inutilem reputet cœremoniā.
 Si contrahantur cum impedimentoo Juris
 Divini, & naturalis, nulla sunt, quia
 huic juri subsunt. Si denique contra-
 hantur cum aliquo impedimentoo, ab Ec-
 clesia duntaxat introducō, variant DD.
 Quidam affirmant, hæreticos etiamnum
 ligari impedimentis Ecclesiasticis; ne-
 gant alij saltem quoad aliqua impedi-
 menta. Quidquid sit, hæc difficultas est
 una ex præcipuis, quæ ventilari solent
 agendo de *Impedimentis in genere*. Præ-
 sens autem Tractatus considerat singula-
 tantum impedimenta in specie; unde
 Lectorem remitto ad alios, & pro nega-
 tiva sententia commendo P. Marchanti-
 um tom. 3. Trib. Sacram. p. 3. tract. 1. tit.
 6. q. 4. & P. Pichler l.c. a n. 98. qui plu-
 rimūm placent in proposito. Vide etiam
 dicenda de *impedim. Clandestinit.*

§. III.

Resolvitur casus de matrimonio

Catholicæ cum Hæretico.

Mœvia puella catholicæ Viennâ augustinam Vindelicorum secuta est Stichū virum acatholicū. Tentat ibidem matrimonium cum illo, sed quia voti compos fieri non potuit, diu morata tandem spoponit, proles omnes nascituras Sticho relinquendas, cura catholicæ educationis & se abdicat & firmiter nihilominus sperans, non defuturam quandoque occasionem, sponsione sua, & pacto non obstante, saluti prolium invigilandi. Præterlapsò tempore aliquo, vehementius iacto conscientiâ, accedit confessarium, rem totam enarrat, & quid sibi agendū, quærit.

183. Respondeo: Mœviam peccâsse mortaliter non, quod contra præceptum Ecclesiæ, conjugia cum hæreticis simpli-citer verantis, hæretico nupserit, cùm huic legi per contrarium usum in Partibus mixta Religionis derogatum esse constet ex N. 179. sed quia nupsit contra jus Divinum, & naturale, se exponendo manifesto periculo perversio-nis, & trans-gressionis præcepti Ecclesiæ, v. g. non servandi jejunia, non audiendi Missam &c. cùm moraliter certum sit, aut mari-tum

tum omnia non admissurum, aut ad ea occasionem defuturam. Item quia impium pactum iniit, de prolibus, in Luteri hæresi marito educandis per dicta N. 178. Nec refert, quod animum retinuerit, inyigilandi prolibus, illisque quavis arrepta occasione catholicæ fidei dogmata propinandi. Nam semper manet gravissimum periculum malæ illarum educationis, maximè propter pactum initum: ex altera vero parte valde dubia est occasio proles in vera fide instruendi; & quis scit, an furtiva instructione, dum, & quando clanculum adhibitâ, quidquam profecerit? cum igitur nunquam liceat cum dubia spe boni se, vel alium expondere certo periculo salutis, Mœvia à lethali peccato nullatenus excusari potest.

184. *Quid ergo consulendū Mœviæ?*
Respondeo, eam ante omnia firmandam in vera fide, ac roborandam, ut stante quacunque tentatione, solicitatione, blandimentis, aut terroribus viriliter persistat, ab omni Apostasia aliena: instrui quoque debet de obligatione deserendi etiam maritum, sibi que fugâ consulendi, dum periculum defectionis à fide adverterit, ut puta, si solicitations fuerint importunæ, quibus fœminea fragilitas impar est ut resistat: semper namque co-

habitationi conjugali prævalet Lex Di-
vina non deserendæ fidei, ut amplius do-
cetur in *materia de Divortijs*. Admoneri
deinde debet, ut, quantum possibile fuerit,
præceptis Ecclesiæ satisfaciat quoad jeju-
nia, auditionem missæ diebūs Festivis,
frequentationem Sacramentorum &c.
Unā quoque invigilare studeat saluti
proliū, haud obstante paclō prædictō, quod
nullam obligationem parit: generaliter si-
quidem novimus, turpes stipulationes nul-
lius esse momenti, ait Ulpianus l. generaliter
ff. de verbis obligat. & quod tales conditio-
nes, contractui matrimoniali appositaæ
debeant pro non adjectis haberri, decernitur
c. fin. de condition. appositis in &c.

Dixi verò: quantum possibile fuerit: si
enim ad servandam pacem, amorem con-
jugalem, aliisque incommoda vitanda
præcepta merè Ecclesiastica redderentur
observatu difficultia, quamvis peccaverit,
se per matrimonij vinculum cum hæreti-
co, ad talem statum reponendo, in quo
observantia præceptorum, quasi morali-
ter impossibilis redditur: ad ea tamen
non obligatur ex generali principio, quod
Ecclesia pia Mater cum tanta difficulta-
te suos subditos onerare non intendat se-
cundum communem doctrinam Theologo-
rum. Ob eisdem similiter rationes non

tenetur instructioni salutari prolium in-
cumbere, licet ad eam Divino jure, & ex
naturali pietate obligetur: nunquam
quidem licitum est præceptum Divinum
positivè prævaricare: at licitum quando-
que est urgente gravi necessitate omitte-
re aliquid illo jure obligatorium (vide P.
Sporer *de matrim.* n. 120.) quemadmo-
dum etiam impunè aliquando occultatur
vera fides, sed falsam profiteri nunquam
licet &c. quod fundatur in discrimine Le-
gum positivarum, seu affirmativarum à
negativis, videlicet has obligare semper,
& pro semper, illas verò semper quidem,
sed non pro semper.

185. *Dubitabis abhuc in fine: utrum*
possit defendi, matrimonium Mœviæ
esse irritum propter adjectum pactum de
prolibus hæreticè educandis, cum sit
contra bonum illarum, & ex c. ult. de
condit. appositis &c. constet, conditiones
bono prolis adversantes, si contractui
conjugalii adjiciantur, esse annullativas
illius? *Respondeo: ita quidem opinari P.*
*Schmier *de sponsal.* & *matrim.* p. 3. c. 5.*
n. 57. Attamen oppositum omnino di-
cendum cum *communissima DD.* propter
praxim universalem in locis hæreticorū:
nam sciuntur matrimonia cum illo pacto,
nec unquam irritantur, sive à hæreticis

cum catholicis, sive ab illis inter se
inita. Sed nec ullum Jus similia matri-
monia declarat esse invalida: siquidem
cit. cap. loquitur de bono prolis naturalis
tantum, ita enim sonat: si *conditiones*
contra substantiam conjugij inserantur: pu-
ta, si alter dicot alteri: *contrabo tecum*, si
generationem prolis evites &c. matrimonia-
lis contractus, quomodocumque sit favora-
bilis, caret effectu: nam cum sermo sit de
conditionibus substantiae conjugij oppo-
sitiss, & exemplificetur in evitacione ge-
nerationis prolis, manifestè sequitur, eam
tantum conditionem annullare conjugi-
um, quæ repugnat bono naturali illius
hōc ipsō, quod damnū spirituale prolis,
ut educatio in hæresi, non sit contra
substantiam, & finem essentialē conjugij,
benē verò positivē impedire genera-
tionem. P. Pichler 4. tit. I. n. 131.

Vis, seu Metus

§. I.

Explicatio Vis, seu Metus.

*86. **V**is est majoris rei impetus, qui re-
pelli non potest. L. 2 ff. de eo,
quod metus causa &c. qualem patitur e.
g. qui in carcere nolens detinetur: aut

eu^jus manus Tyrañus movet ad incen-
sandum Idolum, aut genua ad adorandū
incurvat. Metus vero est instantis periculi,
vel futuri mentis trepidatio. L. I. ff. cit. ex
qua trepidatione ob malum, quod immi-
nere, aut futurum prævidetur, voluntas
eligit potius aliquid aliás ingratum, ut
illud malum subterfugiat. Exemplum
usitatum est in eo, qui periculum nau-
fragij experitur; non enim merces suas
ad mare ejceret ad navim alleviandam,
nisi submersionem timeret.

Claret itaque in eo differre vim à
metu, quòd illa omne voluntarium ex-
cludat, & cui ea infertur, *magis pati,*
quàm agere convincitur. c. *sacris est.* 5. *de*
bis, quæ vi Ec. *nec ullius culpæ reus effi-*
citur. Econtrà est in metum passo; licèt
enim gravis mali timor fortiter impellat
ad quidquam agendum, & quæque etiam
difficillima superantur, dum
Dat stimulos animo vis mœsta timoris.

Statius

quia tamen metu gestum voluntate ge-
nitur, & quidem liberâ, quatenus mavult
aliquid eligere, quàm malum, quòd me-
tuit, experiri: hinc licet metus attenuet
culpam, tamen non eam proorsus tollit. c. cit.
quia voluntarium simpliciter relinquit,
quod S. Aug. gelatus c. *merito* I. xv. q. I.

ex.

exemplificat de perjurio, ad quod quis sub comminatione gravis mali compellitur, perdendæ v. g. vitæ, nec propterea à culpa lethali excusatur, quia simpliciter vult pejerare eō, quod velit vivere, & ideo non per seipsum appetendo, ut falsum juret, sed ut falsum jurando vivat.

187. Nihilominus hāc differentiā metus à vi, quæ cit. i. sacris. observatur, non obstante, pro eodem sumi solent, & confundi, ut c. ad audientiam. eōd. ibi. quæ vi, metūsve causæ fiunt, carere debent robore firmitatis. & c. Abbas. eōd. quod casu vis latiorem significationem admittit, violentiæ scilicet non absolutæ, sed conditionalis: ut te carceri mancipabo, si hoc facere nolueris &c. Et in hoc sensu pro eodem etiam ad præsens sumuntur.

188. Metus dividitur in gravem, & levem. **Gravis** oritur ex comminatione gravis mali, quod quia cordatum etiam commovere potest, & alioquin constantem, justus metus dicitur, & **cadens in virum constantem**, pro cuius pleniori captu

Notanda est varietas malorum, quos sum quædam sunt absolute gravia, ut mors, mutilatio, quævis notabilis afflictio corporis per verberationem, squalorem diuturni carceris: servitus, infamia, amissio

missio patrimonij, vel magnæ partis bonorum, stuprum, indignatio Principis, excommunicatio &c. quæ, & similia recenset, & per extensum ponderat Sanchez l. 4. de matr. d. 5. per totam. Alia verò sunt respectivè tantum talia, seu in ordine ad quoddam genus hominum: negari namque haud potest, ad graviter terrendum aliquem opus non esse ejus mali comminatione, cuius requiritur ad incutiendum timorem alteri. Sic amissio 100. flor. parùm curatur à divite, multum ab illo, qui majorem possessionem vix numerat. Iram magni Domini, & Potentis despicit unus, sed plurimum cavit alter, qui se ab illo dependere agnoscit &c. Unde communiter notant DD. majus malum requiri ad causandum gravem metum in viro, quam fœmina, regulariter loquendo: majus in forti, quam debili: majus in fœmina virili, quam juvēne, verecundâ: sicut dictum illud, gravem metum esse cädentem in virum constantem, non est ad litteram accipiendum, sed accommodè ad varietatem personarum, quibus timor incutitur. Et reverà, si maius, quod de se minus est, aequè concutit animum debilioris, ac illud, quod majus est, animum fortioris, cur non deberet utrumque gravitatis notâ signari?

Ques-

189. Quemadmodum verò gravitas metùs mensuratur à gravitate mali secundum dicta, quod si nec absolutè, nec respective grave sit, ad metum notabilem non sufficit: ita quoque mensuratur ab eo, quòd malum illud probabiliter immineat, ut post Scotum 4. d. 29. q. un. notant *DD.* universim: cùm enim rationabiliter timeri nequeat malum illud, quod probabiliter nunquam sequetur, timor illius vanæ potius suspicionis, quā metùs gravis nomen meretur, de quo tamen exactius §. seq.

Perinde autem est, sive malum grave immineat mihi, sive alicui ex consanguineis meis, qui ex unitate sanguinis unum quid mecum sunt, illorumque infortunia mea esse censentur *arg. c. sciant cuncti. de elect. in 6.* Quinimmo idem intelligendum de amico meo, sed intimo, de quo affirmare valeo, quòd sit *alter ego*: si namque tantæ utilitatis in consilio, auxilio &c. esse possit fidelis amicus, ut referente Caramuele in *Theol. Regul.* Plautus in *Epidico Act. 1. Scen. 2.* arbitretur,

Homini amico, qui est amicus ita, nō nomen possidet,

Nisi DEos, nihil praestare ei.
quidni mala illius meritò meum quoque animum concutere nata sunt, & cùm vehementius, quò fuerint graviora?

Jam per oppositum liquet, quis sit metus *levis*, ille nimirum, cui aliquid ex recensitis decesse cognoscitur, ut si & absolute, & respectivè leve malum pro objecto habeat; vel grave quidem, sed quod aut fundatè non timetur, quia reverè non instat, nec futurum est: aut si instat, sed facilis datur evadendi modus: vel denique ferit tertium quendam, qui nec titulò sanguinis, nec specialis amicitiæ meus est.

190. Duplici huic metui accedit tertius, *reverentialis* dictus, & fundatus in *reverentia*, honore, & pietate inferiorum erga Majores: illi enim justè time-re quandoque debent, ne honorem, & pietatis leges transcendant, omittendo, vel faciendo aliquid, ex quo Majores se offensos conqueri possent. Et hic timor locum habet in Vasallo, servo, filio respectu Principis, Domini, patris &c. Vide dicenda N. 206.

191. Quilibet ex his metibus provenit vel ab *intrinseco*, id est, à causa aliqua naturali, vel supernaturali, ut est metus tempestatis, infirmitatis, læsæ conscientiæ &c. Vel ab *extrinseco*, id est, à causa extrinseca, & libera, ut ab homine, qui malum minatur, nisi quidquam feceris. Et si habet jus ad inferendum illud ma-

lum, est metus *justus*, ut si cūm crīmen
ad Judicem deferre velit, nīsi aureum
dones. Si vētō temerariē, & malitiōsē
malum causare attēntet, ut si crīmina
singat, ad te coram Judice divēxandum,
si donum postulatum dare recuses: uti-
que metum *injūstum* pateris. Ultrā deni-
que de se clarum est, posse eum metum
dirigi directē ad extorquendum consensum
tuum, ad faciendam e. g. in casu posito,
donationem: vel ad alium finem: ut si mi-
netur accusationem tui ex vindicta, nul-
lum aliud interesse intendens, sed tu ad
redimendam vexam, quam metuis, por-
rigis aureum. Quæ omnia ad propositum.
& praxim §. seq. per extensum applicata
vide.

§. II.

Impedimentum Vis, seu Metūs.

192. **C**Um æquum, & justū sit, injusto
metu gravates juvare, & succur-
rere pauperibus, ac inferioribus, ne à
Potentioribus, per contractus non sine
injuria extortos, opprimātur, & damnum
subeant: in utroque Jure sancte, & pro-
vidè sancitum est, ut contractus gravi me-
tu celebrati, & iustō, licet sint validi
de Jure naturæ, tanquam simpliciter vo-
luntarij per dicta N. 186. quia tamen ple-

na libertate destituuntur, & metum injicium approbare bonis moribus adver-
setur juxta l. 117. ff. de R. I. Nihil consen-
sui tam contrarium, quam vis, & metus,
quem comprobare contra bonos mores est: id-
circo hujusmodi contractus omni solidi-
tate carent, & ad instantiam metum pas-
si rescissioni sunt obnoxij: quæ metu vel
vi fiunt, de jure debent in irritum revocari c.
Abbas. de ijs, quæ vi, metusve &c quo-
circa l. metum autem. ff. de eo, quod metus
causa, decernitur, ut metum passis, sive
perfecta, sive imperfecta res sit (traditio rei
facit perfectum, & completum contractū)
& actio, & exceptio detur, quæ etiam quod
metus causa intitulatur, de qua fusè Le-
gistæ.

193. Aliud erat necessarium in con-
tractu matrimonij: cum etenim semel
validus, sit naturâ suâ perpetuus, & om-
nem dissolutionem, maximè post con-
sumationem, refugiat: ut ab eo omnis
inuria, ex gravi, & injusto metu, arce-
atur, servata plena, & perfecta libertate,
legitur c. veniens c. consultationi tuæ, de-
sponsal. matrimonium metu, mox expli-
cando, initum esse nullum, & invalidum.
Notabilis est textus c. 14. eod. ex
Alexandro III. Episcopo Papiensi rescri-
bente: cum locum non habeat consensus

(perfectè, seu civiliter voluntarius) ubi metus, vel coactio intercedit, necesse est, ut ubi assensus cuiusque requiritur, coactionis materia repellatur. Matrimonium autem solo consensu contrahitur: ubi de ipso queritur, plena debet securitate ille gaudere, cuius est animus indagandus, ne per timorem dicat sibi placere, quod odit, & sequatur exitus (malus) qui de invitis nuptijs solet provenire, & significatur ab Urbano II. c. de neptis 3. xxxi. q. 2. dicente: quorum unum corpus est, unus debet esse & animus, ne forte virgo (mulier) cum fuerit alicui invitata (per metum inducta) copulata, contra Domini, Apostolique præceptum aut reatum dissidiij, aut crimen fornicationis incurrat: quod enim quis non diligit, facile contemnit, & fœmina, teneroris dilectionis vinculo non unita marito, se alteri prostituere solet, sicut & maritus alijs adhærere, ni singulari amore uxoris continetur.

194. Porrò ad effectum annullandi matrimonium requiritur metus I. gravis: metum Labeo accipiendum ait, non quemlibet timorem, sed majoris mali (L. metum. 5. ff. de eo, quod vi &c.) id est magni, capiendo comparativū propositivo, ut ex alijs texibus colligitur. Debet ergo malum illud probabiliter timeri, alioquin metus non

CON-

constituetur gravis per dicta s. priore. **II.**
 Ab extrinseco incussus directè ad extor-
 quendum matrimonium : siquidem or-
 tus ab intrinseco, v. g. à remorsu consci-
 entiæ jubentis , eam, quam sub promis-
 sione matrimonij violâsti , ducere: non
 est injuriousus , sponte enim te obligâsti.
 Similiter, si inimicus minatur mortem ex
 odio, vindicta &c. quam ut declines , te
 offers ad ducendam filiam, aut neptim il-
 lius : non es coactus ad matrimonium ,
 quod tu tantum sponte elegisti, tanquam
 medium effugiendæ mortis.

III. Injustus: si namque Judex vi-
 officij sui jubente æquitate , & Lege te ad
 ducendam aliquam compellat , nullam
 irrogat injuriam , nec te propriè cogit ,
 sed urget obligationis , quâ aliunde tene-
 ris , executionem. Mirum reverà foret,
 si Judex de Jure te ad matrimonium ad-
 stringere deberet, matrimonium verò fo-
 ret ipso Jure nullum ! Item si tuum de-
 lictum grave gravi quoque pœna plectere
 velit , tu verò promittis ducere filiam e-
 jus , sperans condonationem pœnæ, non
 diceris coactus ad matrimonium, sed il-
 lud tantum offerre in pœnum condona-
 tionis, ut benè discurrit Sanchez l. 2. d. 13.
 an. 3. Immò re benè considerata , metus
 non provenit à Judice, sed à tuo delicto

juxta illud Sapientis effatum : fugit impius nemine persequente. Prov. 28. & probavit Tiberius, qui narrante Tacito lib. 7. Annal. noctis mediò per silentium defixus, saepius pavore exurgens, & mentis inops lucem operiebatur, tanquam exitium allatum : & nec fortunā supremæ dignitatis, nec solitudine protegi potuit, quin tormenta pectoris, suāsque ipse pœnas fatetur, quas ex inquietudine delictorum in animo sentiebat. Sed in dignoscenda gravitate metūs.

195. Attendendum, quod sicut ex L. 2. de homicid. in excessibus non solum qualitas delicti, sed & ætas, & sexus delinquentium sunt attendenda : ita ad gravitatem timoris concludendā, non mali duntaxat, quod imminere dicitur, sed ætatis etiam, imbecillitatis, debilitatis, & sexus habenda ratio arg. L. 3. ff. ex quibus causis maiores, ubi metus ex affectu ejus, qui illum patitur, id est, ex animo, & complexione mensuratur, per dicta N. 188. Unde Rota p. 16. decif. 38. n. 9. & seq. apud Clericatum inter Discord. forens. civil. discordia 55. n. 11. accuratè monet : ad effectum nullandi matrimonium, metu contractum à muliere, non tantum timoris in ista ratione imbecillioris sexus, quantum in viro requiritur.

196. In hujus conformitate sequitur: quemadmodum malum non est necessariò absolute grave, sed proportionatè, & accommodè ad personam, ita etiā dictum illud ex N. 189. quod videlicet probabile esse debeat, malum imminere, & instare, non est simpliciter, & absolute intelligendum: cordati enim, & constantes, ac fortes animi solēt, antequām timore superati moveantur ad quidquām agendum, quod alioquin displiceret, exactè perpendere, utrumque, qui malum minatur, assuetus sit, minas executioni mandare? an non detur modus illas aliunde evadendi &c. ut recte notat Sanchez cit. d. 3. n. 5. cum alijs. Ceterū autem ejusmodi discussiones, & ratiocinia à timidis, debilibus, mulierculis, puellis, maximè verecundis &c. minimè expectari possunt: natura enim eorum, aut earum audita severa combinatione mali vehementer mox concutitur, & fortī apprehensione suborta inducitur ad id, quod in esse quieto, & sibi relicta nequāquam amplectetur. Quapropter cùm intantū diminuatur voluntarium in similibus extimore mali, licet illud in se grave non sit, aut si sit tale, haud tamē verosimile, illud instare, & inevitabile esse; quantum in fortioribus minuitur ex malo absolute

gravi, & certitudinaliter instante; æquitas postulat, ut sicut posteriorum matrimonia ex defectu perfecti voluntarij declarantur nulla, ita etiam ob eandem rationem declarantur matrimonia priorum, ut prudenter notat Clericatus cit. n. 10. & alij, fundaturque in eo principio, quod malum, sicut & quodlibet aliud objectum moveat voluntatem, secundum quod apprehenditur: dum igitur aliquod apprehenditur ut grave, quamvis tale non sit, æquè minuit voluntarium, ac illud, quod à parte rei tale esse constat. Sporer de matrim. n. 15. unde Rota cit. n. 4. Quin immò absque alia probatione sola suspicio in animo apprehensa, quod minas pater exequi potuerit, habetur pro justo metu in filia tenera, & verecunda. Et ipse Scotus l. c. qui gravem metum esse ait, quando quisquam non levi estimatione, sed certitudinaliter, saltem certitudine sufficiente in actibus humanis scit, malum sibi inferendum, exemplificat de homine virtuoso, implicitè subindicans, in alio magna virtute, & robore destituto, eam certitudinem minimè necessariam esse. Atque hæc sunt benè notanda.

197. Sed quid de blanditijs, precibus importunis, & metu reverentiali sentendum? Respond. communiorum, ac veriorum

rem docere sententiam , ea se solis , & separatim non æquiparari metui gravi , nec annulare matrimonium : cùm non videantur tantæ efficaciæ esse , ut moverent ad matrimonium , quod secundum se simpliciter displiceret . Nec adeò difficile apparet , patri , vel Superiori , proponenti matrimonium , illudque suadenti contradicere : & quidem sine magna læsione reverentiæ cœteroquin debitæ ; experientia insuper probat , id à filijs , subditis &c. sæpius impunè factum . Confirmatur quoque paritate professionis religiosæ , quam recensita nullare nequeunt , utpote gravem metum minimè inducentia , per tradita , & variis Juribus roborata à Reiff . in I. tit. 4. & n. 93. Idque præsertim verificatur de inductione per blanditias , in qua juxta Scotum l. c. & rei veritatem est multum de voluntario , & parum de involuntario : blandimenta siquidem suaviter , & absque violentia alliciunt animum : ordinarius quoque mos est , blanditiis conciliare corda ad finem matrimonij .

198. Dixi suprà : se solis , & separatim non æquiparari metui gravi . Certum est quidem videtur I. blanditias palliatas esse valdè periculosas , & gravioris mali quandoque inducivas . Non enim adeo insolatum , ut Princeps , Superior &c. blandi-

endo movere animum subditū nitatur, paratus interim ad sāviora descendere, dum nihil efficere posset: nam credunt aliquando similes, se vilipendi, & despici, si blandē etiam procedentes contradictionem in subditis animadvertant. Quocirca, dum aliquid indicium apparuerit, Superiorē tenacis in propositis suis esse animi, ambitiosum, & proprio honori nimis studentem: rationabiliter graviora inde secutura mala timeri possunt. Maxime, si exemplum adfuerit, Dominum hunc, Superiorē &c. aliquando cum alijs eō modō processisse ad manutenendū, & effectuandum propositum semel concepum: felix enim: quem faciunt aliena pericula cautum.

199. II. Periculosaſ item esse importunas preces, dum, si reijciantur, gravioris mali sublatet periculum. Tritum est illud; est orare Ducum, species violentia jubendi: & Princeps, Superior &c. quandoque precibūs mavult, quam viribūs uti (Ovid. 6. Met.) qui tamen, si nihil efficerit, opportuniora comminationis maiorum remedia non negliget. Et hoc quoque ex indicijs, paulò ante dictis, colligi potest. Immò existimo, preces ejusmodi, dum fuerint valdē importunæ, & incessantes, ac à patre, vel alio, cui rever-

rentia debetur, proficiscerentur, ad generandum justum metum sufficere. Ratio urgens esse videtur, quod ex una parte graviter animum torqueant, fatente id Scriptura S. quæ instantes Dalilæ preces, secretum fortitudinis sibi à Sampsonne propalari urgentis, *Jud. c. 16.* hisce exprimit: *cumque molesta esset, & per multos dies jugiter adhæreret, spatiū ad quietem non tribuens &c.* Importunum quoque dicitur tale, quasi *sine quiete & sine portu.* Ex altera verò parte ipse metus reverentialis, qui in eo casu intercurrit, non est adeò spernendus, sed reflexionem mereatur, cum tam facilè à subdito, filio &c. obedientiam præsertim amantibus, resisti non soleat. Hinc non sine ratione cōcludi potest, importunas preces, metu reverentiali qualificatas, efficaces esse ad inducendum metum gravem secundum il. *Jud: quæ non profunt singula, multa juvant.*

L. Instrumenta. c. de probat.

200. III Idem currit de metu reverentiali, accedentibus minis non tantum clarè expressis, sed etiam tacite subintellectis, aut latitantibus, quæ conjici possunt, dum Princeps, Pater &c. ejus sit naturæ, ut omnē renitentiam in subdito, filio, aut filia graviter avergetur, & ea animadversa vehemēter excandescere,

vel etiam s̄evire soleat. In quo casu juxta Clericatum cit. *Discord.* 55 n. 5 & seq. ratio habenda nobilitatis patris, aut militaris, & generosi sanguinis illius: ejusmodi namque homines, quamcunque etiam contradictionem subditorum esse injuriam honoris debiti autumant. Quod præsertim verum, dum ipse parens filiam suam jam antecedenter alicui in uxorem promisisset: quia enim promissa virorum nobilium pro factis habentur. *I. nemmo ff. de in integr. restit.* procul dubio nunquam patietur, promissionem suam resistentiâ filiæ evacuandâ. Et dum de punto honoris, & servandâ, aut ostendendâ gloriâ agitur, nec illis parentibus fidendum, ut cit. Author reflectit, qui ceteroquin placidi esse animi dignoscuntur.

His omnibus accedit tenera ætas, & debilis complexio filij, vel filiæ, conformiter ad dicta *N.* 195 & seq. ut plurimum si fuerit sub rigorosæ ferulæ educatione in continuo timore enutrita: utique enim intensiore reverentiâ erga patrem fertur, multumque timet, ne eam, se voluntati parentis apponendo, lœdat; quod fit, quod ad justum metum leviores minæ sufficient, defectum illarum metu reverentiali supplente. Quapropter sentiunt passim *DD.* gravem metum causari in

in filio, filia, subdito etiam ex ira, & indignatione patris, aut Superioris: indignationis autem nomine intelligitur, ait Ponce de matr. l. 4. c. 5. n. 7. apud Clericat. *Discord.* 32. n. 5. torvus aspectus, vultus offensus, exprobratio verbis durioribus: dummodo ea indignatio, ut cautè monet Sanchez l. c. d. 6. n. 14. longè duratura prævideatur sine spe brevi futuræ reconciliationis, quæ tantò citius sequetur, quantò chariorem sibi pater habet filiam. Sed vide N. 206.

§. III.

Corollaria ex dictis; ubi etiam de probatione metus.

201. **P**ro praxi, ut ea, quæ hucusque dixi, amplius capias, *infero*, sequentia matrimonia

Esse valida

Si tibi, justè in carcere detento, custos illius dicat: non te dimittam, nisi filiam meam, aut neptim ducas. Vel si tibi Judex minetur carcerem propter crimen, à te patratum. Vel te poenis proportionatis, & de Jure concessis, cogat ad eam ducentam, quam sub promissione conjugij imprægnasti: aut cui ex sponsalibus simpliciter obligaris, & causâ resiliendi cares. Vel si Tutor, pater &c. puellæ, quam libidi-

bidinosè tradistì, te deferre velit in ordine ad promeritam pœnam, nisi ducas eam &c. Etenim nulla his in casibus apparet injustitia. Quin immò nec coactio, fundatiū loquendo, cùm relaxatio carceris, pœnæ &c. proponatur tantum in præmium desiderati conjugij. Item si patet, tibi in lecto cum filia invento, furore percitus mortem minetur, tu vero, ut eam evadas, matrimonium cum illa offers. Vel si inimicus vitæ, bonis, honori tuo insidietur ex vindicta, sed tu eum per matrimonium cum illius consanguinea, nepte &c. placare studes (Historiæ narrant, conjugia aliquando inita ad firmandam, aut renovandam pacem inter Principes) quāmvis enim illi injustè agant, ad matrimonium tamen extorquendum non cogunt, sed à te tantum oblatum suspiunt. A fortiori ergo idem dicendum, dum tibi justam pœnam, aut accusationē minatur, & tu adeam evadendam ducere cupis; quia in eo casu nihil injusti succedit.

Sed quid, si tibi accusationem criminis minatus, animum accusandi revera non habeat, tu tamen id nesciens, matrimonium offers, & iris, ne accuseris? Nonne te decipit injuste? Respondet Sanchez cit. d. 9. n. 9. & ex Lessio Caramuel

Tbeol.

Theol. fund. l. 3. n. 3691. licet animum accusationis non gerat, habet tamen potestatem te accusandi: quia ergo ea se privat, dum tuam oblationem matrimonij acceptat, propriè non te decipit, eritque validum matrimonium, tametsi etiam directè ad extorquendum matrimonium delationem tui criminis minaretur.

202. Validum item est matrimonium, si eam ducis, quam imprægnâsti, ne conscientiam offendas. Si tibi matrimonium imponatur, tanquam necessarium ad salvandam animam, juxta illud: *melius est nubere, quamuri.* 1. Corintb. 7. si judiciō Medicis timeas, ne tibi in cœlibatu manenti, abundantia humorum fiat nociva. Si te ad matrimonium resolvis, ut successorem Catholicum Territorij, aut Ducatus &c. habere possis, timens, ne cum periculo Catholicismi hæreticus illa occupet. Metus siquidem his in casibus provenit ab intrinseco. Item si pater te cogat ad nuptias cum aliqua, quia sperat, lites graves, vel inimicitias intensas exinde finem habituras: aut quia alias miserrimam vitam ageret, nisi per sponsam, tibi propositam, ad Officium promoteatur. Cum enim pater justè agat, conscientia te cogit ad obediendum, & ducendum: nisi tu aliunde fors

fores alteri sponsæ ex justitia adstricetus, nam prævalet titulus justitiæ, prout in parte limitat Sanch. l. c. d. 23. n. 6. Idem judica, si Princeps te cogeret ex fine publici boni ad aliquod conjugium, quia & illud promovere obligaris.

203. Validum denique est matrimonium illius fœminæ, quæ blandimentis, munusculis, aliisque suavitatibus inducitur ad matrimonium, cum nulla irrogetur violentia, sed animus potius fœminæ modis illius inclinationi conformibus emolliatur. Item si puella renitens per importunas, & continuas preces ad consensum moveatur; spontaneè enim consentire præsumitur eō, quod importunitas precum non habeat vim, ad violenter extorquendum consensum in re tanti momenti, ut est conjugium. Unde non excusat factum Samsonis, nec probatur viro dignum, quod ad fortitudinem, à qua salus illius dependebat, manifestandam precibus Dalilæ vixus fuerit: quamquam simili ratione *Luc. c. 11.* vinci potuerit amicus ad dandos panes, velut rem minus notabilem.

Econtrà verò sequentia matrimonia sunt invalida.

204. Si tibi, in lecto invento cum puella pater minetur mortem, nisi ducas eam

eam : quia Jus non habet in tuam vitam.
Idem est , si quis minetur te in Judicio
vexare delatione confisi alicujus crimi-
nis, vel etiam veri, sed occulti , cùm ne-
mini liceat etiam vera crimina, sed occul-
ta cum tui infamia propalare, aut deferre.
Idem est, si quis puellæ, ni nubat , con-
sanguineum officiō aliquō injustè privare
velit (aliud foret, si nolet , cùm posset,
cooperari ad illius promotionem , dene-
gando enim auxilium nulla committitur
injustitia) In his namque , & similibus
casibus metus injustè ab extrinseco incu-
titur ex fine extorquendi matrimonij.
Item si tibi , qui cœlebs manere cupis ,
terror incutiatur, ut ducas, quam libue-
rit. Aut si ad matrimonium quidem a-
spiras , sed cogeris , aliquam ex familia
Caij tantū (quidquid dicat Caram.
I. suprà cit. n. 3692.) ducere. Nam non
solum liberum debet esse matrimonium
simpliciter, sed etiam quoad individuum
personarū statui convenientiū, ne si nul-
la ex familia Caij placeret, oriantur infe-
lices exitus, qui de invitatis nuptijs solent
provenire. Aliud esset, si tu puellā multò
inferioris conditionis cum dedecore tui
sanguinis ducere volens, metu adigaris
ad ducendam aliam, quia metus justus est,
& rationabilis, dummodò non fuerit ex-
ces-

cessivus: quod addo, quia ultimatum matrimonia libera esse debent, potestque quisquam magis cogi, ne talem improportionatam ducat, quam ut aliam uxorem convenientem accipiat, prout de multis puellis factum, quibus impeditum ea ratione erat matrimonium, sed sine coactione ad nubendum alteri.

Ceterum incidenter notandum est, ex Trid. sess. 24. de reform. matr. c. 9. ipso factō subiacere excommunicationi Dominos temporales, & Magistratus (non alios, temporali jurisdictione carentes, ut l. c. d. 22. n. 9. & 10. advertit Sanchez cum alijs) qui viros, & mulieres sub eorum jurisdictione degentes, maxime divites, vel spem magnae hereditatis habentes, minis, & paenit adigunt, cum iis matrimonium invitos contrabere, quos ipsi Domini, & Magistratus illis prescripserint: cum maxime nefarium sit, matrimonij libertatem violare, & ab eis injurias nasci, a quibus Jura expectantur.

205. Si te Judex terroribus, & pœnitis exorbitantibus cogat ad eam ducendam (aut è contraria) cui ex sponsalibus obligaris: ea enim severitas est contra Jura, proinde injusta: unde Lucius III. interrogatus: quæ censuræ compelli debeat, quæ jurisjurandi Religione neglecta nubere renuit,

qui se nupturam jurejurando firmavit? respondit: quod cum libera debeant esse matrimonia, monenda est potius, quam cogenda (medijs valde severis) cum coactio[n]es difficiles soleant exitus frequenter habere. c. requisiuit. 17. de sponsal. Confirmatur quoque praxi Tribunalium, quæ ab ultimata coactione desistunt, & sponsos resilire sinunt, illò, qui promissione stare renuit, alterius juri pecuniariâ taxâ satisfaciente, quam quandoque Judex (etiam Ecclesiasticus de Jure communi, licet praxis alicubi obtinuerit, id ad sacerdalem tantum Judicem pertinere, nisi partes in Ecclesiasticū compromiserint) determinare solet, altero scilicet consentiente, ut jus illius pecuniâ redimatur, sed quantitatem excessivam postulante.

Non negatur tamen, severiora ad extorquendum matrimonium promissū adhiberi posse remedia, dum copula carnalis, maximè cum imprægnatione intercesserat: tūm ut puellæ satisfiat; tūm ut pluribus malis, quæ non raro continentur, hāc viâ obvietur: ex imprægnatione namque personæ nobilis honor læditur, inimicitia, odia, rixæ, & homicidia etiam quandoque sequuntur. S. Scriptura narrat exemplum in populo Sichimtarum, eorumque Principum, qui à

Q

filijs

filijs Jacob interfecti erant eō , quòd Si-
chem filius Hemor Hevæi violāsse Dinā
Jacob , & Liæ filiam . Gen . c . 34 . quem in
Iocum vide Cornelium à Lapide , pluri-
būs historiis idem probantem . Omnes igi-
tur circumstantias , qualitates persona-
rum , & damna sequi nata , attentè con-
siderabit Judex Ecclesiasticus , ut sciat ,
quando severioribūs remediis matrimo-
nium urgere debeat , ne injustitiam com-
mittat , sítque matrimonij invalidi causa .
Sed antequām injusta dicatur sententia ,
debet apertè constare de excessu Judicis
ultra limites Justitiae , & Officij sui : alio-
quin auditoritas judicialis sententiæ po-
stulat ex c . in præsentia b . de Renunt . ut in
dubio præsumatur iusta .

206. Si Princeps , Dominus , pater ,
Tutor instanter , & indefinenter solici-
tet filium , filiam , subditum ad matrimo-
nium : concurrit enim metus reverentia-
lis cum importunitate precum . Aut si pa-
ter filiam duriter propterea tractet , in-
dignabundum , & torvum vultum præse-
ferat &c . Immò etiam , si ad renitentiam
filiæ tenerioris alteretur , excandescat ,
in duriora verba prorumpat : quāvis e-
nim ea ira sæpiùs non sit longæ duratio-
nis , id tamen puella nescit ; & aliàs mi-
nus malum sufficit per suprà dicta ad me-
tum

tum gravem, dum metus reverentialis comitatur; & tenera ætas puellæ ad gravem sui animi concussionem majoris mali timorem non exigit.

Porrò Sanchez l. c. d. 6. & n. 24. usque ad n. 34. variis Juribüs, & citatione aliorum DD. ostendit, metum reverentialem (*per se, & ex natura rei*) adesse I. in subdito respectu Principis, Magistratus, &c. II. In filio respectu patris, socii, avi, aliorūmque Ascendentium. Item respectu matris, præsertim, dum illa auctoritate pollet in domo. III. In pupillo respectu curatoris, tutoris. IV. Respectu patrui, aut avunculi, dum in eadem domo habitat, & gubernium tenet. V. In fratre, aut sorore respectu fratri natu majoris, similiter, dum ille domū regit. Notanter dixi: *per se & ex natura rei*: contingere siquidem potest, filium esse sui juris, à patre, matre &c. independentem, eorūmque iussa parvi facientem: quo in casu utique metus reverentialis argui non posset.

207. Ex his exemplis facile erit judicium circa alios casus emergentes, semper attendendo, à quo metus fuerit incusus? quem in finem, an directè scilicet ad extorquendum matrimonium? utrum jure, vel injuriā? an metus sit gravis cē-

sendus, vel levis? quō in pūnto, cūm certa regula statui nequeat per dicta N. 195. & seqq. ad prudens arbitrium Judicis recurrentum est: nam non sufficit quodlibet terrore adductum timuisse: sed hujus rei disquisitio Judicis est. L. 3 ff. ex quibus causis majores. Judex verò omnino caveat, ne mox credat, aut unquam præsumat metum gravem; quia enim incussio metus gravis in ordine ad matrimonium delictum grave contra libertatem matrimonij involvit, sapitque gravem injustitiam, probari debet per L. 1. §. quæ exoneranda. ff. quarum rerum actio: & c. 28. de sponsal. eo, quod mala audita passim credi non debeant absque certa probatione c. nullum ante 10. xxx. q. 5. ubi propterea etiā præcipitur, ut quisquam ante audit a diligenter inquirat, ne præcipitando quidquam aliquis agat.

208. At quomodo probatur metus gravis? Respondeo: cūm metus consistat in mentis trepidatione, sicutque in animo latet, numeratur inter ea, quæ sunt difficilis probationis, nec requirunt convinentes probationes, sed per conjecturas, & fortia indicia deducuntur. Quocirca ex mente DD. probatur metus ad propositum, dum constiterit aliquem carceri mancipatum, vel vinculis onustum; vel ali-

alicubi violenter detentum, & custoditū consensisse in matrimonium. Item si tempore cōtractus conjugalis lachrymabatur, plūs solitō impalluit, alteratus erat, nec horum accidentium alia causa appareat. *If* si quis vel ante, vel mox post contradictionem protestatus fuit, se non nisi coactum, & timore compulsum consentire, vel consensisse. Si testes adsunt, qui deponunt de comminatione malorum. Si appareat defectus omnis amoris conjugalis, & conjugem cum conjuge in continvis rixis, & dissensionibus vivere, quæ jam inde à principio initi conjugij continuantur: præsertim si debitum conjugale constanter negatum erat, aut non nisi vi, & magno labore extortum (de quo amplius §. seq.) Similia enim indicia videnda apud Reiff. ad 1. Decret. t. 40. § 4. satis ostendunt, matrimonium non absque metu, & notabili læsione libertatis contradictione fuisse. Vide etiam dicenda §. 5. in resolutione casūs N. 217.

§. IV.

Explanantur quædam dubia.

209. **D**ubium I. An matrimonium metu nullum firmetur Juramento? Respondeo negativè. Sanchez cit. d. 20. n. 17. Pichler 4. t. I. n. 110. & communis

aliorum textu claro c. 2. de eo, qui duxit &c: ubi refertur Alexandri III. mandasse Abbatii de Fontibus: quatenus si constiterit, quod eidem viro tanta vis illata fuerit (per vincula, carceres, ut casus ibi sonat) quod non sponde in primam consenserit, nec post praestitum juramentum ipsam carnaliter cognoverit, propter hoc non dimittat, quin ad aliam, quam postmodum in uxorem accepit, revertendi tribuat facultatem. Si vero primum matrimonium robur aliquod habuisset ex juramento, vir ad secundam reverti non posset ob reatum Polygamiæ. Ratio est manifesta, quod juramentum non efficiat consensum plenè, & perfectè voluntarium, quem tamen matrimonium exigit: sed sit in testimonium tantum praestiti consensus (sicutque merè assertorium) si igitur ille ob metum sit ad matrimonium insufficiens, manet talis additò etiam juramento. Suffragatur quoque illud Juristarum principium ex c. si diligenti. de foro compet. videlicet juramentum de ijs contradictionibus, qui ob bonum publicum irritantur, nullius esse efficaciam. Nam irritatio matrimonij ex metu, respicit bonum publicum, in quantum introducta est ex bono fidei, prolium, & amoris conjugalis.

210. Nec facit in contrarium D. Aug.
qui

qui, ut refertur c. inter cætera. 22. xxii.
q. 4. de eo, qui captus, & timore necis im-
pulsus suæ concubinæ juramentō firmavit,
ipsam in conjugem suscipere, propriāmque
matrem cum fratribus de domo expellere, ni-
bileque eis alimoniæ unquam impendere; re-
solvit, hoc juramentum quoad negatio-
nem alimentorum non esse quidem ser-
vandum, cùm sit impium: attamen quo-
ad matrimonium aliter sensit, dicens: quia
verò, quam prius concubinā habuerat, non est
peccatum in conjugem suscipere, matrimonii-
um sit in Deo firmum, & stabile. Nam ni-
hil aliud intendit D. Aug. quām repro-
batō juramentō negandi alimenta matri,
asserere, concubinam posse liberè in uxori-
rem duci, ut constat ex subjecta ratione:
non est peccatum in conjugem &c. quod si
quis fecerit, matrimonium erit firmum,
& stabile; quāmvis non fiat validū prop-
ter adjectum juramentum, dum semel ra-
tione metū nullum erat. Sanch. cit. n.
13. & ex eo Pirhing 4. tit. I. n. 121. El-
bel de matrim. n. 196. &c.

211. *Dubium II. Quo Jure metus
gravis annullat matrimonium?* Respond.
Si quis metu impulsus externè tantum se
singat consentire, omni interno consen-
su destitutus, certum est, matrimonium
esse jure naturæ nullum ex defectu con-
sen-

sensus interni. Sed an idem dicendum, dum quis internum etiam consensum præstat, controvertunt *DD.* Quidam considerantes, cum metu gravissime voluntarium simpliciter per dicta in I. §. patetque ex illo usitato Juristarum: *coacta voluntas est voluntas*; docent, metum jure naturæ non irritare matrimonium hoc ipsis, quod adsit consensus simpliciter voluntarius. Et si interrogentur, ubi extet expressum jus positivum annullans matrimonium? dicunt, illud quidem nullib[us] statui (nam *sura suprà* allata non annullant, sed declarant tantum, metum annulare) consuetudine tamen, & continua traditione constare, illud aliquando induxit fuisse: prout *N.* 166. de impedimento *Disparitatis cultus* dictum est.

Verum Scotus cit. sentit, matrimonium esse jure naturæ ex metu nullū. Dicitur: quia licet alij contractus, qui non sunt insolubiles, ex metu initi valeant, cum futura tamen rescissione ex dictis *N.* 192. contractus tamen matrimonij, cum sic indissolubilis, postquam semel valuit; ab initio nullus est ex metu, suadente æquitate naturali, ne scilicet sine omni remedio maneat. *Tum* quia metus tollit perfectum voluntarium, quod tamen ex legge naturæ ad matrimonium requiri vide-

tur Scoto l. c. ibi: etiam in lege naturæ erat istud requisitum (traditio scilicet corporis summè libera) in contraclu matrimonij, Gen. 2. adhærebit uxori sue: sed non adhæret quis illi, quod invite tenet &c. Nec obest, Baptismum gravi metu suscep- tum esse validum eō, quod adhuc maneat simpliciter voluntarius. Etenim per Bap- tismum melioratur conditio baptizati, ceditque in utilitatem illius, & æternā salutem: unde non mirum, quod volun- tarium, etiam metu infectum, ad illum sufficiat.

Qui utriusque sententiæ fundamen- ta deducta videre desiderat, adeat Sanch. cit. d. 14. per totam. Reiff. 1. tit. 40. à n. 47. Pichler l. c. à n. 113. interim verò adver- tat, ex secunda sententia sequi, etiam in- fidelium matrimonia stante gravi metu irrita esse, cum & illi legibus naturæ re- gantur.

212. Dubiū III. Quomodo matrimoni- um metu nullum consolidetur? *Respond.* non aliter, quam per novum consensum à metu passo elicatum: & quidem in foro conscientiæ res est facilis: si enim metu passus consensit in matrimonium, suumque consensum nunquam postea ratifica- vit, licet conjugi longissimo tempore co- habitasset, illique carnaliter etiam com- mix.

mixtus fuisset, matrimonium æquè, ut
in principio, manet nullum: quia primus
consensus non sufficiebat: si ergo alius
novus liberè præstitus non accedat, ni-
hil est, unde matrimonium reconvalesce-
ret. Si vero è contrà conjux metum pas-
sus fateatur, se in matrimonium priùs
nullum, sponte postmodum consensisse,
licet nulla adhuc carnalis copula secuta
fuisset, vi novi consensus cœfendum est
validum, dummodo (NB.) alter con-
jux nullum metum passus suum consen-
sum interim non revocaverit per dicta
N. 42.

Immò P. Reiffenst. in Append. ad 4.
Decret. n. 607. & seqq. persuadere cona-
tur, non sufficere, ut pars metum non
passa, suum consensum non revocaverit,
sed insuper requiri, ut dum altera pars
metum passa consensum renovat, etiam
pars metum non passa novum consensum
ponat: & hanc sententiam de renovatio-
ne utriusque consensūs ait, in casu cu-
juscunque impedimenti irritantis proba-
biliorem esse, & in praxi omnino tenen-
dam. Ast Sanchez l. 2. de matr. d. 32. n.
9. Pichler 4. tit 16. de Dispensat. Impe-
diment. n. 52. aliisque, docent, requiri qui-
dem novum utriusque conjugis consen-
sum, dum matrimonium ob aliquod ali-
ud

ud impedimentum nullum erat. Ratio est: quia cùm ex impedimento utraque persona fuerit inhabilis ad matrimonium, neutrius consensus validus erat: proinde, ut sublatō impedimentō per dispensationem, matrimonium valere incipiat, utriusque consensus novus requiritur. Sed si matrimonium fuerit nullum ex defec-
tu consensūs unius tantūm conjugis, ut in proposito illius, qui metum passus est, ad revalidandum matrimonium sufficere videtur, ut ille tantummodo alium con-
fensem liberè ponat. Ratio est: quia cō-
sensus conjugis, qui nullum metum pas-
sus est, erat de se validus, & si nondum revocatus sit, semper durat: adeoque si alter conjux metum passus novum con-
fensem liberè eliciat, habetur utriusque consensus liber, & voluntarius, qui suf-
ficit ad valorem matrimonij.

Quid ergo in praxi dicendum? seu quæ sententia tenenda? Respod. primam esse utique tutiorem; sed quia in mate-
ria Sacramentorum non jubemur tutiora
sequi, sed tantūm probabiliora: nec ex-
ploratum, utra ex his sententijs sit pro-
babilior; nequaquam illi contradicerem,
qui juxta Sanchezium conjugis metum
passi duntaxat consensum exigeret, nec
solicitus esset de renovatione consensūs
alio

213. Aliter procedendum est in foro fori, in quo, cum renovatio consensus interni non pateat, nec illam neganti credatur, ad conjecturas tantum recurriri debet, ex quibus praesumptivè saltem renovatio consensus concluditur. *Et quidem* una conjectura est cohabitatio: conjux enim, qui suo coniugi pacifice cohabit, præsumitur in matrimonium, quod ad initium ingratum fuit, mutata dein mente sponte consensisse, alioquin ab illo recederet. *Et ita* judicavit Clemens III. c. ad id. 21. de sponsal. de Paræciana illa, quæ renitens, & invita erat viro tradita: respondit namque: *tamen*, quia postmodum per annum, & dimidium sibi coabitans, consensisse videatur, ad ipsum est cogenda redire. Voluit insuper, nec testes audiendos esse, quibus Paræciana illa probare vellet, se nunquam consensisse. *Nec de cætero recipiendi sunt testes*, si quos memorata mulier ad probandum, quod non consenserit in eundem, nominaverit producentos, cum mora tanti temporis bujusmodi probationem excludat.

Porrò, ut cohabitatio tam violentâ præsumptionem generet, contra quam nulla probatio admittitur, necessaria sunt sequen-

sequentia. *I.* Ut sit spontanea, & libera: Qui ergo probare poterit, metum, à principio matrimonij incussum, etiamnum durare; vel supervenisse aliud impedimentum, quod impedit, ne contra matrimonium reclamare possit, aut à conjuge discedere; quia v. g. timet præpotentiam consanguineorum illius: vel violationem juramenti, si scilicet jurare debuit, se nunquam discessurum &c. nulla ex cohabitatione oriatur præsumptio renovati consensūs. *II.* Ut sit diuturna. Sed quanti temporis? Respondeo: in alio textu exprimi quidem sesquiannum, ibi. *per annum, & dimidium.* Verum quia in illo facti tantum species narratur, & nihil deciditur: nec alibi determinatum tempus reperitur, concludunt *DD.* diutinatem cohabitationis ad purgandum metum, & sanandum matrimonium esse à Judice dijudicandam; universaliter enim, dum lex dicit tempus, nec adiicit diem, sine dubio ostendit, esse in Jus dicentis potestate, quem diem, aut tempus præstiuat. *III.* Ut coabitans sciat nullitatem sui matrimonij per dicta *N.* 45. qui namque credit, se haud obstante metu validè contraxisse, utique cohabitare quia credit se vi matrimonij ad id obligari; per consequens non potest argui, eum coha-

cohabitare, quia consensum renovando nullitatem matrimonij sanavit.

214. Altera coniectura est copula carnalis; siquidem c. consultationi. de spon. sal. & matr. ijs tantum mulieribus (par ratio est de viris) nullitatem matrimonij ex metu incusso probare volentibus, non est deneganda audientia, sed de illato metu cū diligentia inquirendū, quæ mox a sponsis aufugiunt (aut reclamant) ante carnis copulam subsecutam. additque Glossa: secūs si post, quia tunc consensisse videntur; eō ipsō namque, quod nemo præsumatur malus, & fornicator, præsumitur potius, se affectu conjugali ad copulam accinxisse, sīcque matrimonium prius nullum, factō, & opere sanasse: Et quidem tam fortiter id præsumitur, quod contra præsumptionem hujusmodi non est probatio admittenda ut dicitur c. Is, qui fidem 30. Eodem. Quod in eo casu tantum verum habet, quod copulam exercens novit nullitatem matrimonij, per dicta ad finē N. prioris. & unā quoque copulam voluntariè admittit, non vi, vel metu gravi compulsus (quod facilius, & frequentius accidere potest fœminæ, quam viro) quam parū enim, benè ait Pichler cit. n. 115. verba, ex metu proleta, efficiunt consensum matrimonialem, tam parū

eundem

eundem faciunt facta, seu opera ex metu posita. Ita DD. sapientis citt. & exacte Sanchez l. c.

§. V.

Resolvitur casus de Impedimento Vis, seu Metu.

Sophius, ut Meticulam, cuius amorem conciliare non potuit, in sponsam haberet, Patrem illius hunc in finem interpellavit, qui Meticulae filiae suae suadere primū cœpit, ne occasionem conjugij valde profici negliceret: proponere emolumenta, & commoda, quæ inde sperare licet, dumque id aliquoties repeteret, & animum filiae titubantem quidē cerneret, nec tamen resolutum; ut eum tandem flecteret, duriora aggressus media, toruum vultum indignabundus præsetulit, consuetas paterni affectus indicia retraxit, & in futurum etiam sibi invisam fore minatus est. Unde denique factum, Meticulam bujusmodi terroribus vitam, non tantum Sophio nupsisse, sed ei quoque conjugaliter cum carnis commixtione convixisse. Verum quia nullū violentum diuturnum, Meticula continuo odiō Sophium prosequitur, nunquam a rixis, & contentionibus libera, & omni in illum amore destituta. Quid ad hunc casum? & quid remedij?

Re-

215. *Respondeo I.* Patrem esse gravis culpæ reum, dum Meticulam, à Sophio vehementer aversam videns, graviorib[us] medijs ad matrimonium cum illo cogere non destitit; quāmvis enim in casu conjugij multūm utilis, possit Pater filiam ad illud jaducere, & increpatione moderata uti ex dictis N. 202. à severiore tamen coactione desistere debet. Propter salvandam plenam libertatem, quam Jura cuivis quoad eum statum concedunt. Concordat *communior* sententia docens, filium obligari quidem regulariter ad petendum consilium parentum in eliendo matrimonio, non tamen semper ad obediendum.

Et hōc ipsō, quōd Pater valeat promovere matrimonium utile, & ad illud opportunis, sed non excessivis medijs filiam inducere: non peccavit Sophius, Patrem ad id interpellando; cūm culpabile non sit ad licita, ut finis sequatur, media recurrere. Aliud foret, si Sophius ad duram illam tractationem induxisset patrem, ut patet.

216. *II.* Examinanda est Meticula, an verbotenūs tantūm consenserit, id est, sine omni æquivocatione verbis tantūm consensum expresserit, interna voluntate prorsus aliena: Si ita: est quidem
men-

mendacijs rea (quod ob nullum metum licet) sed venialis tantum ex doctrina Sanch. cit. d. 16. n. 2. Spores de matrim. n. 21. & aliorum : Sophius siquidem non habuit jus, ut Meticula verum consensu ex metu prebeat, sicutque per hoc mendacium damnificatus non erat : praesertim cum aliunde etiam per internu consensu hoc in casu nihil obtinuisse, utpote ex paulo post dicendis, ad matrimonium insufficientem. Nec etiam sacrilegium commisit Meticula , consensum suum simulando , quasi scilicet voluntarie , & cum dolo frustrasset formam Sacramenti matrimonij : cum enim verba non sine forma hujus Sacramenti , nisi ut consti- tuentia , seu efficiuntia contradicunt matrimonij (cui tantum annexa est ratio Sacramenti) si illa sine animo interno ob metu proferantur , non sunt forma Sacramenti matrimonij. Ita citt. Aliud est , dum materia , & formam Sacramenti positis , inten- tio conficiendi Sacramentum sacrilegè si- mulatur , nec id ex circumstantijs colligi potest.

Sed si realiter etiam , & internè con- sensisset , dum tamen id factum ex metu , in casu relatō nullum est matrimonium ; quia metus reverentialis ita qualificatus est impedimentum dirimens ex N. 198.

R

tan-

tanquam cadens in virum constantem, & injustus. Nec suffragatur, quod copulam carnalem etiam admiserit, dummodo eam admisit vi oppressa a Sophio, & sine animo conjugali: vel libidine tantum victa: vel quia timuit ferocitatem Sophij, aut gravem offensam, & indignationem Patris: vel tandem quia erronee crediderat, matrimonium esse validum, sequi vi illius ad concedendum usum corporis obligatam esse, ut patenter constat ex N. 212. Atque haec facilia sunt in foro interno, in quo agitur de salute spirituali animae, & reconcilianda conscientia cum DEo: cum enim crudele esset, nisi gravis ratio aliud suadeat, & planè temerarium, presumere falsitatem penitentis, & judicare, quod in eo actu, in quo gratiam DEi mercari conatur, per falsitates, & mendacia se eadem indignum reddere velit: absque dubio illius confessioni standum est, & juxta confessa judicandum.

217. At in foro externo, cum agatur de administranda justitia, & jure matrimoniali servando, assertioni partis litigantis non creditur, nisi vestitae legitimis probationibus. Quapropter ut in proposito casu Meticula contra suum conjugium ex capite injusti, & gravis metus

excipere valeat, probare debet per tales
 renitentiam, & aversionem, quam sem-
 per præsetulit erga illud conjugium: te-
 stes vero esse poterunt Domestici, ancil-
 læ &c. coram quibus eam forte declaravit.
Item metum sibi à Patre fuisse incisum,
Si scilicet ille sacerdos aliis videntibus, &
 audientibus solicitavit matrimonium: si-
 bi illud valde gratum esse fassus fuit, pro-
 posuitque se illud pro possibili urgere
 velle, & durum, obstinatumque animū
Meticulæ emollire: nam ut ex Mascardo
 benè arguit Cleticatus *Discordiarum fo-*
renſ. *Civil. Discordia* 32. n. 5. si conjec-
 turæ ad probandum alium metum, qui
 non præsumitur, sufficiunt, & dic-
 tum est *suprà N. 208.* multò magis po-
 tentes, & validæ erunt ad eum metum,
 qui præsumitur, & est reverentialis: hinc
 est, quod Idem *l. c. Discord.* 55. n. 12. &
seq. ex Farinacio doceat, hunc metum sa-
 tis dici probatum, quando probantur per-
 suasions, & importunæ preces Patris,
 aut alterius personæ, cui debetur rever-
 entia: nec necesse est, preces fore instan-
 tissimas, dum adjundum habent pericu-
 lum gravis indignationis, quod ex natu-
 ra, & complexione Patris coniuncti potest,
Si nimis magna auctoritate, austeri-
 tate, & gravitate polleat in filiam, per

ea, quæ supra dixi, & advertit Marchau-
tius in Resolutionibus notabil. variorum Ca-
suum, de Sacramento Ordin. casu 2. Hæc
igitur, & similia (vide dicta cit. N. 208.)
deducenda sunt à Meticula, ut intentum
suum feliciter attingat, Judex verò eo-
rum sufficientiam prudenter perpendere
debet, poteritque in supplementum suf-
ficiențiæ juramentum Meticulae admitte-
re: tūm quia plures apud Reissenst. L. 1,
tit. 40. n. 92. volunt, metum quoque pro-
bari per juramentum arg. c. statutum §. 1.
de Rescript. in 6. tūm quia licet hanc pro-
bandi metūs methodum alij probabiliūs
negent in præsenti, cùm difficile sit, ad
juramentum unius, in sui favorem juran-
tis, & quidem contra valorem matrimo-
nij, quem aliàs omnia Jura custoditum
volunt, fidem in Judicio præbere: nega-
ri tamen haud potest, quin sufficiat in
suppletionem accendentibūs aliis conjec-
turis. Marchantius l. c. casu 3. in fine.

218. Etiam hōc positō necdum vicit
Meticula, cùm violentam ex admissa co-
pula adversus se patiatur præsumptionē
de purgato metu, & renovato matrimo-
nij consensu per dicta N. 214. Et ut hanc
præsumptionem elidat, frustrā obijciet,
se affectu libidinoso tantūm, & non con-
jugali copulæ subjecisse: est enim forni-
catio

catio grande crimen, affectusque, seu animus libidinosus merè internus, & latens: unde hanc turpitudinem, etiam cum juramento asserens, non auditur in sui favorem, & matrimonij præjudicium. Ut igitur utiliter rem suam in Judicio agat, & promoveat, debet ostendere vel se esse illata vi oppressam, si scilicet alijs constet strepitoso resistentia, quā se opponebat Sophio concubere volenti: vel quod non nisi ex timore gravi passa fuerit concubitum, quia videlicet expavit austoritatem Sophij mariti, aut Patris indignationem gravem &c. quem in finem se juvare poterit testimonis Matronarū, ancillarum &c. quibus forte lamentando exposuerat, se nullum affectum erga Sophum sentire posse: sibi omnem carnis commixtionem cum illo ingratam esse, nec eam unquam admissuram, si timor mariti, Patris &c. non instaret: se liberationem ab hoc jugo vehementer optare, nec quietō animō cohabitare posse &c. Quæ, & similes conjecturæ, accedente etiam pro majori firmitate Juramento, sati essent per DD. saepius cit. ad ferendū nullitatis sententiam.

219. Ergone Confessarius suadere poterit Meticulæ actionem contra matrimonium? Respondeo: conabitur præpri-

mis inducere illam ad renovandum con-
fensem cum firma fiducia in Divinum
auxilium, si se sponte, & voluntariè sub-
diderit, maximè in casu conceptæ jam
prolis, aut timoris scandali, alteriusve
mali. Ceterum si nihil efficere possit,
aut si ex connubio ulterius durante
periculum mali alicujus, & pessimi even-
tus merito prævideatur, absque dubio
Confessarius ex munere suo ei actionem
contra matrimonium suadet, & proba-
tiones iuggeret.

Sed quid, si probationes deficiant,
aut producunt etiam Judicem non move-
ant, nec convincant? *Respondeo:* haud
superesse aliud remedium, nisi ut vel di-
vortium quoad thorum, & cohabitatio-
nem obtineat judicialiter (dantur enim
rationes ad illud sufficientes, quæ sunt
ad revertendum matrimonium insuffici-
entes) vel sibi fugâ consulat, ut advertit
P. Elbel *de matrim.* n. 149. quam vel ad
aliam Regionem, vel ad Monasterium
aliquod operâ amicorum occulte arripere
poterit.

ORDO.

220. **C**ertum est in Ecclesia Sancta Dei
septem dari Ordines, eosque
in

in duo quasi genera partiri: in *Minores*, qui sunt primi quatuor: & *Majores*, qui sunt tres posteriores, & *Sacri* etiam dicuntur ad distinctionem tantum nominalem à *Minoribus*, & propter adjuncta o-
ne: a specialia, quæ ex *Minoribus* non se-
quuntur, quamvis & hi, tanquam vera
Sacra menta, sint in se omnino sacri. Hæc
delibâsse tantum sufficit ad propositum,
amplius passim videnda.

§. I.

Quid de *Minoribus Ordinibus* ad propositum dicendum;

Nullibi in Jure reperitur, Ordines *Minores* obstare matrimonio contrahendo, sed oppositum potius in varijs *Canonib.* exprimitur, quos in re tam explorata superfluum esset recensere; unde jubet Papa *c. 1. de Clericis Conjug* ut in *Minoribus* constituti, si ad matrimonium convolant, non ad dimitendas, sed ad retinendas uxores districtione Ecclesiastica compellantur. Quia tamen in talium conversatione Cithara cum Psalterio male concordat, ut loquitur *Inocent.* *III. c. de diversis. 5. eodem:* tūm in hoc, tūm in alijs cc. privantur Clericali privilegiō, & beneficiō, si quod obtinent, de quo fusè *Canonista* ad cit. tit.

222. Licet defacto Ordines Minores
nullum praebant impedimentum ita, ut
nec peccatum veniale sit, illis non atten-
tis ad conjugium aspirare (si præscindas à
levitate, & inconstantia) Nec etiam Ec-
clesia possit ab Minoristis, simpliciter
loquendo, prohibere matrimonium, &
præcipere continentiam: est enim Virgini-
tas, quæ suaderi potest, imperari non po-
test: res magis voti, quam præcepti. c. Inte-
gritas 13. xxxii. q. 1. ex D. Ambros. lib.
exhortationis ad Virgines: unde quibus vo-
luntas propria desiderium nubendi persuase-
rit, concessam ab Apostolo licentiam (1. ad
Corimb. 7. auferre non possumus, fatetur
Concilium Tolet. II. relatum c. de ijs 5. dist.
28. Posset nihilominus Ecclesia statue-
re, ut qui im posterum Minorib[us] initiari
desiderant, continentiam servent, à con-
jugio abstinentes: illam enim simpliciter
non præciperet, sed qui liberè ordinari
velint, se liberè quoque huic jugo subji-
cerent. Sanchez l. 7. de matrim. disp. 131.
p. 4. & ex illo Caramuel. l. 3. n. 3776. Et
perspicuum est, eum non cogere, qui ju-
bet aliquid sub conditione, voluntariè
acceptanda.

223. Ex his sequitur, quod erroneè
etiam credens, Ordinibus minoribus an-
nexum impedimentum matrimonij, pos-
sit

fit illud inire, nisi aliud obstat, licet pauci quidam immerito contradicant; cum impedimentum non dependeat ab opinione alicujus, sed ab Ecclesia tantum, quæ nullum hic posuit. Immò etsi ille voveret castitatem, maneret tamen habilis ad matrimonium eō, quod votum, sacris tantum Ordinibus adnexum, sit solenne ex dicendis, & irritativum matrimonij.

224. Noranter addidi: *nisi aliud obstat*; Etenim negari nequit, eum, qui credit se laborare impedimentum dirimente, non habere consensum efficacem in matrimonium, tanquam in contractum sibi impossibilem visum: adeoque ex defectu consensus validè contrahere non posse, licet impedimentum Ordinis non obstat. Quapropter ut eo errore præventus valide contrahat, requiritur animus faciendi, & contrahendi eō modō, quod potest, nam validè contrahere potest, tanquam ab impedimento liber. Quæ doctrina etiam pro alijs impedimentis in simili casu erroneæ suspicionis deservire potest, & robatur paritate Baptismi v. g. qui etiam ab Hæretico ministratus valet, quamvis ille credat, Romanam non esse veram Ecclesiam, dummodò intendat baptizare secundum institutionem Christi: vienim hujus generalis inten-

tionis in re baptizat juxta ritum Roma-
næ Ecclesiæ hōc ipso, quod ea sit vera
Ecclesia, à Christo pro dispensatione Sa-
cramentorum instituta, sīcque per illā
generalem intentionem implicitè destru-
it, & contradicit particulari suæ intentio-
ni, quā non vult juxta ritum Romanum
baptizare, ut loquuntur, & explicant
Theologi. Pariter itaque, qui judicat se
esse ad matrimonium vi alicujus impedi-
menti, erroneè apprehensi, inhabilem,
nec posse validum habere consensum, va-
lidè consentit, dum intendit consentire
eō modō, quō potest, nulloque impedimentō
impeditur; quia à parte rei potest
validè consentire, & per hanc intentio-
nem inefficax redditur erronea illius opini-
o, nec nocet contradui matrimoniali.

§. II.

Impedimentum Ordinum Ma- jorum.

225. **O** Missis variis Canonibū ex dist.
28. 31. 32. Gr. sufficit ad propo-
sitū clarissima declaratio Bonifacij VIII.
c. un. de voto in 6. exclusis aliis continen-
tiæ votis, illud, quod in professione reli-
gioſa emittitur, & quod Ordini Sacro an-
nexum est, solenne esse, & sequens diti-
nere matrimonium declarantis; **Praefen-**
tis

zis declarandum duximus oraculo sanctio-
nis : illud solum votum debere dici solenne ,
quantiū ad post contractum matrimonium
dirimendum , quod solennizatum fuerit per
susceptionem Sacri Ordinis , & per profes-
sionem &c. quod idem repetit quodammo-
dò Joannes xxii. Extrav. Antiquæ. de vo-
to : & sub anathemate tenendum præcipi-
tur in Conc. Trid. Sess. 24. de Sacram.
matr. can. 4. cuius textum vide suprà N.
52. repetendum iterum infrà N 228. Un-
de Alexander III.c. sanè 4. de Clericis con-
jug. Sacerdotū nuptiæ, ait, non nuptiæ, sed
contubernia (quid verò contubernia fue-
rint Romanis, notavi aliquando N. 75.)
sunt potius nuncupanda.

226. Atque hoc impedimentum tan-
gere etiam Clericos Ecclesiæ Orientalis ,
seu Græcos , in Majoribus constitutos ,
cum communiori jam sententia docent San-
chez l. 7. de matrim. d. 78. n. 3. & 4. Reif-
fenst. l. 4. tit. 6. n. 4. Quapropter , quid
quid olim fuerit, de quo aliqualiter Mar-
chantius Tom. 3. Tribun. Sacram.p. 1. tract.
6. tit. 3. q. 3. non amplius validè inire possūt
matrimonium, sed ut decernitur c. 7. dist.
32. ex VI. Synodo: Si quis eorum --- volue-
rit nuptiali jure mulieri copulari , hoc ante
Ordinem Subdiaconatus faciat.

Hæc igitur differentia tantum repe-
ritur

ritur inter Orientalis, & Occidentalis Ecclesiæ Clericos, quod Orientales (c. cum olim 6. de Cleric. conjug.) in Minoribus Ordinibus (vel etiam antecedenter) contrahunt, & in superioribus utuntur matrimonio jam contrati, quia Orientalis Ecclesia votum continentiae non admisit, quantum ad hoc, quod illius Clerici tenerentur ab uxoribus, antea ductis, abstinere. Ex quo sequitur: uxoratos non tantum non prohiberi ab ulterioribus Ordinibus, sed promotos etiam licentia conjugali uti posse, & unà quoque in Ordinibus ministrale. E contrà verò cit. Extravag. Clericis Romani Ritûs authoritate Apostolica distictiùs prohibetur, ne quisquam durante matrimonio, nondum etiam consummati, aliquem de Sacris Ordinibus præsumat suscipere, nisi prout Sacris Canonibus moverit consentire id est, de licentia uxoris suæ, quæ simul debet, aut vovere continentiam extra aliquam Religionem, aut in ea, de quo Canonistæ ad tit. de Clericis Conjug. vide item dicta N. 53.

227. *Dubitabis autē I. Unde Ordo Sacerdoti obtinuerit vim irritandi matrimonium?* Respondeo: certè non à Jure naturæ, cum ex nullo capite ostendi valeat incompatibilitas statûs matrimonialis cum Clericali. Nec à Jure Divino, quia null-

nullibi in Scriptura decisum, aut revelatum reperitur. Sed à Jure Ecclesiastico tantum: nam c. i. qui clerici, vel venentes, expressè dicitur, Subdiaconum nequire matrimonium contrahere ex Sacerorum Canonum Censura: & c. ut Lex. 40. xxvii q. i. apertè dicit Innocentius II. copulationem Clericorum, & Monachorum contra Ecclesiasticam Regulam constat esse contractam.

Negari nihilominus nequit, hoc statutum esse rationabile, siquidem apud barbaras quoque nationes usurpatum legitur, ut Sacerdotes, & Sacri Ministri vel uxores non ducerent, vel diebus, quibus ministrabant, ab uxoribus abstinerent: quem morem de Ægyptijs Sacrificulis refert Clemens Alexandrinus apud Marchantium citat. unde Tibullius lib. 2. Elegiar. Eleg. i. canit.

*Vos quoque procul abesse jubeo, discedite
ab Aris,*

Quæs tulit besternâ gaudia nocte venus.
Quem morem etiam Judæis placuisse, probat Mathias summus Sacerdos, cui aliquando teste Josepho lib. 7. Antiquit. c. 8. non licebat sacra facere vel eō tantum, quod somniasset, se cum uxore rem habere: si ergo illis Sacerdotibus incongruum visum, etiam licet vacare libidi-

ni ob reverentiam Sacrificij, quod apud
Iudeos umbra tantum erat Sacrosancti
Sacrificij novae Legis, immo apud Gentiles
mera supersticio idololatrica: quanto
magis Clericis hujus temporis, cum sint
Templum, vasa Domini, & Sacrarium Spi-
ritus Sancti debeat esse, & dici, indignum
est, Cubilibus & immunditijs deservire. Et
si Apostolus 1. ad Corinth. 2. hortatur ab-
stinentiam ab opere conjugij, etiam Lai-
cis servandum, ut liberius, & mente a
carnis delectatione non sopita, orationi
vacare valeant; Sacerdoti, cui semper pro
populo offerenda sunt Sacrificia, semper or-
andum est, si semper orandum est, ergo
semper matrimonio carendum esse, ar-
gumentatur S. Hieronym. lib. I. con-
tra Jovinian. relatus c. 7. dist 31. causa
igitur hujus institutionis munditia Sa-
cerdotalis fuit, ut (Clerici, & Sacerdotes)
liberè cunctis diebus orationi possint vacare.
ait Gratianus post can. I. dist. 31. Quæ
munditia ut exactius servetur, conveni-
entissime voluit Ecclesia suis Ministris
in Sacris constitutis, omne omnino ne-
gare matrimonium, ut lex continentiae, &
DEo placens munditia in Ecclesiasticis per-
sonis & Sacris Ordinibus dilatetur. c. 40.
xxvii. cit. Vide Scotum 4 d. 37. q. un. P.
Reiffenst. 3. lib. tit. 3. n. 6. & 7. & alios
Ca-

Canonistas, qui hujus Legis motiva amplius enumerant: & Controversistas, qui eam contra Hæresiarchas, nostri præsertim temporis, validè propugnant.

228. *Sed si dubites utrum Ecclesia per legem suam duntaxat inhabilitaverit Majoristas ad matrimonium, vel verò apposuerit Ordini Sacro votum, ita ut quiunque illum susceperit, censeatur implicitè continentiam solemniter vovere?* Respondeo, primum multum probabiliter sustineri à Scoto l. c. quem sui communius sequuntur, favente etiam Caramuele tūm alibi, tūm lib. 3. *Theolog. fundam.* agendo de hoc impedimento. Fundamentum desumitur ex Concil. Trid. *Seſſ. 24. cit. can. 9.* si quis dixerit: *Clericos in Sacris Ordinibus constitutos, vel Regulares, castitatem solenniter professos, posse matrimonium contrahere, contractūmque validum esse, non obſtante Lege Ecclesiastica, vel voto &c. anathema sit.* Quemadmodum enim de dupli genere personarum loquitur, Clericis videlicet, & Regularibus, ita non unum fundamentum, sed duplex assignat illorum incapacitatis ad matrimonium: *Legem nimirum Ecclesiasticam, quam ad Clericos, & votum, quod ad Regulares refert.* Aliam rationem infra N. 236. bangam.

229. Nec obstat, quod in Jure tum
citt. tum alibi patenter exprimatur, Ordinib.
Sacris votū solefie ab Ecclesia annexū
esse. Quia enim Lex Ecclesiastica de
continentia Clericorum procedit ex mo
tivo Religionis, ob reverentiam scilicet
sacri, Divinique Ministerij, ac puriorem
cultum DEI, quod motivum respicit
quoque votum; non immeritd ea Lex
voto æquiparatur, illiusque nomen for
titur: præsertim cum etiam Ordinem
liberè tantum suscipientibus ea lex im
ponatur, sicut votum liberè emissum esse
debet. Ne verò quisquam crederet, hac
lege præcipi tantum continentiam, & ob
id matrimonium illicitum quidem reddi
Clericis, non tamen invalidum, ad nor
mam Interdicti Ecclesiastici, quod inter
Impedimenta impedientia recenseretur
dicitur, eam Legem habere vim voti so
lennis, omne conjugium subsequens sim
pliciter nullantis.

230. Ex hac sententia deduco, Cle
ricum in Majoribus, si opere extero de
linquat contra castitatem, præter pecca
tum in genere luxuriæ esse etiam Sacri
legij reum: quamvis enim ex voto non
obligetur ad continentiam, obligatur ta
men ex præcepto Ecclesiæ speciali, pro
cedente ex motivo Religionis, quod re
ponit

ponit actum ad distinctam speciem juxta doctrinam de Peccatis, quod scilicet ex diversitate præceptorum (modò ex diversis motivis ferantur) diversificantur peccata. Mastrius 4. disp. 7. n. 447.

Si opere externo, inquam, delinquat: siquidem cùm satis communis Opinio actus merè internos non subjiciat Legi Ecclesiasticæ, evidens est, Clericos Majoristas, dum solo actu interno castitatem violant nullius sacrilegij argui posse. Sporer de matrim. n. 47. nisi se castitatis votô aliundè obstrinxissent.

231. *Dubitabis II. An etiam invalidè ordinati incurvant hoc impedimentum? Respondeo negativè eō, quod Ecclesia Ordinatos tantum inhabilitet ad matrimonium, quales non sunt nulliter Ordinati; quamquam & hi in foro externo à conjugio retrahentur, donec defectum Ordinis non probaverint.*

Quia igitur smentes, & dormientes, nisi ante somnum, & amentiam ordinari voluerint, validè non ordinantur, etiam ab hoc impedimento liberi manent. Itē iij, qui omnino inviti, & reluctantes Ordinibūs initiantur: nam qui nunquam consentit, sed pœnitūs contradicit, nec rem, nec characterem suscipit Sacramenti, quia plus est expressè contradicere, quam mini-

mē consentire, quod & de Baptismo, & de Ordine verificatur: c. Majores. de Baptismo. Ubi etiam concluditur, quod tunc tantum Charācterem Sacramentalis imprimit operatio, cūm obicem voluntatis contrariæ non invenit obſſtentem. Vide, quæ de Pueris ante uſum rationis dicam §. seq. N. 240. & seqq.

Nota benè omnino inviti, dixi, & reluctantes; aliud enim est de illis, qui gravi metu adiguntur ad susceptionem Sacrorum Ordinum, cūm enim maneant simpliciter, licet non politicè, seu plenè liberi ex dictis de Impeamento vis, seu mētus, de valore ordinum Theologi nequam dūbitant: sed tantum.

232. Uirūm hi quoque ad continentiam obligentur? Et quidem P. Pichler 4. tit. 6. n. 7 tales post Abbatem, Paludanum &c. absolutè obligat eō, quod metus non tollat voluntarium: quod autem minuat illud, solum sequitur, quod allegatō, & probatō metu dispensatione ab impedimento Ordinis dignos esse, quam etiam facile consequentur. Ad hanc sententiam videtur quoque inclinare Caramuel l. 3. Theolog. fund. n. 3777. Licet positivè nihil statuat.

At triginta, & unus ex Theologis, & Juristis apud, & cum Sanchez l. 7 de maior.

matrim. disp. 29. n. 5. defendunt oppositum, quibus adde Marchantium, Pirhing, Mastrium, Reiffenst. Sporer II. cit. & Clericatus in suis discordijs forens. civil. *Discordia 33. n. 1.* ait, id certissimum esse, & notandum, quod Sanchez citet Rotam Romanam in Novissimis p. I. *Decis. 561.* in fine, attestantem de stylo Curiæ, & Baltasarum Morgillon, qui assentit, se tribus sententiis judicialibus pro hac opinione obtinuisse. Continentia enim perpetua est opus non tantum magnæ excellentiæ, sed etiam valde ardui, & Lex de ea æquiparatur voto soleñi Professionis, ut patet ex N. 229. adeoque sicut votum ob metum gravem non obligat secundum Omnes: ita nec Lex illa ob defectum plenæ libertatis.

Accedit, quod juxta communem Doctrinam contractus illi, qui naturâ suâ perpetui sunt, & non facilè rescindibiles, aut non sine damno aliquo remanente, per gravem metum sint ipso Jure nulli: cùm ergo etiam continentia, Ordinibus Sacris adnexa, sit perpetua: eo metu ordinati Legi continentiae nequaquam subjacent; & vel maximè de benignitate piæ Matris Ecclesiæ præsumendum est, quod eos, quibus alias non status Clericallis, sed matrimonium potius gratum est,

ut contingit in gravem metum patientibus, ab eo impedire nolit.

233. Nec ex eo, quod Ordo gravi metu suscep^{tus} sit validus, arguere licet, valere quoque Legem continentiaz, Ordini ex Ecclesiaz voluntate accedentem juxta Reg. 42. I. in 6. Accessorium naturam sequi congruit principalis. Nam etiam Ordo, infanti ante usum rationis collatus, valet ex communi Opinione, nec tamen ad continentiam tenetur. Fallit igitur ea Regula, dum accessorium non est secundum necessariam consequentiam principali connexum, sed solo Jure humano; estque summè arduum, ut verisimiliter conjici possit, Legislatorem, omnem casum sub accessorio illo comprehendere minimè voluisse, prout ex Barbosa docet P. Reiffenst. ad cit. Reg.

234. Hæc porrò intellige juxta omnia ea, quæ dixi de Metu Impedimento, videlicet, illum debere esse gravem, injustum, & directè ad suscipiendos Ordines incussum. Item in casu tantum, quod ita ordinatus non ratificasset Ordinem (cessante scilicet metu, & sponte sua exercendo aëtus ordinis, & alia onera subiendo, aut commoda percipiendo ex beneficio, Ordinem illum in Beneficiato requirente) qui enim ratificat Ordinem sus-

suscep^{tum}, si ab eo recedit tanquam Apo-
stata tractari jubetur in Cōcilio Toletano
VIII. etiam si invitus fuerit ordinatus.
A^{et} semper intellige: dummodo rati-
canti constiterit, Ordinem metu suscep-
tum non obstatre matrimonio, per dicta
N. 212. & 213.

Recte igitur deducit P. Reiffenst. I.
c. n. 13. metu gravi ordinatum posse adhuc
ducere, etiam si per plures annos fuerit
jam Sacerdos, si ignoravit, se ex tali Or-
dine non obligari ad continentiam. Nee
opuserit dispensatione, sed sufficiet de-
claratio, Ordinem ab illo susceptum non
causare impedimentum, quæ tunc se-
quetur à Judice, dum gravem, & inju-
stum metum sibi incussum sufficienter
probaverit iis, aut similibus modis, quos
suprà de *Impedimento metūs* probando ad-
duxerat.

235. Dubitabis III. Quid de illo, qui
sponte quidem suscepit Ordinem Sacrū,
sed nesciebat, se ad continentiam adstric-
tum mansurū? Respondeo P. Pichler cit. n.
10. & quosdam alios hōc ipsō, quod con-
tinentia perpetua sit onus grave, nolle
illud ignorantī imponere: quamvis enim
voluntariē eligens statum, censeatur se
ad onera ejus leviora, (etiam ignota sibi)
implicitē saltem obligare, non tamen ad

gravia. Verum quia hoc principium valde dubium est, maximè in casu, quod aliquis sponde desiderat, & petit eum statum, & alias discere ante tenetur obligaciones illum consequentes: malo, etiam illum, qui se continentiam ignorasse assertit, ad eam obligari, ne consequenter ille quoque deobligetur, qui scivit quidem vi Ordinis sibi injunctam esse continentiam, attamen arduitatē maximam, quam in ea servanda successivē experitur, & fragilem sui corporis complexionem penitus ignoraverat; quid namque interest, siue legem duram aliquis nesciat, siue suam tantum debilitatem in ea observanda ignoret? Est item principium ex materia de Legibus, quod ea legitimē promulgatae ligent etiam ignorantem, præsertim si sint annullativæ adūs, licet ob ignorantiam inculpatam à peccato excusetur, qui contra illas agit, ut benè notat Sanchez l. c. disp. 27. n. 11. qui propterea etiam huic sententiæ communiori assentitur: Sporer de matr. n. 47.

Illud autem certum, quod hæc quæstio in praxi vix locum habeat: tūm quia continentia Clericorum Majoristarum res est, infimæ etiam plebi nota: tūm quia obligatio illius cuivis ordinando publicè prælegi solet. Quocirca qui adigne-

ignorantiam istam configere voluerit, licet coram DEo deobligatus esset, in foro tamen externo gratis laborabit.

Nec quidquam juvat, quod talis ad Clericatum non ascendisset, si ei id oneris notum fuisset. Non enim attenditur, quid ille facere voluisse, sed quid actu fecerit: actu vero se sua voluntate resolvit ad Ordinem, adeoque actu onera illius subire tenetur, servare videlicet continentiam, & Horas Canonicas recitare.

236. *Este idem dicendum de illo, qui voluit quidem ordinari, sed ad continentiam obligari noluit? Respondeo cum communi, affirmativè, nec audiendi sunt, ait Caramuel loc cit. pauci illi, qui id negare volunt. Quemadmodum enim Minoribus Ordinibus initiatu, ad Clericalem continentiam non adstringitur, etiamsi credat eam etiam Minoribus annexam esse: ita qui Majores suscipit, non deobligatur à continentia, licet se ad illam obligare nolit: est etenim præceptum illud Ordini conjunctum, independenter à voluntate ordinati, dummodo ordinationem sui voluntariè admittat.*

Ex hac opinione non tantum robatur resolutio prioris dubij, sed dicta quoque N. 228. & seq. Clericos nimurum non ex voto, sed merò duntaxat præcep-

tō teneri ad continentiam. Nam cūm votum liberum esse debeat, & voluntariū, ille, qui absoluē renuit, se ad continentiam obligare, utique ab ea liberari deberet, quod nec voti Patroni, saltem potiores, concedunt. *Ajunt* quidem, in tali casu deficiente voto, restare obligationē præcepti. *At* ad quid alternativa hæc obligatio voti, vel præcepti, dum una tantum sufficit, & pro quounque casu subsistit?

237. *Dubitabis IV.* Utrūm Ordo Sacer dissolvat etiam conjugiū antecedens, necdum consummatum? *Respondeo,* negativè ob clarum textum *Extrav. Antiquæ:* de voto, ubi Papa de Fratrum suorum consilio declarat, quod votum Ordinis ad dissolvendum prius contractum matrimonium, etiamsi per carnis copulam non fuerit consummatum (cūm nec Jure Divino, nec per Sacros Canones hoc reperierimus statutum) invalidum est censendum. Unde, qui post matrimonium ratum ad Majores Ordines promoveretur, instantे uxore (nisi in Religione aliqua profiteatur) ad consummandum matrimonium Ecclesiasticā etiam Censurā compellendus est, ut ibidem Papa jubes.

§. III.

Resolvitur casus de Impedimen-
to Ordinis.

Paphnutius vir nobilis, ut filio suo Liburnio de pingui beneficio, quod eotem re vacaverat, providere posset, eum, licet tres tantum annos natum, Minoribus Ordinibus iniciari curavit. Crevit Liburnius, sed crescente etate nullum ad Clericalem, & cælibem vitam senserat amorem: unde nec alia via, quam minis paternis & gravibus induci poterat, ut ad Majores Ordines ascenderet. Ordinatur ergo in Sub-Diaconum, onera illius subit, Officium Canonicum de more persolvit: Ut ad Diaconatum, ac Presbyteratum se parare valeat, ad monasterium reponitur, a quodam Religioso ibidem debitè instruendus. Sed ecce! moritur interim Pater, & Liburnius incunctanter Monasterio, & Instructori valedicit, sacerdalem vitam meditatur, & quid sibi, ac quomo- do agendum, rogat.

238. Præmissò Paphnutium lethali deliquisse, cogendo ad statum Clericalem filium suum, ut in simili ajebam N. 215. de Parente filiam ad matrimonium cogente eis, quod elecio statutus perpetui plenam præexigat libertatem. Ob quod P. Marchantius agens de hoc impe-

dimento q. 65. zelosè hortatur Ordinari-
os, ut filijs Nobilium, quos parentes ad
exonerationem Familiarū subdolis, frau-
duleñisque modis, vel minis, & terro-
ribus in Sacros Ordines, vel Monasteria
intrudunt, pro munere suo sedulè invi-
gilare dignentur: res enim gravis est, &
ut plurimum perniciem animarum indu-
cit, cuius consideratio egregium hunc
Authorem, ut de se ipso testatur q. 6.
dum in Ordine nostro Superioris munus
obiret, movit, non tantum ad ijs, qui ter-
roribus per parentes compulsi erant ad
Novitiatum, in eoque detinebantur, e-
gressum suadendum, sed etiam variis
mediis, ut egredi valeant, succurrentum:
nec sine fructu, cum aliquando una die
tribus illorum libertatem procuraverit,
Præmissis inquam, his

239. *Respondeo*: Liburnium nec ad
recitationem Divini Officij, nec ad con-
tinentiam obligatum fuisse ratione Ordini-
us Subdiaconatus gravi metu suscep-
per dicta N. 232. & seq. Et si Officium
recitavit, aliisque hujus Ordinis munia
objicit ex eodem metu, quo illum suscep-
rat, ne scilicet Pater, quem timet, resciat
illius animum à statu Clericali longè alie-
nū: non propterea ratificavit Ordinem;
quia sicut susceptio, ita & ratificatio Or-
dinis

dinis plenam poscit libertatem, ut solitas inducat obligationes. Quod idem dicendum, si se non obstante illo metu crediderat ad ea onera obligatum esse ex dictis N. 233.

Hæc autem omnia diligenter secum ipso perpendere, aut cum alio discutere debet, antequām pro liberatione oneris Subdiaconalis quidquam agat; dūmque concluserit, se unā, alterāve ex dictis rationibus non obligari, videat insuper, an ad probandum metum eas præ manibus habeat conjecturas, quæ ad favorabilem in Judicio sententiam sufficiunt, quales sunt allegatæ de *Impedimento Mētūs*, illīisque similes. Si ita? insinuet se Ordinario, metum gravem sibi injustè illatum deducat, & declarationem petat, se ratione illius nequaquam obligari ad vitam Clericalem; semper etenim necessaria est hæc declaratio, ut qui publicè est Subdiaconus, publicè etiam ad vitandum scandalum reddatur liber, & absolvatur ab effectu Ordinis.

Si vero similibus, quæ in Judicio fidem faciunt, destituitur conjecturis, & argumentis, aliqua tamen producere, & deducere potest, quæ extrajudicialiter viro prudenti satis suadere valent metum, recurrat Romam pro dispensatione &

continentia propter metum, quam non tantum ex ea ratione de facili obtinebit, ut notant P. Pichler *loc. cit.* & alij; quia Ecclesia neminem intendit ad continentiam adstringere, & à conjugio prohibere, qui injusto metu Clero adnumeratus est: sed causam suam multum quoque alleviabit. Etenim quāvis ille, cui dispensatio demandata fuerit, teneatur de existentia metūs investigare ob clausulam, quæ Litteris dispensationis de prævia informatione veritatis inferi solet: *Nihilominus*, ut jam olim N. 124. notavi ex Clericato, ea informatio non est judicialis, sed extrajudicialis, & summaria quodammodo, sine ordine, formâ, judicij, & per testes non juratos acquirenda, cujus sufficientia committitur prudentiali judicio, & conscientiæ Delegati. Reiffenst. in *Appendic. ad 4. Decretal. n. 324.* citans alios. Præsertim cum Delegatus non sit Judex propriè, sed Executor tantum gratiæ, & favoris per Sedem Apostolicam concessi. Merchantius *casu 2. Resolutionum notabilium variorum casuum*, cujus proinde muneris non est, tam rigidas exigere probationes, quæ ad formale judicium desiderantur: quia enim *l. l. ff. quod quisque Juris. Verba intelligenda sunt* (ergo etiam Rescrip-

scripta) cum effectu, ita ut aliquid operentur, & non sint superflua: si ad executionem dispensationis ea pro probando metu desiderarentur argumenta, quæ ad judicium formale, superflua foret dispensatio eō, quod apparentibūs ijs argumentis aliunde ab Ordinario procedi possit ad declarationem de non obligacione continentiae. Et hec amplius confirmatur ex doctrina Juristarum ad tit. de probation. quando scilicet etiam Judici causa aliqua sub ea clausula committitur, ut procedat, sola facti veritate inspecta, sufficere probationes leviores, & mere persuasivas. Ex Menochio, & Barbosa Reiffenst. ad cit. tit. n. 67.

Immò ptopter hanc majorem facilitatem probandi metum regulariter suadendus videtur recursus ad Papam pro dispensatione: tūm quia evenire potest, Ordinarium, licet propè certa sit sententia, quæ sustinet, Odinem metu suscep- tum non causare impedimentum matrimoniij, inclinare ad oppositam sententiā P. Pichler, & quorundam aliorum, qui proinde juridicē etiam deducto metu declarare nollet, ita ordinatum ad conti- uentiam Clericalem non obligari.

240. Quæres occasionaliter: An qua-
tuor Minores Liburnio in ea infantia va-
lidè

lidiē sint collati. Respondeo P. Marchantius
um Tom. 3 Tribun. Sacr. p. I. tract. 6. tit.
3. q. 5. conclus. I. cùm Durando. d. 25 q. 2.
defendere , nullum Ordinem ante usum
rationis validè conferri : cùm enim inor-
dinatio aliqua appareat, Charakterē Or-
dinis cum potestate illi imprimi , de quo
nescitur , an ea aliquando uti voluerit
(nam certū est , quòd infans ordinatus ,
dum ad ætatem altiorem pervenit , possit
resilire ab Ordinibus , & laicalem vitam
agere , ut paulò pòst dicam) de Christo ,
qui omnia ordinatè instituit , supponen-
dum potiùs est , eum noluisse , ut Ordo
ante usum rationis collatus valeat. Ponit
igitur pro Regula : ea Sacra menta ante
usum rationis collata non valere , quæ pro
materia , aut ex fine principali requirunt
actionem aliquam deliberatam : bēnē ve-
rō alia , quorum finis in passiva potiùs gra-
tiæ susceptione collocatur. Primi generis
sunt Pœnitentia , quæ actus deliberatos
pœnitentis pro materia exigit : Ordo ,
qui ad ministeria , usum rationis requi-
rentia , institutus est : matrimonium ,
quod in contraditu libero consistit : & ex-
trema Unctio , quæ peccata venialia sup-
ponit. Posterioris vero Baptismus , Con-
firmatio , & Eucharistia . Præterquam
quòd Baptismus sit secunda Nativitas ,
scu

seu regeneratio, sive quemadmodum prima generatio non requirit usum rationis geniti, ita nec secunda.

241. Verum communis est DD. persuasio, Ordinem, etiam ante usum rationis collatum, esse validum, arg. c. *Tue litteræ. de Clerico per saltum promoto, ubi ille, qui, dum infra annos discretionis fuerat constitutus, Minores susceperebat, & deinde sine Subdiaconatu ad Diaconatū immediate ascenderat, jubetur quidem, in Subdiaconum ordinari ad supplendum defectum, non tamen, ut Minores iterum suscipiat, utique, quia supponitur, illos validè collatos. Nec videtur convincere ratio, quam Marchantius ab inordinatio- ne deducit. Si quidem etiam ille, qui post adeptum usum rationis Minoribus initia- tur, & Characterem, ac potestatem quandam recipit, liber est, ut eā utatur, vel ad matrimonium convolet. Quod idem evenit in eo, qui habens usum rationis, gravi, & injusto metu ad Sacros Ordines compellitur; ex Ordinibus e- nimirum validè collatis recipit characterem cum potestate spirituali & tamen probato metu (immò in foro conscientiæ eō non probatō, nisi scandalum impediat) ad Laicatum redire potest. Quocirca ponuntur ratio illius, ab inordinatio-*

ne petita, infirma esse videtur, sed etiam Regula generalis ab eo posita, cuius loco substituenda est hæc alia ex Mastrio 4. sent. disp. 7. n. 446. Ea videlicet Sacra menta ad sui valorem usum rationis requirere, quorum pars intrinseca, aut necessaria sunt actus suscipientis, ut Pœnitentia, Extrema Undio, & Matrimonium duntaxat.

Admittit nihilominus hæc *communis sententia*, Infantem ante usum rationis ordinatum, non obligari ad continentiam, vel alia onera status Clericalis nisi usum rationis subinde attingens, susceptum in infantia Ordinem verbô, vel factô ratificet, vel expressè declarando, se illum ratum habere, vel exercendo actus illi proprios, & quidem cum scientia, quod Ordo ante usum rationis susceptus ad nihil obliget, prout per decursum in similibus sèpiùs adnotaverā.

242. Sed quando, aut quo tempore debet hæc ratificatio fieri? Respondeo, Sanchez l. 7. de matrim. d. 30. n. 8. citatis Barbosa, Abbatे, & alijs, requirere, ut ea ratificatio fiat adepta jam pubertate: immò nunc post decimum sextum annū completum, qui annus de Jure Tridentini exigitur ad valorem voti soleñis professionis. Ratio est, quod præceptum de

continentia, Ordini Sacro annexum, parificetur cum voto solenni professionis ex dictis N. 229. P. Reiffenst. verò 4. tit. 6. n. 7. cum Bonacina, & alijs sustinet, probabilius sufficere, ratificationem fieri adveniente simpliciter usu rationis, etiam ante pubertatem: Jura enim nullum tempus determinant, & ratio haud aliud suadet, nisi ut ille tantum ad continentiam adstringatur, qui voluntariè Ordinem Sacrum suscipit, & anteà susceptum ratificat. Nec præceptum Ordini Sacro annexum, in omnibus voto solenni æquiparatur, alias etiam dissolveret antecedens motrimonium non consummatum contra dicta N. 237. Tum quia status Clericalis non est ita arduus, ac status Religiosus; unde non mirum, quod amplior usus rationis ad illum requiratur. Crederem tamen, usum rationis non debere in rigore intelligi, sed moraliter, dum scilicet in communi, & prudenti existimatione aliquis sufficientem usum rationis possidere præsumitur.

L I G A M E N.

§. I.

Polygamia practicata.

243. **P**olygamiam, seu unius viri cum pluri-

pluribus uxoribus conjugium non tantum nunc in Turcis videmus, & Persis, sed olim etiam a multis Gentibus approbatum legimus: ut enim præterea Platonem, qui in *Libris de Republ.* non tantum quoad possessiones, sed etiam quoad uxores communitatem servandam commendaverat: cui proximè accessit Ælius Verus Imperator, qui teste Guevara in *Herol. Princip.* l. 2. c. 4. ex Spartiano, uxori de alienis voluptatibus conquerenti, reposuit, sufficere, si illius consuetudine, donec concipiatur, utatur: reliquo tempore sibi licere, cupiditatem per alias satiare fœminas. Ut præterea, inquā, hos, & similes plus, quam Polygamiam audentes, & ut D. Aug. l. de bono viduit. c. 8. (referturque c. nuptiarum. 41. xxvii. q. 1.) dicit, filiorum procreationi operam dantes more canino per usum promiscuū fœminarum.

Atheniensium Sapientes expulsis pellicibus Legem tulere de dupli uxore habenda eo fine, ut arbitratur Plutarchus in *Politiciis*, ut si morbō, vel puerperio detineatur altera, domi esset, quæ lectum occuparet, mensāmque curaret: credebant enim virum sine uxorū consuetudine vivere nec posse, nec debere. Ægyptij quoque, antequām faniores accepis-

cepissent Leges, pro voluntate, & facultatum modō singuli plures duxerunt uxores. Immò & Lutherò placuit Valentiniāni senioris Imperatoris, alias Catholici temeritas, qui referente Socrate l. 4. suæ historiæ. c. 31. apud Sanch. l. 7. de matrim. d. 80. n. 5. Justinæ amore obcœcatus, ut eam Severæ, uxori suæ viventi, superinduceret, sancivit, universis duas concedendas esse uxores: ratus, turpe non esse, quòd universorum moribùs probaretur. Plura similia exempla exarata videntur in Historia non tantum profana, sed etiam Sacra, quæ Genes. 6. narrat Abraham & Saram, & Agar in uxores habuisse, & Gen. 29. de Jacob, qui Liæ, Rachelis, Balaæ, & Zelphæ maritus erat. Idem de Moysi Num. 1. & alibi de alijs.

244. Polyviria è contra, quæ *Biviria* à Scoto 4. d. 33. q. 1. à Caramuele autem *Polyacœtiæ* appellatur, est conjugiū unius uxoris cum pluribus viris. Et quàm quam hæc indecentior sit, quàm Polygamia ex dicendis §. seq. N. 250. non derant tamen, quibus placere visa est. Quia enim Athenienses Polygamiam ad miserunt, Lacedœmonij, qui in pacis, bellique negotijs contrarij illis erant, pro Lege habebat, ut duobus fœmina viris numeret;

beret ; & ne huic quoque turpitudini sua deesset ratio, eam prætexebant, ut altero virō in militiam profectō, domi maneret alter. Refert item Julius Cæsar l. 5. in Commentarijs, Britaniæ Incoliseum olim morem fuisse, ut una fœmina quinque virorum uxor foret. Plura videantur in Historicis.

§. II.

Impedimentum Ligaminis.

245. **Q**uidquid aliquando in usu fuerit, certum est, nunc omnem Polygamiam, & multò magis Polyviriam damnari, nec nisi Monogamiam, seu unus cum una valere conjugium, eumque, qui uni (vel ē contra) conjugali vinculō copulatus est, inhabilem reddi ad aliam ducendam, ut habetur c. In præsentia 19. de Sponsal. & matr. c. duobus modis 1. de sponsa duorum, & alibi. Et si

246. Quæras, quo Jure sit hoc impedimentum inductum? Attende ad Rescriptum Innocentij III. relatum c. gaudemus 8. de Divort. in quo eos, qui circa plures insimul fœminas affectum dividunt conjugalem, sequentibūs reprimit: Absolum videtur, & inimicum fidei Christianæ, cùm ab initio una costa in unam fœminam sit conversa: & Scriptura Divina testetur: prop-

propter hoc relinquet homo Patrem, & Matrem, & abdarebit uxori suæ, & erunt duo in carne una. Non dixit tres, vel plures, sed duo: nec dixit, abdarebit uxoribus, sed uxori. Nec ulli unquam licuit, insimul plures habere uxores, nisi cui fuit Divina revelatione concessum, quæ mos quandoque, interdum etiam fas censetur (quibus verbis Papa respexit ad S. Augustinum l. 22. contra Faustum c. 27. dicentem: si morem consulas, illo tempore, & in illis terris hoc factabatur, conjugium scilicet cum pluribus: loquitur autem de antiquis Patriarchis) per quam sicut Jacob a Mendacio (dum Patri dixerat, se esse Esau primogenitum) Israëlitæ à furto (spoliantes Ægyptum) & Samson ab homicidio (se quoque cum Philistæis sub ruderibus concusse domus sepeliens) Sic & Patriarchæ, & alij viri, qui plures leguntur, simul habuisse uxores, ab adulterio excusantur. Sanè veridicabæc sententia, probatur etiam testimonio Veritatis, testantis in Evangelio: quicunque dimiserit uxorem suam ob fornicationem, & aliam duxexit, mœchatur: Si ergo uxore dimissa duci alia de Jure non potest, fortius (à fortiori) & ipsa retentæ: per quod evidenter apparelt, pluralitatem in utroque se-
 tu ---- reprobandam. Ex quo.

247. *Concludo I.* Licet Polygamia non sit contra Jus naturæ primarium (ut Scholastici loquuntur) & indispensabile: cùm enim matrimonium sit ad procreationem prolium ordinatum, unus autem sufficiens sit ad plures fœminas successivè fœcundandas, Polygamia fini essentiali conjugij minimè contradicit. Quia tamē plurium origo malorum esse solet; impribus namque Zelotypia, quæ graves calamitates secum afferre solet, ut ait Philo *de specialib. Legib.* à pluralitate uxorum difficulter abest. Testis est Socrates, cujus uxores Xatippe, & Myrto magnâ arsere Zelotypiâ, ut ille ipse miraretur, se ita deformem, ut erat, ejus occasionem esse: dumque exprobrasset eidem Alcibiades, quod duas tam molestas patiatur cōjuges, respondit: *hæ me domi docent tolerantiam, quæ in publico utendum est.* Impedit item amorem mutuum, cùm, ut ait Ammianus, per libidines varias (seu cum pluribus fœminis practicatas) charitas dispersa torpescat. Vide alia in Sanch. Pichler, &c.

Ideo tanquam rationi naturali parum consona ex ipsa institutione matrimonij, quod est signum coniunctionis unius sponsi Christi cum unica sponsa Ecclesia, juxta illud *ad Ephes. 5. Sacramen-*
tum

Zum hoc magnum est: ego autem dico in Christo, & Ecclesia: Jure Divino vetita est Polygamia: Si quis dixerit, licere Christianis plures simul habere uxores, & hoc nulla Lege Divina esse prohibitum, anathema sit. definit Trident. Sess. 24. de Sacr. matrim. can. 2.

248. *Concludo II.* Semper illicitam fuisse, & esse uxorum pluralitatem, nec cohonestari, nisi speciali Divina dispensatione: quidquid enim sit de eo, an Deus possit dispensare in ijs, quæ sunt de Jure naturæ primario (de quo Theologi) certum est, posse in ijs, quæ sunt de Jure naturæ secundario; cum igitur Polygamia non nisi contra hoc Jus secundarium militet ob aliqua inconvenientia rationi naturali dissona, quæ autem impediri possunt, potuit Deus cum Patribus antiquis in hoc punto dispensare, & revera etiam dispensavit ex communi opinione Ecclesiaz, de quo quidem aperte non constat, supponitur tamen ex Sanctitate antiquorum Patriarcharum, qui utique totâ vitâ ad mortem usque in peccato mortali, si Polygamia fuisset illis vetita, perseverasse non sunt dicendi: tum quia in Scriptura Deutor. 20. supponitur, populo Israël pluritas uxorum nec reprehenditur, cum tamen plura alia aperte

reprobentur, & variæ Leges ibidem se-
rantur.

249. Sed qua ratione fuit hæc dispense-
satio per instinctum internum concessa?
Respondeo, ratione multiplicationis ho-
minum amplius promovendæ, non qui-
dem hominum simpliciter: alijs in exor-
dio potius mundi conveniens suisset ea
dispensatio propter majorem paucitatem
generis humani: sed Cultorum veri Dei:
quia pauci erant Cultores DEI, necessitas
(convenientia) fuit, ut multiplicentur Cul-
tores DEI, quantum possent: quia in sola
successione eorum (Israëlitarum) mansit fi-
des, & cultus Divinus. *Scotus* 4. d. 33.
q. 1. consonat Gratianus, ad c. 2. xxii.
q. 4. dicens: cum cœteris in Idolatria re-
lictis Abram, & filios ejus in peculiarem
populum sibi elegisset, ritè multarum fecun-
ditate mulierum populi DEI multiplicatio
auærebatur: quia in successione sanguinis e-
quærebatur: quia in successione sanguinis e-
o-
ꝝ successione fidei &c. *Hijus est quod accedit*
successione Familiæ (non in spontanea e-
lectione, ut præsenti tempore) succes-
sio constabat Officij Sacerdotalis. Qua-
propter cum hæc causalis dispensationis
non reperiatur in populo gentili: sicut
modò, ita tunc etiam interdicta illi man-
sat Polygamia, nisi ex capite ignorantia
ex-

excusandi fuissent, credentes eam, quam ab Israëlitis practicatam noverunt, sibi quoque, aut de se licitam esse.

250. *Concludo III.* Polyviriam multò magis esse interdictam Jure naturali, & Divino, quàm Polygamiam, utpote fini essentiali matrimonij, qui est procreatio sobolis, multùm aduersam, docente experientia in meretricibus, quæ cum pluribus, & obvijs quibusque commixtæ, rariissimè fœtantur. *Sì ergo una concubat cum pluribus, quia nulla hinc multiplicatio prolis, sed frequentatio libidinis duntaxat, conjux non est, sed meretrix,* ait. D. Aug. l. 3. de doctrina Cbrift. c. 13. Crederem proinde, stante moderna institutione conjugij, quæ est principaliter ad conservationem speciei humanæ, Biviriam vix non esse de Jure naturæ primario interdictam.

251. *Concludo IV.* Nulla dispensatione Pontificia Polygamiam reddi posse licitam: quæ enim Jure Divino, & naturali simpliciter interdicuntur, transcēdunt Authoritatem, & potestatem Papalem: unde inter figmenta rejiciendum, quod narrat quidam apud Caramuel lib. 3. n. 3771. Salomoni Tosano (qui Judæus erat) Urbanum VIII. permisisse, ut duas, sed in diversis oppidis, uxores duceret: nisi dicere fors velis,

Papam, ut Dominum temporalem (nam jurisdictionem Pontificiam , & Ecclesiasticam in Judæos non obtinet , nec credibile eum , ut Papam à Judæo consultum fuisse) id admisisse , & admittendo errasse : nec enim sub ratione Principis sacerdotalis infallibilitatem obtinet , sed erroribus , ut alij , exponitur . Similiter non credo , quendam Sabaudiae Ducem ex conscientia , & consensu Papæ aliquibus Judæis , ut haberent plures uxores , indulsisse .

252. Nec opponas , Gregorium III expressè sustinuisse , & docuisse pluralitatem uxorum , ita enim , ut refertur c. quod proposuisti 18. xxxii. q. 7. rescripsit Bonifacio Episcopo : Quod proposuisti , si mulier , infirmitate correpta , non valuerit debitum viro reddere , quid ejus faciat jugalis ? bonum esset , si sic permaneret , ut abstinentiae vacaret : sed quia hoc magnorum est , ille , qui se non poterit continere , nubat magis (potius) non tamen subsidij opem subtrabat ab illa , quam infirmitas præpedit , non detectabilis culpa excludit à confortio virti . Respondeo enim cum Sanchez cit. d. 80. n. 16. adducente Glossam ad cit. can. Pichler 4. tit. 4. n. 12. ex Barbosa , & alijs , infirmitatem illam fuisse perpetuæ impotentiaz , ex arctitudine uxoris provenientis , quæ

cum invalidum reddat matrimonium ex dicendis suo loco, absque dubio potest maritus aliam ducere, si continere noluerit. Quod autem subsidium dimissæ non sit subtrahendum, id de dote tantum intellegitur, ut ratio ibi subiecta indicat: quam infirmitas præpedit, non detestabilis culpa excludit: quam enim culpa adulterij à viro excludit (licet quoad thorum solummodo, & tectum) dote destituitur.

Nec rursus opponas Alexandrum III. qui apertè fatetur, suos Prædecessores à Polyviria non abhorruisse: dum enim, ut habetur c. licet 3. de sponsa duor. declaravit, eam, quæ nupsit alteri post matrimonium jam cum uno contractum, sed non consummatum, ab altero separari debere, & ut ad primum redeat, Ecclesiastica distinctione compelli, addidit: quamvis aliter & quibusdam Prædecessoribus nostris sit aliquando judicatum. Sensus siquidem est, quod licet aliquando à Pontificibus Romanis fuerit in particulari aliter judicatum, id est dispensatum cum aliquibus, ut post matrimonium ratum potuerint aliud inire: universaliter tamen, & sine dispensatione Papæ id nec licet, nec valeat, sed fœmina ita contrahens primo marito est restituenda. Pichler l.c. ex Wagnerreck.

253. *Concludo denique V.* Sicut contra Catamuelem concluseram N. 54. & seqq. per extensum, non nisi ex voto solenni valido oriri impedimentum dirimens matrimonij subsequentis: & N. 84. docui, cognationem spiritualē provenire ex Baptismo, & Confirmatione validis tantum, ac N. 231. asserui, Ordinem Sacrum validē solummodo collatum causare impedimentum dirimens. Pariformiter etiam in proposito contra Marchantium (qui de *Sacramento Matrimonij casu I. positō inter Resolut. notabiles variorum casuum* oppositum resolvit) assero impedimentum Ligaminis non ex surgere, nisi ex matrimonio valido, semperque verum esse in similibus illud, quod dicitur L. 129. ff. de R. I. Cūm principalis causa (Votū, Oido, Baptismus, Matrimonij) non subsistit, ne ea quidem, quae sequuntur (impedimenta) locum habent: quod vel maximè currit in proposito eō, quod Impedimentum Ligaminis non ex mera voluntate Ecclesiæ, sed ex Jure Divino, & naturali sequatur ad matrimonium indispensabiliter. Unde qui matrimonium contrahit cum impedimento occulto (v. g. affinitatis, si peccavit antecedenter cum consanguinea suæ uxoris) non laborat impedimento ligaminis: non enim liga-

ligatur uxori, qui nullam habet: cùm ergo talis nullam habeat, illi, quæ putatur esse, non alligatur, sique in foro conscientiæ aliam ducere liberè potest.

Verùm quidem est, in foro extero, cùm non constat de impedimento affinitatis, Ecclesiam numquām admissuram, ut aliam ducat, sed ideo, quòd præsumat matrimonium primum esse validum: sicut etiam talem per censuras compellit, instantे uxore, ad reddendum illi debitū, quia nimirum credit, matrimonium esse firmum, licet illa numquām reddere audeat. Hucusque tamen Ecclesia nesciunt declaravit, ex matrimonio quoque invalido resultare impedimentum Ligaminis: nec id Scriptura sacra, ex qua hoc impedimentum habetur, indicat. Non est igitur ratio, voluntariè afferendi impedimentum: præsertim cùm impedimentum quocumque sit odiosum, & strictæ interpretationis, nec sine claro Jure statuendum, ut Omnes advertunt.

Ex his, & ll. citr. dictis facile responderetur ad fundamentum P. Marchantij, quod in illo videndum. Quid autem in talis facti contingentia agendum sit, deducitur ex dictis & cit. N. 54. & magis N. 78. & 79. nec amplius resumi debet. 254. Posset hīc occurrere quæstio alia de

de Repudio, quod Dentor. 14. & Malacb.
 2. à Moysè DEI Præcone promulgatum
 est Judæis, tamquam licitum. Sed cùm
 ex dictis pateat, illud non amplius licere
 eō, quod matrimonium semel contra dictū
 sit indissoluble (quomodo autem , &
 qualiter potuerint olim uxores dimitti
 etiam cum dissolutione matrimonialis
 vinculi , non pertinet directè ad propo-
 situm) ob brevitatem supersedeo. Cœ-
 terū hanc q. clarè , & exactè pertrac-
 tat Scotus 4. d. 33. q. 3.

§. III

Quædam pro praxi omnino
 necessaria explicantur.

255. P **U**nctus difficultatis , quæ impe-
 dimentum ligaminis tangit ,
 principaliter in eo manet , quomodo con-
 stare debeat de morte conjugis , ut alter
 conjux ad alia vota descendere valeat :
 cùm enim vivente conjuge matrimonium
 cum alio sit nullum , simul etiam cedat
 in grave præjudicium illius , dum eo vi-
 vente conjux alteri adhæret , illique con-
 tra fidem datam commiscetur , & omnes
 commixtiones , sint mera adulteria ; abs-
 que dubio in causa tam ardua , tantique
 periculi festinandum non est , sed circum-
 spectè procedendum cum accurrato exa-
 mine

mine, antequam conjux, asserens mortem
sui conjugis, de qua aliunde non constat,
ad aliud conjugium admittatur. Accedit,
quod mors conjugis sit res facti, & qui-
dem, an eo tempore, quod dicitur, conti-
gerit, merè contingentis, quale factum
naturâ suâ incertum est *L. in omnibus.* ff.
de Juris, & facti ignor. & non præsumitur
nisi probetur. *L. in bello.* ff. *de captivis,*
& postlim. revers. præsertim, dum ex fal-
sitate illius magnum periculum tertij, &
salutis animarum sequi potest.

Qua ratione nequaquam audienda
est *L. Uxores. de Divort.* quæ absentiam
quinquenalem viri sufficere, ait, mulieri,
alteri alicui nubere volenti: sola etenim
absentia tot annorum nec dissolvit matri-
monium uxoris cum viro absente, nec,
aliqualiter etiam, probat mortem illius,
ut de se liquet. Quocirca Lex illa cor-
recta est per *Authent. Hodie. de Repud:*
reprobantem secundas Nuptias absque
certa notitia alterutrius conjugis. Quàm-
vis autem ea *Authent.* in hac parte verum
habeat, superfluit tamen in eo, quod
ultra certam notitiam de morte conjugis
desideret moram aliquam, ut videlicet
superstes per annum adhuc patientiam
habeat, antequam de novo contrahat:
cum enim, qui certus est, certiorari ulterius

non oportet. Regula 31. I. in 6. Quocirca non attentis his *LL.* videndum, quid *Jus Ecclesiasticum* in proposito requirat.

256. Celebris est textus *c. in praesentia* 19. *de spons. & matr.* in quo refertur, Clementem III. interrogatum, quid agendum sit de mulieribus, quæ viros suos, causâ captiuitatis, vel peregrinationis absentes, ultra septennium præstolatae fuerint, nec certificari possunt de vita, vel de morte ipsorum, licet super hoc solicitudinem audiuerint diligentem; sequentibus respondisse: quantocunque annorum numerò ita remanent, viventibus viris suis non possunt ad aliorum consortium Canonice convolare, nec auctoritate Ecclesiæ permitas contrahere, donec certum nuntium (NB.) recipiant de morte virorum. Idem statuit, aut potius declarat Lucius III. *c. Dominus. de secundis nupt.* Ex quo duo sequuntur.

257. Unum est, quod moralis certitudo sufficiat: cum enim in factis, & actionibus humanis certitudo moralis satis est, & Tribunalia metaphysicam non exigant, quæ sœpè, & ut plurimum impossibilis est: per certum nuntium in *cit. c.* major certitudo, quam moralis non desideratur.

Alterum, quod hæc certitudo sit etiam necessaria, ita ut stante mera probabilit-

bilitate de obitu cōjugis nequeat supersti-
ti aliud conjugis concedi. Pluribūs con-
gestas Sanchez l. 2. de matr. disp. 46. v. 6.
Sporer de matr. n. 51. Pirching l 4. tit. 1. n.
132. Reiffenst. ibid. tit. 21. n. 7. & constans
Consistoriorum Episcopaliūm praxis, de
qua etiam idem Pirching testatur l. c.
Ratio est manifesta: præterquam enim,
quod intercurrat periculum gravissimi
peccati adulterij, si conjux certa de mor-
te sui conjugis nondum reddita, alij nu-
bat, & conjugaliter convivat, sequē dif-
ficillimæ causæ exponat, si conjugem
priorē redire allquando contingere:
prius matrimonium semel validè celebra-
tum, est in possessione; cùm igitur ad læ-
dendam possessionem non sufficiat præ-
cisa probabilitas, ut DD. communiter ad-
vertunt etiam in rebus pecuniarijs: à for-
tiori uon sufficit in proposito, ubi agi-
tur de causa notabiliter periculosiore.

258. Nec obstat texrus e quoniam 6.
ut lite non contest. in quo ita legitur: si au-
tem de conjugio carnali sit agendum, tamdiu
aliter conjugum expectetur, donec de ip-
suis obitu verisimiliter (N.B.) præsumatur;
non vero certitudinaliter. Benè siquidem,
ex Abbat. Layman advertit Pirching ad
dictum tit. n. 21. ex tit. c. solummodo se-
qui, quod etiam non citato absente con-

juge, possit Judex recipere testes ad probandum impedimentum, quod inter eos adesse assertur, dum verisimiliter obitus absentis conjugis præsumitur: si autem non ita præsumitur, dicti testes recipi nequeunt, nisi præcedat contestatio litis per citationem conjugis absentis. Cæterum etiamsi probabilis tantum præsumptio habeatur de morte absentis, sed testes recepti, ac examinati non satis probent impedimentum assertum, nequit conjux admitti ad aliud conjugium (de hoc enim nec mentio *in cit. c.*) sed ulterius moralem certitudinem, aliquo modō *ex dicendis* comparandam, præstolari debet. Si vero testes legitimè deduxerint impedimentum questionatum, utique poterit facultas novi conjugij concedi, non quidem propter sufficientem certitudinem de morte conjugis absentis, sed propter probatum impedimentum, ex quo prius matrimonium fuit nullum. Et in hoc *cit. cap.* concordat alteri *c.* Relatū est. I. Qui matrim. accus. possunt, in quo Papa respondet, quod conjugē, qui per quinquennium abest, nec inveniri potuit, non comparante, possint testes recipi ad probandum impedimentum cognationis spiritualis, quod inter conjugem illum, & ejus uxorem intercedere objiciebatur,

& fine Canonico judicium terminari : non obstante, quod præcisa quiquennalis emansio conjugis nec verisimiliter obitū illius constare faciat.

259. Quomodo ergo, & quibus modis comparatur moralis, & quasi indubitata certitudo de morte conjugis ? Respondeo, Canonistas, & Theologos id ultimatim remittere ad arbitrium Judicis Ecclesiastici, qui attentis circumstantijs causæ, & facti occurrentis pronuntiabit de certitudinaliter probato obitu conjugis : etenim circumspctus Judex, & discretus motum animi sui (seu judicium) ex argumentis, & testimonijs, quæ rei aptiora esse comperit, confirmabit, & declarabit c. præterea. 27. de testib. & attestat. Nihilominus consultum videtur aliquos modos hujuscemodi probationis adducere.

260. Sic certum videtur, mortem conjugis plenè probari per Instrumentū publicum, vel authenticum, ab Episcopo, vel ejus Officiali, à Principe, Magistratu sive politico, sive militari datum : aut à Notario publico, vel aliâ personâ in dignitate constitutâ, cui ex consuetudine loci, vel ex instituto illius fides habetur, formatum : per ea quæ traduntur ad tit. de fide Instrum. Item per testimonium, ex libro mortuorum desumptum. Item per

duos testes de visu, cùm in ore duorum, vel
trium testimoniū stet omne verbum, ut ait Sal-
vator *Luc.* 17. dum de Jure non requi-
runtur plures testes: ubi enim numerus
testium non adjicitur (seu plures expressè
à Jure non desiderantur, ut v. g. in testa-
mento solemni) etiam duo sufficiunt. *L.*
ubi numerus ff. de testibus. Porro quāvis
uxor ipsa non admittatur in testem de
morte sui conjugis, sed sit in hac propria
causa minus idonea; *Reiffenst. loc. cit. n.*
13. ex *Gobat.* admittuntur tamen con-
sanguinei, tamquā magis callentes
mortem, vel vitam suorum: nec est præ-
sumptio, quod in adeo magnum damnū
sui consanguinei testari velient de morte
illius, si eam nescirent. Dicuntur autem
de visu non tantum, qui morientem ma-
ritum, de quo quæritur, viderunt, vel
funeri ejus intererant: sed etiam, qui
Exequijs diei septimæ, vel trigesimæ ad-
stiterunt: hōc ipso enim, quod non
celebrentur, nisi de mortuis, qui de illis
testatur, testatur de morte.

261. E contra certum videtur, non
sufficere testimonium unius etiam de vi-
su, regulariter loquendo. Mandat namque
Papa: quatenus si inter vos quæstio emerse-
rit, non minus, quam duorum, vel trium
virorum ---- testimonium admissatis. *c. li-*
eas

cet universis. 23. de testib. & infra: nulla est causa, quæ unius testimonio (quantumvis legitimō) terminetur: idque in causis gravioribus, maximè ubi agitur de magno præjudicio, ut in proposito, esse Juris Divini per cit. textum ex *Luc.* 17. censemur Juristæ ad dictum tit. quibus etiam familiare est illud: *vox unius vox nullius.*

Nec contradicit e. In præsentia suprà N. 256. cit. ubi mulieres prohibentur à secundo conjugio, non donec certos nuntios, sed tantum, donec certum nuntium accipiant de morte virorum. Etenim ly certum non denotat nuntium determinatum, seu singularem, sed certitudinem afferentem nuntium, qualis utique non est, qui unicus est, & solus: Unde etiam communius, qui à pluribus certitudinaliter de quaquam re informatur, dicere solet, se certum nuntium de ea accepisse.

Similiter certum videtur, solam famam de morte non facere plenam fidem, ordinariè loquendo; quia enim dictū unius facile sequitur multitudo. e. cùm in juventute. 12. de Purgatione Canon: & quotidiana experientia docet: fama valdè fallax est, & ad faciendam certitudinem moralem minus apta.

262. Semper addidi: regulariter, aut ordinariè loquendo. Cùm enim duæ semi-

plenæ probationes, quando (NB.) ad eundem finem tendunt, & non sunt disparatæ, seu diversa respicientes, plenam probationem faciant secundum illud: quæ non prosunt singula, multa juvant. c. per suas
32. de Simonia. Et in L. 2. §. ætas. ff. de Excusat. Tutor. allegatisque pluribūs Juribūs, & DD. amplius tradit Reist. ad Tit. de Probat. n. 99. & seqq. Hinc idem post Sanchez, Pirhing, Sporer ll. cc. licet universaliter non concedat, unum testem, aut solam famam sufficere in proposito per Jura, & rationes N. priore adductas: non veretur tamen admittere unum testem de visu, cum fama simul concurrens, aut testimonium illius alijs presumptionibūs, & conjecturis mortis vestitum. En exempla!

Si conjux abiit, & senex est: vel si mare prolixo itinere navigavit: vel militiæ adscriptus ad bellum ivit, in quo varij conflictus successerant: expeditatur longissimo tempore, quæritur per litteras, & interrogaciones plurium, sed gratis: comparet autem unus testis, qui resert, se illum in tali Patria obire vidisse: navim, in qua erat, se vidente submersā: illum in conflictu perire. Sufficienter probata est mors illius per hanc testem, unā cum indicijs, quæ desumuntur ex senec.

senectute, vel navigatione maris de se periculosa, vel conflictu, junctâ longi temporis, seu aliquorum añorum absentiâ, qua durante nihil de se significaverat. Ob eandem etiam rationem, si quis affirmet mortem conjugis, qui à Turcis capiis tempore belli, pace etiam facta, post quam captivi redimuntur, non comparet, nec quidquam, cùm tamen posset, de se nuntiat, an adhuc in captivitate detineatur, aut ubi moretur.

Item si duo testes asserunt, se v. g. in Belgio à pluribus fide dignis audiisse, conjugem ex infirmitate, vel in duello obiisse: Aut quòd milites multi affirment, illum in conflitu, excursione, obfidence, vitam finivisse: maximè si locum, & tempus mortis specificent &c. fama enim, à testibus probata, & præsumptionibüs illis adjuta, plurimum valere videtur, dum aliás nescitur aliquibüs annis, ubi conjux degat. *Similiter* si longissimo tempore absit, & in loco remoto, in quo ille mortuus dicitur, maximè quia miles factus ad aciem processit, nec unquam scripsit, nec ab aliquo visus fuit: nam in tali casu fama, & publica vox una cum præsumptione, ex profectione ad militiam, longi temporis emansione, & nullâ datâ interim notitiâ, mortem satis probare videtur.

263. Immò Sanchez loc. cit. n. 12. docet, in casu, quō conjux obisſle dicitur in loco valdē remoto, nec faciles sunt, aut planè impossibiles alia probationes, sufficere unum tantūm testem, saltem juratūm, & similis conditionis, quæ omnem levitatis, aut falsitatis suspicionem tollit: maximè si verisimilia de morte, seu modō, & causā mortis proponat, de quibus utique diligenter, & solicite interrogandus est, & quidem, ut videtur, repetitis viciibüs, & quæstionibüs inverso quādoque ordine formatis, ut magis appareat, an sibi constet, & vera, non conficta proponat. Verūm huic sententiæ contradicit Pirching cit. n. 134. nec P. Reiffenst. consentit: utique, quia causa est valdē ardua, adeſt periculum præjudicij conjugis, si viveret, injuria prioris matrimonij, & nullitas novi cum frustratione Sacramenti, quæ omnia notabilem reflectionem merentur.

Cæterūm opinio Sanchez, pro qua vide alios citatos à Sporer de matrim. n. 51. iuvare potest eā doctrinā, quā m. ipse P. Reiffenst. l. 2. tit. 20. n. 267. tradit ex Farinacio, videlicet in ijs causis, quæ majores probationes non habent, aut non sine magna difficultate, sufficere unum testē, idēmque dicendum esse de causis antiquis,

quiis, & ad eas sufficere famam, & semi-plenam probationem sentiunt Decianus, Tuschus *cit.* apud Eundem. Et favere videtur textus Juris ex *c. si testes. 3. iv. q. 3. §. 38.* qui pro instructione Judicis dicit: *Unius testimonium nemo Judicium in quaunque (NB.) facilè patiatur admitti: si facile tantum admitti non debet, aliquando, & in casu difficulti permittitur.*

*Quidquid sit, in casu emergente sua- derem Parocco recursum ad Ordinarium, cuius est in similibus dubijs pro sua pru- dentia, & circumspectione judicium ferre, ut Omnes advertunt, & colligitur ex dictis N. 259. Imò quantumvis mors conju- gis concludenter, & certis testimonijs, ac de jure requisitis probaretur, tutiū est secundum Pirching *cit. n. 136.* judicium Ordinarij expetere: cùm enim improba venus, longæ absentiæ conjugis impati- ens, aliud matrimonium urgeat, variaz fallaciæ ad persuadendam mortem legiti- mi conjugis excogitari non raro solent, testes quoque subornari (ut ex Gobat, ca- sus aliquos recensente, advertit P. Elbel de matr. n. 218.) securius erit altius judi- cium requirere ab Ordinario, qui pariter cum omni cautela procedere debet, ne quidquam ex necessarijs informationibus negligendo, se in re tanti momenti gra-*

vissimō peccatō omissionis implicit, ob quod Clericatus *Discord.* 43. inter *Discord.* forens. *Civil.* timet, plures aeternam damnationem incurrere. Sed meliora sperare congruit.

Reliqua, quae adhuc defunt, suppleret potes ex §. seq. in resolutione casūs.

§. IV.

Resolvitur casus de impedimento Ligaminis.

Sergia, postquam ex voluntate parentum, licet animo aliqualiter renitente, nupsisset cūdā multūm annoso, illius ob senectutem, aliasque indispositiones subinde pertessa, Graciō Venetias secuta est Titium, quem deperibat. Post aliquod annorum cursum moritur ibi Titius, & Sergia, ut a paternis laribus, quos meritō timebat, remotior, latenter secura, navi consensa Neapolim proficiscitur. Reperit ibi Mercatorem Græensem, a quo, per tertium interrogatō, audit maritum suum, dum ille ante annum Graciō moverat, gravi infirmitate oppressum jacuisse. Unde huic testimonio innixa concludit, illum indubie obiisse, attenitō præsertim gravi seniō, & complexione corporis, ex continuis indispositionibūs debilitatē, quæ obitum illius post fluxum tot annorum aliunde verisimilem reddidere. Declusō igitur Parochō, solen-

solemniter nubit Janitio, à quo se imprægnatam senserat. Quid ageret Confessarius, dum Sergiam eum accedere contingeret, & hanc facti speciem recensere?

264. *Respondeo;* Confessarium non posse quidquam sententiare de valore, aut nullitate hujus conjugij: probationes enim, concludentes etiam, de morte prioris mariti efficiunt quidem usum matrimonij licitum, & secundò nubentem extra culpam constituunt: attamen valorem non addunt matrimonio, qui eo tantum casu habetur, quod prior maritus revera mortuus est; unde quidquid judicetur, aut probetur, donec maritus vivit, matrimonium ex impedimento Ligaminis nullum est materialiter, seu à parte rei excomuni, & recepta sententia in materia impedimentorum. Sed

Quantum ad Janitium certum est, quod si ille bona fide duxerit Sergiam, nihil sciens de priori illius statu, quam cœlibem, aut liberam crediderat, non peccavit, potestque, veluti conjugij, & corporis Sergiae possessor bonæ fidei, eō uti cum redendo, tum petendo debitum conjugale sine timore adulterij. Si virgo nesciens viro nupserit alieno (idem est, si vir fœminā duxerit alienam) hoc si semper nesciat, nunquam ex hoc erit adultera, ait, & exempli

ficit paritate possessoris honæ fidei D.
Aug. de fide, & operib. c. 7. relatus c. si
Virgo 5. xxxiv. q. 2.

Quantum autem ad Sergiam, videat Confessarius, utrum & illa bona fide processerit, quod exinde colliget, si videlicet non tantum narraverit totum factum, ut in casu: sed insuper asseruerit, se haud multum dubitasse de morte mariti, quin potius eam sibi persuasam habuisse, audita gravi infirmitate, quam ante annum op primebatur: verisimile enim est, quem jam sex annos (eo nimirum tempore, quod Titium Venetas secuta fuit) aetate gravatum, & continua ægra valetudine enervatum reliquerat, insufficientem fuisse, ad vitam tot annis protrahendam, accedente praesertim graviori morbo, de quo testabatur Mercator Græcensis, cui utique fides deneganda non est, cum nullo Interesse ductus, id testimonium dederit. Si hanc, inquam, bonam fidem adverterit Confessarius in Serbia, in qua etiamnum perseverat, taceat, & dissimulet, ac dissimulando eam in ulteriori bona fide relinquit: tum per ea, quæ universaliter in casu ignorantiae impedimenti dixi N. 158. Tum quia licet presumptioles allatae mortem certitudinaliter non probent, & in Judicio deductæ vix agnoscerentur suffici-

ficientes: cùm tamen probati quidam **DD.** pro foro interno tantam certitudinem mortis non postulent, quantam per Jura *suprà* allata pro foro fori, sed acquiescant probabilitati, & verisimilitudini: **Navar. Silvester, Tanerr. &c. citt.** à Sporer de matrim. n. 51. Ideo credo cū eodem, post factum, seu initum aliud matrimonium tutè dissimulari posse.

Suffragatur item c. cùm per bellicam. I. xxxiv. q. I. in quo illæ fœminæ, quæ per gravissimos hostilitatis incursus abductis in captivitatem viris remanserunt destitutæ, & cùm eos interemptos putarent, ad aliorum conjugium transférunt, à Leone Papa nequaquam reprehēduntur tanquam adulteræ, sed potius excusantur, dummodò redditæ pace, & statu rerum in melius mutatæ, ex præcepto Domini relictis secundis viris, priores, qui redierunt, reaccipiant: quamquam fœminæ illæ nullam moralem certitudinem de morte maritorum habuisse videantur, sed probabilem tantum præsumptionem.

265. Si verò advertat Confessarius, Sergiā reverà dubitasse de morte sui mariti, quod dubio non obstante nupsit Janitio (id autem colligit ex eo, quod Sergia fateatur remorsum conscientiæ, quem & ante, & post nuptias hucusque sentit)

con-

concludet gravissimum ejus peccatum ,
quod secundò nupserit cum apero peri-
culo nullitatis matrimonij, frustrationis
Sacramento, & injuriæ sui prioris mariti
&c. quo circa prohibebit , ne tamquam
possessor malæ fidei, unquam petat debi-
tum conjugale, sed reddat solum Janitio
petenti, textu claro c. Dominus. 2. de se-
cundis nupt. ubi Lucius III. declaravit :
si verò aliquis, vel aliqua id hactenus non
servavit (id est, non expectavit, donec ei
constat, quod ab hac vita migraverit conjux
ejus. ut ibi præmittitur) & de morte pri-
oris conjugis adhuc sibi existimat dubitan-
dum, ei, quæ sibi nupfit (bona fide) debi-
tum non deneget postulanti : quod à se tamen
noverit nullatenus exigendum : concordat
c. inquisitioni. 44. de sent. excommunic. Qui
enim bona fide contrahit matrimonium,
suffragiò possessionis in illius usu defen-
ditur, in qua ex mero dubio, alteri con-
jugi superveniente, turbari, aut impedi-
ri nequit : sed neque alter conjux ob du-
biū, quod laborat, juri illius resistere valeat
eo, quod solum dubium unius non suffi-
ciat ad impugnandam possessionem alte-
rius, ex bona fide formaliter legitimam.

Ex quo etiam deducitur , etiamsi
factum Sergiæ fieret notorium, aut ad
Judicium duceretur, non posse Jūdicē
sen-

sententiam divortij ferre , & Sergiam à Janitio separare. Etenim quia Papa declarat, in casu ejusmodi dubij debitum conjugale reddendum esse conjugi , bona fide copulato, manifestè sequitur, conjugem alterum ab eo separari non debere, nec matrimonium irritari , donec certò non constiterit, priorem conjugem etiamnum vivere , ut optimè notat , & ex Sanch. l. 2. de matr. d. 42. arguit Pirhing ad tit. de secund. nuptijs n. 3.

266. *Quid ultrâ faciet Confessarius?*
Respondeo: ex eo, quod Sergia teneatur dubium , & malam fidem prudenter deponere, nec id aliter fieri possit, quam investigatione veritatis: injunget ei, ut quantocyùs adlaboret inquirere de vita, vel morte sui prioris mariti, in quo optimè ager, si eandem adjuverit, scribendo videlicet Grœcium viris pijs, & fide dignis, vel etiam Magistratui, Parocho &c. nec arduum illi videbitur ad salvandam animam suæ pœnitentis , in tanto discrimine constitutæ, id oneris in se suscipere. Rogabit autem non solùm insinuationem authenticam mortis, sed diei etiam, quô illa contigit, & anni specificationem (propter mox dicenda) dissimulata ratione , & causâ factæ inquisitionis.

Et

Et quidem si notitia advenerit de morte
mariti ante secundū Sergiæ conjugium,
salva res est , & de firmitate illius mini-
mè dubitandum, ex supposito, quod, ut
videtur, Sergia in matrimoniu cū Janitio
consenserit abſolutè, & quantum potuit
ob dicta N. 224. Si verò mors secuta sit
post secundum hoc conjugium , cuius
tempore maritus adhuc vixerat : siqui-
dem consensus Sergiæ, ad illud ex impe-
dimento Ligaminiis inhabilitatæ, nullus
erat, & invalidus ; instruet eam Confessa-
rius de renovatione consensu modō N.
212. traditō. Si autē constiterit certitu-
dinaliter , maritum etiamnū vivere , ni-
mis certum est , Sergiam nec amplius
posse Janitio debitum reddere, sed quod-
cumque malum potius sustinere arg. c.
inquisitioni cit. de sent. excommun. & iterum
s. Literas tuas 13. de restitut. spoliat. ubi
dicitur, mulierem , quæ certa est de im-
pedimento, estò illud probare non possit,
si per sententiam, etiam excommunicati-
onis cogeretur ad conjugaliter marito
suo convivendum , debere sufferendo
eam sententiam , constanter omne thori
consortium denegare: & oppositam sen-
tentiam (quam quidam aliquando defen-
debant) Sanchez l. 2. de mair. disp 39. n.
5. vocat. falsissimam, & in fide valde peri-
culosam

culosam, cùm sit intrinsecè malum, commisceri extra legitimū conjugium, nec ulla ratione, vel timore cujusque mali cohonestari, & excusari possit. Vide etiam Engel in casu matrimon. perplexō adjectō ad tit. de secund. nupt.

267. Immò non tantūm non audet reddere debitum, sed quantum est de Jure coīuni, redire obligatur ad maritum: quod si post hoc (post conjugium cum alio initum) de prioris conjugis vita constiterit, relictis adulterini complexibūs ad priorem conjugem revertatur. cit c. Dominus. Dixi autem: de Jure communi: negari siquidem nequit, dari casum, in quo redditus reddatur moraliter impossibilis, prout in proposito de Serbia, quæ suppositō criminoso, & tam infami discessu cum Titio, vitāque meretriciā, ac secundō conjugiō nimis præcipitanter contra fidem, & conscientiam celebratō (quæ omnia non tantūm infamem eam reddunt in loco, unde discessit, & noscitur, sed in discrimine etiam vitæ constituunt) nullatenus redire valet, ut consideranti patet.

Et quia Janitio etiam cohabitare prohibetur, nisi moraliter certa sit, se ab omni actu, conjugibus solummodo licito, continere posse, nec ab illo cogendā ad aliquem, aut inducendam, utpote cùm.

crederet, se ut maritum jus habere: difficultissimus, & cuivis etiam doctissimo vix superabilis redditur casus. Remedium quidem obviū est, ut totum factum bellō modō à confessario ipso proponatur Janitio, si sit vir pius, conscientiosus, placidi animi, nec quidquam gravioris mali inde prævideatur: *At quid si sit austerus, militaris, furiosus &c. quanta non tentabit, dum audiērit, se tam enormiter circumventum, meretrici adulteræ loco conjugis legitimæ adhæsisse?* Hoc opus, hic labor! Quod Sergia in eo Labyrintho constituta sit, sibi, suæque extremæ malitiæ adscribat, & piè resolutō animo, quidquid triste acciderit, in expiationem criminum patienter sufferat. Interim circumstantiæ quæque maturō judiciō discussi debent, Ordinarius etiam, aut aliis qui opportunior videbitur, in auxilium advocari, & nihil non probandum, ut Sergia clam relicto Janitiō ad locum securitatis reponatur. Generica hæc sunt, sicut & alia, quæ Sanchez, & Engel ll. cc. suggerere conantur, sed particularia pro varietate circumstantiarum, implorato superno lumine, prudentia tua subministrabit.

Justi-

Justitia publicæ honestatis.

S. I.

Explicatur publicæ honestatis
Justitia.

268. **J**ustitia publicæ honestatis, quam Theologi simpliciter publicam honestatem dicunt, est propinquitas quædam, constitutione Ecclesiastica ex sponsalibus, & matrimonio rato proveniens. Sicut enim ex conjunctione corporum, oritur propinquitas affinitatis: ita ex conjunctione animorum in sponsalibus, & à fortiori in matrimonio rato resultat quædam propinquitas justitiae publicæ honestatis; quatenus honestum, & justum est, eum, qui suum corpus alicui ad futurum usum obligavit, illud non posse amplius illius consanguineis obligare. Ob quam analogiam affinitatis cum publica honestate (in quantum scilicet utraque est quædam propinquitas, & utraque oritur ex conjunctione, sed una ex conjunctione corporum actuali, altera verò ex promissa tantum per sponsalia de futuro, vel præsenti) nō solùm publica honestas à Scoto 4. d. 41. q. un. appellatur *affinitas extensiva*;

sed etiam è contrà affinitas designatur publicæ honestatis nomine c. discretionem 6. de eo, qui cognovit: Mulier propter publicam honestatem est monenda solicite, ut nec primum (maritum) repeat, cuius consanguineus eam, licet invitā cognovit. Et tamē ex cognitione carnali provenit vera affinitas. Idem habetur c. iuc. 10. cōdem.

269. Quia verò non appareat naturali rationi graviter dissonum, eam ducere in uxorem, cum cuius consanguinea celebrata priùs fuerant sponsalia, aut etiam matrimonium ratum: nec existet aliquid Jus Divinum id prohibens, consentiunt Omnes, hoc impedimentum esse meri Juris Ecclesiastici. Unde sequitur, illud non concernere Infideles, qui possunt (nisi Lege Polytica, aut civili illis aliunde vetitum nosceretur) initis sponsalibūs cum una, matrimonium deinde contrahere cum consanguinea illius, suscepit etiam Baptismō, cùm ex sponsalibus in infidelitate contractis, nullum impedimentum sit ortum. Mastrius 4. disp. 7. n. 494. in fin.

§. II.

Impedimentum publicæ honestatis ratione Sponsarium.

270. **N**on tantum Jus antiquum, sed etiam

etiam novum Tridentini præ oculis haberí debet. In antiquo Decretorum, & Decretalium sæpiissimè legitur impedimentum istud, ut c. si quis uxorem. 9. c. si quis despontaverit. 10. xxvii. q. 2. Item c. sponsam. 8. c. ad audientiam. 4. de sponsal. & matr. c. Litteras. 4. c. accessit. 5. c. continebatur. 6. de despontat. Impuber. &c. quorum quædam vide per decursum, & pro nunc sufficit Oraculum Bonifacij VIII. c. un. de spons. & matr. in 6. relat. Ex sponsalibus puris, & certis, etiam consanguinitatis, affinitatis, frigiditatis, Religionis (seu voti) aut alia quavis ratione sint nulla, dummodò non sint nullæ ex defectu consensus, oritur efficax ad impediendum, & dirimendum sequentia sponsalia, vel matrimonia, non autem ad precedencia dissolvendum, impedimentum Justitiae publicæ honestatis.

Sed ad quotum usque gradum? Respondit Alexander III. cit. c. sponsam 8. Sponsa alterius nullus consanguineorū aliquando sibi potest matrimonio copulare, propter publicam honestatem. Idem repetitur c. cit. continebatur. Cùm igitur consanguinitas continuetur per quatuor gradus in linea collaterali juxta dicta N. 109. & probabilius in infinitum in linea recta per dicta N. 118. impedimentum publicæ honestat-

nestatis se ad eos usque gradus exten-
debat.

At Jure novo Trident. Concilij Sess.
24. de reform. matr. c. 3. reformatum , &
restrictum fuit hoc impedimentum : *Justi-
tiæ publicæ honestatis impedimentum*, ubi
sponsalia quacunque ratione valida non e-
runt, *Sancta Synodus prorsus tollit*: ubi
autem valida fuerint, primum gradum non
excedant: quoniam in ulterioribus gradibus
jam non potest ejusmodi prohibitio sine di-
spendio observari. Ex his ergo Juribus simul
sumptis, seu ex Jure antiquo, adhibita
moderatione Tridentini, legitimè dedu-
cuntur sequentia, quæ modò observari
debent.

271. I. Stante quoctunque impedimento
matrimonij sive dirimente, sive impedi-
ente inter Cajam, & Titium, si ille cum
ea contrahat sponsalia, non oritur impe-
dimentum publicæ honestatis: hōc ipsō
enī, quod intercedat impedimentum,
etiam merē impediens, matrimoniu redi-
ditur illicitum: suppositō autem matri-
moniō illicitō sponsalia sunt invalida,
cūm promissio rei illicita sit nulla: adeo-
que potest Titius deinde ducere foro-
rem Cajæ.

Sed estne necessarium, ut publicè con-
stet, sponsalia esse nulla, quod fit, dum
impe-

impedimentum est notorium? Respondeo:
sufficere, quod sint nulla, quacunque
tandem ratione, etiam occultâ. Mastrius
l. 4. disp. 7. n. 489. Sporer de matr. n. 55.
Pichler 4 tit. 1. n. 44. Elbel de matr. n.
221. & communior DD. quos illi citant.
Ratio est: quia si Titius init cum Caja
sponsalia, etiam ex defectu occulto inva-
lida (dum e. g. fictè tantum consentit, aut
impeditur à voto simplici castitatis, in se-
creto emissō) à parte rei non obligatur
Cajæ ex justitia, proinde nec oritur pub-
licæ honestatis impedimentum, quod in
illa obligatione fundatur ex dictis N. 268.
Deinde impedimenta non pendent ab e-
xistimatione hominum, sed à rei verita-
te: quocirca non incurrit impedimentū
publicæ honestatis cum sorore Cajæ, qui
cum Caja contraxit sponsalia, à parte rei
ob occultum defectū nulla, licet alij opi-
nentur fusse valida: sicut ē contrà, qui
clandestina contraxisset sponsalia cum Ca-
ja, ligatur hōc impedimentō, quāmvis ea
alij ignorent. Currit itaque in proposito
Reg. 54. I. in 6. Non præstat impedimentū,
quod de Jure non sortitur effectum, seu de
Jure non est validum.

Advertunt tamen cit. hōc ipsō, quod
in foro externo lateat nullitas sponsali-
um, valida præsumantur, & ortum im-

pedimentum publicæ honestatis: hinc
nunquam admittetur Titius ad nuptias,
cum sorore Caja celebrandas, nisi prius
aut petat dispensationem à præsumpto
impedimento, aut doceat, sponsalia cum
Caja fuisse nulla. Si tamen in loco, ubi
sponsalia illa ignorantur, duceret sororē
Caja, de valore matrimonij nullatenus
dubitarem: cessaret enim scandalum, &
à parte rei nullum extat impedimentum.
Per quæ patet ad fundatum Sinchez
I. 7. de matr. disp. 68. n. 14. & seq. oppo-
situm sustinentis, quod etiam periuadere
nititur Caram. *I. 3. Theol. fund. n. 3794.*
& seq. contra illud universale principium,
quod impedimenta, tamquam res odiosa
sunt potius restringenda, dum aperta ra-
tio aliud non jubet.

272. II. Quod Titius post sponsalia
cum Caja celebrata, si alia contrahat cum
sorore illius, aut etiam matrimonium ra-
tum, non propterea impediatur à ducen-
da Caja: quia enim ex sponsalibus, cum
Caja initis, oritur impedimentum publi-
cæ honestatis respectu sororis Caja, tam
sponsalia, quam matrimonium cum ea
contractum est invalidum: cum itaque
ex sponsalibus invalidis non oriatur hoc
impedimentum, tantum abest, ut pro-
hibeatur à ducenda Caja, ut potius obli-
getur

getur vi priorum sponsalium ad illam du-
cendam: estque textus expressus c. un. de
sponsal. Aliud foret, si sororem Cajæ post-
modum cognovisset carnaliter: intercur-
reret enim impedimentum tum affinitatis,
(de quo infrà) respectu Cajæ: & quia ra-
tione sponsalium laboraret impedimentum
publicæ honestatis respectu sororis cogni-
tæ, nullam ex illis ducere posset: pro quo
juvat legere c. litteras. 4. de despōns. Im-
pub. in quo Alexander III. illum, qui,
cum esset perfectæ ætatis, quandam puellam
in cunabulis despōnsavit: procedente verò
tempore matrem puellæ cognovit, & eam in
uxorem accepit. Si matrem puellæ, ante-
quam septimum annum complēsse, in uxorem
accepit, jubet, permittendum esse in con-
jugio cum matre, addita ratione: cum
desponsationes hujusmodi nullæ sint, quæ in
cunabulis sunt, ob defectum consensus in
puella infante. Verum si postquam puella
septimum annum complevit, prædictus vir
matrem ejus accepit in uxorem, cum sponsa-
lia ex tunc placere consueverint (nam adep-
tō post septennium usu rationis, si puer-
la non contradicit sponsalibus, nec ab eis
resilit, ea approbare, & ratificare præsu-
mitur) inter eos sententiam divortij non dif-
feras promulgare (ob impedimentū pub-
licæ honestatis, ortum ex sponsalibus ra-
tific.

tificatis) insuper etiam nec filiam habere permittas ratione affinitatis ex copula cum matre habitâ , provenientis.

273. *III.* Si Pater contrahat sponsalia pro filio consentiente in illa , aut illa ratificante , resultat hoc impedimentum: secùs si filius nesciat , aut sciens non consentiat eô , quòd sine illius consensu sint invalida : prout clarè deciditur *cit. c. un. in 6.* *Ex sponsalibus* , quæ parentes pro filijs puberibus , vel impuberibus contrahunt , ipsi filij , si expressè consenserint , vel tacite , ut si præsentes fuerint , nec contradixerint (præsumuntur enim in foro externo consentire , nisi ob timorem gravem non ausi fuerint contradicere) obligantur , & ex eis erit justitia publicæ honestatis . Idem est , ut ultrà dicitur , si ignorantे postea ratificaverint : alias *ex sponsalibus contractis à parentibus pro filijs* , nec ipsi filij obligantur , nec publicæ honestatis justitia inde surgit.

274. *IV.* Sponsalia debent esse absoluta : cùm etenim conditionatè inita ante eventum conditionis non sint firma , & valida , non causant impedimentum publicæ honestatis ante secutam conditio nem , sed tantùm post illam : hinc qui dicaret *Cajæ* , *promitto tibi matrimonium* , si pater tuus consenserit , peccaret quidem contrahendo matrimonium cum sorore ante

ante exploratū consensum Patris, quem
expectare tenebatur: matrimonium ta-
men foret validum, textu claro sæpè cit.
c. un. Ille, qui sponsalia cum aliqua muliere
sub conditione contraxit, si postmodum ante
conditionis eventum cum alia prioris consan-
guinea per verba contrixerit de præsenti,
cum secunda remanere debet, ob rationē:
cùm ex sponsalibus conditionatis ante condi-
tionem extantem, sicuti consensum non haben-
tibus (absolutum, qui necessarius est ad
actualem valorem sponsalium) & incertis
(dum enim certus non est eventus condi-
tionis, incerta quoque sunt sponsalia)
nulla publicæ honestatis justitia oriatur.
Quamquam autem ex illis non oriatur
hoc impedimentum, & propterea matri-
monium cum consanguinea, aut sorore
Cajæ sit validum: ex eo tamen, quod
tenebatur expectare conditionem (con-
sensum Patris) ante illam non potuit
cum sorore valida celebrare sponsalia:
cùm ergo non nisi valida sponsalia causet
impedimentum publicæ honestatis, secu-
ta postmodum conditione (consensu Pa-
tris) vi primorum sponsalium obligatur
Cajæ, nec aliquō impedimentoō prohibe-
tur ab illa ducenda. Optimè Sanchez l.c.
disp. 69. n. 13. & alij, qui addunt.

Hucusque dicta esse vera de conditione de futuro contingente, ut in exemplo posito: si pater consenserit, vel dum Mater morietur &c. At si conditio est de praesenti, aut præterito, ut si tuus pater mortuus jam est &c. statim valent, vel non valent, supposita, & verificata, vel non verificata conditione: sicque existente conditione oritur impedimentum honestatis, & non subsistente non oritur. Quocirca ita contrahens sponsalia praestolari debet, donec resciat veritatem conditionis.

Sed quid, si notitiâ minimè expectata ducat interim Cajæ sororē? Respond. cum distinctione: si eveniat deinde, conditionem fuisse veram, patrem scilicet eo tempore, quō sub illa conditione promisit matrimonium Cajæ, mortuum jam fuisse, invalidè duxit sororem; si vero reperiatur postmodum, patrem necdum esse mortuum, aut saltem non tempore contractorum sponsalium, sed postmodum, validum est conjugium cum sorore: quia scilicet morte patris, pro tunc nondum fecutâ, sponsalia cum Caja erant invalida, & nullum respectu sororis inducere potuerunt impedimentum. Reliqua de conditionibus, utpote merè speculativa, vide apud eit.

275. V. Quamquam olim hoc impedimentum protensum fuerit ad quartum usque gradum consanguineorum sponsæ per Jura suprà N. 270. posita, immò in linea recta in infinitum, de facto tamen non se extendit ex sponsalibus, nisi ad primum tantummodo gradum ex Trid. ibidem cit. Quapropter, qui sibi legitimè despontat Caja, habilis est ad contrahendum cum quacumque consanguinea illius excepta Matre, sorore, & filia Cajæ eō, quod hæ tantum sint illi in primo gradu sanguine junctæ: & quidem sive filia sit legitima, sive illegitima: nam utraque est in primo gradu, & Jura non distinguunt in proposito inter alterutram.

Dixi: hoc impedimentum non se extenderet, nisi ad primum gradum consanguinitatis: etenim cùm nullus textus Juris, nec aliqua declaratio authentica quidquam statuat de affinibus, publica honestas, ut-pote res odiosa, absque dubio ad eos citra claram legem protrahi non debet. Unde post contracta sponsalia cum Caja potest Titius, nì aliud obstat, ducere Privignā illius &c. Communissima.

276. VI. Denique sequitur, hoc impedimentum esse perpetuum, dum semel ex validis sponsalibus inductum erat: hoc ipsis enim, quod nullibi speciale quid circa

ca illud declaretur, semel exortum semper durat. Imò non tantùm non statuitur oppositum, sed hæc perpetuitas clare declaratur c. si quis q. xxvii. q. 2. ubi Gregorius Papa dicit: si quis uxorem desponsaverit, vel eam subarrabaverit, quamquam postmodum præveniente die mortis ejus nequiventerit eam ducere in uxorem: tamen nulli de consanguinitate ejus (jam autem nulli ex consanguineis in primo solū gradu propter dictam restrictionem Tridentini) licet eam accipere in conjugio. Quod si inventum fuerit fallum, separetur omnino. Nec in hoc appetit controversia.

Benè verò, an dissolutis per mutuum consensum sponsalibus semel validis, cesseret publica honestas? Affirmant apud Reiffenst. 4. tit. 6. n. 17. & Pichler l. c. n. 47. P. Engel ex Barbosa, & quidam alij, idemque practicasse aliquos Episcopos, & viros doctos testatur P. Sporer de matr. n. 57. fateturque, se in duobus casibus non fuisse scrupulosum pœnitentibus. Rationem dant, quod sponsalia, mutuo consensu dissoluta, reddantur invalida, invalida verò quacumque de causa non causant publicam honestatem ex Trident. Nec obest, dissolutis per mortem sponsalibus, nihilominus manere hoc impedimentum. Nam non dissolvuntur, nisi per

per accidens, in quantum mortuo uno ex sponsis perit subjectum sponsalium; at per mutuum consensum dissolvuntur per se, quia consensus mutuus, qui erat causa sponsalium, tollitur. Adfertur quoque quædam declaratio Cardinalium.

Verum hæ rationes non probant id, quod controvertitur. Etenim nemo quærit, an ex sponsalibus, mutuo consensu rescissis, pullulet impedimentum, cùm certum sit, non pullulare eō, quod rescissa reddantur nulla, & invalida: sed tantum, an illud, jam semel ex sponsalibus emanatum, permaneat etiam in casu, quō per mutui consensus rescissionem facta sunt invalida. Nec disparitas allata inter dissolutionem per mortem, & eam, quæ fit per simultaneum consensum, videtur quidquam conducere: sive enim per se, sive per accidens dissolvantur sponsalia, realiter, & verè dissoluta sunt, & à parte rei non amplius subsistunt: sicque vel in utroque, vel neutro casu remanet impedimentum semel contractum. Deinde non tantum consensus, sed sponsi etiam sunt causa sponsalium, sponsi enim ea efficiunt per suum consensum: si igitur facta dissolutione per consensum mutuum evanescit impedimentum eō, quod sponsalia per se, seu in sua causa dissolvantur;

quia

quia in dissolutione per mortem unius sponsorum dissolvuntur in causa, & sic per se, utique cessabit quoque impedimentum, quod tamen illi admittere non audiunt.

277. Quapropter firmiter tenendum arbitror, spectata pura ratione, sicut per mortem unius ex sponsis non extinguitur hoc impedimentum: ita nec per dissolutionem, ob aliquod aliud impedimentū intercurrens: sīcque si Titius post sponsalia cum Caja fornicetur cum sorore illius, hēc cēsent, & dissolvantur sponsalia (quia affinis Cajæ factus, nequit eam amplius ducere) non tamen cessat publica honestas, sed æquè, ut prius, manet inhabilis ad contrahendū cum sorore arg. e. litteras suprà. N. 272. videndi. Aut si Titius profiteatur solenniter, per quam professionem dissolvuntur sponsalia priorum Caja, remanet tamen hoc impedimentum, ob quod Caja non audet nubere fratri Titij. Pariter idem dicendū est in casu dissolutionis sponsalium per mutuum consensum: nam in omnibus his casibus eadem ratio urget, quod nempe impedimentum fuerit semel causatum, causatum autem ad regulam aliorum impedimentorum perpetuò maneat. Nec obstat declaratio Cardinalium, ab AA. allegata

legata. *Vel enim* non est authentica, *vel* revocata per posteriorem, quam mox subjungam, ut sentit P. Reiffenst. *cit.* *Vel* ut ex Brancato ait Mastrius *l. c. n.* 401. & ex Pignat. Pichler pariter *cit. n.* 47. ea nihil aliud resolvit, quam per mutuum consensum sponsalia omnino dissolvi, & reddi invalida, nec esse amplius obligatoria; quod quidem verum est, sed nihil ad propositum, ut hucusque dicta consideranti patet.

Denique hanc sententiam omnino certam reddit clarissima declaratio Sac. Congregationis de die 6. Julij 1658. quam ex Fagnano, & Gobat in formalibus recitat P. Reiffenst. *ibid. n. 17.* & alij R. R. communiter, in easu Alphonsi Ruiz, qui post contracta sponsalia cum Isabella Rodriguez Pacen. Diœcesis, & ob gravē hujus infirmitatem mutuo consensu dissoluta, desiderabat ducere Mariam germanam germanam Isabellę: sed devoluto casu ad Sac. Congregationem, resolutum fuit pro impedimento publicæ honestatis cum Maria, quam resolutionem non tantum approbavit Alexander Papa VII. die 10. Julij ejusdem anni, sed prohibuit insuper, ne amplius in dubium revoctetur. Unde meritò judicat Pichler sæpè *cit.* hanc declarationem fuisse ignoratam.

â Barbosa , Engel &c. alias oppositam sententiam non defendissent, vel saltem retrahissent, ut fecit Bonacina apud Mastrium l. c. qui etiam adducit Aversam , testantem de usu, & praxi hujus declarationis, ac de observantia Romanæ Curiæ in eo, quod in tali casu dispensatio super publica honestate peti debeat : cui utique, utpote Romæ existenti , & in Decretis Congregationum valdè versato fides adhibenda est.

Consultum esse duxi, paulò amplius huic sententiæ immorari, eamque prolixius & à ratione deducere , & authoritate firmare, cum sciam , etiamnum reperiri aliquos, qui multum inclinant ad Oppositam, & de hujus veritate dubitare volunt.

§. III.

Impedimentum publicæ honestatis ratione matrimonij rati.

278. **E**xstat quidem in Decreto xxvii. q. 2. Canon. 10. ex Julio Papa desumptus, ex quo deduci posset , impedimentum publicæ honestatis etiam ex matrimonio rato provenire ; sic enim sonat : si quis despontaverit uxorem , vel subarrhaverit, & siue præveniente die mortis, siue irruentibus quibusdam alijs causis mini-

minimè eam cognoverit : neque ejus superstes
frater, neque ullus de consanguinitate ejus
eandem sibi tollat in uxorem ullo unquam
tempore Sed quia cum Glossa apud
Sanch. cit. d. 70. n. 1. commodè intelligi
potest de spōsa de futuro, non de præsen-
ti: certum est, ex eo evidenter non de-
duci intentum ad propositum.

Quāvis autem nec aliis textus
Juris in Decreto, aut 5. Decretal. libris
reperiatur, qui de publica honestate, ex
matrimonio rato consurgente, loquere-
tur, concors tamen *Omnium sententia*
eam agnoscit, & continua praxis confir-
mat: si enim Jura, publicam honestatem
ex sponsalibus de futuro statuentia, re-
spexerunt ad indecentiam, quæ contingen-
teret, dum aliquis uni per sponsalia con-
junctus ex justitia, duceret ejus sororem;
cūm ob majorem conjunctionem ex
matrimonio rato major sit indecentia,
â fortiori quoque ex illo impedimentum
publicæ honestatis natum est sequi.

Accedit constitutio, & declaratio
Pij Papæ V. *Ad Romanum spectat de an-*
no 1568. & refertur in lib. 7 Decretal. tit.
de matrim. & sponsal. rogatus namque, an
Decretum Oecumenici Concilij Trid. sess 14.
de reform. matrim. c. 3. quô cavetur, impe-
dimentum publicæ honestatis, ubi sponsalia

valida non fuerint, prorsus tolli: ubi vero
valida fuerint, non excedere primum gradum,
prout dictum fuit N. 270. matrimonia eti-
am de praesenti contracta, non tamen consum-
mata, quae interdum sponsalia (de praesen-
ti) appellantur, comprehendat, ita ut eti-
am eo casu impedimentum inde proveniens
sublatum fuerit? hunc in modum reposuit:
Nos --- attentes, quod sponsaliorum ap-
pellatione, quod dictum Concilium utitur, non
nisi impropriè matrimonium, verbis de praesenti
conceptis contractum, continetur (nam
nomen sponsalia derivatur à verbo spondeo,
seu promitto; qui autem actu contrahit
matrimonium, propriè illud non spon-
det, seu promittit) quodque agitur de cor-
rectione Juris veteris, quo casu secundum
proprietatem verborum procedendum est (cùm
correctio Juris sit odiosa, & strictæ inter-
pretationis) praesertim cùm longè majorem
rationem prohibitionis in matrimonio, per
verba de praesenti contracto (ratione majo-
ris conjunctionis animorum) quam in spon-
salibus defuturo vigere à nemine dubitur:
Auctoritate Apostolica tenore praesentium
declaramus, & definimus, decretum Conci-
ciliij hujusmodi omnino intelligendum esse, &
procedere in sponsalibus defuturo duntaxat,
non autem in matrimonio, sic (ut praefertur)
contracto, sed in eo durare ab his impedi-

mentum in omnibus illis casibus, & gradibus,
quibus de Jure veteri ante prædictum Decree-
tum Concilij introductum erat.

279. Ex qua Constitutione non tan-
tum extra omnes dubitationis aleam po-
nitur, publicam honestatem oriri etiam
ex matrimonio rato, & quidem ob majorē
rationem, quam ex sponsalibus; sed etiam
a Concilio Tridentino nullatenus refor-
matam, aut limitatam fuisse. Unde sicut
olim ante Tridentinum publicæ hone-
statis impedimentum proveniebat etiam
ab invalidis sponsalibus (dummodo non
fuerint invalida defectu consensūs) per
Jura N. 270. allata, & extendebatur ad
omnes consanguineos usque ad quartum
gradum in linea collaterali: ita defacto
adhuc ortum ex matrimonio rato, quo-
modocunque invalido (modo non defec-
tu consensūs) ad quartum usque gradum
vix dirimendi habet. Quapropter Titi-
us, qui duxit Cajam, estò hæc ante con-
sumationem matrimonij ex hac vita mi-
graverit, nullam sibi ex consanguineis
Cajæ despōnsare potest: & idem est de
Caja respectu consanguineorum Titij, si
illum ante matrimonij consumationem
obire contigeret.

280. In particulari igitur loquendo,
legitimè sequitur, publicam honestatem

nequaquam oriri ex matrimonio rato,
quod nullum est ex sequentibus impedimentis: videlicet ex errore personæ, ex ignorantia conditionis servilis, ex metu gravi injustè incusso, ex defectu pleni, & perfecti usûs rationis, qui contingit in ebrijs, infantibus, & in ætate de Jure ad matrimonium requisita necdum constitutis: hæc siquidem impedimenta irritant matrimonium ex defectu consensûs, ut suis locis dictum est. Atque hoc verum est, etiam si defectus consensûs sit occultus, per probata priori N. 271. Dum verò contingit, matrimonium esse invalidum ex alio impedimento: e.g. cōsanguinitatis, ligaminis, voti &c. æquè efficax est ad causandam publicam honestatem, ac si validum esset.

281. Id solum dubitant aliqui: utrum matrimonium sine præsentia Parochi, & testium contrahit, sicque ex impedimento clandestinitatis nullum, inducat publicam honestatem. Sanchez quidem cit. d 70. n. 13. negat ea ratione, quod cum præsentia illa sit de forma matrimonij, illud sine ea non habet formā, & consensum. Verum quia consensus naturalis, & de se firmus negari nequit in eo, qui clandestine contrahit, non video, quomodo defectus consensûs argui possit. Et si

Mona-

Monachus, votô Religionis adstrictus, licet ex c. si Religiosus. de elect. in 6. nec velle, nec nolle habeat, ineundo matrimonium (utique invalidum) contrahit publicam honestatem eō, quod non careat consensu naturali, qui satis est, ne matrimonium dicatur nullum defectu consensū, ut docet cum *communi sententia* ipse Sanchez tūm *disp.* 68. n. 6. tūm *d.* 70. n. 7. Idem profectò dicendum est de clandestinè contrahente, qui similiter consensum naturalem habet. Nec juvat, illum consensum naturalem esse à Jure defectu solennitatis, seu præsentia Parochi, & testium invalidatum, & reputari nullū. Siquidem illius etiam consensus, qui laboret impedimentō ligaminis, aut quocumque alio in Jure reputatur nullus, quo tamen non obstante sufficit ad inducendam publicam honestatem.

Quocirca cum *communi* aliorum arbitror, non excipi clandestinum matrimonium à publica honestate, illud sequente. P. Sporer quidem *de matrim.* n. 62. non vereatur sententiam Sanchez practicare in foro conscientiæ pro casu necessitatis, si v. g. Titius clandestinè contrahens cum Caja, vellet deinde in facie Ecclesiæ ducere aliquam ex ejus consanguineis, nec tempus suppeteret ad differēdas nuptias,

& petendam dispensationem. Attamen tu vide, an non sit recurredū potius ad illud remedium, quod in simili necessitate supra NN. 160. & 161, suggestum fuerat.

§. IV.

Resolvitur casus de impedimento publicæ honestatis.

Caja sub cura Monialium educata, amore Angelicæ puritatis, quæ illi aliquoties commendata erat, se, votō emissō, ad perpetuam, & perfectam adstrinxit castitatem. Sed Asceterium subinde egressa, & integratam Virginalem crescentibus annis sibi nimis arduam, animæque periculosam experita, matrimonium Candido sub ea promis-conditione, si à Sancta Sede beneficium dispensationis super-voto castitatis impetraverit. Facto recursu Romam, videns Candidus, meliores sibi offerri nuptias, accedit Cajam, rogat, & numeratā tandem pecunia quantitate, die 15. Julij a jure illa passivo, quod Cajæ obligatus erat, absolvitur. Disolutis hisce sponsalibüs aderat Germanus frater Candidi, qui vices bujus supplere cupiens, postquam gratiosum dispensationis Rescriptum de dato 14. ejusdem mensis tandem advenerat, Cajam in uxorem duxit. Quæritur, an validè?

282. Respondeo: Jam dictum esse N.
 274. sponsalia conditionata, uti Cajæ erant, non inducere impedimentum publicæ honestatis, nisi conditione purificata: unde si ante purificatam illam sponsalia dissolvantur aliquo modo, v. g. Berta promisit matrimonium Titio, dummodo Pater non sit contrarius &c. si ante explorationem consensus paterni resiliant mutua voluntate à sponsalibus, seu promissione matrimonij, sibi invicem facta, licet deinde consensus patris sequeretur, nihil obstat, quin Berta possit ducere fratrem Titij. Ratio est: quia cum sponsalia non nisi absoluta causent impedimentum publicæ honestatis, ante explorationem consensus paterni illud causare non potuisse: sed neque post secutum consensum patris eō, quod illa obligatio, quā Berta, & Titius sibi invicem obligabantur, cessaverit ante consensum, sīcque adveniens deinde consensus patris omnino impertinens erat; nec firmavit sponsalia, nec occasio, aut causa impedimenti esse potuit. Quibus præmissis, quæ ex dictis priorib. §§. sequuntur.

In eo tantum quoad propositum casum manet difficultas: utrum per Rescriptum dispensationis à voto dedato 14. Julij sit adimpta conditio sponsaliū Ca-

ja, & Candidi, vel non? si adimpta est: nimis clarum est, Cajam non posse deinde nubere Germano Candidi: etenim adimpta conditione sponsalia evadunt absoluta; cum igitur ex absolutis exurgat publica honestas, propter eam inhabilis fit Caja ad matrimonium cum Candidi fratre. Nec obstat, sponsalia eorum die 15. Julij mutuo consensu dissoluta fuisse. Nam dissolutis quomodocumque sponsalibus semel validis, & absolutis permanet impedimentum per dicta NN. 276. & 277. Si vero per illam dispensationem nondum sit adimpta conditio: procul dubio poterit Caja nubere Germano Candidi, cum ex sponsalibus conditionatis adimpta etiam conditione non sequatur publica honestas, modò ante impletionem conditionis dissoluta erant, ut paulò ante probatum.

283. Estne igitur per dictum Rescriptum adimpta conditio? Respond. non esse adimpletam: vel enim appareret, inspiciendo tenorem Rescripti, Papam immediatè dispensasse, ut si dicat in illo: *dispensamus, vel relaxamus, ut voto non obstante* &c. vel ille non dispensat immediatè, sed prout regulariter fieri solet, illi duntaxat dispensationem committit, ad quem Rescriptum dirigit? si hoc posterius: certum

um est, antequam executor Litterarum, eu Rescripti exequitur illud, & actu dispensat, Cajam neandum esse solutam à vinculo voti: sicutque conditionem adhuc pendere. Si primum, id est, si Papa immedietè dispensest; similiter nondum est adimpleta conditio. Ratio est; quod Litteræ Apostolicæ dispensationum, etiam in formæ gratiosa concessæ, non habeant suum effectum, antequam revideantur, & vi illarum dispensatio fiat ab executore arg. Concil. Trid. sess. 22. de reform. c. 5. & ex communi docet Reiffenst. in Append. ad 4. Decretal. n. 300. quantum ad Litteras dispensationis super alijs impedimentis dirimentibus, adducens ex Corrado Declarationem Cardinalium. Cum ergo Caja 15. Julij resiliérit à sponsalibus cum Candido, licet dispensatio à voto fuerit emanata 14. die, & sic ante dissolutionē sponsalium, per eam tamen non evaserunt absoluta, hoc ipsō, quod dispensatio ante 15. diem non fuerit executioni data. Ex quibus denique concluditur, Cajam validè nupsisse Germano Candidi ob certiam publicæ honestatis.

Affl.

*****:*****

Affinitas.

§. I.

Explicatur Affinitas.

284. **A**ffinitas, Germanis Schwagerchaft est vi nominis finium unitas, velut interpretatur Scotus 4. d. 41. q. un. accessio ad affines; conjunctus enim carnaliter alicui de consanguinitate aliqua, accedit per hoc ad fines illius consanguinitatis, & ideo habet vinculum talis accessus ad omnes de illa consanguinitate, quatenus per copulam cum aliquo evadit propinquus consanguineorum illius: unde in re ab Omnibus describitur, quod sit vinculum, seu propinquitas, ex copula carnali ortum ducens. Dicitur autem Propinquitas, non cognatio eis, quod haec proveniat ex unitate sanguinis ab uno stipite, quæ unitas non repertitur in affinitate, quæ ex dicendis unitatem carnis tantum pro fundamento habet. Quod frater, sororve uxoris tuæ cognati tui dicuntur, & quicunque jure fit, & necessitate vulgaris appellationis potius, quam ullæ causæ cognationis: ait Alexander III. c. quod autem. 5. xxxv. q. 5.

285. Dicitur item: ex copula carnali ortum ducens. Affinitas siquidem provenit

nit ex unitate carnis: consanguinitas, quæ
in proprio viro observanda est, bæc nimirum
in uxoris parentela de Lege nuptiarum cu-
stodienda est. Quia enim constat duos esse in
carne una: communis illis utraque parentela
censenda est. c. 14. q. 3. caus. cit. cum au-
tem unitas carnis fiat per copulam car-
nalem, Gen. 2. & erunt duo in carne una:
Quibus verbis innotuit non aliter virum, &
mulierem posse fieri unam carnem, nisi cor-
nali copula sibi cohærent: dicit Benedictus
Papa, relatus c. Lex Divinæ 18. xxvii. q.
2. manifestum est, affinitatem præexigere
copulam carnalem, sive licitam, seu
maritalem, sive illicitam, seu fornica-
riam: nam etiam ex hac resultat carnis
unitas, nescitis, quoniam qui adhæret mere-
trici, unum corpus efficitur i. ad Corintb. 6.
jam autem, si una caro sunt (fornicariè
se cognoscentes) quomodo potest aliquis
eorum propinquus pertinere uni, nisi pertine-
at alteri? (id est, quomodo poterit Ti-
tius esse consanguineus Caja fornicantis
cum Petro, & non esse affinis Petri?) hoc
minime posse fieri credendum est. c. frater-
nitatis. i xxxv. q. 10. ex Gregorio Papa.

Verum quidem est L. non facile. S.
affines. ff. de gradib. affinit. non admitti
affinitatem ex copula extramatrimoniali:
sciendum est, neque cognationem, neque affi-
nitatem

nitatem esse posse, nisi nuptiae non interdictae sint, ex quibus affinitas conjungitur. Sed id verificatur quantum ad effectum civilem duntaxat, quatenus ex fornicario coitum nati, à successione hæreditatis arcentur, ac si nec consanguinei, nec affines essent, licet à parte rei sint tales, ut ex Amico, Coninck advertit Caramuel l. 3. Thcol. fund. n. 3798. Cœterum ex tali copula veram oriri affinitatem in ordine ad impediendum matrimonium, etiam Jus civile agnoscit. L. Liberi. 4. Cod. de Nuptijs, ubi statuitur, ne parentum concubinas filij accipient in uxores, utique quia concubinarum affines facti sunt.

286. Sed qualis debet esse copula? Respondeo: completa & perfecta, quæ apta, & de se sufficiens est ad generationem. Communissima ex ratione, quod affinitas fundetur in unitate carnis, quæ inducitur per comixtionem semenis mediante copula: cum igitur ea sit ad generationem sufficiens, legitimè sequitur, copulam generationi aptam requiri ad affinitatem. Ex quo infertur I. non sufficere merè inchoatam sine ulla seminatione: nec eam, in qua sola fœmina semen decidit: nec eam, quâ spado, utrōque testiculō atens, congreditur cum fœmina: Nulla enim ex his copulis defervit generationi.

II. Econtrà sufficere copulam perfectam, cum fœmina invita, amente, ebriâ habitâ, cùm similia fœminæ vitia regulariter non obstant coitioni seminum.

Acrior quibusdam videtur, & diffi-
cilior quæstio, utrùm ea sufficiat, in qua
solus vir seminat, fœminâ nullum semen
decidente? Sanchez l. 7. de matr. d. 64. n.
21. Reiffenst. ad tit. 14. lib. 4. n. 43. & 45.
cum alijs dicunt quidem, probabiliùs suf-
ficere: sed Mastrius l. 4. d. 7. n. 477. ex
Gobat, alijsque Sporer de matrim. n. 75.
Pichler lib. 4. tit. 13. n. 2. & plures alij ne-
gant, quibus etiam adhæreo. Tùm quia
affinitas ex dictis postulat unitatem car-
nis, quæ sine utriusque semine non datur
teste D. Thoma apud Sanchez l. 2. de ma-
trim d. 21. n. 11. ex Pichler cit. Tùm quia
fœmininū quoque semen (quidquid opi-
netur Aristoteles) ex Galleno, Avicenna,
alijsque Medicis necessarium est ad gene-
rationem, quam veritatem non tantùm
ex principiis Medicæ demonstrat Paulus
Zacchias Medico Legalis l. 7. tit. 3. q. 1.
& n. 16. (citatus à Pichler, & ex Clerica-
to de Sacram. matrim. decis. 31. ab Elbel
de matr. n. 227.) sed insuper oppositum
asserere, hæresim medicam esse dicit. Nec
suffragatur experientia, quam P. Reiff.
l. c. desumit ex confessione plurium fœmi-
parum

narum, (quæ honestæ erant, & piæ) farentium, se à viris cognitas, concepisse sine proprij seminis decisione. Cùm non videatur tam debile earum testimonium (cùm & multæ nec quidquā sciant de sui seminis decisione, ut notavi nuper. N. 68.) Viris in naturalibus, & arte medica excellentibus præferendum. Præsertim cùm Nobiles Thæologi doceāt, purissimā Virginem MARIAM etiam semen suum, seu sanguinem, quāmvis sine uila deordinatione, pro formatione Corporis Christi subministrâsse, quod si negetur, quomodo intelligentur textus Scripturæ, qui dicunt, Dominum nostrum JESUM Christum esse ex semine David secundum carnem? ex quibus Ecclesia Ss. Virginem MARIAM DEI Genitricem appellat.

Urget item cit. c. Lex Divinæ constitutionis, in quo Benedictus Papa declarat: sed negue osculum parit propinquitatem, quod nullam facit sanguinis commixtionem: ad affinitatem itaque necessaria est sanguinis commixtio, sed quæ commixtio, dum unicum tantum, id est, viri semen adest? Ad quod respiciens Caramuel loc. cit. n. 3802. ita discurrit: Nec hic inquiri debet, an mulieris semen sit ad generationem necessarium? an ipsa activè, an verò passivè concurrat? nam hoc impedimentum non à natu-

natura rei, sed à Lege Canonicae provenit
 (ut §. seq. dicam) & ideo non est examinanda
 virtus seminis fœminini --- sed verba
 Canonum sunt perpendenda: cùm autem hæc
 seminum commixtionem postulent, dicendum
 est, sine utriusque seminatione intra vas non
 dari Theologicum affinitatem, quæ secun-
 dum illum ea est, quæ dirimit matrimo-
 nium. Accedit denique ratio, ex malitia
 mollitiei desumpta: molles siquidem di-
 cuntur *Viris sanguinum*, & gravissimi pec-
 cati contra naturam arguuntur, quod
 sanguinem, seu semen generationi deser-
 viens, sine suo intrinseco frustrari faci-
 ant: quæ ratio non currit in mollitie fœ-
 minæ per oppositam sententiam, ut patet,
 nec poterit ita graviter damnari, quod ta-
 men nemo concedet.

Quocirca etiamsi in foro fori haud
 attendatur ad seminationem fœminæ per
 dicta cit. N. 68. in Tribunali tamen Pœ-
 nitentiæ nullum sentirem scrupulum,
 aut difficultatem circa praxim hujus sen-
 tentiæ, dummodò fœmina pœnitens af-
 serere posset, se ex congressu viri ad se-
 minationem usque irritatam non fuisse,
 ut si fuerit frigidioris naturæ &c. Nec
 contrarium persuadere potest Reiffenst.
 cit. n. 45. & 46. attentâ quam maximè
 odiosâ naturâ Impedimenti, quæ illud

negari jubar, clara Lege Canonis non
obstante.

287. *Ex his benè deducitur, ex copula viri habita cum impubere fœmina nullā oriri affinitatem eō, quod illa ad generationem inepta, incapax sit perfectæ copulæ, nisi malitia, secundū infra N. 356. dicenda, suppleat ætatem, quod tamen in dubio, tamquam quid singulare, supponendum non est.*

Nec obstat e. fraternitati tuæ. 7. de eo, qui cognovit &c. in quo Iñocentius III. rescripsit Bisutinens. Archi. Episcopo: Divortij sententiam approbamus, quam in eum Canonice promulgasti, qui illam sibi postea copulare præsumpsit, cuius antea sororē adbuc septenē contractis sponsalibūs extraordinaria libidine noscitur polluisse: ex quo videtur, copulâ etiam cum puella septem añorum prohiberi matrimoniu cum sorore illius, utique propter affinitatem. Respond. enim, divortium illud factum fuisse ratione publicæ honestatis, quam causarunt sponsalia cum puella contracta, ut cum communi explicant Sanchez, Reiffenst. Pichler ll. cc. qui idem dicunt ad e. Juvenis. 3. de sponsalib.

288. *Ast dubitabis, utrum aliō modo, quam per congressum viri semen virile vulvæ fœminæ immisum, sufficiat ad*

ad affinitatem? Sanchez utrōque loc. cit.
 quem refert Sporer cit. n. 73. nihil con-
 cludens, affirmat cum communi ea ratio-
 ne, quod contingat vera commixtio se-
 minum, generationi idonea, quam pro-
 bat historia de semine à Juvene, qui se
 in balneo corruperat, relictō, & à puella,
 se libidinosè tangente, attractō, per quod
 etiam conceperat. Item alia de conjugata,
 quæ cum sorore in lecto libidinabatur, &
 semen à marito receptum in uterum so-
 roris transfudit, eamque gravidam red-
 didit. Verūm quia hæ historiæ nimis
 mirabiles sunt, & Caramueli n. 3804.
 figura videntur, cum Diana, Ponzio,
 Basilio à se citt. rectius negat in tali casu
 affinitatem, quibus consentit Pichler l.c.
 quatenus asserit, copulam affinitatem
 inducentem, & aptam ad generationem
 esse eam tantum, in qua membrum viri-
 le penetrat vas muliebre, ac intra uterū
 effudit verum semen. Ratio desumitur
 ex illo Gen. 2. adhærebit uxori sue, &
 erunt duo in carne una, quod cit. c. Lex Di-
 vinæ, ut visum, ita interpretatur: non æ-
 liter virum, & mulierem posse fieri unam car-
 nem, nisi carnalici copula sibi cohærent: dum
 autem semen virile casu, vel arte aliqua
 fœminæ infunditur, vir non dicitur pro-
 priè adhærente mulieri, nec illi copulari.

Accedit, ut arguit Caramuel, semen spiritibus vitalibus constitui, & quodammodo vivificari, qui ita subtile sunt, ut statim evanescant, dum semen aeris inclemencie subjicitur, testantibus id Medicis: quapropter si aliud modum, quam per congressum viri immittatur in uterus, non nisi destitutum illis spiritibus, ac mortuum. sicut ad generationem ineptum immittitur.

289. *Quid vero dicendum de copula cum Dæmonie practicata?* Respondi. In casu Dæmonis succubi certum esse, copulam generationi deservire non posse: quomodo enim generabit Dæmon vice Matris, cum organis, & virtute ad formandum, & fovendum foetum destruitur, corpus vero phantasticum sit ad id munus ineptum? filij Doctoris Fausti, quos ex succubo suscepisse dicitur, si ejus historia admittatur, non nisi Dæmones fuere, & homines apparentes. In casu autem Dæmonis incubi quidam aliter sentiunt: nam cum Dæmon possit suffurrari semen, ab hominibus improbis tactibus sceleratis emissum, illudque tempore congressus in corpore assumpto cum foemina in vulvam ejus infundere; videtur, sacrilegam hanc copulam sufficere generationi, quæ aliquando secuta quoque ab Abulense narratur.

tatur in Merlino celebri in Anglia Vate;
 & secundum Plutarchum ex Aristotele.
 3. Poëtice in Homera Poëta.

Quidquid sit de his Historijs, quæ ex ratione N. priore à natura seminis deduc-
 tā, omni fide evacuantur: placet judici-
 um Caramuelis cit. n. 3806. quod admissa
 etiam generatione ex hujuscemodi coi-
 tu, affinitas non oriretur cum Dœmone,
 cum quo ob carentiā proprij seminis nulla
 unitas carnis resultaret: sed cum illo, cu-
 jus Dœmon semine usus fuit. Ea tamen
 affinitas foret merè naturalis, & philoso-
 phica ob dictam commixtionem seminū,
 non autem Theologica, aut Canonica,
 quæ induceret impedimentum dirimens.
 Ratio est priori itidem Num. insinuata,
 quod scilicet vir in tali casu non adhæret
 uxori per copulationem corporum, quæ
 adhæsio tantum in comuni existimatio-
 ne (quæ procul dubio in odiosa materia
 impedimentorum servari debet) intelli-
 gitur, nomine copulæ carnaliis.

Tum quia inutiliter Ecclesia statuissest
 impedimentum, ex copula cum Dœmo-
 ne habitā: cùm enim, ut dixi, illud con-
 traheretur cum eo, cuius semen erat,
 hoc ipso, quod ille nunquam sciatur,
 frustraneum foret impedimentum.

290. Quæres jam pro praxi, quâ viâ
ingredietur Confessarius, ut agnoscat
pœnitentem, quæ fatetur, se aliquando
libidinosè tractatam à Titij fratre, esse
Titio affinem, nec posse illi nubere? Re-
spondeo, illum debere esse solicitum in
varijs interrogationibus, quas quantum
possibile fuerit, honestoribûs terminis
formabit, præmonendo etiam suam pœ-
nitentem, ne minus convenientem opini-
onem concipiat, dum illum tam exac-
tè in materia lubrica versatum experta
fuerit. Interrogabit ergò *I.* An tactibûs
tantùm libidinosè tractata fuerit, vel va-
sis etiam penetratione per membrum?
II. Si hoc secundum: cuius ætatis fuerit
illa, vel ille? an illa 12. ille verò 14. an-
nos attingerit? antecedēter enim inepti
præsumuntur ad generativam copulam.
III. Si id affirmaverit: utrùm ille copulā
continuaverit usque ad intro seminatio-
nem, an verò casu, vel sponte contracto
membrō semen extra vas profuderit? *IV.*
Si primum: an etiam illa ad decisionem
usque seminis irritata fuerit? si candidè
negare valuerit, carentiam affinitatis
juxta longè probabiliorem sententiam *N.*
286. tutè pronuntiabit. Si verò respon-
dere nescierit (multæ enim ita rudes sunt,
ut quid sit fœminam seminare, ignorant)

veritas

veritas ex circumstantijs indaganda erit. Unde ex mente Dicastili apud Sporer, & Elbel citat. n. 250. ex Gobat, ultrà interrogabit *V.* An in coitu, vel mox postea magnam voluptatem senserit: quia enim semen sine delectatione regulariter non effluit, indicium defluxionis non ineptè ex illa desumitur. Si denique *VI.* nec de delectatione ista testari poterit, impedimentum affinitatis concludet ex illa *R.* 45. iij. 6. (quæ subsidiaria dicitur, quatenus in subsidium concludentium probationum assumi potest) *Inspicimus in obscuris, quod est verisimilius, vel quod plerumque fieri consuerit:* plerumque namque copulam, in nibili ætate à fœmina admissam, illius seminatio comitatur.

291. Copulâ ad intelligentiam affinitatis necessariò tam prolixè explicatâ; sciendum, in affinitate quoque reperiri lineas, & gradus, sed non nisi à consanguinitate desumptos: quia enim quoto gradu (& in qua linea) consanguinitatis aliquis distat ab alio, toto gradu (& in eadem linea) affinitatis distat ab eodem illa, quæ est ab isto carnaliter cognita, ut post Scotū cit. Omnes sentiunt: gradus, & linea affinitatis à consanguinitatis gradu, & linea mensurari debet.

Hinc si cupias scire, quoto gradu

Petrus, qui cognovit Cajam, sit affinis
Paulo, vide juxta methodum, & regulas
aliquando de consanguinitate traditas, in
quo gradu Paulus sit consanguineus Ca-
jæ; in eodem namque est affinis Paulo. Si
militer ut scias, quanto gradu Caja sit af-
finis Titio, attende juxta dictas regulas,
in quo gradu Titius sit consanguineus
Petro, qui cognovit Cajam, & conclude
hanc in eodem esse affinem Titio. Ete-
niam cum Petrus, & Caja sint una caro ef-
feci, seu unum quid, nequit aliquis cō-
sanguinitate attingere Petrum, nisi affi-
nitatem attingat Cajam, nec vicissim con-
sanguinitate aliquis attingere Cajam,
quoniam affinitatem attingat Petrum: *affinita-*
te dico, & quidem in eodem gradu; perso-
na siquidem addita personæ per carnis copu-
lam, mutat genus (consanguinitatis in affi-
nitatem) non gradum, ait Glossa in c. non
debet. de consang.

Inter ipsos autem consanguineos
Petri ex una, & consanguineos Cajæ ex
altera parte nulla cernitur affinitas textu
claro c. quod super bis. 5. eod. licet omnes
consanguinei viri sint affines uxoris, & omnes
consanguinei uxoris sint viri affines: inter
consanguineos tamen viri, & uxoris, ex
corundem, scilicet viri, & uxoris conjugio
nulla prorsus affinitas est contracta. Vide
dicenda N. 295.

292. Si denique desideras propria affinium nomina, suggestit aliqua Alexander III. c. 5. xxxv. q. 5. pro linea collaterali : *uxor fratris Fratrilia* (vulg. *Fratria Bruders=Weib*) vocatur: *mariti frater Levir* (*Manns Bruder / Schwa-ger*) dicitur . . . *viri soror Glos* (*Manns Schwester / oder Geschwren*) appellatur. *Sororis autem vir non habet speciale nomen*, sicut nec *uxoris frater*: atramen *sororis vir Sororius* (*Schwester Mann*) & *uxoris frater Uxorius* (*Weibs Bruder*) diei consuevit, ut videre est apud P. Pichler 4. tit. 14. n. 21. in quo, & alijs vide reliqua affinium nomina, partim quoque §. seq. N. 296.

§. 11.

Impedimentum Affinitatis.

293. **A**ffinitatis vinculum sive occultum, sive publicum (cum Jura non distinguant) irritare matrimonium, certum est ex c. ex Litteris. I. de consanguinitate ille, qui duxit viduam relictam à marito demortuo, jubetur separari, dum constiterit, quod in quarto gradu fuerit consanguineus mariti defuncti eō, quod sit propterea affinis viduæ: æquè enim, ut Canonis dicunt, abstinentium est à consanguineis uxoris, ut proprijs; quia videlicet æquali-

ter vir conjungitur consanguineis proprijs,
 & consanguineis uxoris suæ. c. 13. xxxv. q.
 3. Quapropter: si vir, & uxor non jam duo,
 sed una caro sunt, non aliter est Nurus
 (Sohns-Frau) deputanda, quam filia. c. 5.
 caus. & q. citt. ex S. Aug. lib. 22. contra
Faustum, quantum ad dirimendum ma-
 trimonium, non quantum ad vinculum
 naturale, quod absque dubio & in se, &
 in existimatione strictius est in consan-
 guineis ex unitate sanguinis, quam in
 affinibus ex unitate carnis tantum.

294. Porro non tantum tria olim
 erant genera affinitatis, ut videre est. c.
 3. c. 12. &c. caus. & q. ijsdem, & expli-
 cant DD. passim; sed etiam annullabat
 matrimonium ad septimum usque gra-
 dum inclusivè c. 7. ibid. Verum hodier-
 no Jure c. non debet 8. de consang. remanet
 solùm illud genus affinitatis, quod N.
 291. explanatum est: nec dirimit matri-
 monium, nisi usque ad quartum gradum:
Prohibitio copulæ conjugalis (seu matri-
 monij) quartum consanguinitatis, & affi-
 nitatis gradum non excedat. c. cit. junctō
 c. licet ex quadam 47. de testib. ibi: cùm
 jam quartum gradum prohibitio non excedat.
 Immo eam affinitatem, quæ ex copula
 illicita originatur, Concilium Trident.
Sess. 24. de reform. matr. c. 4. amplius re-
 strin-

strinxit, & intra secundum duntaxat gradum conclusit: Sancta Synodus, gravissimis de causis aducta, impedimentum, quod propter affinitatem ex fornicatione contractam inducitur, & matrimonium postea factum dirimit, ad eos tantum, qui in primo, & secundo gradu conjunguntur, restrin git: in ulterioribus vero gradibus statuit, hujusmodi affinitatem matrimonium, postea contractum, non dirimere. Ubi incidenter nota cum Sanchez l. cit. d. 65. n. 8. Sporet cit. n. 83. in fin. & multis aliis, ex hac Tridentini restrictione deduci, etiam incestum non amplius esse ultra secundum gradum. Unde qui post fornicationem cum Titia, fornicaretur deinde cum aliqua Titiæ in tertio gradu consanguinea, non esset ullius incestus reus, sed simplicis fornicationis tantum: cum enim circumstantia incestus proveniat ex prohibitione matrimonij aliorum ratione affinitatis inter eos: hoc ipsò, quod ea auferatur in gradibus ultra secundum, cessat in illis ratio incestus. Idque evidens redditur ex eo, quod olim, dum Jure antiquo affinitas dirimebat matrimonium usque ad septimum gradum, qui cognovisset consanguineam suæ uxoris in septimo gradu commisisset incestum: jam autem restricta affinitate ad quarum tantum gradum

ex

ex copula licita, cognoscens consanguineam suæ uxoris in quinto gradu, non incurrit reatum incestūs. Pariformiter igitur in proposito. Videatur amplius Sā. chez eod. lib. d. 5. à v. 7. Sed iterum ad priora redeundum.

295. Maritus igitur, mortua sua uxore ad alia vota aspirans, si aliquam ex consanguineis defunctæ ducere velit, id attendet, ne sit illius intra quartum gradum consanguinea; in quinto enim gradu non impeditur ab illa ducenda. Si vero aliquis sive cœlebs fornicando, sive conjugatus adulterando copulâ perfectâ secundum dicta NN. 286. & 290. cognovit Bertam, & deinde intendit ducere quandam ex consanguineis illius, caveat solummodo, ne sit Bertæ in secundo gradu consanguinea; cum in ulterioribus ex remoderatione Tridentini nulla amplius affinitas detur.

Cœterum hodie duo fratres, aut consanguinei unius, possunt ducere duas sorores, aut consanguineas alterius, ut expressè legitur c. cit. quod super his. de consang. ubi approbatur, quod Pater, & filius cum matre, & filia, & duo cognati cum duabus cognatis, avunculus, & Nepos cum duabus sororibus contrahunt matrimonia. Item si Caja nupsit Titio, & ex illo genuit

nuit Bertam, mortuō autem Titiō nubat
 Sempronio meo fratri, licetē, & validē
 ducere potero Bertam: quia per matri-
 monium cum Titio fratre meo ipsa tan-
 tūm Caja facta est mea affinis, non verò
 ejus filia Berta; nam ego sum consanguineus
 Titij, Berta autem consanguinea
 Cajæ, utpote filia: dictum est autem
 N. 294. inter consanguineos uxoris ex
 una, & consanguineos mariti ex altera
 parte nullam hodie oriri affinitatem. Idē
 est de illa filia, quam mea fratria (Bru-
 ders Weib/ Schwägerin) ex alio, quām
 fratre conceperat: etenim illa est affinis
 meo fratri tantū, & non mihi per illū,
 cūm per vulgaria affinitas non pariat ali-
 am affinitatem, id est, affinis uni factus,
 vel facta non fiat affinis consanguineis il-
 lius. Et ita in alijs similibus judicandū est.

296. His indubitè suppositis, con-
 trovertunt quidem *DD.* aliquis saltem
 gradus affinitatis dirimat matrimonium
 ex jure naturæ, quibūsdam volentibūs ad
 primum gradum eam irritationē exten-
 dere in linea recta, ut jure naturæ nul-
 lum sit matrimonium inter Vitricum, &
 privignam (Stieß- Batter / und Stieß-
 Tochter) inter Socerum, & Nurum
 (Schwächer/ oder Schwiger - Batter/ und
 Sohns- Frau/ oder Schnur) inter Socrū,
 &

& Generum (Schwiger / oder Schwiger-Mutter / und Tochter-Mann / oder Eydam) Immò quidam idem judicant de primo gradu lineæ transversæ. Verùm quia N. III. docui, consanguinitatē lineæ transversæ in hoc gradu non irritare de jure naturæ : multò magis idem censeo de eo gradu affinitatis : cùm certum sit, minus vinculum causare affinitatem, quàm consanguinitatem. Et pro hac veritate suppetunt quoque testimonia Scripturæ, & exempla Ecelesiæ. Quàmvis Levit. 18. prohibeatur, tamquàm indecens, cognoscere carnaliter uxorem fratris: turpidinem uxoris fratris tui non revelabis, quia (cùm sit unum quid cum fratre) turpido fratris tui est. Quia tamen tanta indecentia non est, quæ etiam naturaliter irritaret matrimonium cum illa, aut saltem pro omni casu illicitum redderet, illud non tantum admittitur, sed quodammodo præcipitur Deutor. 25. quando habitaverint fratres simul, & unus ex eis absque liberis mortuus fuerit ; uxor defuncti non nubet alteri, sed accipiet eam frater ejus, & suscitabit semen fratris sui, & primogenitum ex ea filium nomine illius appellabit, ut non deleatur nomen ejus ex Israël.

Ecclesia quoque non tantum generaliter, ut legitur ab Innocentio III. factum

sum c. fin. de divort. Livonensibus, qui ad fidem Catholicam conversi erant, concessit propter infirmitatem eorum, ut matrimonij contractis cum relictis (uxoribus) fratrum utantur. Sed in particuliari non semel etiam dispensavit in hoc punto testante historia. Notum est Iulium II. dispensasse cum Catharina Hispana, ut nuberet Henrico VIII. Angliae Regi, non obstante, eam antecedenter conjugatam fuisse cum Arturo fratre illius, quam dispensationem legitimam fuisse, consultis celeberrimis Universitatibus, accuratissimaque deliberatione praemissa, legitimam declaravit Clemens VII. unde ortum sumpsit infelix Schisma Anglicanæ Ecclesiæ. Recenti item memoria tenemus similem dispensationem in Disma Comite ab Aursperg postea actuali Mareschallo Carnioliae, qui duas successivè duxit sorores ex Illustrissima Domo de Bathiani. Quocirca, quod Joannes Baptista Herodem, qui Herodiam duxerat uxorem Philippi fratri sui, redarguerit: *Non licet tibi habere uxorem fratri tui.* Marc. 6. vel ideo factum, quia frater Philippus etiamnum vivebat, ut post D. Thomam in illum locum novent alij: vel quia Herodes, tanquam Iudeus subjiciebatur Legi Mosaicæ prohibi-

hibentis, etiam mortui fratris uxorem ducere. *Levit. 18. cit.* nisi id fiat ex fine suscitandi semen defuncti fratris. *Sanchez l.c. disp. 66. n. 12.* Pirhing *l. 4. ad tit. 14. n. 34. in fine &c.*

297. Sed quantum ad primum gradum lineaæ rectæ certum videtur, magnâ esse indecentiam, honestati naturali adversantem, carnaliter commisceri matri, aut filiaæ uxoris, vel etiam Novercæ &c. eð ipsð enim, quòd quis fiat una caro, seu unum quid cum sua uxore, censeret esse filius matris illius (& sic de reliquis) teneturque ei reverentiam, sicut vicissim mater uxoris dilectionem specialem marito illius ; nam etiam Seneca in quadam Epistola fatetur, naturaliter à socero numerum, & à socru diligi generum, & *§. Scrum. 7. instit. de nupt. vitricus, & Noverca parentum loco veniunt.* Hinc Jacob *Gen. 49.* Lege Mosaica necdum datâ , maledixit Ruben primogenito suo, *Effusus es, sicut aqua, non crescas : quia ascendisti cubile patris tui, & maculasti stratum ejus,* dormiendo cum Noverca, seu uxore patris. Belluinum quoque , ut notat Hermannus Hermes in Fasciculo Juris publici c. 11. n. 86. ex alijs erat responsum Francisci Brittani Angliae Equitis auriati, qui ab Henrico VIII. Angliae Rege ad-

admissō adulteriō interrogatus, quale peccarum videretur, matrem primū, deinde filiam ejus cognoscere? reposuit: tale, O Rex! quale Gallinam primū, deinde ejus pullum comedere: quō auditō Rex ipse, licet alioquin sceleratus, exhortuit, & dixisse fertur: Næ tu meritō meus inferni Vicarius: talis siquidē incessius est abominabilis DEO, & cunctis hominibus. c. 10. xxxv. q. 3. cùm ipse Deus dicat, blasphemari per illum nomen suum, dum reprobat Israëli, quod filius, ac pater ejus iverunt ad puellam (se carnaliter eidem commiscentes) ut violarent nomen sanctum meum.

Nihilominus cùm ducere aliquam in primo gradu lineaē rectāe affinitatis non repugnet essentialibus, & fini intrinsecō conjugij, non apparet, illud esse jure naturae irritum. Et si non adeo certum est per dicta N. 116. jure naturae infirmati conjugium in primo gradu lineaē rectāe consanguinitatis, à fortiori negari potest de eodem gradu affinitatis, quæ ex N. 239. non tam forte vinculum, & subordinationem inducit, quam consanguinitas, & ridiculum videtur Philoni, putare, ficerit tantam authoritatem esse in generali, quantam patris in germanum filium.

298. Nec suffragatur in contrarium illud D. Pauli 1. ad Corinth. 5. Auditur inter vos fornicatio, & talis fornicatio, qualis nec inter Gentes, ita ut uxorem Patris sui aliquis habeat. Vel quia sermo est de uxore patris adhuc viventis, ut post Cajet. Sedulum, & alios intelligit Sanchez d. cit. n. 9. vel quia ingens scelus erat, quod & designare funestum est, ut de omni incestu dicitur c. 10. cit. nec a Gentibus communiter practicatum. Nec suffragatur II. quod nunquam auditum, Papam in tali matrimonio dispensasse, cum tamen posset, si tale matrimonium voluntate Ecclesiae tantum nullum foret. Non enim omnia expedient, quae licent; nec ex eo, quod aliquid factum non sit, legitimè deducitur, fieri non posse, præsertim, dum gravissimæ rationes urgent, ne fiat, ut naturalis turpitudo, & indecentia, ob quam ex dictis copula cum Noverca æquiparatur copula cum matre, & utraque simul, & eodem contextu prohibetur Levit 18. cit. turpitudinem matris tuæ non discooperies: mater tua est, non revelabis turpitudinem ejus; ad quod mox sequitur: Turpitudinem uxoris patris tui (seu Novercæ) non discooperies: turpitude enim patris tui est. Quàmquam autem ob hanc indecentiam posita sit tam severa

ra prohibitio, nequaquam tamen satis ostenditur, per eam irritari etiam matrimonium in gradu illo juxta tritum illud: multa fieri prohibentur &c.

299. Si affinitas ex copula licita, seu matrimoniali non dirimit matrimonium in primo gradu lineæ rectæ, multò minùs dirimit in eodem gradu affinitas orta ex copula fornicaria, seu illicita, ut quasi *Omnes consentiunt*: licet enim ad tales etiam copulam sequatur unitas carnis, experientia tamen docet, odia potius & inimicitias per eam induci, quām speciale aliquod dilectionis vinculum: Nec filius ordinariè tantā reverentiaz subordinatiō nem habet ad patrem illegitimum: imo nec Leges talē agnoscunt pro vero filio, & quantum ad successionem hæreditarii omnis affinitas ex concubitu fornicario negatur, ut *suprà dictum ex L. non facile*. *S. affines. ff. de gradib. affinit.* Unde etiam in primo gradu affinitatis illicitæ dispensatum sæpè fuisse ex Layman *I. 9. tract. 10. p. 4. c. 6. n. 6.* advertunt Pirhing, & Reiffenst. *ll. cit.*

300. Concludo igitur: non tantum in primo gradu affinitatis transversæ, & in ulterioribus gradibus affinitatis lineæ rectæ, sed etiam in primo gradu ejusdem lineæ posse infideles valida celebrare ma-

trimonia, nisi speciali eorum lege decla-
rata sint nulla, qualem non fuisse apud
Persas credibile est, cum mortuo patre
uxorem ejus, uti ferunt, duxerint. Quo-
circa si contracto in eo gradu conjugio
infidelem subinde converti contingeret,
permittendus esset in illo, nec egeret
dispensatione, nisi forte ad superabun-
dantiam, aut tollendum scandalum, si
quod secuturum videretur. Si autem
post contractam in infidelitate vi copulae
conjugalis affinitatem, infidelis Baptis-
mum reciperet, omnino ligatur hoc
impedimentum, sicutque mortua sua uxore
invalidè contraheret cum quacumque
consanguinea illius. Cum enim vincu-
lum carnis, dilectionis specialis, & reve-
rentiae ex natura rei resultet per copulam
conjugalem, ut superius dictum est, illud
oriri etiam in infidelibus, in quibus ea-
dem naturalia sunt, certum est: quia
igitur eidem vinculo superimposuit Ec-
clesia impedimentum dirimens, illud infi-
delis post conversionem suam gravabitur
hoc ipso, quod sub Ecclesiae imperio
constituatur. Alijs citatis Sanchez disp.
55. n. 6. Utrum vero sit, qui tempore in-
fidelitatis ex illicita copula factus est affi-
nis, possit post Baptismum ducere in se-
cundo gradu, disputant DD. apud San-
chez

chez, & Pirhing n. 23. videturque utrumque satis probabile.

§. III.

Quid de Affinitate, quæ matrimonium subsequitur?

301. **I**N 4. Decret. c. 1. de eo, qui cognovit &c. statutum legitur: si quis cum filiastra (privigna) sua scienter fornicatus fuerit, nec à matre (illius filiastræ, seu suæ uxoris) debitum petere potest. Ultrà etiam c. discretionem. 6. eōd. de ea, quæ à consanguineo mariti invita cognita fuit, rescripsit Innocentius III. Nec affinitas, quæ post contractum legitimè matrimonium inter virum, & uxorem inique contrahitur (per incestū) ei debet officere, quæ hujusmodi iniquitatis particeps non extitit: cùm suo Jure non debeat sine sua culpa privari. Quocirca idem Papa c. fraternitati 10. cit. tit. requisitus: utrūmis, qui cum sorore legitimæ conjugis fornicatur (adulteratur) cum uxore possit postmodum cōmorari, & exigere debitum, ac solvere? responderet quidem: quod ut uxor à commixtione viri abstineat propter publicam honestatem (affinitatem, quæ etiam publica honestas dici potest per notata N. 268.) diligentius est monenda: si tamen se continere recusaverit, subiungit: quod vir ejus poterit, & debebit

cum DEI timore debitum ei solvere conjugale addita eadem ratione: cum affinitas post matrimonium iniquè contracta, illi nocere non debeat, quæ iniquitatis particeps non existit. Ex quibus tam apertis Juribus legitimè.

302. *Affero I.* Ex omni coitu uxoris cum consanguineo mariti (aut è contra ex coitu mariti cum consanguinea uxoris) intra secundum gradum tantum (propter remoderationem Tridentini supra N. 294.) oriri affinitatem, quæ quidem matrimonium semel contractum non dissolvit, prohibet tamen usum illius, in quantum vitari potest sine injuria alterius conjugis. Unde (ut in exemplo loquar) si Titia incestum committat cum fratre Gaji mariti, non audet sub gravi culpa petere ab illo debitum conjugale, reddere tamen petenti tenetur: ne ille innocens suo jure privetur. Atque hoc non tantum verum habet in casu, quod maritus nescit incestum suæ uxoris, sed etiam, quod illud subinde rescit: propterea equidem, quod ei incestus uxoris innotescat, non fit deterioris conditionis, nec redditur nocens, aut reus; per consequens æquè retinet jus petendi debitum, quod Jura intactum relinquunt innocentibus quidquid gratis in contrarium sentiat
Caram. l. 3. Theol. fund. n. 3799. 303.

303. *Affero II.* Quando justa causa negandi debitum intercurrit Cajo petenti, nequit Titia, quæ dictum incestum commiserat, illud reddere: cùm existente justa causa negandi, nullum jus petendi alter conjux habeat. Hinc si Titia mox ab initio matrimonij ante consummationem illius peccavit cum fratre Caij mariti, ante bimestre (eò enim tempore gaudet privilegiō negandi debitum) sub culpa non audet reddere, sed tantum lapsū illo tempore, aut etiam anteā ex supposito, quod jam semel (estō peccaminosē) copulam admittendo, matrimonium consumaverit: quia consummatō matrimonio cessat illud privilegium, & oritur obligatio reddendi. *Similiter* si Caus postmodum adulterium committat cum alia quacumque fœmina, Titia non potest illi amplius reddere debitum. Ratio est manifesta, quod Caus possit quidem petere debitum, sed non obligatoriè ratione adulterij, id est, non potest ex justitia illud exigere: cùm igitur Titia incestuosa eatenus tantum reddere teneatur, quatenus jus Caij illud postulat, deficiente eo jure cessat, seu deficit obligatio reddendi, & redditio redditur illicita. Dum tamen Titia vel unica vice admitteret copulam

cum Cajo marito, aut illi reconciliata, remitteret injuriam adulterij, tenetur postmodum semper reddere petenti; quia remissa injuria adulterij, Caus re-acquirit jus petendi; licet Titia male egerit in primam consentiendo copulam.

Si verò Caus non comitteret simplex adulterium, sed incestuosum, vicissim cognoscendo sororem Titiæ uxoris suæ, cum uterque propter suum incestum privetur jure petendi, neuter reddere audet; Nec datur locus mutuæ compensationi; quia audere, vel non audere reddere debitum, non pendet ab arbitrio cōjugum, sed à Lege, omnem redditionem prohibente, ubi jus alterius conjugum aliud non exposcit: si ergo in dicto casu uterque suo jure privatur, neutri reddito conceditur: quamvis aliud opinetur Sanchez in casu, quo fraudulenter commis-sus est incestus, ut scilicet uterque se ab onere reddendi liberet. Vide illum l. 9. de matr. d. 28. n. 5. ego enim nullum Jus id statuens, aut rationem firmam video: & paritas ex cognatione spirituali, in qua se fundat, non subsistit in principijs, super de ea agendo traditis.

304. *Affero III.* Hucusque dicta intelligenda esse I. Si incestus cum consanguinea conjugis intra secundum gradum fiat

fiat per copulam completam modō NN.
 286. & seqq. explicatō. Unde si Titia ad-
 mittat tantūm copulam incompletam à
 consanguineo Caij mariti, seu inchoatā,
 semine illius extra vas diffusò, non priva-
 tur jure petendi debitum. Ratio est: quia
 Jura non imponunt illam privationem in
 pœnam incestūs cujuscunque (alioquin
 eam pœnā incureret Titia, tacitus & pol-
 lutiones praticando cum consanguineo
 mariti, cùm se criminē incestūs implicet,
 præsertim tacitus admittendo in ordine
 ad copulam , quam tamen casu impediri
 contingeret : immò multò magis, si co-
 gnosceretur à proprio consanguineo eō ,
 quòd fiat gravioris incestūs rea, quòd ta-
 men communissimè negatur) sed illius, qui
 affinitatem inducit, ut deducit urex ll.N.
 301. cit. in quibus dicitur, affinitatē non
 officere innocentī, sed nocentī tantūm ,
 ne audeat petere debitum. Accedit, hanc
 pœnam esse odiosam, sīcque pro possibili
 restringendam. Per quæ ruit, quod P. Reif-
 senst. ad 14. tit. lib. 4. n. 60. contra commu-
 nem sententiā persuadere nititur.

205. *Affero IV.* Intelligenda esse II.
 dum Titia liberè, & voluntariè admittit
 incestum cum consanguineo Caij mariti;
 siquidem in superiùs cit. c. discretionem, il-
 le, qui mulierem suam, à se adhuc inco-

gnitam, cuidam consanguineo suo tradidit, in quantum potuit renitentem: Ille vero cum ipsa, licet invitata, matrimonij solennia celebravit: jubetur redire ad ipsam, & maritali eam affectione tractare; cum adulterium (incestuosum) ei non possit objicere, qui eam adulterandam tradidit, praesertim invitam. Postmodum insuper declaratur, eum incestum non debere nocere mulieri, nec illam jure suo privandam, quæ hujusmodi iniquitatis particeps non existit. Utrum vero ipse vir incurat poenam privationis petendi debiti, mihi non est clarum ex hoc cap. colligitur quidem, poenæ reum esse, qui criminis incestus particeps est: sed intelligi potest de illo, qui ipse incestum committit, non autem de illo, qui mulierem ad incestum inducens, causa est incestus alieni. Interim si tibi animus foret affirmandi, vide Sanchez cit. d. 27. n. 3. qui plures adducit.

An item ea sit privata jure petendi debitum, quæ non quidem vi, & renitens oppressa est a consanguineo sui mariti, sed ex metu tantum gravi inducta, copiam sui corporis fecit? cum Layman, Bonacina, Illsung, &c. probabiliter negant Sporer de matr. n. 84. Elbel ibid. n. 232. Item Engel l. 4. tit. 14. n. 7. Ratio est, quod quamvis nullus sit metus, qui à tam gra-

vi peccato excusaret, de pietate tamen Matris Ecclesiæ minimè præsumendum est, quod incestum ex metu patratū dicta pœnā pledere velit, cùm ejusmodi metus multū debilitet voluntarium.

306. *Affero V.* Intelligenda denique esse III. in casu, quod Titia scienter admisit copulam cum consanguineo Titij mariti, textu claro & *suprà cit.* Si quis cum filiastra sua scienter fornicatus fuerit &c. Quocirca si Titia ignoret illum, quodcum peccat carnaliter, esse consanguineum Caij mariti: aut si sciat quidem talem esse, sed credit, secundum gradum transcendere: aut denique si nec hoc errore laboret, sed solummodo ignoret, suo peccato adnexam pœnam privationis petendi debitum: probabilius excusatur aliqua. Ita *citt.* & plures alij. Ratio eruitur ex Regula recepta interpretandi, & intelligendi Leges: verba intelligenda sunt cum effectu, ita ut aliquid operentur, & non sint superflua. L. I. *S.* hæc autem verba ss. quod quisque juris, & concordat c. relatum. de clericis non resident. Cùm itaque Canon requirat scientiam, si quis scienter &c. ignorantem non respicit, ne illud: scienter evadat frustraneum: & quia non distinguit scientiam Juris, vel facti, de utraque commode intelligitur; per consequens

qui

qui alterutram detinetur ignorantia, licet
exigit debitum : idque verum est de igno-
rantia etiam vincibili, & crassa, modò non
sit valde crassa, aut affectata, quam quis
retineret, ex proposito non inquirens ve-
ritatem , ut liberius peccare posset cum
consanguinea , ut probat Sanchez n. 36.
defendens illam doctrinam , quod quām-
vis ignorantia invincibilis tantum excu-
set à peccato : à pœna tamen excuset quæ-
cunque , quando Lex eam imponit illi ,
qui scienter , audacter , aut ausu temerario
contrarium attentare præsumpsit : vi-
detur enim exigere , ut sit in dolo malo ,
qui ignorantiam excludit præter eam , quæ
est affectata , aut cum ingenti temeritate
conjuncta : alias etiam scientem , & non
ignorantem lex vult obligare . L. ex gene-
rali 10. Cod. de Tabul. Et quidem de ig-
norantia facti amplius constat ex parita-
te dictorum NN. 33. 146. & 156. ex quo
rungo primo etiam habetur dubium non sal-
vare ignorantiam : sicque in proposito
quoque , adveniente dubio in Titia , an is ,
à quo se cognosci sinit , sit consanguine-
us mariti : vel utrum (suppositâ notitiâ
consanguinitatis) id non sit quadam sin-
gulari pœnâ vetitum : privationis pœnâ ,
si eo dubio haud obstante usum corporis
præbet , nequaquam effugiet .

Sed

Sed quis liberare, & absolvere valeat ab hac pœna, dicam §. seq. N. 310.

§. IV.

Resolvitur casus de impedimento Affinitatis.

TIberia cœlebs, & Terentia conjugata duæ sunt Sorores. Posterioris filium, quem illa suo generat marito, Saturnus, patrini munere functus, de sacro Fonte levavit: priorem vero, quam aliquando futuram sibi uxorem crediderat, carnaliter non semel cognovit. Moritur Terentiae maritus, & ecce! illa, juvenis utpote vidua, & notabilis substantia ex mariti testamento hæres facta, magis placere incipit. Eam ergo, à qua facile consensum habuit, conjugem sibi desiderat. Sed quia impedimenta obstant, Religioso cuidam animum suum unde cum impedimentis, quibus implicatum se sentir, candidè aperit, & beneficium dispensationis, ab eo solicitandum, obsecrat. Annuit quidem ille: Verum ne in delicata hac materia, à qua valor futuri pendet conjugij, in gravem impingat errorem, sciscitatur, ubi petenda sit dispensatio?

307. Duo hic concurrere impedimenta, Compaternitatis scilicet spiritualis ex munere Patrini, & affinitatis in primo gradu linea transversa ex copula fornicanari

caria cum Tiberia sorore Terentiæ. Primum est publicum, ut supponitur, cum Baptismus sit quodammodo recens, fuerit publicè collatus, & nomen Patrini Libro Baptismali insertum: adeoque pro foro externo petenda dispensatio. Cum verò aliud impedimentum affinitatis sit occultum ex copula occulta, non nisi pro foro interno Sacrae Pœnitentiariæ eget dispensatione. Duo igitur Religiosus ille formabit Memorialia, unum pro foro externo, alterum ad Sacr. Pœnitentiariam: in illo præscindet ab impedimento affinitatis, & super sola cognatione spirituali dispensationem petet: sed in posteriori, ad S. Pœnitentiariam mittendo, utrumque exprimet impedimentum, non quidem ea ratione, quod hoc Tribunal etiam dispensare soleat in impedimento publico, sed quod difficilius dispenseset, dum matrimonio duo impedimenta obstant. Sanchez l. 8. d. 23. n. 7. Justis, & cum communi Reiff. in Append. ad 4. n. 153. accedente declaratione Cardinal. & Stylo Cuius:

308. Porrò quantum ad expressionem affinitatis, explicare debet, eam esse in primo gradu lineæ transversæ ex copula illicita: & quantum ad cognitionem spiritualem, necessariò quidem exprimere

met, eam esse compaternitatem spiritualem (nam in filiatione, & paternitate difficultimè, & non nisi ob valdè urgentem rationem dispensatio conceditur) & simplicem, ex munere patrini provenientem: necesse tamen non est significare, utrum ex Sacramento Confirmationis, vel Baptismi descendat, cum sit quodammodo eadem compaternitas. *citt.* Causam autem, quam adducet, colliget ex Saturno, quô videlicet, motiô ducatur ad Terentiam. Ubi advertendum ex doctrina Practicorum in hac materia, ad dispensandum in impedimentoo affinitatis ex copula illicita, etiam in primo gradu, tamen ante, quam post contractum matrimonium in foro interno sufficere quamcumque rationabilem causam: quod sit longè minus impedimentum, quam ex copula licita ex N. 299. tum quod præcludatur periculum cuiusvis scandali, aut admirationis sinistræ, dum pro foro interno tantum res agitur. Pro dispensatione verò in compaternitate spirituali sufficit aliqua ex ijs causis, ex quibus dispensari solet in impedimentoo consanguinitatis, cui cognatio spiritualis assimilatur. Vide *citt.* & alios.

Prosecutio Casūs.

Hac instructione accepta, duo Religio-
sus

sus ille formavit *Memoralia*, & adveniente duplice quoque *Dispensationis Rescripto*, ab ijs, ad quos directa erant, observatis clausulis legitime, & prout *Juris est*, dispensatum fuit cum *Saturno*, & *Terentia*. Contigit vero, quod non tantum *Saturnus* ante diem nuptiarum sponsæ suæ carnaliter commixtus fuerit, sed *Tiberia* quoque Soror illius, tanquam congressus *Saturni* jam aliquando assuetæ, se aliquo post matrimonium tempore iterum cognoscendam præbuerit. Quid in his judicandum *Confessario*, cui *Saturnus* confitetur?

309. *Respondeo*: *Confessarius* judicabit, copulam *Saturni* cum *Terentia* sponsa fuisse simplicem fornicationem, non vero incestum: quia licet ille fuerit affinis *Terentiae*, per dispensationem tamen factam cessavit affinitas *Theologica*, seu quoad omnem *Juris effedum*, conformiter ad probata supra N. 294. Nec est ratio, ut casset incestus in ijs gradibus, in quibus per legem aliquam generalem sublata est affinitas, non vero, dum auferitur per dispensationem. *Sanchez l. 7. d. 67. n. 9. Caram. n. 3807. Theol. fund. l. 3.* benè inferens, sufficere, si *Saturnus*, aut *Terentia* se accusent in confessione de simplici fornicatione.

Copu-

Copula verò Saturni cum Tiberia non tantum est adulterium, sed etiam incestus propter affinitatem, quam cum illa contraxerat tūm ex copula illicita ante matrimonium, tūm ex licita, post illud cum Terentia sorore habitā. Et quia per hoc incestuosum adulterium factus iterum est affinis suæ uxoris, non audet amplius petere debitum ab illa per dicta N. 301. & seq. Addunt nihilominus DD. quod si contingeret, uxorem rarissimè, aut nunquam petere debitum ob verecundiam, simûlque adverteret, eam carnis agitari stimulis, licita esset modesta insinuatio copulæ, interrogando v. g. uxorem, an grata esset &c. ex una siquidem parte satisfit uxori, & præcavetur in illa alterius peccati periculum: ex altera verò vir non petit directè debitum, sed offert se tantum ad illud, redditque potius, dum illa consentit.

Attamen non raro periculoso in praxi videtur istud remedium: dum enim maritus sanus, robustus, ac nulla indispositione impeditus, intermittit exactiōnem debiti, quod hucusque non solebat, aut se tam timidè insinuat: non imerito suspicabitur uxor, illum vel ex admissio aliquo crimine impeditum, vel amorem erga se valde diminutum esse: Hinc sem-

per ejus eram opinionis, quod maritus incestuosus in casu sinistræ ejusmodi suspicionis, modò probabilis fuerit, absque culpa petere valeat debitum. Ratio solida esse potest, quod ex communi principio Ecclesiæ Leges, vetantes petitionem debiti, non soleant cum tanto damno (periculô nempe perdendi honoris, & famæ ex subdoratione secreti sceleris, diminutione affectus conjugalis &c.) obligare, ut argumentatur Cara. l. c.n. 3799.

310. Cœterūm perbenē aget Sturnus, si quamprimum poterit, dispensationem petet, & liberationem ab ea pœna privationis. *Sed à quo eam impetrabit?* Respondeo, non tantum à Papa, Episcopo, Capitulo, vel Sede vacante, sed etiam à quovis Confessario Mendicantis, sive alterius Ordinis, qui Mendicantium privilegia participat. Et hoc vi Bullæ Eugenij IV. in qua anno 1436. Benedictini Congregationis Cassinensis pridie Calend. Julij (& reperitur in Bullario Cassinens. T. I. Const. 36. ac à pluribus DD. refertur) idem privilegium conceditur, juncta declaratione Bullæ illius à Julio II. facta, & ejus jussu à Ludovico Cardinale, & Pœnitentiario notificatâ, quam cit. Reiff. per extensum in formalibus adducit. Præcipitur autem in illa, à dispense

sante

sante salutarem pœnitentiam esse injungendam, & quidem gravem secundum P. Elbel de matr. n. 234. citantem Portet tom. I. Respon. moral. p. I. cas. 2. in memoriam utique beneficij dispensationis à perpetuo impedimento petendi debitum.

311. *Si dubitas: utrum Confessarij Mendicantes debeant esse à suis Superioribus Generalibus, aut Provincialibus specialiter deputati, ut prædicta facultate uti valeant?* Respondet cit. Reiff. n. 576. & seqq. certum esse, eos ut dispensent ad petendum, dum conjuges ex voto castitatis emissio, privati existunt, non indigere licentiâ sui Superioris, hōc ipsō, quod sine tali licentia possint in ipso voto vigore suorum privilegiorum dispensare. Si autem privatio juris petendi debitum oriatur ex affinitate superveniente, ut in proposito casu, vi concessionis Leonis X. factæ PP. Augustinianis per totum mundum existentibus, quod possint post matrimonium, in primo gradu affinitatis scienter, aut ignoranter contractum, modò notorium id non fuerit, neque in judiciū productum, dispensare cum conjugibus, ut de novo contrahant, & in eodem contracto remaneant (quam concessionem cum Rodriguez nostro adducit P. Reiff. cis. n. 543. & Consentit Veracruz, deſu-

mitürque ex Richardo Roffensi Episco-
po, & Martyre in Anglia in suo libello de
causa matrimonij Regis Angliæ, de cu-
jus fide non audet dubitare Cassaing *de*
privil. Regul. tr. 5. c. 5. Novissimè item
P. Kazenberg. in *Suppl. Decalog. Theol.*
Patris Sporer c. I. sect. 4. n. 390. quāmvis
hi advertant, ut passim nemo eā utatur,
sed urgēte tantūm necessitate, de quo vide
citt.) vi hujus, inquam, privilegijs coi-
dit P. Reiffenst. Confessarios Mendicanti-
um non egere speciali delegatione suorū
Superiorum ad dispensandum in priva-
tione petendi debiti eō , quod ex dicto
privilegio non sit illis necessaria , ut di-
spensent in ipso impedimento affinitatis,
minus igitur necessaria est, ut dispensem
super impedimento petendi debitum ,
quod ex affinitate procedit, quō quadrat
Reg. 53. I. in 6. cui licet, quod est plus, licet
utique, quod est minus, dum minus conti-
netur in majori. Sanch. l. 8. d. I. n. 35.

Hoc tamen non obstante, usu recep-
tum videtur in Provincia mea , quod
A.A. R.P. Ministri Provinciales post sui
electionem, in Pastoralibus , per singulos
Conventus publicari solitīs , omnibus
Confessarijs concedant dictā facultatem.
Quāmvis enim secundum prædictam sen-
tentiam speciali concessione minimè opus
forer,

foret, nequit tamen negari, eam ad maiorem deservire securitatem, & Confessarios ab omni imaginabili scrupulo liberare. Cum hoc tamen stat, Superiores suis subditis posse auferre potestatem dispensandi: quamvis enim ad eam non indigeant licentiā Superiorum, credo tamen requiri, ne sint contrarij, & hoc propter plenam subordinationem subditorum ad Superiores.

312. Denique utile est scire, Mendicantes Confessarios posse quoad petitionem debiti dispensare etiam extra forum Sacramentale; item cum Personis incognitis, & absentibus. Petrinus itaque carens facultate, dum occurrerit Pœnitens incestuosus, & ob id jure petendi debitum destitutus, benè ager, si ex instructione P. Gobat tract. 10. n. 604. Sporer n. 483. &c. scripsiter alicui ex Mendicantibus, aut Communicantibus in illorum privilegijs, ut dispensare dignaretur cum NN. (sublicito nomine vero) si enim responsum dispensationis obtinuerit, salva res est. Attendant autem, ne pœnitentiam salutarem juxta dicta N. 310. imponere negligat. Item, ut rationem, & motivum dispensationis exprimat, quod vix deesse potest, periculum videlicet incontinentiæ, si debitum

non peteret: aut ne petendo, cùm sit in continua occasione, & aliás petere solitus, delinquat: vel ne malæ suspicionis ansam præbeat, si præter solitum petere intermitteret: diminutionem amoris cau-saret &c.

Impotentia.

313. **P**RÆSENS impedimentum expla-nari nequit absque verbis parùm verecundis, à quibus infirmi, incauti, & vitiosè curiosi scandalum ruinæ in mate-ria de se lubrica sumere valent. Nihilo-minus quia perfecta illius notitia sumè necessaria est iudicibus utriusque fori, interni, & externi, prætermitti non debet, ita tamen, ut ad cavendum mali pe-riculū non legatur curiosè, sed monente P. Pichler ad tit. de frig. n. 1. ex necessi-tate doctrinæ tantùm, pura intentione, & invocato Divino Numine.

§. I.

Explicatio Impotentiae.

314 **A**LIA est impotentia coëundi, alia generandi. Prima impedit co-itum viri cum fœmina, qui ad genera-tionem prærequiritur: secunda stat cum il-lo, & impedit generationem tantùm, di-citurque sterilitas.

315. De sterilitate, seu impotentia generandi nullus hic sermo erit, cum satis constet ex praxi Ecclesiæ, eam matrimonium minimè impedire: posset enim homo dimittere sterilem uxorem, & ducere, de qua filios habeat, & tamen non licet c. 27. xxxii. q. 1. & qui id fecerit, adulterij crimine damnatur. Homines siquidem post lapsum, deperditō frēnō Justitiæ originalis (ut loquuntur Theologi) quæ impetum belluinium partis inferioris reprimebat, ad aquum conjugalem nimis proclives effetti, indigebant remedio matrimonij, quō uti possent ad vitandam incontineniam, licet illud primitus non nisi ad procreandam sobolem institutum fuerit. c. 14. xxvii. q. 1. Nuptiarum bonum semper quidem est bonum: sed in populo DEI fuit aliquando legis obsequium: nunc est infirmitatis remedium; quam infirmitatem agnoscēs D. Paulus 1. Corinth. 7. monuit: propter fornicationem (vitandam) unusquisque (qui continentiae servandæ ex virtute insudare nollet) suam uxorem habeat, & unaquaque suum virum habeat.

316. Impotentia coëundi, quæ facit ad propositum, vel afficit virum, vel fœminam: & quidem hanc fermè semper ex nimia arctitudine vasis genitalis, aut ex maleficio. Virum autem vel ex defec-

tu membra, vel utriusque testiculi: aut ex improportione membra, quia est nimium breve, vel excessivè crassum: aut complexione, ut si sit naturæ præter solitum frigidæ, quæ non sufficit ad erigendam virgam, vel ita calidæ, ut ante penetrationem vasis fœminæi, præfertim ardoris, semen effundat.

317. Constat autem, aliquando impotentias oriri ab intrinseco, seu à natura, aliquando ab extrinseco, & frequenter à maleficio ope Dæmonum: vir enim de se potens ad coëundum cum tali muliere, potest per operationem diabolicam ad instantiam magi, aut sagæ impediri à coitu: *D'Eus* namque, inquit Scotus 4. d. 34. q. un. permittit *Dæmones* exercere potestatem suam (quam ceteroquin ligatam habent, ne ad libitum nocent) ad impediendum aliquos ab aliquibus actibus, in quos possent, si non essent impediti. Et nosco duas maritatas, quæ hujuscemodi ligaturam (maleficij impotentialigatura dicitur) passæ erant. Porro ad illam dignoscendam bonū signum esse videtur, si vir ad alias fœminas sit potens, non vero ad suam uxorem, in qua tamen nihil impedimenti ad copulam advertitur. Item si vir usque ad coitum se potentem sentit, sed dum illum inchoare

re conatur, insolitum languorem in virga experitur, quæ à necessaria unctione remittit.

318. Item impotentia est quandoque respectiva tantum, ut si vir cum hac congregari nequit, quia nimis strictum vas illius referare nequit: vel quia illius grossum membra latiora muliebria postulat. Quandoque vero *absoluta*, dum scilicet vir nullam cognoscere, vel mulier à nullo cognosci potest. Item est vel *perpetua*, vel *temporalis* tantum, quarum explicaciones vide §. seq. N. 324. & seqq. Denique potest advenire vel ante contractum matrimonium, vel post illud: v. g. ex diuturna infirmitate, vel nimia evacuatione sanguinis.

§. II.

Impedimentum Impotentiae

319. Declarat Alexander III. generaliter: qui impotentes sunt, minime apti ad contrahenda matrimonia reputantur. c. quod Sedem 2. de frig. & malefic. patet que ex pluribus alijs locis per decursum. Ratio à priori valida sumitur à natura matrimonij, quod dicit contractum translativum mutuae potestatis conjugum in corpora ad usum, seu actum conjugij: cum igitur nemo det, quod non habet, ille

qui non potest habere usum sui corporis, ne quir eum alteri date, nec se obligare alteri ad illum per Reg. 6. I. in 6. nemo potest ad impossibile obligari: per consequēs nec matrimonium celebrare. Ex quo.

320. Optimè concluditur, absolutam, & perpetuam impotentiam, quæ matrimonium antecedit, dirimere quodcumque impotentis matrimonium, respectivam verò non nisi cum illa celebrandi, respectu cuius aliquis impotens est.

Dixi: quæ matrimonium antecedit: si enim illud subsequitur, non dirimit, aut dissolvit: nam bi, qui matrimonium sani contraxerunt (& potentes) & uni ex duobus amentia, aut furor, aut aliqua infirmitas accesserit; ob hanc infirmitatem conjugia talium solvi non possunt. Similiter sentiendum de his, qui --- aut membris truncantur, aut à Barbaris ex seclii fverint, & impotentes facti. Hinc indubitate est sententia, matrimonium consumatum non nisi morte unius, ratum verò professione religiosa per dicta N. 65. & seq. dissolvi, aut probabilius etiam dispensatione Sedis Apostolicæ, ad quam superveniente impotentia unius conjugum utiliter recurri potest.

Dixi etiam: perpetuam. Nam qui aliquando potens erit, valet matrimonium con-

contrahere: nec est necesse, ut quis actu, dum promittit, aut se obligat, possit usum corporis dare, cum dabilis, immo ordinaria sit obligatio ad futuram solutionem. Speciale quid est de impotentia defunctu ætatis, de qua *infra S. 4. N. 354.* & seqq.

321. Concluditur item, posse quidem impotentes contrahere in ordine ad castè vivendum, seu ad vitam socialem, & obsequia humanitatis invicem præstanta, atque ex hoc fine simul habitare (nisi à periculo incontinentiæ prohibeantur) attamen contractus iste (quidquid velint Pauci aliqui) matrimonium non erit. Matrimonij siquidem contractus essentia-liter requirit potestatem datam, & acceptam in corpora ad usum, juxta illud *mulier sui corporis potestatem non habet, sed vir.* Similiter &c. *I. Corinth. 7.* Unde qui sibi, exclusa, vel impossibili hac potestate alium finem præfigerent, attamen matrimonium inire vellent, pugnantia involuerent, dando nimirum eam potestatem vi matrimonij, & non dando ratione impotentia. Caram. *I. 3. Theol. fund. n. 3812.* & agerent contractum chymericum. Mastrius *4. d. 7. n. 416.* qui etiam plura absurda inde deducit. Dum vero contractus impotentium vocatur
quanc-

quandoque vinculum , aut *retinaculum* conjugale, utc. *requisisti.* xxxiii. q. 1. intellicitur retinaculum putatitium du-taxat , quod *ibidem* dissolvendum dicitur , cùm tamen verum , & proprium conjugij vinculum dissolutionem refugiat. Pichler 4. tit. 15. n. 5. & alij.

322. Per hæc tamen non negatur , matrimonium esse posse in quibusdam in humanitatis solarium. c. 41. xxvii. q. 1. & non propter solam procreationem filiorum , sed propter ipsam naturalem in diverso sexu societatem , ut loquitur S Aug. de bono conjug. c. 3. Dummodò tempore initi matrimonij non desit potentia ad coitum , ut possit facultas ad illum alterutrum dari , licet ea conjuges nunquam utantur , sed ad dictos fines conjugium contradictum dirigant , ut docent Sanctorum exempla varia , qui in conjugio permansere virgines.

323. Ex quo salvatur proprietas matrimonij B. V. MARIÆ cum S. Josepho : quamvis enim ratione voti nullum viri congressum admittere potuerit , ut Scotus cit. d. 30. q. 2. colligit ex Evangelio *Luc.* 1. rectè tamen se obligavit ad illum congressum , non quidem absolute , sed ut Idem ait , *sub conditione implicita , si petatur.* Potest equidem stare domi-

dominium in corpus sine voluntate illō
utendi, licet non sine potentia usus.

Nec inferas, B. Virginem violati
voti ream esse, si animum etiam condi-
tionatum ad copulam habuit, quæ ex
absoluto integratatis voto sub nulla con-
ditione licita erat: & quidem eō magis,
quod voventibus virginitatem non solum
nubere, sed etiam velle, damnable est. c. 2.
xvii. q. 1. ex S. Hieron. Nam stante cer-
titudine, quod actus conjugalis nunquam
exigetur ab altero conjuge, se sub condi-
tione, si exigetur, ad illum obligare,
nullam mali rationem involvit: cùm
enim votum interdicat actum tantum,
non video, quomodo violetur per puram
traditionem potestatis sine ullo periculo
actus? Quod autem B. Virgo desuper
certificata fuerit, actum nunquam à
S. Josepho petendum, persuadet sibi
Scotus l. c. indubitanter, quem vide: U-
nà quoque conclude, hōc ipsō, quod alia
aliqua fœmina, voto integratatis adstric-
ta, non foret certificata, à marito nun-
quam debitum petendum, non posse sine
laſione voti matrimonium contrahere,
quia se exponeret periculo manifesto ad-
mittendi actus. Sed his incidenter adno-
tatis, redeundum ad superiora

324. Quæres , quæ impotentia sit perpetua ? Respond . genericè loquendo eam esse, quæ per artem , naturam , aut medium aliquod licitum auferri nequit. Sed specificè loquendo

325. Ejusmodi impotentia I. est , cui absque vitæ, vel gravioris etiam morbi periculo subveniri non potest. Colligitur ex c. fraternitatis. de frig. ubi Innocentius III. postquam dixisset , impedimentum impotentiae non fuisse perpetuum , quod absque corporali periculo potueris removeri (unde à contrario sensu quod non potest sine dicto periculo removeri , perpetuum est) concludit infrā , à fortiori arctitudinem sœminæ esse perpetuam , quæ sine tam gravi violentia incidi nequit , ut ex ea mortis periculum timeatur : quæ enim sine periculo vitæ fieri nequeunt , impossibilia reputantur : & quia gravior morbus adfert periculum vitæ , illius periculum vitæ periculo moraliter æquiparatur , ut notat Sanchez l. 7. d. 93. n. 18.

Quando autem hujusmodi periculum in curatione impotentiae sublateat , periti Chirurgi , & Medici scient , qui propterea etiam advocandi erunt , & desuper audiendi . Et si opus fuerit , mulierem ab illis visitari , non debet illa vereri id admitt-

mittere, tanquam rem utilem, & necessariam ad honestum finem, a quo pendet valor matrimonij. Scribunt quidem SS. PP. contra visitationes virginum, quae illarum pudori, & verecundiæ adversantur, sed non respiciunt maritatas, quæ cum corpus maritis exposuerint ad usum carnalem, virgineam verecundiam non amplius præseferunt. Marchant. tom. 3. Trib. Sacr. p. 3. tit. 1. tr. 4. q. 1. nisi vitæ Monialium, quod matrimonio nondum consummatō facere possunt, profiteri velint.

326. Econtrario *infero*, perpetuam impotentiam non esse, quæ cum gravitantum dolore curatur. Nam uxor aliunde dolorem sustinere tenetur, ut apta ad congressum facta, juri mariti in redditu debito satisfacere valeat, & tam in se, quam in illo periculo incontinentiæ obviare. *Accedit*, multas esse, quibus tam strictum est vas, præsertim ante partum, ut abique sensibili dolore cognosci non possint, prout de fœminis Indiae occidentalis scribit Gundisalvus in *sumario de India Occident.* c. 10. nec tamen impotentes ad matrimonium æstimantur. Hujusmodi ergo impotentia temporalis tantum est, & cum matrimonio compatibilis.

327. *II.* Perpetua impotentia est, quæ citra miraculum tolli non potest, per textum c. fraternitatis. cit. ubi Papa ait, impotentiam non fuisse perpetuam, quæ præter *Divinum miraculum* potuit removeri; ut enim morbus dicitur immedicabilis, et si Divinitus curari possit, ita impotentia dicitur incurabilis, quæ nullum humanitùs remedium habet. *Citra miraculum*, inquam, non citra virtutem Divinam. Absolutio à peccatis per Sacramentum Pœnitentiaz fit quidem virtute Divina ad ministerium Sacerdotis: quia tamen ordinaria est, miraculosa non dicitur: sic etiam impotentia maleficij per Exorcismos, & preces &c. virtute Divina cessat, sed quia Exorcismi sunt media usitata in Ecclesia, & ordinaria, miraculi ratio non intervenit.

228. *III.* Impotentia denique perpetua est, quæ absque interveniente culpa nō tollitur; cum illicita sint in Jure impossibilia: ut generaliter dixerim, quæ contra bonos mores sunt, nec facere nos posse credendum est. *L. filius*, qui ff. de condition. Inst. & DD. Regulam 6. I. in 6. nemo potest ad impossibile obligari, intelligunt etiam de morali impossibilitate, ex peccato ortâ. Et hoc etiam respectu infidelium verum arbitror, qui etiam tenentur peccata vitare.

Quo-

Quocirca fœmina, cuius vulva instrumento dilatari potest (novit Caracit. n. 3810. magnam Principem, quæ nimis arcta nummō aureō à matre relaxata fuit) licet in eo opere pollueretur, perpetuò impotens non est, quia passio pollutionis, ex opere licito provenientis, culpā caret, modò desit consensus. Impotentia autem maleficij, quæ non nisi aliō maleficidō tolli potest, perpetua est, cum recursus ad maleficium non tantum Jure humano pluribū Canonib. caus. xxvi. q. 2. interdictus sit, sed etiam Divinō: non declinetis ad magos, neque ab ariolis aliquid sciscitemini. Levit. 19. & alibi. Nec excusat bonus finis tollendæ impotentiae ad firmandū matrimonium. Monet enim Apostolus ad Rom. 3. non faciamus mala, ut eveniant bona. Vide Martin. Delrio l. 6. disquisit. magicar. q. 2. Sed occasione hujus

329. Nota varios curandi maleficium impotentiae modos. Unus præscribitur c. 4. xxxiii. q. 1. ut ligati per preces, eleemosynas, orationes, expiationem conscientiae Domino satisfaciant ; & per Exorcismos, ac cœtera Ecclesiasticae disciplinae munia Ministri Ecclesiæ tales, quantum Dominus annuerit . . . sanare procurent.

Alium modum subministrat Scotus
C 6 1. 61

l.c.d. 34. q. un. dicens: si tamen Deus
(preces) non exaudiat, tunc si sciretur ma-
leficium, & destrueretur, dæmon non fati-
garet cum amplius (impediendo copulam)
quia ex pacto non assistit, (regulariter) nisi
dum durat aliquod signum v. g. acus curva-
ta, aut capilli, pilli, frusta olæ &c. invo-
luta, & lecto conjugum, aut postibus do-
mūs supposita. Nec scrupulizandum, u-
trū modus iste liceat: non enim solum licet,
aut idem, sed est meritorium destruere opera
diaboli. Nec in hoc est aliqua infidelitas,
quia destruens non acquiescit operibus mali-
gnis, sed credit dæmonem posse, & velle fa-
tigare, dum tale signum durat, & destrucțio
talis signi imponit finem tali vexationi, ut
constat in fœmina mihi nota, quæ hâc
viâ à suo Confessario feliciter adjuta erat.

Imò destrucțio, & oblatio talis signi
potest licetè peti ab ipso mago, aut saga
(nunquam tamen à dæmonे) dumodo
sine novo maleficio fieri possit, de quo an-
tecedenter interroganda est. Et si affir-
met, se posse pura oblatione signi male-
ficium tollere, licet id deinde non faciat,
nisi per aliud maleficium, tota culpa re-
dundabit in sagam tantum. Vide Sanchez
l. 7. d. 94. & seq. & Delrio cit.

Alius iterum modus curandi malefi-
cium petitur ab arte medica: cùm enim
dæ-

dēmon viꝝ aliter operetur in corpora humana, quām applicando activa passivis, experientiā didicimus, inquit Caram. cit. peritos Medicos aliquando prævaluuisse.

§. III.

Modus procedendi cum impotentibus.

330. **I**N utroque foro tutè sustineri potest, & præsumi, impotentiam, de qua dubitatur, an fuerit antecedens, vel sit subsequens matrimonium, esse antecedentem, & matrimonij annullativum: cùm enim & antecedere, & subsequi possit, nec sit ratio urgens credendi, eam subsequam potius fuisse; id rationabiliter præsumitur, quod cedit in favorem conjugis, & fini matrimonij non præjudicat: & hoc est præsumere impotentiam antecessisse; stante etenim impotentia, finis matrimonij cessat, quia copula non licet, promovetur autem favor conjugis, qui ob impotentiam antecedentem aliud cojugium inire, prolem generare, & suæ incontinētiæ satisfacere potest, quapropter illud exc. 47. de testib. tolerabilius est aliquos contra statuta hominum admittere copulatos, quām conjunctos legitimè contra statuta Domini separare: ex quo communiter dicitur, in dubio standum esse prævalo-

re matrimonij: verum est in dubio ejusmodi tantum impedimenti, quod non impedit usum matrimonij: ad quid enim sustinendus in dubio valor matrimonij, qui nulli usui deseruit? Ex Abbe, & alijs Reiff. ad tit. de frigid. n. 28. In casu igitur impotentiae causa matrimonij non censetur esse favorabilis.

331. Id etiam in utroque foro notandum, quod quocunque tempore conjux contra matrimonium reclamaverit ex impedimento impotentiae, audiri debeat ad eam probandam: nam c. fin. de frig. post 8. annos audita fuit mulier, & meritò, cum matrimonium ab initio invalidum tractu temporis non convalescat: non firatur tractu temporis, quod ab initio non subsistit. R. 18. I. in 6.

His præmissis pro quovis foro distinc-

tè procedendum. Et imprimis

In foro interno.

332. Cōfessarius interroget pœnitentē, an aliquando saltem matrimonium consumaverit? si ita, illud est validū per dicta N. 320. quia certum est stante consummatione matrimonij impotentiam non suisse antecedentem.

Suggeret autem varia remedia, & cōsilia pro diversitate impotentiae. Et quidem pro maleficio habet remedia N. 329.

pro

pro frigiditate viri diriget impotentem ad Medicos. Si autem proveniat ex arctudine, & matrimonium non erat longo tempore antecedenter contractum, admittet Confessarius probationem ulterioris copulæ, donec probabilis spes superfuerit, eam perficiendi: nec timenda est profusio seminis extra vas: nam ex matrimonio contracto exurgit jus ad copulam, quô nullus conjugum privari debet, donec certū non fiat, copulam esse impossibilem. Id tamen cavendum erit, ne complacentiam ex pollutione conjux concipiat, ut Moralista generaliter advertunt pro omni casu, quâ pollutio præter intentionem, & indirectè sequitur.

Sed quanto tempore durat probabilis spes perficiendi copulam? Respond. in Jure assignari tempus triennij, de quo infra N. 341. Dum igitur certum non fuerit, impotentiam esse incurabilem, conjuges per triennium cohabitare, & operi conjugali vacare valent.

Dixi suprà: & matrimonium non erat longo tempore antecedenter contractum. Si enim per triennium conjuges jam copulati, frustrâ tentârunt copulam, non video, illis ulteriorem probationem concedendam, cum per lapsum tanti temporis prudens spes evanescat perficiendi

copulam. Si tamen iudicio Medicorum &c. impotentia curari potest sine pericu-
lo gravioris morbi, aut vitae, nec media
curationis unquam adhibita fuerunt,
etiam post lapsum triennij adhiberi de-
bent, ut medicinæ, incisio fœminæ, Ex-
orcismi &c. per dicta *in superioribus*.

333. Si nec per experimentum tri-
ennale, nec virtute mediorum poten-
tia recuperari valuit, interdicet Confes-
sarius testamentum ulterioris copulæ;
dum enim moraliter constat, illam esse
impossibilem, profusio seminis, quæ in
conatu ad copulam succederet, absque
peccato admitti nequit: unde etiam se-
parationem tori injunget: quis namque
credet, conjuges in eodem lege securos
esse, & tutos ab ulteriori attentatione
copulæ. Sed oscula, amplexus &c. qui
proximè ad pollutionem non disponunt,
exercere possunt: nam per hoc, quod
sunt privati jure ad copulam, non sunt
privati jure ad oscula, amplexus &c. Id
tamen mihi nullò modō probatur, quod
cum Sanch. d. 102. n. 7. aliqui volunt, vi-
to scilicet post matrimonium orbatō am-
bobus testib⁹ licere adhuc copulam eō,
quod per accidens eveniat, verum semen
non emitti; & alias cum semine sterili li-
cita est copula. Nam sine semine non da-
tur

tur copula conjugalis: cùm igitur castra-
ti non habent semen per dicenda N. 351.
cepulam exercere non possunt, proinde
nec dicendi sunt uti jure conjugali, dum
congregiuntur, sed potius incitare uxorē
ad pollutionem, quod nunquām licet.
Nec est paritas de semen sterile habenti-
bus; cùm aliud sit, semen sterile, aliud
autem nullum semen habere: alias sicut
sterilis potest contrahere matrimonium,
ita & Eunuchus, quod nec AA, admitte-
re audent propter dicenda l. c.

334 Ultimatim advertet Confessa-
rius, si impotens conjux quacunque tan-
dem ratione evaserit potens, illi licitum
fieri usum conjugij, qui ratione matrimo-
nij semel validi semper licitus est, dum
illum impotentia, aut aliud quid non
impedit. Dixi: quacunque tandem ratio-
ne, id est, etiam per maleficium. Neque-
unt quidem conjugati maleficō procura-
re potentiam, procuratā tamen licetē u-
tuntur, quia peccatum non manet in usu
illius, sed tantū in procuratione: sicut
etiam meretrix impunē utitur pecuniā,
quam opere meretricio peccaminosē ac-
quisierat.

335. Atque hæc sunt notanda Con-
fessario, dum pœnitens fatetur, impotē-
tiam supervenisse matrimonio: aut dum
de eo dubium fuerit.

Sed

Sed quid, dum conjux asserit, impotentiam antecessisse? Respond. Confessarius, si id paulò post initum matrimonium resciat, inducit impotentem, ut experiatur, an impotentia sit curabilis per media superius insinuata; ad ea enim omnino tenetur ad videndum, utrum matrimonium sit validum. Si vero sit incurabilis, vel quia periti testantur, vel quia per plures annos expertus est, se nunquam potuisse matrimonii consummare: videat Confessarius, an conjuges sciant, matrimonium esse nullum, aut saltem de eo dubitantes informari cupiant? Si ignorant (recordor foeminae, quæ duorum maritorum successivè per plures annos uxor, nescivit matrimonia sua esse defectu potentiae nulla: sed causa tandem ad Consistorium delata, declaratum erat matrimonium invalidum, data marito facultate ad alias nuptias transeundi) si ignorent, inquā, & Confessarius unà quoque præviderit, quod conjuges, tot annis cohabitantes, ob publicam confusionem non sint ab invicem discessuti, neque si simul permanserint, agitus, veris conjugibus licitos, omissuri: necessario dissimilabit nullitatem matrimonij, conjuges in bona fide, & errore materiali permitten-
do, ne veritatem aperiendo, eos evidenti-

gra.

gravium peccatorum periculo exponat
per universaliter dicta N. 158. in casu cu-
juscunque impedimenti ignorati, & ad
præsens instruit P. Karg. in *Manual. Ca-*
nonio. Theologico &c. p. 1. de administ. Sa-
cram. matrimonij n. 51.

Si verò conjuges sciant nullitatem
matrimonij ratione impotentia perpet-
tuæ, aut saltem dubitent, & interrogent,
veritas simulanda non est, sed nullitas
matrimonij detegenda, & omnis actus,
qui conjugibus licet, omnino interdi-
cendus.

336. *Quid ergo consulat Confessari-*
us? Respond. Si conjuges nolint in Judi-
cio agere ad declarandam nullitatem ma-
trimonij: nec etiam insimul habitare tan-
quam frater, & soror, aut si hanc cohabi-
tationem impediret periculum inconti-
nentiæ: suadebit, ut impotens Religio-
ne in ingrediatur, quo casu, si id saltē pro-
batum fuerit, quod matrimonium nec-
dum sit consummatum, integrum est al-
teri coniugi petenti, & in sæculo rema-
nenti ad alias nuptias transvolare: quia
per professionem unius dissolvitur matri-
monium ratum etiam validum. Si verò
pec ostensum fuerit, matrimonium non
esse consummatum, conjux potens hoc
ipsò, quod supponatur in foro Ecclesiæ

illud esse validum, & consummatum, ante mortem conjugis professi non audet alias nuptias celebrare, ne generetur scandalum in publico: quāmvis si id ficeret, nuptiæ forent validæ, cūm non obstaret matrimonium antecedens, quòd à parte rei nullum est ratione impotentiæ, per dicta de *Impedim. Ligaminis.*

Si verò conjuges separari cuperent, & conjux potens ad aliud matrimonium aspiraret; vel si impotentia foret aliunde notoria, & ex ulteriori cohabitatione scandalum resultaret; diriget eos Confessarius ad Reverendiss. Consistorium, ut in eo probent impotentiam ad obtinendam nullitatis sententiam. Nec unquām admittet Confessarius, ut sine sententia Judicis à publicè contracto matrimonio recedant; tūm ut vitetur scandalum: tūm quia conjuges facile fingerent impotentiam ad annullandum matrimonium, si ad concludenter probandam impotentiam non tenerentur: tūm denique quia etiam ob notorium impedimentum consanguinitatis non licet vinculum matrimonij absque judiciali sententia infringere: quòd si etiam parentela esset publica, & notoria, absque judicio Ecclesiæ ab ea (sua conjugi) separari non potuit Comes ille, qui id attentasse narratur c. porrò 3. de *divort.*

337. Pariter ad Judicem remittet causam, dum unus conjugum allegat impotentiam, altero negante, & allegans non vult alteri ut frater, aut soror cohabitare (præcisō periculō alicujus actus illiciti) impotentia enim redditur dubia, & probationes illius in judicio legitimari debent. Alias etiam coniux negans non nisi à Judice cogi potest ad respondendum.

338. Hæc ad instructionem Confessarij pro nunc sufficient, qui quædam alia ex dicendis §. 5. pro suo adhuc munere videre potest.

In foro autem externo

339. Iudex nunquam audaz assertioni conjugum fidem de impotentia præbere audet, sed tunc tantum, dum ea probari potest per verum judicium c. i. de frigidopropter periculum, ne conjuges, facti invicem exosi, impotentiam fingant ad obtinendam separationis facultatem, quæ ratio etiam urget, ne conjugibus, assertentibus impedimentum affinitatis, fides detur: cum & quandoque nonnulli inter se contra matrimonium vellent colludere, & ad confessionem incestūs facile posilirent, si suo judicio crederent per judicium Ecclesiæ concurrendum. c. super eo. de eo, qui cognovit. Probatione ergo opus est.

Sed quali? Respond. in casu, quā ambo fatentur impotentia unius, cāque aliunde non constat, fēmina, si virgo nupserat, & neccum corrupta est, inspici, & visitari debet à duabus saltē matronis bonae opinionis, fide dignis, & expertis in opere nuptiali (sive sint obstetrices, sive aliae) c. fin. cit. tit. de frig. quibus sub periculo animarum imponendum, ut mulierem prudenter inspiciant, & diligenter perquirant, etiam palpando, utrum cogita sit à viro, aut idonea ad viriles amplexus, prout factum in casu relato c. fraternitatis. eōd. suūnque testimoniū juramento roborent, quia nullius testimonio, quantumcunque religiosus existat, nisi juratus deposuerit, in alterius præjudicium debet credi. c. nuper nobis. de testib.

Si matronæ non sufficiunt, quia v.g. licet mulier neccum sit cognita, nescitur tamen, an per artem, & incisionem juvari possit, ut apta fiat ad congressum &c. non verebitur etiam Chirurgos, & Medicos peritos ad sui visitationem admittere per dicta N. 325. cùm sufficiens in tali casu notitia à matronis haberi nequeat. Ad visitationem autem viri vocandi semper sunt Chirurgi, & Medici, quia non videtur, ad quid matronæ deservirent.

341. Facta visitatione si deposuerint,
evi-

evidens, & physicè certum esse de im-
potentia incurabili, aut curabili quidem,
sed non absque periculo gravioris morbi,
vel vitæ: Judex mox declarabit nullita-
tem matrimonij ex suposito, quod im-
potentia antecesserit, aut de eo saltem du-
bitetur per dicta N. 330. Si verò edixe-
rint, eam non esse quidem physicè certā,
sed verisimilia tantum indicia illius
adesse, offerri debet juramentum conjū-
gibus de eo, quod probantes copulam,
nunquām eam consummare potuerint:
exigi unā quoque juramentum septimæ
manūs juxta c. laudabilem. de frig. ibi.
si quod nunquām se cognoverint, ambo fa-
tentur, cum septima manu propinquorum,
vel vicinorum bonæ famæ (sed DD. notant
pauciores, quām septem sufficere vel
propter defectum plurium, vel pro-
pter consuetudinem) si propinquī de-
fuerint, - taliis Sacrosanctis Evangelij
(aut coram Crucifixo, utl̄ juramenta
regulariter fiunt) uterque jurejurando di-
cat, quod nunquām per carnis copulam una
caro effecti fuissent. Ubi notandum, con-
juges jurare de absoluta veritate, alios
autem de eo tantum, quod illi vera de-
ponant, & fidem mereantur, sique ha-
bent juramentum credulitatis.

Si autem matrona, aut Medici asse-
ranc

rant, impotentiam; aut saltem illius perpetuitatem satis non probari, sed dubia remanere, habet Iudex regulam *in cit. c. laudabilem*, ubi Cœlestinus III. ait: in dubio impotentiæ, *sentimus*, ut à tempore celebrati conjugij, si frigiditas (aut aliud impedimentum) prius probari non posset, cohabitent per triennium, & experimentum copulæ capiant, adhibitis etiam remedijs.

Ubi notandum, quod licet aliqui docent, illud triennium computandum esse à die reclamationis, aut sententiae Iudicis: *communior* tamen sententia illud numerat à die primæ copulæ attentata ita, ut si per duos jam annos conjuges eam probârunt, sufficiat unum adhuc annum expectare. Narrat quidem Ludovicus de San Ivan, apud Caram. l. 3. *Theol. fund.* n. 3820. per sententiam Rotæ, à Paulo V. confirmatam, conjugibus duobus nobilis sanguinis, qui per triennium jam cohabitârunt, admissum fuisse aliud triennium, in cuius fine uxor restitutâ potentia feliciter concepit. Sed nesciuntur particulares circumstantiæ, quæ in illo casu Rotam movere. Ceteroquin à *communiori* recedendum non videtur, cùm prudenter concludi possit, copulam esse naturaliter impossibilem, cuius per conti-

continuum triennium non habetur exemplum. Aliud est de Impuberibus, de quibus *infra N. 358.*

Id tamen non nego, in casu maleficij etiam post lapsum triennij concedi posse tempus aliquod ad probandam copulam: quia posset contingere, quod aetate pœnitentiâ de peccatis, & continuatis Exorcismis, forte placet DEO, qui matrimonij fuit institutor, & auctor, ut tandem opus matrimonij consummarent. c. fin de frig. ubi etiam post 8. matrimonij annos ulterius adhuc tempus concessum fuisse legitur. Engel l. 4. tit. 15. n. 6.

342. Dixi suprà N. 340. in Responso: *in casu, quod ambo fatentur impotentiam: dum enim conjuges manent in contraditorio, uno eorum afferente impotentiam, propter quam matrimonium consummari nondum poterat, altero utrumque negante: si coniux potens statim in ipsa novitate post mensem, aut duos proclamaverit, & probaverit impotentiam per rectum judicium (id est per suum, & septimæ manus juramentum secundum superius dicta) separanda est ab impotente ex c. 1. de frig. maxime, si illa ostendebit, se esse adhuc virginem per signa certa, aut verisimilia, quod casu vir nihil efficiet*

ciet, et si contrarium jurare vellet, inquit Sanchez l. 7. d. 109. n. 19. & alij.

Si vero post longius conjugij tempus primum reclamet, habet presumptiōē contra se ex cit. c. 1. de frig. quia si proclamare voluit, cur tamdiu tacuit? citò enim, & in parvo tempore scire potuit, si, (alter conju x) secum coire potuisset. Nisi ergo rationem adducat de dilata reclamatione contra matrimonium, aut per signa physice certa probet impotentiam, vel moraliter saltem evidentia (sed additò juramento septimæ manus per dicta N. præsed.) remitti debet à Judice ad experimentum triennale. Cum alijs Reiffenst.

4. l. 15. n. 55.

343. Probatâ per triennium copulâ, si perfici, & compleri non potuit, idque ambo fatentur conjuges, vir (si voluerit) uxorem et si non ut uxorem, saltem habeat, sīt sororem. cit. c. laudabilem, abstinentiō ratione nullitatis matrimonij ab omni actu solutis interdiꝝ. Si vero pars potens separari cuperet ab impotente, & alias nuptias celebrare, exigitur cit. c. ut prius iterum uterque per justum judicium deducat impotentiam, id est per proprium, & septimæ manus juramentum, nec opus est visitatione, aut inspectione, cum nullibi exprimetur.

Dum

Dum vero vir, & uxor contradicunt invicem, uno, copulam fuisse completā, affirmante, alterō negante, affirmanti acquiescendum est: tūm quia deponit pro valore matrimonij, cuius causa in Jure favorabilis est: tūm quia est in possessione matrimonij, & inde potiorem causam habet per Regulam 65. I. in 6. Excipe; nisi altera pars per certa, & indubia signa impotentiam probet, exemplō c. proposisti 4. de probat. ubi viro dicente, se potentem esse, & matrimonium consumāsse, sed muliere id negante, simūlque per inspectionem integrā suā virginitatē probante, Gregorio VIII. visum erat, quod juramento pueræ, & testimonio illarū 7. mulierum (nec tamen tot ordinariè requiruntur) fides est potius habenda.

344. Ex his omnibus colliges, quod fœmina, si vidua nubat viro, quem deinde impotentem experitur, sed ille negat impotentiam suam, nec per inspectionem convinci valet eō, quod dubia tantum impotentiae signa appareant; vix habeat medium, se dissoluzione matrimonij ab illo liberandi: soli enim mulieris assertioni etiam juratæ contra valorem matrimonij non creditur, & cùm fuerit ante matrimonium corrupta à priore marito, gratis admittet visitationem, ut videretur

eam needum cognitam esse. Sanchez 4.
209. n. 15. & 18.

**Quid agendum post dissolutionem
Conjugij?**

345. Quando probatā impotentia declaratur matrimonium nullum, facultatem habet conjux potens alias celebrandi nuptias. Si dixerit mulier de viro, quod non possit coire cum ea, si potest probare per justum judicium, quod verum sit, accipiat alium. c. 1. xxxiii. q. 1. & alibi sāpē, parētque ex eo, quod stante nullitate matrimonij conjux potens sit omnino liber. Ille autem, qui *absolutè impotens* est, cœlebs manere debet: Vir autem, qui frigidæ naturæ est, maneat sine conjuge. c. requisisti. 2. caus. & q. cit. quia frigiditas viri perpetua facit illum inpotentem cum quaque fœmina coëundi.

Dixi: qui *absolutè impotens* est: si enim respectivè tantum ad hanc v. g. nimis arcta fœminam impotens est, non impeditur ad ducendam aliam, quam cognoscere potest, quia latiore vase prædicta est. Ex quo constat, quod, cum impotentia maleficij sit plerūmque respectiva, ut cum Scoto 4. d. 34. q. un. notant DD. communiter, possit ita impotens aliam ducere.

346. Quid verò agendum, si im-

po-

potens post dissolutum matrimonium
 comperiatur deinde potens factus? Re-
 spond. I. Si impotentia illius ope dœmo-
 nis, vel per miraculum allata erat, non
 est restituendus priori conjugi: impoten-
 tia enim, quæ ejusmodi tantum modis
 tollitur, est perpetua, per dicta §. 2. su-
 præ. Idem est, si impotens factus quidem
 potens est, sed non sine graviori infirmi-
 tate, & periculo vitæ, licet sanus tandem
 evaserit: quia & ille laboravit impoten-
 tiâ perpetuâ ex dictis loc. cit. Idem item
 est de ea, quæ habuit impotentia respec-
 tive ad suum maritum, qui illius claustrum
 strictum penetrare non valuit: non enim
 propterea, quod deinde invenerit fortio-
 rem, priori restituenda est. Nisi ille alter
 fuerit similis conditionis, complexionis,
 & constitutionis corporis cum priore cō-
 juge: tunc enim si cognosci potuit ab al-
 tero, rationabiliter concluditur, quod e-
 tiam à suo marito cognosci potuerit: sic
 que sequitur, impotentiam fuisse tempo-
 ralem duntaxat, quæ non dirimit matri-
 monium: desumitur ex c. fraternitatis.
 de frig. ubi in ejusmodi casu Papa ait: cùns
 pateat ex post facto, quod ipsa cognoscibilis
 erat illi, cuius (NB.) simili cōmiseretur: &
 ideo inter ipsam, & primum virum dicimus
 matrimonium existisse &c. Vide latè San-
 ches

chez l.c.d. 93. & 99. n. 18. Quapropter.

347. Respond. *Il.* generaliter, quandocumque legitimè cōstiterit, conjugem, qui per sententiam separatus erat à suo conjuge ratione absolutæ, & perpetuæ impotentia, esse naturaliter potentem respectu illius, debet iterum illi restituī, etiam relicto secundo conjuge, cum quo deinde matrimonium contraxerat. Ratio est manifesta: quia hōc ipso, quod sit factus naturaliter potens ad cognoscendam suam conjugem, impotentia ob quam separatus erat ab illa, fuit per errorem judicata perpetua, in re verò temporalis duntaxat fuit, quæ non dirimit matrimonium: cùm igitur matrimonium validum fuerit, utique posterius, quod contractū fuit, nullum est, & conjux priori coniugi restitui debet, textu claro c. cit. laudabilem. Verū si ille (qui ibi frigidæ naturæ fuisse dicitur, & proinde absolute impotens) aliam duxerit: tunc hi, qui iuraverant, rei perjurij teneantur (quia scilicet secundum dicta suprà ante separationem jurarunt, se esse impotentes) & peracta pœnitentia cogantur ad connubia priora redire; quod desumptum est ex cit. c. requisisti 2. xxixii. q. 1.

348. Ex his colliges duo: unum est, quod quā primū vir, ex frigiditatē impo-

impotentia canonice separatus à sua conjugi, aliam dicit, hoc secundum matrimonium sit auctoritate Judicis dissolvendum: nam vel est revera frigiditatis impotentia affectus, vel non? si ita: secundum matrimonium est nullum. Si non: primum matrimonium fuit, & manet validum, quod stante secundum est irritum. Aliud est, quod sententia lata contra matrimonium ex ratione impotentiae (aut cujusque alterius impedimenti) non transeat in rem judicatam, seu absolutam firmitatem non retineat: sententia lata contra matrimonium nunquam transit in rem judicatam, habet Sumarium c. lator. de sentent. & re judic. & constat ex alijs cc. ejusd. tit. matrimonium siquidem est indissoluble, & semel validum semper manet validum: hinc licet per sententiam declaretur irritum ratione impedimenti alicujus, si tamen à parte rei non existat, sententia per errorē lata est, & matrimonium remanens firmum, est restaurandum.

§. IV.

Quid de senibus, infirmis, hermaphroditis, eunuchis, & in indebita aetate constitutis sentiendum?

349. **Q**Uæres I. Utrum senes, & in-

firmi sint apti ad matrimonium contrahendum? *Respond.* I. Ex lege quidem *Papia*, & *Julia* non audebant viri post annum sexagesimum, & fœminæ post quinquagesimum contrahere matrimonium: sed Lege illa antiquatâ per L. 27. *Cod. de nupt. & Jus Canonicum*, licitum manet matrimonium senibus in quacunque ætate, modò sani sint ad copulâ perficiendam, docente id praxi Ecclesiæ, quæ ejusmodi matrimonia admittit. Si verò ita exhausti essent, ut nec cibis, nec medicinis juvari possent ad copulam, utique ex impotentia inepti essent ad matrimonium.

P. Sporer *de matr.* n. 123. adducit Henriquez contrariū docentē, eō quod in senibus sit potentia per accidens, cùm semper retineant antea habitam potentiam: additque, hanc Opinionem sequi multos R.R. saltem post factum, ut videlicet ejusmodi connubia jam contracta, tamquam invalida dissolvi non debeant, dummodò post triennalem experientiam copulæ deinde castè vivant. Et ego (ait ultrà) in contingentia facti consultus, semel tantum sic fieri permisi. Verum salvò meliori judiciò, id admittere non auderem ob generale principium, quod impotentia, undecunque oriatur, dirimat-

matrimonium. Et certè impotentia ex maleficio est per accidens tantùm, cùm ligatus retineat potentiam ad alias fœminas, & tamen dissolvit matrimonium secundum *Omnes claro Jure in priorib.* I. S. à fortiori igitur impotentia senum, cùm sit absoluta, irritat matrimonium. Tùm etiam, quia licet senum sit accidens aliquod, & obinde impotentia senum sit accidentaria tantùm, nequit tamen dici, eos potentiam antea habitam retinere, sed potius illam ex superveniente accidēte destruam esse totaliter. Idcirco si per triennium copulam perficere non posse, iudico cum *communissima*, standum pro nullitate matrimonij; præterquam, quod si ex senio orta sit impotentia, per cursum trienij major potius erit, quam ut spes de cessatione illius concipi posset.

350. Respond. II. Praxim Ecclesiæ esse, ut infirmi etiam in articulo mortis ad matrimonium admittantur, casu non raro in illis, qui ante mortem proles ex concubina suscepas, legitimare volentes, illam ducunt, indéque etiam suæ saluti prospiciunt, dum alias illicitum affectum erga concubinam difficulter depo-
nunt. Id tamen limitant *DD.* in illis, quorum potentia habendi copulam, per vim morbi totaliter destruam foret, quo-

rum propterea matrimonium, si cessante infirmitate, per triennium consumari non posset, dissolvi deberet. Sed antecedenter, seu tempore in infirmitate contracti matrimonij impotentia coëundi præsumitur temporalis tantum, ut rechè ex Palaio monet Caram. *cit. n. 3814.*

351. *Quæres idem II. de Eunuchis?*
Respond. Duplicis generis esse Eunuchos: quidam uno tantum, alij utrōque testiculō orbati sunt. Et quām certūm est, primos esse aptos ad matrimonium, quia ad verum semen in copula emittendū unus testis sufficit: tām certum ē converso est, utrōque testiculō carentes, esse ad matrimonium ineptos, quod verum semen non emittant, sed quandam aquosam tantum materiā ex confessione Medicorum, quam aliqui seminalitatem nuncupant: cūm tamen ad matrimonium requiratur potentia copulæ, de se ad generationem requisitæ, quæ sine vero semine non datur. Ajunt quidem Aristotelem *I. i. de generat. animal. c. 4.* referre quendam taurum immediate post castrationē coisse cum vacca, eāmque prægnantem reddidisse. Sed alij negant, illum librum esse Aristotelis: ut ut sit, multa falsa, & impossibilia continet, inter quæ etiam exemplum tauri illius recenseri debet, inquit Caram. *cit. n. 3813.*

Nec

Nec ullum amplius dubium restat de hujus veritate, postquam Sixtus V. declaravit Hispaniarum Legato: mandamus, ut conjugia per Eunuchos, & spadones, utroque testiculò carentes, cum quibusvis mulieribus, sive etiam scientibus contrabibibeas, eosque ad matrimonium quomodo docunque contrabendum, inhabiles auctoritate nostra declares: & rationem addidit: quia impura carnis tentigine, atque immunis complexibus cum mulieribus se commiscent, & humorem forsan quemdam similem semini, licet ad generationem, & matrimonij causam minimè aptū, effundunt. Ex quibus patet, matrimonia similia esse aliunde invalida, & non vi prohibitionis Sixtinæ, quæ nil novi statuit, sed quod aliunde certum erat, declaravit duntaxat. Quid verò dicendum dum quis post matrimonium fit Eunuchus, jam dixi N. 323.

352. Quæres III. idem item de Hermaphroditis, seu utrumque sexum præferentibus? Respond. Quandoque unum sexum alteri prævalere, quod ex iudicio Medicorum pendet, & confessione ipsius hermaphroditi, qui dominium unius sexus supra alterum, majorēmque illius potentiam in se ipso sentit. Et secundum sexum prævalentem reputabitur vir, vel fœmina per L. queritur 10. ff. de statu bo-

minum: queritur, hermaphroditum cui comparamus? & magis puto ejus sexus existimandum, qui in eo prævaleret, juxta quem etiam ille extrinsecus vestiri solet. Dum igitur sexus unus prævaleret, non est dubium, secundum eundem matrimonium contrahere posse, sicque si prævaleret virilis, ducere fœminam, si fœmineus, nubere viro. Si vero uterque sexus æqualis est, in illius arbitrio erit, secundum unum vel alterum matrimonio copulari ita tamen, ut antecedenter jurat, se non nisi illo sexu, quem elegerit, uti velle, & monent **DD.** communiter, Parochum non debere assistere matrimonio, nisi habitu testimoniō dicti juramenti. *Ex quo sequitur,* quod si post mortem conjugis secundum alium sexum deinde contraheret, validè quidem ageret, cum supponatur etiam secundum illum potens esse ad copulam, nec reperiatur Jus irritans; sed illicite ob violatum juramentum.

353. *At quid, si hermaphroditus secundum sexum debiliorem contrahe-*
,, *ret, & minus præalentem? Non sunt*
,, *multi anni, inquit Caram. l.c. n. 3818.*
,, *ex quo quidam Clericus gravidus fuit*
,, *occasio in Italia, ut eruditæ litteræ*
,, *scriberentur. Et Marchio de Castelfor-*
,, *te narravit mihi Neapoli, se cognovisse*
Gra-

Granatæ mercatorem, in cuius domo
 famulus ab ancilla fuit gravidus. Erant
 hermaphroditæ; & quis dubitat, quod
 vestes illis secundum sexum prævalen-
 tem fuerint determinatae. Cum igitur
 ex his exemplis constet, non tantum po-
 tentiam coëundi, sed etiam generandi
 dari in sexu minus prævalente; in ta-
 li casu non videtur, cur matrimonium
 in illo non esset validum, cum ad valorē
 aliud non requiratur, quam potentia
 perficiendi copulam. Nec obstat, quod
 prævalente sexu virili reputetur vir, non
 fœmina, sive si secundum debiliorum
 sexum fœmineum nuberet viro, matri-
 monium consisteret inter virum, & virū,
 quod absurdum est. Contractus siquidem
 matrimonialis est naturalis, non mora-
 lis, & ideo non debet quæri, an ille her-
 maphroditus censeatur vir, sed an sit fœ-
 mina, id est, an possit munus fœminæ su-
 stinere in coitu.

354. Quæres IV. Utrum in ætate
 indebita subsistat matrimonij? Respond.
 in c. 2. de despōns. Impub. Nicolaus Papa
 districtius inhibet, ne aliqui, quorum uter-
 que, vel alter ad ætatem, Legibus, vel Ca-
 nonibus determinatam, non pervenerit, con-
 jungantur, quam inhibitionem esse non
 tantum prohibitivam, ne licitum sit ma-

trimonium, sed etiā irritativam, sequentia cc. ejusd. sit. probant, ut c. attestaciones. 10. ubi ille, qui antequām ad annum decimum quartum pervenisset, à muliere quam duxit, recesserat, ab impenititione illius, quā eundem rehabere voluit, absolutus est, & ad alia vota utrique data licentia transeundi.

Sed qui sunt anni nubiles? Respond. esse annos pubertatis, quam (regulariter loquendo) ex annis existimant, id est, eum esse puberem, qui 14. annos implevit, quamvis tardissime pubescat. c. pubere s. eod. fœminam verò, quæ est 12. annorum.

355. Ex quo sequitur, antea nequam contrahi posse regulariter loquendo. Non quidem ex Jure naturæ: quamvis enim non adesset potentia perficiendi copulam, quia tamen crescente aetate advenire solet, impotentia temporalis tantum censenda est, quæ non dirimit matrimonium per dicta N. 320. Sed Ecclesiasticō, quod pro ea aetate inhabilitatem conjugij induxit regulariter loquendo. Quapropter Infideles validè contrahunt in impubertate, nisi illorum Legibus prohibitum sit: & cum fidelibus hac in parte dispensari potest per c. cit. ubi non est. 2. ubi præmissa prohibitio ne matrimonij ante pubertatem, mox limitatur: nisi forte ali-

aliqua urgentissima necessitate interveniente, utpote bono pacis, talis conjunctio toleretur, quem in locum advertunt DD. cum in eo non exprimatur, ad quem pertineat tolerantia ejusmodi matrimonij, , eam concedi Episcopo per satis probabilem doctrinam Canonistarum, quod, dum in Jure conceditur dispensatio, nec additur, cui concedatur, concessa sit Episcopo, qui tamen in proposito hanc licentiam passim non utetur, sed urgentissima necessitate interveniente, ut textus dicit : & quod magis defuerit a pubertate, eum majorem requiret causam, quia magis receditur a Jure communi.

356. Addidi semper suprà: regulariter loquendo. quia enim non raro continet, potentiam ante dictos annos reperiri ad copulam (plura exempla vide in Sanchez l. 7. de mat. d. 104. n. 29.) præsertim, dum quis est pubertati proximus : Jus ipsum admittit matrimonium ante pubertatem, dum in aliquibus etatem supplevisse malitia videtur. c. de illis. eod.

Sed quid est, malitiam supplere ætatem? Respond. in cit. c. malitia sumitur pro potentia perficiendi copulam ; ideo enim in illis dicitur malitiam suppleuisse ætatem, quod ita fuerint proximi stati, quod potuerint copula carnali cōjungi.

Aet

Ast in c. fin. eod. dicitur, matrimonium
fuisse nullum, cum vir desponsavit eandem
(necdum 12. annos habentem) & etiam
tem in ea prudentia non supplebat. Ex quo
utroque loco post alios multos deducit
Sanchez cit. 21. ut malitia suppleat etiam
tem, requiri, ut impubes sit aptus ad co-
pulam, & simul habeat discretionem, &
usum rationis ad hoc, ut sciat, quid agat,
& quantum obligationem pariat matri-
monium, quod inter negotia graviora
recesset. Judex igitur attente consi-
derabit, an in impubere haec duae qualitates
reperiantur, antequam licentiam (sine
qua non licet) tribuet ineundi matri-
monij, quam tamen Caramuel per 5. annos
sui Vicariatus generalis Pragensis, & per
alios 15. sui Episcopatus nunquam de-
dit, & ut non detur, alijs suader loc. cit.
n. 3815. Potentiam autem coeundi col-
liget, vel quia impubes fornicatus jam
est, vel ex constitutione, complexione,
corpulentia &c. de quo clare Sanchez cit.

357. Quia vero potentia coeundi
ante 14. annos in viris, & ante 12. in fœ-
minis contingere solet, ante eos etiam
vocari possunt puberes, licet respiciendo
annorum numerum sint impuberes, per
c. cit. puberes. 3. Puberes & pube sunt vocatae
est, & pudenter corporis lanugine circa
VERE.

verenda) nuncupati, quia hæc loca primè lanuginem ducunt . . . certum est cum puberem esse, qui ex habitu corporis pubertatem ostendit, & generare jam potest. Et puerpera sunt, quæ in annis puerilibus pariunt, seu post infantiam intra septimum, & duo-decimum annum.

358. *Tria adhuc restant. Unum:* an ad pubertatem requirantur 12. & 14. anni completi de momento ad momentum ad effectum valoris matrimonij) *Respond.* non debere quidem deesse notabilem partem, immo nec diem integrum, completam tamen de momento in momentum non requiri, sed sufficere diem ultimam pro anno pubertatis inceptam (quidquid dicat Reiffenst ad tit. 2. lib. 4. n. 13.) ut proinde dies inchoata pro completa habeatur. Vide dicta olim N. 50. de complemento anni probationis ad professionem religiosam.

Alterum: Quid agendum, si pubes contrahens matrimonium, experiatur, se impotentem ad copulæ consummationē? *Respond.* eam sententiam jam invaluisse, quæ dicit, expectandam esse plenam pubertatem, quam fœminæ habent anno 14. completō, & viri anno 18. & hoc ideo, quod antecedenter non præsumatur impotētia, nisi ex debilitate naturæ multū juvo.

juvenis: proinde æquum sit expectare plenam pubertatem, in qua natura amplius solidatur, & competentes vires inducit. Immò si post plenam pubertatem adhuc deficiat ea potentia, eadem sententia vult, sumendum esse experimentum triennale, modò suprà N. 341. explicatò: nam ante pubertatem plenam præsumitur impotentia ex debilitate naturæ tantùm, & ætatis, non ex naturali constitutione: ut igitur pateat, an ea non ex defectu ætatis, sed ex naturali constitutione oriatur, probatio triennij post plenam pubertatem necessaria est, post quam non amplius currit ratio debilis ætatis. Id nihilominus advertendum, quod si notaretur certa in aliquo impotentia v. g. defectus membra, testiculorum &c. nullum tempus sit expectandum, sed cōjugium mox dissolvendam in quacunque ætate; cùm ejusmodi impotentia per nullam ætatem cesseret.

Tertium denique: an matrimonium impuberum nihilominò operetur? Respond. operari effectum sponsalium, inquantum contractus impuberum, qui non potest matrimonium esse, sponsalium vim habet c. fin. cit. & ideo etiam publica honestas ex eo oritur, tanquam ex sponsalibus s. un. de despons. inpub. in 6. ubi

ubi etiam tale matrimonium dicitur interpretatione *Juris sponsalia de futuro*, nisi contrahentes id excipient.

§. V.

Resolvitur casus de impedimento Impotentiae.

Exposuit Hermes Confessario, quod cum Falconia, quam nuper in uxore duxerat, ob quendam languorem, quem in actu conjugali experitur, matrimonium consummare nequeat. Nec is languor novus est, sed eundem etiam ante matrimonium senserat, dum & sua uxore, adhuc ut sponsa, saepius usum corporis habuit. Confessarius non tantum spiritualia adhibuit remedia, ut benedictiones, Exorcismos: visitavit lectum &c. Sed Hermetem ad Medicum etiam alegavit. Cum vero tentatis omnibus languor ille præcaveri non potuisse, Confessarius tandem inhibuit, ne actum conjugale ulterius probaret. Verum Falconia oīosi impatiens mariti, causâ ad Consistorium deductâ, & probata impotentia, facultate obtinuit alteri viro nubendi. Nupsit ergo illa, Hermes vero clericalis statum amplexus est. Contigit autem post annos aliquot, quod Hermes ex antiqua familiaritate liberius agens cum Falconia, eam sine languoris obstaculo perfectè cognoverit. Quid judicij de præterito, & quid agendum de futuro?

359. Respondeo, Hermetem potuisse
licitè copulari Falconiaz non obstante,
quòd priùs non potuerit propter super-
venientem languorem perficere copulam,
indéque fors dubitaverit de sua potentia.
Ratio solida est, quòd, cùm potentia ad
coitum sit à natura cuivis indita, eam
quivis in se præsumere potest, donec
certò non constat oppositum, quæ certi-
tudo non habetur per purum dubium:
contingere enim potest, aliquem ob
quandam indispositionem accidentalem
non esse sufficientem ad perficiendam
copulam, quæ tamen indispositio successu
temporis cessat: unde durum nimis fo-
ret, Hermetem propter dubiam impoten-
tiam prohibere à matrimonio, & ad vitâ
cœlibem adstringere. Verùm quidem est,
cum, qui dubitat de consanguinitate
inter se, & sponsam, obligari priùs ad in-
quirendam veritatem, ne matrimonium
periculo nullitatis subijciat: si tamen
certus de consanguinitate reddi nequeat
potest abjecto dubio sponsam ducere. At
quia dubitans de impotentia, nequit de
ea certificari, nisi per probationem repe-
titam copularum, quæ ante matrimonium
non licet; non videtur, cur ille, tanquam
carens mediò ad habendam de impoten-
tia certitudinem, non posset deposito du-
biò

biō matrimonium inire. Hinc merito P. Elbel de matrim. n. 264. redarguit Confessarium, qui noluit ita dubitatem intermediate ad matrimonium admittere.

360. Benē fecit Confessarius, tūm spiritualia media adhibendo, tūm Hermetem ad Medicum remittendo: Hermes siquidem videbatur laborare impotentiam maleficij, non verò naturalis frigiditatis, alias non appetijsset toties coitū immo nec virgam ad coitum erigere səpius potuisset per ea, quæ de signis naturalis frigiditatis, & maleficij ex testimonio Medicorum tradit Sanchez l. 7. de matr. d. 93. n. 5.6. Et quāvis videatur, Hermetem fuisse à maleficiō impeditum, potuit tamen Medicus in auxilium vocari ex dictis N. 329. Maximè autem id verum videtur, si solitō major arctitudo in Falconia advertebatur, ad quam suetandam non sufficit quivis calor erigens virgam, nisi constanter duret, nec remittatur ad quamlibet penetrationis resistentiam: quō in casu utique Hermes Medicinis fortificari potest: immo & Falconiam instrumentō aliquō laxari opus erit per dicta NN. 325. & seq.

361. Si media adhibita nullum effectum causarunt, nec per experimentum triennale ad consummationem copulæ

deveniri potuit, necesse habuit Confessarius interdicere ulteriorem coitum, a liosque actus solutis interdictos eō, quod moraliter constiterit, ex impotentia incurabili matrimonij esse nullum. Quām quām cūm dubium sit, an Hermetis impotentia non proveniat ex maleficio possit experimentum copulæ ultra trienium admitti secundum dicta N. 341. *in fine.*

362. Similiter benè fecit Falconia ad Judicium appellando, si cohabitare noluit Hermeti, tamquām soror fratri: jus enim habuit, se à putativo marito liberandi (cui nullō vinculō ligata erat & sibi de alio providendi; quod adeò verum est in casu impotentiaz, ut ille etiam, qui ante matrimonium noverat sui conjugis impotentiam, adhuc non obligetur deinde ad retinendum illum: quia cūm non obstante ea scientia contrahere voluerit matrimonium, séque obligare, tanquām verus conjux, non autem, tanquām frater, aut soror, hōc ipsō, quod deinde resciat, se nullum matrimonium contrahere potuisse, ab omni mutua obligatione liber manet, & ad publicam putati vinculi dissolutionem, seu potius nullitatis declarationem agere potest. Sanchez l.c. d. 97. n. 12. cum veriori DD. sententia,

qui

qui propterea illud ex c. consultationi. 4.
de frigid. ubi Lucius III. dicit : licet in-
credibile videatur, quod aliquis cum talibus
(impotentibus scienter) contrahat matri-
monium : Romana tamen Ecclesia consuevit
in similibus judicare, ut quas tanquam
uxores habere non possunt, habeant ut soro-
res, per quod videtur obligatio induci
ad retinendum conjugem, qui antece-
denter sciebatur impotens : intelligunt
pro eo casu tantum, quod quis scienter
contrahit cum impotente non intenden-
do matrimonium, sed alium tantum so-
cietatis contractum celebrare, ad obsequia
mutuò præstanta (quod fieri posse dixi
N. 321.) tunc enim Ecclesia judicat, &
concedit cohabitationem conjugum fra-
ternam, nisi periculum incontinentiae
separationem urgeat. Cœterum autem
nulla obligatio ex matrimonij vinculo
oritur hoc ipso, quod ibidem dicatur :
quas tanquam uxores habere non possunt.

363. Certum est hoc ipso, quod
Hermes cognoverit deinde Falconiam
perfectè, impotentiam fuisse temporalem
tantum, & per consequens matrimonium,
quod revera validum erat, per errorem
declaratum invalidum.

Ergone Falconia separari debet à se-
cundo marito, cui nupserat? Respondeo,


Quantum ad forum inter nū nimisclarū esse, Falconiam debere separari à secundo marito, cùm inter illam, & illum non sit ullum reale matrimonium: aut saltem, si separari nequit propter mox dicenda, simūlque sciat nullitatem sui matrimonij non audet reddere, minus petere debitū à secundo conuge, etiam si gravissimè ad id cogeretur, ut de casu cujuscunque sublatentis impedimenti, quod probari nequit, verissimè docetur ex c. inquisitioni 44 de sent. excommunic. Vide dicta aliquando N. 266. Quantum verò ad forum externum, utique non concedetur separatio illus matrimonij, cùm prolatā sententia nullitatis matrimonij inter Hermetem, & Falconiam, stet præsumptio pro valore secundi matrimonij Falconiaz. Ut ergo illa licentiam obtineat discedendi ab altero conuge, indéque suæ satisfaciat conscientiæ, probare debet impotentiam Hermetis fuisse temporalem tantum eō, quod perficiendo copulam compertum sit, illam cessasse.

Ast quâ viâ probabit copulam? Respond. testes dari non posse, quia nullus interfuit, dum Hermes cognovit Falconiam; nec alia probatio legitima, & concludens excogitari potest, nisi per juratā utriusque confessionem, quæ in re tanti pon.

ponderis, & difficillimæ unâ probationis sufficit per doctrinam Mascardi *de prob.* *concl.* 1365. *n. 1.* quòd nempe eam probent testes, etiam aliâs inhabiles. Et si secundum Sanchez *d.* 99. *n. 13.* etiam fœminæ (quam aliquis fornicariè cognovit) creditur, fuisse ab illo cognitam, ut exinde concludatur, illum non esse frigidæ naturæ, & priori uxori, à qua ratione impotentiae frigiditatis separatus fuit, restituendum; utique etiam in proposito casu confessioni amborum conjugum fides negari non debet de consummatione actus conjugalis.

364. Factâ separatione Falconiæ à secundo marito, estne restituenda iterum Hermeti, qui jam Sacris iniciatus est? *Respond.* Illa volente tenetur Hermes eam rehabere, cùm continentia Clericalis nequeat, ut patet, illi præjudicare. Sed si solitaria sine viro manere voluerit, nō potest eam Hermes cogere, ut ad illum redeat; quia tenetur ratione Sacrorum Ordinum ab uxore abstinere, dum illa ejus consuetudine uti non desiderat. Sanchez *d.* 100. *n. 39.* Caram. *l. c. n. 3825.* Et Confirmatur per dicta *de Impedim. Ordinis*, quòd Sacrum Ordinem, dummodo non sit coacte, aut ex gravi metu susceptus semper sequatur præceptum continentia;

tiæ, inquantum sine præjudicio alterius servari valet. Ob quam etiam rationem, dum Hermes ad Falconiam, se petentem, rediverit, debitum quidem reddere, non tamen petere audebit.



Clandestineitas.

§. I.

Explicatio, & Impedimentum Clandestinitatis.

365. **D**Uplex legitur in Jure solemnis matrimonij, ex cuius defectu provenit clandestinitas: una *accidentalis*, seu *extrinseca*, consistens in tribus Denuntiationibus, ad inquirendum, si quod inter sponsos latet, impedimentū, præmitti solitus. Altera *intrinseca*, & *substantialis*, quæ importat præsentiam Parochi, & Testium. Sine prima est matrimonium secundum quid, sine altera simpliciter clandestinum: & ideo de secunda tantum tractabo, non de prima, cujus omissione non irritat matrimonium.

Et quia solemnis substantialis à Tridentino introducta est, ad eam debite intelligendā, ad illud attendi debet, juncta explicatione quorumdam sive authenti-

ea, sive ex probatis Authoribus, & ratio-
ne desumpta.

366. Illud igitur *Sess. 24. c. 1. de Re-*
form. matrim. agnoscit quidem, matri-
monia clandestina, seu sine præsentia Pa-
rochi, & testiū olim valida fuisse, nibilomi-
nus S. DEi Ecclesia ex justissimis causis il-
la semper detestata est, atque prohibuit, ut a-
perte constat ex Decretis Hormisdæ Pa-
pæ c. 2. xxx. q. 5. relatīs. Nullus fidelis,
cujuscunque conditionis sit, occulte nuptias
faciat. quod ibidem etiam in alijs Canonib.
prohibetur.

Verum cum Sancta Synodus (pergit
ultrà Trident.) animadvertis, prohibitio-
nes illas propter hominum inobedientiam jam
non prodesse: & gravia peccata perpendat,
quæ ex eisdem clandestinis conjugijs ortū ha-
bent: præsertim verò eorum, qui in statu
damnationis permanent, dum priore uxore,
cum qua claram contraxerant, relictâ, cum
alia palam contrahunt: cum enim matri-
monium, tanquam factum contingens,
non præsumatur, sed probari debeat, pro-
bari autem non possit, si occultum sit, &
sine testibus contractum; quod ij, qui ea
contrahunt, ab Ecclesia non sunt aliquatenus
(ad simul perinanendum) compellendi,
merito statutum fuit olim c. 2. de clandest.
despons. nec proprii conjugio, quod Judi-

ci incertum est (quia occultum) sententia
ferri potuit, ut notat Gratianus post c. q.
caus. & q. citt. & hinc secutum fuit, quod
conjuges non attentio matrimonij vincu-
lo, ad alia vota transfeunte in perpetuo a-
dulterio vivebant. Volens idem Trident.
falcem ad radicem intolerabilis ejusmodi,
& pessimæ sequelæ ponere.

367 Clandestinitatem impedimentis
dirimentibus per sequentia adnumeravit:
*Qui aliter, quam praesente Parocho, vel alio
Sacerdote de ipsius Parochi, seu Ordinarij
licentia, & duobus, vel tribus testibus ma-
trimonium contrahere attentabunt, eos S.
Synodus ad sic contrahendum omnino inba-
biles reddit, & bujusmodi contractus irri-
tos, & nullus esse decernit, prout eos praesenti
Decetato irritos facit, & annullat. Per quod
tamen Concilij PP. authoritatis, quam
habent, limites minimè transgressi sunt,
quasi quidquam circa rationem Sacramen-
ti matrimonij innovantes; sed contrac-
tum tantum matrimonij, qui, ut quivis
alius, jurisdictioni humanæ subjicitur,
si absque dicta solennitate celebretur, ir-
ritarunt, quod factò impediérunt, ne ra-
tio Sacramenti, quæ legitimo tantum, &
approbato contractui à Christo annexa est,
ad illum sequatur. Eò modò, quod ille im-
pedit Sacramentum Eucharistiae, qui pa-*
nem,

nem, & vinum corrumpit, quæ sunt ma-
teria illius. Engel l. 4. t. 3. n. 10. ex com-
muni, & certa Catholicorum.

368. Perspecto tam aperto textu Cō-
cilij, patulum est, præsentiam Parochi,
& testium esse de forma matrimonij, quod
sine illa non tantum implicitè per verba:
omnino inhabiles reddit, sed etiam explici-
tè annullatum est ibi; prout eos præsenti
Decreto irritos facit, ut proinde nulla i-
gnorantia suffragetur ad evincendum va-
lorem matrimonij aliter contracti per tra-
dita à DD. *de legibus irritativis actuum*,
& adnotavi nuper *de Impedimento Crimi-
nis*. Quàmvis verum sit ab ignorantia in-
vincibili desumi titulum excusationis à
peccato pro foro interno per principia ge-
neralia *in materia de peccatis*.

369. Denique, ut evitetur lis illa; utrū
Leges Pontificiæ, vel Conciliares obli-
gent statim post solitam Romæ, aut
in loco Concilij publicationem? & ut
excusationes præcludantur de insci-
tia Decreti tam salutaris; non solùm
Locorum Ordinarijs præcipitur, ut
quàmprimùm potuerint, curent hoc De-
cretum populo publicari, ac explicari in
singulis suarum Diœcesium Parochialibus
Ecclesijs; idque in primo anno quàm sèp-
fime fiat, deinde vero, quoties expedire vi-
rint;

derint ; sed declaratur insuper : ut hujusmodi Decretum in unaquaque Parochia suum robur post triginta dies habere incipiat , à die primæ publicationis in eadem Parochia factæ , numerandos .

370. Vizā , ad verbum exscripta Constitutione Trid. restat ea dubia , quæ certè non pauca emersere , aut emergere possent , in segg. §§. declarare .

§. II.

Ea , quæ Parochum , & testes concernunt , dilucidantur .

371. C ertum est , nomine Parochi nō tantum venire eum , qui ex beneficio Parochiali talis est , sed etiam Papam respectu omnium Christianorum ; Episcopum respectu suorum Dicecesanorum : Capitulum Sede vacante , & Vicarium Generalem respectu eorundem ; Abbates exemptos , omnesque eos , qui jurisdictionem quasi Episcopalem obtinent , respectu sui Territorij ; Legatos Apostolicos respectu Provinciæ , ad quam missi sunt : Vicarios curam Parochiale exercentes , tām temporales , quām perpetuos : Denique Cooperatores , quibus in genere cura animarum committitur , ut de his postremis constabit infrā agendo de licentia data assistendi .

Et

Et cùm Conciliū simpliciter requi-
 rat Parochum, nullam singularem qua-
 litatem desiderando in illo, nec aliquem
 propter aliquod vitium excludendo, est
 recepta, & communis tententia Canonista-
 rum, sufficere Parochum excommunicata-
 tum, suspensum, interdictum, irregula-
 rem &c. dummodo non sit privatus suō
 officiō; quia non obstantibūs dictis pœnis
 est, & manet verus Parochus. Sufficere item
 illum, qui nondum est Sacerdos, cùm &
 talis possit esse Parochus. Tandem etiam
 illum, qui à parte rei Parochus non est
 propter vitium occultum (e. g. quia simo-
 niacè promotus est) sed communi errore
 creditur ut talis; propter dicta NN. 54.
 & 62. ex L. Barberius: sive habeat titu-
 lum coloratum, sive non, sed sit intru-
 sus, ut multis citt. docet P. Pichler I. 4.
de clandest despōns n. 18. & probabile es-
 se judicat Reiff *ibid. n. 78.* eō, quod gran-
 dia mala quoque sequerentur, si acta à
 Parocco intruso non valerent; quia enim
 creditur esse legitimus, à Parochianis re-
 quiritur pro administratione Sacramen-
 torum, & assistentia matrimonij, quæ si
 ab illo invalidè præstarentur, omnia ma-
 trimonia, bona fide contracta, deberent
 declarari irrita, absolutiones multæ Sa-
 cramentales forent inanes &c. cùm igi-
 tue

tur ob hujuscemodi inconvenientia Jus,
& Ecclesia suppleant defectum jurisdictionis in Parocho, qui habet titulum collatrum, rationabiliter etiam idē concluditur de Parocho intruso arg.c. inter alia 31.
de sent. excommunic. unde Jus prodijt, interpretatione quoque procedat, & ubi est eadem ratio, eadem etiam est Legis disposicio, per vulgaria.

372. Debet nihilominus esse proprius Parochus contrahentium, ut patenter liquet ex contextibus Tridentini cit. non quidem amborum contrahentium, sed alterutrius, id est sponsi, vel sponsæ: hōc ipsō enim, quod matrimonium sit contractus individuus, & indivisibilis, nec possit à sponso e. g. solo contrahi, sed ab illo, & simul à sponsa, qui assistit matrimonio unius, assistit etiam matrimonio alterius.

Ubi autem assistere debet Parochus proprius? Respond. Quamquam Parochi attendere debeant, quod Dionysius Papa statuerit c. i. xiii. q. 1. Ecclesiæ singulas singulis Presbyteris deditimus, Parochias, & Cæmeteria eis divisimus, & unicuique Jus proprium babere statuimus, ita videlicet, ut nullus alterius Parochiaæ terminos, aut Jus invadat, sed sit unusquisque suis terminis contentus &c. & ideo, qui in alterius

rius Parochia matrimonio sui Parochia-
ni absque licentia illius Parochi *solemniter*
assisterat, à culpa immunis non esset, &
puniri posset. Nihilominus validè assis-
teret, cùm Concilium circa locum assisten-
tiæ nihil statuerit: & alias ubique as-
sistens Parochus testari potest de con-
tractu celebrato, quod sufficit menti, &
fini Tridentini.

Dixi: *solemniter*: Ex sententia equi-
dem P. Reiff. l. c. n. 66. Sanchez, & ali-
os citantis, licet etiam (nisi in Diœcesi
aliqua singulariter prohibitum existat)
Parochus in aliena Parochia suorum ma-
trimonio privatim v. g. in domo, & sine
solemnitatibus contracto, non petita Paro-
chi loci illius licentia assistere potest.

373. Sed quid requiritur, ut quis sit
proprius alicujus Parochus? Respond.
ut in illius Parochia figat verū, vel quasi
domicilium, nec sufficere locum originis,
seu ut aliquis sit in Parochia natus. Pro-
prius Parochus est, in cuius Parochia con-
trahentes habitant tempore, quod matrimo-
nium contrahitur, declaravit S. Congrega-
tio: nam Cives quidem origo (seu nativi-
tas) manumisso, adoptio: Incolas verò (&
Parochianos) domicilium facit. L. Cives.
Cod. de Incolis lib. 10. & amplius tradunt
Canonistæ ad sis. de Parochijs.

Porro

Porrò *domicilium* constituitur, dum quis alicubi habitat cum animo perpetuò ibidem manendi, licet contingat, eum subinde locum mutare, cum mutatio ea sit de se cuique libera. *Quasi* *domicilium* verò, dum quis alicubi habitare incipit cum intentione majori anni parte ibidem residendi, ut faciunt Scholastici, Lectores, Judices, Famuli, Mercatores &c. quos ob studium, aliisque negotia longius in aliquo loco morari contingit, licet animum ad propria revertendi retineant.

374. *Ex quibus pro praxi deduces I.*
 Qui sub duabus Parochijs domum possidet, & in utraque æqualiter habitat, vel quasi æqualiter (id est non à potiori in una) posse coram alterutro illorum Parochorum copulari, quia utriusque Parochianus censetur, arg. cum quis. de se pult. ibi. qui duo habet domicilia, se collocaans æqualiter in utroque &c. Si verò in una tantum habitat constanter, & ad locum alterius domus dum, & quando tantum accedit recreationis causâ, aut ut ruralia exerceat, vel illis intersit, non efficitur Parochianus loci illius, nec potest ab illius Parocho copulari, arg. c. i. *Is*, qui cod. ubi statuitur, talem, si ibi moretur, non in illo loco, sed in sua Parœcia sepiendum esse, nisi ante mortem aliud dispe-

sposuerit : in tali enim loco non habitare, sed hospitari potius aestimatur. *L.* i. 5. *habitare ff. de ijs, qui dejecerunt ; declararavitque S. Congregatio apud Garziam de beneficijs p. 5. c. 7.* matrimonium coram Parocho , sub cuius districtu contrahens recreationis tantum causâ moratur, non animô domicilij constituendi, non valere.

II. Qui domum habet in confinibus duarum Parochiarum , attendendum est, in qua sit porta, seu additus ad domum , si verò ex parte utriusque Parochiæ sit additus, reflexio facienda est ad principaliorēm, & magis frequentatū ; quia ex aditu principaliori aliquis Parochianus constituitur. *Juris tæ ad rit. cit. de Parochijs.*

III. Qui ex honesto fine alicubi moratur, animô longiori anni tempore ibidem permanendi (ut exemplificavi de Studiosis &c.) nec statim post matrimonium revertendi, validè coram Parocho loci illius contrahit, etiam prima die adventus sui ad illum locum , quia prima mox die acquiritur quasi domiciliū per *DD. communiter.* Et conformiter ad hanc receptā doctrinam aestimo etiam puellam, quæ educationis gratiâ ad Monasteriū reponitur , longiori tempore in ea permanusra, validè copulari à Parocho loci , in quo Asceterium illud situm est, licet domiciliū

Ium paternum animo non deserat, sed suo tempore ad illud reverti meditetur: nihil enim deest in tali casu ad rationem quasi domicilij, nec percipio disparitatē inter ejusmodi puellam, & juvenem, qui causa studij alicubi degit. Attamen Clericatus in *Discordijs forens. civilib. Discor.* 39. oppositum resolvisse videtur de puerla per triennium in Monasterio manente, quam coram Parocho paterni domicilij copulandam asseruit, quod in eo sensu verum est, quod possit etiam coram Parocho paterni domicilij copulati, cum illud domicilium per ingressum ad monasterium non deseruerit, sed accidentaliter tantum mutaverit.

Notanter, & consultò excepti suprà: *neç statim post matrimonii revertendi; cùm enim* ~~fraud~~^{neglecto} *& dolus nemini patrocinari debeant, per vulgaria, & quæ in fraudem Legis fiunt, ipso Jure rescindi debent.* L. hoc modò 64. ff. de *Condit. & demonst.* concluditur, eos, qui ideo tantum ad aliū locum se conferunt, ut coram illius Parocho copulentur neglegtō propriō Parochō, sed post matrimonium mox redere volentes, sicutque antecedens domicilium minimè deserentes, invalidè agere, etiamsi per unum, aut alterum mensim ibidem morati fuissent. Vide Clericatum

catum cit. *Discordia* 52. ubi hujusmodi casum factum per extensum deducit, additis etiam Decisionib^{us} Rotæ. Pulchre *Cornitolus* apud Eundem: *Jus Parochia^c* improba fide, & per scelus in fraudem nemo assequitur. Quid de Vagis, militibus &c. dicendum sit, vide, quæ dico infra §. seq. ex professo.

375. *Quært^s I.* Quæ assistentia Parochi sit necessaria? *Respond.* moralis, & humana, nec sufficit merè physica, quam etiam dormiens habet: Parochus siquidem ex mente Tridentini adstare debet, ut testari valeat de matrimonio contracto, quod utique facere nequit, si moraliter non assistat, seu si nesciat, quid coram se agatur.

Quia verò testimonium de matrimonio ferre potest, licet non consentiat, aut dolō circumventus, vel vi detentus involuntariè assistat, valet matrimonium coram illo; quia non requiritur ejus consensus, sed illorum tantum, de quorum agitur conjunctione, ut advertit Rota in Neapolitanæ matrimonij die 10. Martij 1651, declaravit etiam S. Congregatio apud Reiffenst. l. c. n. 108. ex Fagnano, sufficere, si Parochus intelligat id, quod agitur, licet dissentiat, & contradicat. Idecirco Reverend. Domin^o N. minimè suffragabatur ad effectum

infirmandi matrimonij, sibi aliàs ingra-
ti, quòd objecerit, se non posse testari de
illo à duobus contrādo, qui inopinatè eū
accederant, & verbis de præsenti uten-
tes contrahere attentārunt: nam causâ
Romam delatâ, decisum fuit pro valore,
non obstante, quòd ille Reverend. Do-
minus advertens, quid sponsi agant, fa-
ciem adverterit, oculos claudere, & au-
res obturare nifus fit, ne videre, & audi-
re posset, quod actu audivit.

Verum quidem est, non deesse DD.
qui quoque requirunt, ut Parochus, li-
cer dolō, aut vi conductus, vel detentus,
ante actualem contractum, verbō saltem
moneatur, & quodammodo rogetur ad
assistendum; id enim reverentia erga il-
lum postulare videtur. Attamen cùm per
verbulum: *rogo ut assistat*, vix salvetur
reverentia erga Parochum, qui violenter
detinetur: tūm quia omissione reverentiaz,
& fraus, vel vis illi illata peccatum tan-
tūm generant (nisi gravis causa excuset)
non nullitatē: censeo multò veriorem
esse oppositam sententiam P. Pichler bīc
n. 24. Concilium enim non aliud exigit,
præter præcisam præsentiam Parochi, ut
per illum consensus à sponsis præstitus
innotescat Ecclesiæ. Et reverà in casu
Clericato l.c. Discord. 38. nulla præcessit

requisitio Parochi, dum sponsus cum spōsa, & testibus de nocte illi obvians, inopinatè hæc tantum protulerat: *Videat Domine! hæc est mea mulier, reponente sponsa: ita Domine, accepto &c.* Et tamen non tantum ipse Clericatus resolvit pro valore matrimonij, sed S. Congregatio Concilij quoque, desuper consulta, die 11. Maij 1669. rescripsit: *constare de validitate.*

376. *Quæres II.* Quæ licentia sit necessaria, ut aliis non Parochus assistere valeat matrimonio? R. licentiam à Parocco, vel Ordinario ad illum effectum concedi posse, visum esse *suprà ex Tridentino*, quod cùm non distinguat de licentia, rectè deducunt DD. sufficere quamcunque legitimè datam; *verba enim generalia generaliter sunt intelligenda*, ut Juristæ communiter dicunt ex c. 22. de privil. ibi cùm nibile excepere, & potuerit excipere. Sufficit ergo licentia quæcunque si- ve specialis pro aliquo matrimonio determinato, sive generalis, quæ data intelligitur, dum alicui in Parochia sine limitatione, aut exceptione committitur cura animarum, vel etiam administratio Sacramentorum, ut ex quadam declaratio- ne Cardinalium *probabilior* habet apud Reiff. l. c. n. 84. vel dum alicui datur sa- cultas coram quovis contrahendi.

377. Circa quod tamen tria adnotari debent. **Uxum** est, quod ea licentia non nisi Sacerdoti dari queat: *vel alio Sacerdote*, clarè ait Trid. *cit.* quāmvis ex dictis in Parocho ipso Sacerdotium non sit necessarium; ut saltem in alio non Parocho per dignitatem Sacerdotalem suppleatur Officium Parochiale, Pichler *cit. n. 19. in respons.* ad 4. non autem obest, quod Sacerdos ille sit suspensus irregularis &c. si cuti de Parocho dixi *supr.*

Secundū, quod ortō dubiō de data alicui facultate assistendi, dum scilicet aliquis asserit, se ad hunc effectum licentiam habuisse, sed Parochus, *vel Ordinarius negat*, se dedisse, huic potius fides præstari debeat: quia testi, et si unico, deponenti de facto proprio planè creditur, & ille plenē probat, inquit Clericatus l. c. Discor diā 40. n. 4. præsertim, si in Libro matrimoniorum non reperiatur, quæstionatum matrimonium fuisse de speciali licentia coram N.N. contradictum. Cœterū stante ejusmodi dubio matrimonium nequaquam mox dissolvendum est, sed si facta inquisitione constare nequeat de data licentia, omnimodè ad laborandum, ut conjuges novo consensu ratificant antecedens matrimonium coram proprio Parocho; cùm enim contingere possit,

Parochum ex oblivione negare licentiam reverà datam, & eam in libro registratam non esse (ut non raro contingere vide-
mus) periculum esset violandi vinculum matrimonij, si conjuges sperarentur: ex alia parte, dum illud in præsentia proprij Parochi renovant, sanatur defectus nullitatis, casu quo licentia in rei veritate defuisse. Pro majori securitate cavendū semper, ne ullus assistat matrimonio illius, qui asserit, sibi universaliter concessum esse ab Ordinario, contrahendi corā quocunque, nisi eam facultatem per scripturam authenticam doceat.

*Tertium est, quod, qui habet genera-
lem facultatem in aliqua Parochia exer-
cendi curam animarum, aut ad ministran-
di Sacra menta, vel in specie assistendi
omnibus matrimonij sive in perpetuum,
sive ad certum tantum tempus: possit
hanc licentiam pro aliquo singulari ma-
trimonio alteri concedere, illumque sub-
delegare, paritate Judicis delegati ad
universitatem causarum, qui secundum
Jura dicitur habere Jurisdictionem man-
datam per Glossam receptam in L. 1. ff.
de Offic. ejus, cui mandata &c. Jurisdic-
tionem mandari, quando universitas: sed
delegari, quando species una committitur,
Unde etiam pro actu particuliari aliud*

Subdelegare potest (nisi id sibi specialiter
vetitum noscat) L. cùm Prætor. ff. de
Judicijs, ibi: *Is quoque, cui mandata est
Jurisdictio, Judicem dare potest.*

Qui verò non fruitur ea generali
facultate, sed alicui matrimonio tantum
per specialem facultatem assistere potest,
non valet alterum subdelegando, licentiā
assistendi illi dare; cùm non nisi delegatus
& Principe causam alij valeat delegare. c.
cùm causam. 62. de appellat. Vide Cano-
nistas ad tit. de Offic. & potest: *Judicis
deleg.* & ad præsens ex La Croix, & alijs
notat P. Elbel de matrm. n. 285. Atque
juxta hanc distinctionem constat, an
Capellani, seu Cooperatores possint alteri
dare facultatem assistendi.

378. Giave adhuc restat dubium,
an Ordinarius possit pro aliquo casu Pa-
rocho assistentiam prohibere sub pena
nullitatis, & attentorum. Videtur quidem
negativa esse manifesta eō, quod vi Tridē-
tinī jure proprio, & ex officio suo assistat
Parochus, quæ authoritas durante officio
Parochiali nullibi legitur esse dependens
ab Ordinario quoad valorem. Accedit,
quod stante assistentia legitimi Parochi
invalidare matrimonium præcisō impe-
dimento, sonet autoritatem ponendi
impedimenta, quæ nulli Episcopo con-
cessa

cessa est. Et ita tenent cum *comuni* Reiff. Pichler *ll. cc.* Addit insuper Sporer *n.* 362. *de matrim.* Lugonem referre , à Congregatione Cardinal. monitum fuisse quendam Episcopum ad revocandam *E-dicatum*, quō sub pœna nullitatis prohibuerat Parochis assistentiam quorundam matrimonium. Sanchez quoque *l. 3. de matrim. d. 21. n. 10.* allegat decisionem Rotæ.

Sed Clericatus *l. c. Discord. 37.* resolvit contrarium, ejus præcipua ratio fundatur in *c. tua fraternitas. 4. de sponsæ duor.* ubi Alexander III. concedit Episcopo , quod pendente lite super prioris matrimonij valore , possit non tantum prohibere, ne conjux aliud matrimonium contrahat, sed addit etiam, quod si huic mandato contravenerit, matrimonium tamen *præsumptuosè contractum poterit irritare.* Quod tamen fundamentum clare non convincit, cum cit. *capitulum P. Pirhing ad tit. eundem in fine*, non absolutè de matrimonio , sed de usu tantum illius intelligat , quatenus in ejusmodi casu valeat Episcopus conjugi, alias nuptias ineunti, illarum usum irritare, & prohibere, donec per Judicium Ecclesiæ lis super priori matrimonio terminata non fuerit.

Quidquid sit, certum est I. Parochum non obedientiam Episcopo prohibenti, graviter delinquere, & puniri posse II. Praxim plurium Dioecesium esse, ut lite penente inter duos sponsos, Parocho sub clausula nullitatis prohibeatur, ne assistat matrimonio, quod unus sponsorum interim cum aliquo alio contrahere attentaret: quæ praxis haud sine temeritate ab aliquo subditorum reprobari, aut impugnari potest. Fortassis hujusmodi potestas per consuetudinem, longævam observantiam Episcopis data est: quemadmodum in *Multorum Sententia* præscriptione Ecclesiæ factum est, quod Episcopi nequeant amplius impedimenta dirimentia constituere.

379. Recordor interim Caremuelē, ut de se ipso recenset in *Theol. fund.* dum vice Archi. Episcopi Pragensem Dioecesim gubernaret, id ad majorem securitatem constituisse, ut quandocumque assistentia matrimonij interdixerit Parocho, suspensus pro eo tempore maneat ab officio quo assistere præsumperit. Secura utique videtur hæc via, dum Parochus suō Officiō privari potest: & dummodo etiam constiterit publicè, illum pro eo tempore privatum esse, alioquin si id occultum fuerit, valida adhuc erit assistentia Parochi

rochi illius hōc ipsō, quōd communi opinione supponetur manere in Officio suo, & hoc propter dicta N. 371.

380. *Quæres III.* Quis sit proprius Parochus Vagorum? *Respond.* præmit-
tendum esse, non tantū illos esse vagos,
qui in nullo loco consistunt, sed hinc
inde vagantur, sed etiam, qui reliquod
priori domiciliō aliud quærunt necdum
se in animo determinantes ad aliquod;
vel etiam, dum se quidem determinarunt,
sed necdum illud attigerunt, ut expli-
cant *DD. ad titulum de foro compet:* ex
L. ejus, qui manumisit. ff. ad municipalem.
Et alibi: omnes siquidem enumerati
prius domicilium non habent, quia illud
reliquerunt: nec habent aliud, quia aut
sibi necdum illud elegerunt, aut si elege-
runt in mente, illud tamen actu non in-
habitant, proinde nec habere censentur
per L. domicilium. Cod. ad municipalem,
ubi dicitur, domicilium non nuda volun-
tate, sed animo, & factō simul constitui.

De his ergo dicendum, quōd pro pro-
prio Parocco non quemcunque, quem
elegerint (ut alias vult Sanchez, sed
solidè non probat) sed illum, in cuius
Parochia actu morantur, agnoscere tene-
antur, & coram eo etiam matrimonium
contrahere. *Pirhing l. 4. t. 3. n. 19. Reif.*

ibid.

ibid. n. 88. Pichler n. 20. & alij. Ratio est, quia si nec coram illo Parocco contrahere possent, coram nullo alio possent, cum aliis non appareat aptior. Confirmatur per hoc, quod vagi in loco, ubi adiutori moratur, possint ab illo Parocco alia Sacra menta recipere, ibique sortiantur forum non tantum quoad contractus, sed etiam quoad penas, & alia: unde illud vulgatum: *ubi te invenero, ibi te judicabo.* Perinde autem est, sive unus tantum sit vagus, quia illius Parochus necessariò etiā alterius est ex dictis N. 372.

Et quia quivis habet Jus deserendi domicilium, non agit fraudulentiter, dum illud deserit ex hoc etiam fine, ne coram Parocco domicilij, sed alibi certius, ac certius contrahat, sive ibi intendat figere novum domicilium (quia in hoc casu erit Parochus proprius ratione absoluti, aut quasi domicilij) sive non, sed ultrà pergere: quia in tali casu, tanquam nullum habens domicilium est verus vagus.

381. Parochus nihilominus notabit præceptum Tridentini l. c. 7. Parochis autem præcipit (S. Synodus sed non irritat) ne illorum (vagorum) matrimonijs intersint, nisi prius diligentem inquisitionem fecerint, & ultrà etiam re ad Ordinarium dilata ab eo licentiam id faciendi obtinuerint.

Cujus

Cujus ratio præmittitur: multi sunt, qui vagantur . . . & prima uxore relictâ, aliam, & plerumque plures illa vivente, diversis in locis ducunt, propter quod magnâ cætelâ opus est, & Parochus contrafaciens ex mente DD. graviter delinquit. Quod intellige, dum vagus aliunde notus non est: si enim sit notus Parocho, & à reliquo domicilio vicino veniens, non videtur hoc præceptum tam graviter stringere, cum status illius, an videlicet nullam uxorem jam habeat, aliunde resciri possit, nec urgeat periculum, cui Tridentinum obviare voluit.

382. *Quæres IV.* Quis sit proprius Parochus Militum? *Respond.* Attendendum esse licentiam, quam eorum Capellani Castrenses habent à Papa, vel Ordinario alicujus loci ad effectum assistendi. Si enim eam habent à Papa possunt militibus suis, ubicunque degentibus, præbere assistentiam. Si ab Episcopo, tunc non nisi in Diœcesi illius Episcopi, cum Episcopus extra suam Diœcesim licentia-re nequeat. An autem in casibus istis etiam Parochus loci, in quo Capellanus cum militibus pro tempore moratur, assistere valeat? inspiciendum monet Pichler l. c. n. 21. facultatem Capellani, quæ si non sit illi data privative quoad alios,

alios, poterit Parochus cumulatively
cum illo assistere ratione juris, & faculta-
tis sibi ex officio Parochialis cōpetnetis.

Si autem Curio campestris nulla
ejusmodi facultate instructus sit, Milites
habent ad hunc effectū propriū, Parochū
illū, in cuius Diœcesi morantur: vel enim
ibi manent longiori anni tēpore? & ex hoc
acquirunt quasi domicilium: vel non
manent, sed ex mandato Ducis hinc inde
mutantur? & exinde æquiparantur vagis,
per dicta quæsito priori. Accedit Declara-
tio Cardinal. de anno 1707. die 29. Jan.
ad instantiam Reverendiss. & Celsiss.
Principis Frising. quam in terminis vide
apud Reiff. cit. n. 97.

383. jam pro altera tituli *bujus* §.
parte *Sciendum* ex Trid. sufficere duos
testes, de quibus, & eorum assistentia ap-
plicanda sunt omnia ea, quæ de qualita-
te, & assistentia Parochi in *Superioribus*
dixeram. Et quāvis, dum agitur de
matrimonio dissolvendo, requirantur
testes *circumspecti*, & omni exceptione ma-
iores. c. i. de consang. cùm dissolutio ma-
trimonij sit multū odiosa: ad contra-
hendum tamen illud, & firmandum suffi-
ciunt quicunque testes, etiam impuberes
fœminæ, infames &c. modò sciant, quid
à contrahentibus agatur, quia deponunt

de re favorabili. Et profectò ex verbis Trident. specialis aliqua qualitas in testibus non desideratur. Communis DD. præsertim Pichler l. cit. qui etiam, quæ obstatre possent, exaq.è solvit: excipiens tamen testes, qui perjuri in Judicio facti nullam amplius fidem habent.

Quod autem requiratur, & sufficiat moralis tantum præsentia testium, ultrà dicta valdè servit textus ex L. 209. ff. de V.S. ibi: Coram Titio aliquid facere iussus, non videtur eo præsente fecisse, nisi is intelligat: itaque si furiosus, aut infans sit, aut dormiat, non videtur coram eo fecisse: scire autem, non etiam velle is debet: nam & invito eo rectè sit, quod' visum est.

Requiritur verò, ut Testes, & Parochus simul assistant matrimonio: Concilium enim dicit: præsente Parocho... & duobus, vel tribus testibus, quæ verba copulativum sensum faciunt: & alioquin forent testes singulares, & non contestes, nec possent de eodem actu matrimonij testari.

§. III.

Utrum Clandestinitas sit ubique impedimentum dirimens.

384. **V**isum fuit N. 369. ipsum Trid. ad obligationem suæ Legis irritau-

irritantis requisiste publicationem illius tanquam conditionem sine qua non : non quidem in sola Dicecesi, sed in una quoque Parochia, ut textus ait, ita ut rebur suum post triginta dies habere incipiat , à die primæ publicationis in eadem (NB.) *Parochia factæ.* Quamvis autē nulla mentio fiat acceptationis hujusce Legis, judicandum tamen est , illam necessariam esse, sicut ad quaslibet alias Leges positivas , & humanas, pet tradita à DD. ad tit. de Constit. quod videlicet Lex constituantur sine acceptatione , acceptatio tamen necessaria sit ad illius obligationem actualem juxta notum illud : *Leges insti-
tuuntur, dum promulgantur, firmantur,
cū moribus utentium approbantur.* Can. 4.
d. 4. inquit Gratianus id est, lex per pro-
mulgationem Jus quoddam acquirit, sed
usu, & observantiâ in possessionem mit-
titur. Marchant. Tribun. tom. 3. p. 3. tr.
1. tit. 7. q. 9. licet primi per decennium
absque ratione illam non acceptantes, &
non observantes à peccato non excusen-
tur. Quibüs, & dicti priori §. attentis.

385. *Deducitur I.* In loco Tridentini non promulgati , vel promulgati, sed non acceptati , validum esse matrimonium (non licitum , quia semper prohibitum erat de Jure antiquo, & quidem illimita-

tè sine omni conditione promulgationis in quolibet loco) contractum sine Parochio, & testibus. *II.* Si sponsus e. g. sit ex loco non promulgati, aut non acceptati Tridentini, sponsa autem ex loco acceptati, valet matrimonium sine requisita præsentia in loco sponsi contractum. *Marchant. l. c. q. 6.* & caret controversiâ, dicit Reiss. n. 121. quia sponsus validè contrahit non observatò Trident. ergo & sponsa, cùm nequeat contractus valere ex una parte, quin valeat ex alia. *III.* Spōsi incolæ loci, in quo viget Tridentinū, validè contrahunt in loco non recepti, si illac se conferant, animō figendi domicilium, vel quasi domicilium: fiunt enim veri Incolæ illius loci. Si autem

IV. Hujusmodi sponsi se soluñodò illuc conferant, ut possint sine forma Tridentini copulari, statim deinde reverti intendentes, invalidè agunt: quia ibi nullum hahent domicilium. Et licet alij contractus de Jure regulentur secundum Leges Loci, in quo fiunt, quoad cōtractum tamen matrimonij in proposito casu aliud declaravit S. Congregatio, approbata ab Urbano VIII. 14. Aprilis 1627. per speciale Breve, quòd ut testatur Pichler cit. n. 14. ex autographo refert Lugo, & ab Archi-Episc. Colonien. Maximilia-

no ex Ducibus Bavariæ, Decretis Synodi illius Diœcesis insertum est anno 1662. ut proinde contrariā sententiam amplius docere, vix alienum à temeritate videatur Reiff. l. c. n. 126. Concordant quoque dicta N. 374. *in fine.*

V. Qui ex loco Tridentini recepti pergunt ad locum non recepti recreacionis causâ, aut negotiorum, brevi finendorum (quidquid Plurimi dicant apud, & cum Reiff. cit. n. 123. & seq.) invalidè contrahunt ibi sine requisita præsentia. Ita probabilius Layman, & alij: & sequitur ex dictis N. cit. 374. quia licet peregrini, & advenæ, seu transeuntes se possint, ac debeant accommodare Legibus loci, in quo actu reperiuntur, ad matrimonium tamen requiritur, ut coram illo Parochio contrahant, cujus sunt Parochiani ratione domicilij, vel quasi domicilij: cum igitur peregrini &c. prius domicilium non deseruerint, nec aliud sibi constituerint, manent Parochiani veri sui Parochi, tenenturque in contractu conjugali ad illius præsentiam. **VI.** Denique qui vagi sunt, possunt sine forma Trid. contraherre, dum in loco non recepti reperiuntur; quia nullum domicilium, & nullum Parochum determinatum habent.

386. *Quid verò agendum, dum in loco promulgati, & recepti Tridentini præsentia haberi nequit? Non rarò enim Catholici morantur in locis hæreticorum, ubi quidem Tridentinum aliquando erat receptum, sed hæresi inundante Parochi Catholici exulare debent, aut saltē se in occulto tenere, nec semper absque gravi damno à Catholicis adiri possunt.* Respond. Jam dudum providit S. Congregatio Concilij Interpretum, dum ab Episcopo Tricaricensi Nuntio Belgij super matrimonij in partibus Hollandiæ &c. contradic̄tis, interrogata, declaravit: *Si Parochia, in qua aliquando fuit observatum Decretum, Parochō careat, & Cathedralis itidem Episcopō, & Capitulō, habentibus à Concilio facultatem, alium Sacerdotem ad id delegandi, nullusque aliis ibi sit, qui vices Parochi, aut Episcopi supleat (unde Missionarij Sacerdotes, quos ibi transire contingit, aut morari, non sunt necessarij, nisi sint speciali facultate ad hunc effectum muniti) matrimonium valet absque præsentia Parochi, servata tamen in eo, in quo potest formā Concilij, nemp̄ adhibitis saltem duobūs testibūs. Et iterum: Si verò extent quidem Parochus, & Episcopus, sed nullō constitutō Vicariō, ut ergo metu Hæreticorum latent, ita ut ve-*

re ignoretur, ubi sit, vel eodem metu à Diœ, cœsi absit, nec ad alterutrum sit tutus accessus (quia timetur jaœura bonorum vitæ, famæ, fortunæ, persecutionis, mulctarū &c. quæ à prudente, docto, & timorato expendi debent) validum est matrimonium, contractum absque Parocco, adhibitis tamen testibüs.

387. Utrum autem matrimonia hæreticorum inter se, in locis recepti aliquando Tridentini, & ubi Parochus Catholicus haberi potest, absque forma illius, & in præsentia Magistratū tantum, aut illorum Pastoris contracta, sint valida? Acriter disputant DD. Affirmativā dicit P. Pichler l. c. 15. communiorē inter Germaniæ Scriptores, & probabiliorem, pro qua pt̄ater Pirhing, Marchantium, & Sporer citat 13. alios, & alij citantur ab alijs. Et revera si lex Trident. potuit à principio promulgationis non acceptari, & ob id valorem perdere per dicta N. 384. non videtur ratio, ob quam deinde per non acceptationem amplius, & non observantiam longævam 40. e. g. annorum eidem præscribi non posset: cum sit lex merè Ecclesiastica, & labilitati obnoxia ad modum aliarum. Secundum dicta item valet matrimonium sine præsentia Parochi, dum ea haberi nequit absque gravis damni

damni periculo in locis hæreticorum: adeoque idem dicendum videtur de matrimonijs hæreticorum, ubi introductum, & statutum est, ne accerseatur Parochus catholicus: utique enim à graviori multa, & pœna immunis haud esset, qui violando statutum, se hunc in finem sisteret coram Parocho catholico. Verùm quidem est, etiamnum valere Leges, quæ ab Ecclesia in pœnam obstinationis hæreticorum latæ sunt, nec his præscribere possunt, cùm Ecclesiâ non consentiat, sed leges eiusmodi potius urgeat in promeritâ pœnam. Ast Lex Trid. de præsentia Parochi non est pœnalis, nec propter hæreticos immediate lata, sed generalis, & omnes respiciens, cui proinde ad normam aliarum legum præjudicari potest, licet à principio non absque peccato.

Favet etiam exemplum Palatinatus Neoburgici, qui ante annos complures ad fidem catholicam redijt, & nemo tamen, inquit Pichler cit. nec ipsi Episcopierant solliciti pro impetranda dispensatione Pontificis, ut matrimonia priùs sine forma Trid. contracta, valerent: vel restaurandis illis coram Parocho catholico, quod tamen fieri debuerat, si coram Præcone priùs inita fuissent invalida.

Econtra P. Reiff. l.c. à n. 140. Elbel.
de matr. n. 289. & iterum n. 297. & seq. ac
 plures alij negativam sustinent ex decla-
 ratione Cardinal. Adducunt quoque ex-
 emplum non vetustum Dicecensis Frisin-
 gensis, ubi conversos hujusmodi ad verā
 fidem, fuisse separatos ex eo capite, quod
 sine Trident. formā, contraxerunt ma-
 trimonium (sed dubitat Pichler l.c. an
 non fortè id factum fuerit ob aliud impe-
 dimentum) Recenset ita P. Elbel n. 299.
 se à quodam fide dignissimo habere, S.
 Pœnitentiariam, desuper consultam per-
 misisse, ut hæreticus conversus relicta
 priori uxore hæretica (quæ pariter alteri
 nupserat) quam coram Prædicante du-
 xerat, potuerit alteri copulari, quia prius
 matrimonium, *utpote clandestinum*, erat
 nullum.

388. *Quid ergo in praxi? Respondeo,*
 utraque Opinio probabilis est, & affirmati-
 vam etiam alterius Patroni aliqui in
 praxi admittunt, quod certè debent, nisi
 Episcopos Palatinatū Neoburgici dam-
 nare velint. Si tamen conjuges hæretici,
 postmodum ad fidem convertantur, &
 de valore matrimonij coram Prædicante
 contracti quietari nollent, facile habent
 omnimodæ securitatis remedium, con-
 trahendi videlicet iterum coram proprio
 Paro-

¶ 50 50
Parocho catholico. Si verò unustantum
 convertitur, & ab altero liberari cupit,
 videat, utrum possit Romā facultatem
 obtinere præmissa declaratione nullitatis
 prioris matrimonij: per me licet, cùm
 multum probabilis, si non probabilius sit
 sementia, illud annullans. Et hæc de hæ-
 reticis inter se.

389. *At quid de matrimonio Catho-*
lici cum hæretica (aut è contra) in locis
promulgati Tridentini? Respond. illud
esse invalidum propter declarationem S.
Congregat. quam in terminis recitat.
Reif. l. c. de die 2. Maij 1676. Procul du-
 bio, quia non tam facile à lege Concilij
 eximitur Catholicus, quam hæreticus.
Excipe autem casum, quô Parochus aut
 nullus ibi esset, aut non vicinus morali-
 ter, ut commode adiri valeat, propter
 dicta N. 386.

390. *Si scire desideres, ubi Tridentis-*
num non sit promulgatum? consule hi-
storias, quia est quæstio facti. Interim ex
 illa habetur, in partibus Infidelium pro-
 mulgatum non esse. Nec in Suecia, Brus-
 sia, Saxonia, Anglia, Scotia, Hibernia,
 Dania, Pondrania, aliisque Provincijs
 septentrionalibus, quæ defecerunt à fide
 ante an: 1564. quô Tridentinum Romæ
 primùm promulgatum fuit, & confirma-

tum. In Hollandia, Frisia, Zeelandia, & Provincijs confederatis, aliqui apud Marchant. cit. q. 10. concl. 3. non male negant: cùm enim an: 1564. & seq. quod Tridentinum primam publicationē Romæ habuit, & confirmationem, in Belgij Provincijs truculentissima bella æstuabant, Ecclesiæ spoliatae, Ecclesiastici pulsi, & hæresis vi inducta: credibile vix est, Leges Conciliares promulgari potuisse. In Galliæ quibusdam partibus diu quidem promulgatum non erat, sed postea tandem jussu Regis an: 1620. publicatum à quibusdam dicitur. An autem etiam nū ubique in Gallia floreat, Incolæ scient.

391. Quid autem judicandum, dum de aliqua Parochia nec ex Tabulis instrumentisque authenticis, nec testimonijs fide dignis constat promulgatio Tridentini? Respond. attendendum ad Regulam traditam à S. Congreg. Nuntio Belgij: Publicatio autem Decreti factæ præsumitur, ubi Decretum ipsum fuit aliquo tempore in Parochia, tanquam (N.B.) decretum Concilij observatum, id est ubi per unum, alterumve annum præsentia Parochi observabatur, non quidem, ut ab antiquis Canonibus graviter præcepta, sed ut à Trid. sub nullitate inducta. Merchant. l. c. q. 4. Si verò nec hoc experimen-

mentum datur, concludendum est pro non publicatione, & non obligatione; quia stante dubio præsumitur contra legem.

§. IV.

Resolvitur casus de impedimento Clandestinitatis.

Finxit Titus Litteras, quibus significabatur, Parochio N. esse à proprio Titi Parochio datum licentiam assistendi matrimonio illius cum Litera. Visis Literis adstitit Parochus N. assumptis duobus testibus. Post contractum contulit se Titus Viennam cum Litera, ubi dum pluribus annis morantur, estimati veri conjuges, Titus sine spe convalescentiae infirmus factus, Confessariū advocat, statum suum aperit, & quid agendum, postulat. Matrimonium cum Litera creditur ex defectu presentiae proprij Parochi nullum, novumque advocato Parochō Viennensi (aut aliō de ejus licentia) contrahere, infamia vetat: sic vero manere ob periculum aeternae damnationis consultum non est: nam Titus fatetur suam fragilitatem, sequitur turpibus erga Litram affectibus saepè agitatum, ad resistendum, ne complacentiam admittat cimparem esse, quæ tamen, cum illa uxor legitima non sit, nullatenus licet. Quid ergo Confessarius? Jussit, ut coram se

de novo contrabant, ratus in casu tam arduo, & ita circumstantionato sufficere cuniusque Sacerdotis praesentiam. Sed utrum benè?

392. Respondeo. Confessario durior rem forte, quam sit, casum fuisse visum. Interrogare enim debuisset, an Titus, dum Parochum N. accesserat, habuerit animum propriam priorem deferendi Parochiam, ut & in Parochia N. habitandi si ita: validè contraxit matrimonium coram illo Parocco, quia per dicta N. 3. deseritâ priori Parochiâ, aut domiciliô, prima etiam die in alio loco, ubi quis domicilium figere intendit, contrahere potest. Nec obstat, quod contracto matrimonio inde Viennam moverit: quia liberum est domicilium electum, & inhabitatum mutare, & facta mutatione non sequitur pricus domicilium non fuisse verum domicilium. Si dixisset Titus, non sibi fuisse animum in Parochia N. habitandi, interrogandus ultrà erat, ubi tamen habitare destinaverit? Et si dixisset: pro eo tempore se adhuc de domicilio fuisse anticiparem: matrimonium iterum fuit validum ex dictis N. 380. Titus enim quia primum domicilium deseruit, & aliud necdum inhabitare incepit, vagis adnumeratus, coram Parocco contrahere potuit, in cuius

jus Parochia pro eo tunc substitit, & moratus fuit. *Idem* dicendum, si fassus fuisset, se illo tempore resolutum fuisse ad constituendum Viennæ domicilium, quia, ut dixi *N. cit.* domicilium sola voluntate non acquiritur, sed actuali inhabitacione: cum ergo Viennam nondum attigerit, vagi rationem obtinuit.

Atque in hisce casibus Titum informabit Confessarius, quod, quamvis ob errorum, quod credebat, se invalidè copulatum esse, fornicariè, & illicitè Litram usus fuerit per tradita à *Theologis de cōscientia erronea*, validum tamen illius esse matrimonium, cuius nullitas non ab imaginario, & putativo, sed à reali tantum provenit impedimento.

393. *At quid dicendum, si ponatur, Titum Viennæ tenuisse Litram absque eo, quod coram aliquo Parochorum eam sibi copulasset? Possétnē Confessarius admittere, ut coram illo contrahant in casu tantæ necessitatis?* Respondeo, Videri, quod ita: quia siquidem, & benevola Mater est Ecclesia, quæ suas Leges urgere non intendit in casu tam difficilis observantiæ: sicut ergo plures aliæ leges in casu gravis periculi, & necessitatis non obligant; ita nec in casu specificato, Decretum Trid. de præsentia Parochi. Beignam

nignam hanc sententiam probabilem ju-
dicat Veracruix, & Vega apud Sanchez l.
2. de matr. d. 17. n. 3. Jacobus de Graffijs,
& Silvius apud Caramuellem l. 3. Theolog.
fund. n. 3835.

Verum sententia negans certa est San-
chezio n. 4. sequitur Pirhing l. 1. t. 3. n 7.
Pichler ibid. n 12. cum communissima alio-
rum: nec Caram. l. c. videt in casu posito
necessitatem tam dubij matrimonij, ut
infrà patebit: Sporer de matr. n. 367. cum
Diana, & Gobat nihil audet decidere,
sed id remittit ad Sedem Apostolicam: &
in casu occurrente monet Confessarium
ut tutiora, & securiora sequatur. Ratio
fundata, & solida est, quod Trid. præ-
sentiam proprij Parochi posuerit de sub-
stantia, & forma intrinseca matrimonij
secundum *Omnes*, actus autem sine for-
ma est nullus, & mortuus, ut corpus si-
ne anima: immò Trid. personas sine præ-
sentia Parochi reddidit ad matrimonium
omnino inhabiles, quæ dictio ponderan-
da est, cum excludat omnem casum, nec
absque speciali dispensatione exceptionē
aliquam patitur Sanch. l. c. Verum qui-
dem est, quod Ecclesia pro casu difficilli-
mæ observationis non intendat urgere
sua præcepta, & leges merè prohibitivas,
aut præceptivas: sed aliud est de legibus
irri-

irritantibus actum, quæ & inculpabiliter ignorantes ligant, & pro omni casu sine exceptione vigent: unde in illis non datur Epikijæ, aut benignæ interpretationi locus per tradita à Juristis ad tit de Constitut. Afferere etiam, quod Papa consultus declararet, Trid. in dicto casu non obligare, meram divinitatem sapit,

Quibūs attentis Amicus apud Caram. cit. & ne ex ejus doctrina aliquis posset insolentes alias conclusiones deducere (idem videlicet de alijs etiam impedimentis argumentando) quamvis urgeat pro benigna sententia, difficiliores, & majoris considerationis casus proponens ; quæ tamen dixerat, voluit pro indictis habere, quo usque, quid sit tenendum , Apostolica Sedes non doceat.

394. *Quid ergo in praxi? Respond.* nec amplecterer, nec suaderem primā sententiam : quin immò nec adverto tantam, ut apprehenditur , illius necessitatem. Peccatum liberū est, nec necessariò committitur: potest Titus cavere , & resistere, ne consentiat , aut sibi voluntariè complaceat , dum se illicitè erga Litram affectus insinuant. Tenetur, & potest id facere quivis sanus etiam, tametsi præter libidinosas affectiones , quæ se menti ingerunt , caro etiam ad complacentiam ,

&

& consensum fortiter allicit, & movet; nec tamen necessarium est pro remedio ad matrimonium appellare. A fortiori facilius similibus resistere potest infirmus, & vix non animam agens, cum tentationes in animo tantum patiatur, nec insidias carnis suæ penè cadaverinæ experiatur. Confessarius itaque impedit, si fieri poterit, ne Littra lectum, aut saltem non ita frequenter accedat: jubebit Tito, ne dum Litram lecto astare contigerit servitij causa, oculos in illam fixos. attollat. Spiritualib[us] illum instruet exhortationibus, æterna eum damnatione, si non resisteret, terrebit, DEum pro illo exorabit, ut illum à lapsu præservare dignetur &c. Si cuncta hæc nil juvant (sed in statu illo haud credibile, tantam fragilitatem, quæ impediret, ne juvent) dicet Confessarius: *perditio tua ex te. O*scæ malitia Titij inexcusabilis est, excusabilis Confessarius, qui egit, quod potuit, & debuit, licet omiserit contractum matrimonij, cuius valor tam suspectus est, nec tanta, ut visum, in praxi necessitas.

395. *Sed quid, Si Confessarius matrimonium coram se contrahi permisisset?* Respond. si persuasam sibi habuit probabilitatem benignæ sententiæ, bona fide processit, nec peccavit: quod multò magis

gis verum habet in Tito, qui consilio Confessarij creditit, & exinde putans, Litram esse uxorem suam, carnali in illam affectione licite ferebatur. Si tamen contingenteret, Titum infirmitate superata supervenire, procul dubio petenda foret dispensatio, ut iterum contrahant sine praesentia proprij Parochi, quam gravissimæ infamiæ periculum non admittit.

A quo autem? *Respond.* ab Episcopo, à quo subticitis nominibūs Oratorū petere potest Confessarius, ut sibi det licentiam assistendi in occulto illorum matrimonio, adhibitis tamen duobūs testibūs cōfidentibūs, delatō prius illis juramento de servando secreto: simul etiā dispenset in præcepto præmittendarum denuntiationum. Imò æstimo sufficere recursum ad Parochum: nam ille potest delegare Confessario (sicut cuicunque alij Sacerdoti) facultatem assistendi. *Nec obstat*, quod denuntiationes præexigantur, in quibus tamen Parochus nequit dispensare, cùm Trid. l. c. Ordinarijs tantum eā facultatem concedat. *Etenim* licet id verum sit regulariter, & de dispensatione propriè tali loquendo: in casu tamen urgentis necessitatis, dum Episcopus adiri nequit, vel rogatus dispensationem injustè negat, potest Parochus per Epichejam

jam declarare, quod præceptum de denuntiationibus non liget. Sanchez, Layman, Gobath, aliisque apud, & cum Reiffenst. 4. t. 3. n. 37. & seq.

Dixi: *in casu urgentis necessitatis*, qui censetur adesse, quoties dispensatio servit pro bono communi, vel ad acquirendum notabile privati bonum, aut vitandum grave damnum animæ, famæ, fortunarum, de quibus, an revera verificetur, judicare pertinet ad Episcopum per Trid. l. cit. Dixi item: *dum Episcopus a diri nequit*, quia videlicet periculum est in mora, nec consultum judicatur præstolari tempus, donec ad Episcopum recursus fiat. Dixi denique: *aut Episcopus rogatus dispensationem injuste negat*, non obstante enim contradictione illius, in casu ejusmodi necessitatis cessat obligare Lex denuntiationum; adeoque non appareat, cur Parochus nequirit per se assistere, aut alteri licentiam assistendi dare omisis denuntiationibus. Et hoc loquendo de foro interno: nam in foro externo non suaderet Reiffenst. cit. n. 46. ut aliquis Parochorum post denegatam ab Episcopo hujusmodi dispensationem præsumeret sine denuntiationibus matrimonio assistere: quamvis enim non peccaret in conscientia, puniri tamen posset,

quia

quia non illius, sed Episcopi est arbitrari,
an revera ejusmodi gravis causa subsit:
tum quia id videtur praejudicare debitæ
subordinationi, & respectui ad Episcopū.
Sed hæc notasse tantum sufficit; nam
propositus noster casus respicit forum
internum duntaxat.

396. Porro ex his constat, minimè
opus esse, ut pro contrahendo matrimo-
nio Titi cum Litra S. Pœnitentiaria mo-
lestetur: siquidem ordinariè non aliud
concedit (vidi ipse ejusmodi Rescriptum
pro casu, quo concubinarij, qui putaban-
tur conjuges, in secreto contrahere cu-
piebant, indéque vitium concubinatus
sanare) quam Executori licentiam assi-
stendi matrimonio, conductis testibus
confidentibus, & juramentō ad secretū
obligatis. Cùm itaque Episcopus ibidem
præstare valeat, ifno ex dictis Parochus,
sine causa Romam recurritur. Aliud fo-
ret, si Episcopus, & Parochus requisiti
id concedere nollent (prout alicubi re-
center factum scio) tunc enim remedium
Româ solicitandum est.



Raptus.

§. I.

Explicatio, & Impedimentum Raptus.

Raptus magis amplè dicit quemcunque coitum Virginis, juxta illud S. Isidori: *Raptus illicitus coitus à corrumpendo est dictus. l. 5. Etymol. c. 26.* & referatur c. xxxvi. q. 1. quia scilicet supponitur in Jure, virginem non consentire in sui violationem, nisi dolō, vel aliquā violentiā seducatur. Et quāvis virginem corruptens, illam non abducat in alium locum, *raptum tamen admisit, quia florem virginitatis puellæ renitenti violenter eripuit.* Gratianus ad c. 3. q. & caus. cit. Sed in pressiori significatione, non dicit mērum usum corporis violentum, sed violentiam ipsius personæ abductionem, vel ad libidinandum, vel ad contrahendum cum illa matrimonium: qui raptus non tantum gravissimè punitur in utroque Jure, de quo Juristæ passim, sed insuper etiam dirimit matrimonium inter raptorem, & raptam ex cc. caus. & q. citt. non obstante, quod rapta liberè deinde consentiat

in matrimonium, quod ultimum tamen limitatum erat. c. ult. de Raptorib. ibi legitime contrahet cum raptore, si prior dissensio postmodum transeat in consensum, & quod antea dispicuit, tandem incipiat complacer.

398. Quid quid sit de Jure hoc antiquiore, judicandum de facto est juxta Decretum Trid. quod Sess. 24. de reform. matr. non tantum quaedam circa alia impedimenta immutavit, ut per decursum constitabat sed c. 6. etiam de raptis sequens edidit Decretum: inter raptorem, & raptam, quamdiu ipsa in potestate raptoris manserit, nullum posse consistere matrimonium. Quod si raptis a raptore separata, & in loco tuto, & libero constituta, illum in virum habere consenserit, eam raptor in uxorem habeat. Ex quo constat, raptum esse impedimentum dirimens, non quidem ex eo, quod fœmina raptis non consentiat, vel non nisi gravi metu adducta consentiat in raptorem; nam in secundo casu subintraret impedimentum metus, in priori autem matrimonium foret de Jure naturæ nullum ex defectu consensus: sed ideo tantum, ut occludatur via rapiendi fœminas in ordine ad matrimonium; frustra enim ex hoc fine rapitur aliqua, cum finis ille obtineri nequeat: tum quia li-

cet fœmina possit deinde sponte consen-
tire in raptorem , varijs modis illecta ,
nam varium , & mutabile semper fœmina .
Virg. *Æn.* 4. magis providetur plenæ li-
bertati ad matrimonium , si ille consen-
sus tantum valeat , qui datur à fœmina ,
ad tutum locum repositâ , & sibi relictâ .

Et quia quævis fœmina eadem liber-
tate gaudere debet , cùm cujuscunque sit
in ratione conjugij ejusdem rationis :
quàmvis pœnæ raptûs de jure civili feran-
tur in raptorem fœminæ honestæ tan-
tum : verum est , si meretricem alienam an-
cillam rapuerit , quis non esse furtum , seu
rapinam , *L.* verum . 40. ff. de furtis . pro-
visio tamen Tridentini respicit etiam in-
honestam fœminam .

399. Porrò ad raptum in proposito
requiritur *I.* ut sit vera abduçio fœmi-
næ de loco in locum in aestimatione mo-
rali distinctum , ut clarè patet ex verbis
Trid. citt. si enim de una domo tantum
ad modicum tempus rapiatur ad aliam ,
vel de publico ad occultum &c. non com-
mittitur proprius raptus , cùm non censear-
tur esse cōstituta sub potestate raptoris , ad
quod tamē Conciliū respexit . Perinde au-
tem est , sive per ipsum raptorem , sive
per mandatarium ita abducatur : aliud fo-
ret , si sua sponte raperet fœminam pro-
alio

alio sine aliū consensu ; non enim hic ,
sed ille tantūm foret raptor, ut de se pa-
tet.

II. Eam abductionem debere esse
violentam, cùm raptus ex suo genere vio-
lentiam importet : aliud esserapi, aliud a-
moveri, palam est, siquidem amoveri aliquid
etiam sine vi potest, rapi autē sine vi non potest.
*L. ff de Incendio &c. per quā, seu violen-
tiam Theologi distinguunt raptum à sim-
plici furto, illūmque in majori gradu
malitiæ constituunt, per illud : penale est
occultum occulte auferre, multò majoris pœ-
næ est visibiliter eripere (quia intercedit
violentia) c. i 3. xiv. q. 5. Ad propositum
tamen attenditur in probabiliori sententia
violentia ipsi fœminæ raptæ illata, non
autem parentibus, vel ijs, quorum curæ
subjicitur : unde etiam c. cùm causam 6.
de Raptor. permittitur matrimonium
cum rapta consentiente, licet parentes re-
clamarent, & quibus eam dicitur rapuisse,
& Rubrum illius cap. generaliter dicit.
*raptus non dicitur, ubi volens pro matrimo-
nio abducitur :* in eo enim casu fœmina fu-
gitiva potius, quam raptæ dicenda est.
Quamquam ut advertit Pichler 4. tit. n.
119. ex Clericato, in praxi soleat in tali
etiam casu fœmina ad locum priorem ,
aut alium extra potestatem rapientis con-*

stitui, ut ibi consensus ejus exploretur, quod observandum esse etiam Alij hor-
tantur.

*III. Denique, ut ejusmodi abductio
(quidquid aliqui dicant) fiat animo, &
intentione contrahendi matrimonij, non
merè libidinandi: concilium enim liber-
tati tantum consulere voluit, quoad ma-
trimonium in cit. l. cùm & in alijs cc. ibi-
dem agat de matrimonio solummodo, ut
ex Rubrica praefixa concluditur, quæ est:
de reformatione matrimonij: Idcirco etiam
Rescriptis Pontificijs super impedimen-
tis nunquam intermittitur clausula ex-
ceptiva: *dummodo mulier propter hoc* (id
est, propter matrimonium contrahendū
ut contextus docent) *raptā non fuerit*,
quia videlicet raptus ex hoc fine factus no-
vum causat impedimentū. Id tamen oppo-
sitæ sententiæ concedo, quod si opponat
raptor, se fœminam rapuisse, ut ea potiri
tantum posset, nihil cogitans de matri-
monio, nullam mereatur fidem, dum
constiterit, illum attentasse deinde fœ-
minam movere ad consensum conjugij:
quia enim vera intentio, tempore raptūs
concepta, externè latet, posteriores con-
jecturæ, ex tractatu matrimonij desump-
tæ, indicant primævum matrimonij ani-
mum.*

A fortiori igitur deduco cum P. A. Breno in *Manuali Missionario*. tom. 2. lib. 3. c. 15. q. 5. non oriri impedimentum, dum tempore belli, aut excursionis hostilis fœminæ rapiuntur absque distinctione, juvenes vetillæ, conjugatae, viri etiam, & pueri: qui raptus utique vindictæ, inimicitiæ, intentioni damnum inferendi, aut summum quandoque libidinandi attribuendus est.

400. Quando ergo aliquis modò, & animô hucusque explanato rapit famam, nequit eam de Jure Trid. in uxorem habere, non obstante, quod illa postmodum liberrimè etiam consentiret, aut ille pœnitentiam ageret de scelere: crimè equidem raptus completum jam fuit, & pœnitentia reatum quidem delet, sed impedimenta non extinguit. Quid ergo factò opus? Respond Impedimentum isthoc temporaneum est, non perpetuum, & voluntate raptoris aboleri potest; si nimirum raptam tuto loco restituerit, eam vel ad priorem locum, unde raptam fuit, vel ad alium reponendo, ut non amplius sub sua potestate constituta censatur, & illa eum in maritum habere voluerit, cessat impedimentum. Ita Trident. ibi. si raptam à raptore separata &c. ut supra N. 3.

401. Duæ etiamnum supersunt difficultates. Una, utrum sponsus, qui suam sponsam rapit, incurrat impedimentum? Altera, an etiam, si fœmina raperet virum?

Ad primam *Respond.* cum Sanchez. l. 7. d. 13. n. 15. Caram. l. 3. Theol. fund. n. 3828. & alijs, probabilis affirmativè non tantùm quoad illum casum, quod sponsa haberet justam causam resiliendi à sponsalibus; tuncenim, cùm se omni instanti à sponso liberare valeat, neutiquam illi obligata est, sed injustè per raptum violentaretur ad matrimonium, sicut quæcunque alia fœmina. Sed etiā ex supposito, quod similem causam allegare cum fundamento nequeat. Rationem desumo ex ultimata libertate matrimonij: etenim cùm sponsa etiam, licet à sponso cogi aliqualiter valeat ad implementationem sponsalium, ultimatim tamen sit sui Juris, nec absolutè ad id compelli possit, ut salvetur libertas matrimonij, & præcludantur infelices exitus, qui de invitatis nuptijs provenire solent: gravem pateretur injuriam, libertatique matrimonij nocivam, si impunè raptui exponeretur eo fine, ut spōsi raptioris subjecta potestati ad consensum matrimonij, quod multū averatur, cogi possit.

Nec

Nec contrariatur c. 6. de Raptor. *Papa* siquidē in eo tātūm casu sponsū liberat ab impedimēto raptūs dum invitī quidē parentibus rapit sponsam, sed volentem, ait enim: *cūm ibi raptus dicatur admitti, ubi nil ante de nuptijs agitur: iste (miles) raptor dici non debet, cūm babuerit mulieris assensum, & prius eam desponsaverit, quām cognoverit, licet parentes reclamarent.*

402. Ad secundam Respond. affirmativē cum Maistro, Clericato Discor. 46. Schmier, Pichler l. c. n. 120. alijsque cōtra Sanchez l. c. n. 24. Caram. n. 3829. Reiff. bīc, Sporer &c. quāmvis enim impedimenti natura sit, odiosa, & sic Trident. loquens in masculo tantūm: *Inter raptorē, & raptam: si raptā à raptore separata: item nihilominus raptor ipse &c. non deberet ad fœminas raptrices extendi per Reg. 15. I. in 6. Odia restringi, & favores convenit ampliari: in hoc tamen impedimēto duo adverto: unum, quod importet quasi pœnam; alterum, quod per illud fiat provisio de securitate libertatis ad matrimonium requisitæ secundū dicta N. 398. Immò credo, hunc finem magis cordi fuisse Tridentino, quām punire raptorē: Unde etiam dixi N. 399. Tridentinum non respexisse raptum animō libidinandi factum, quia bona matrimonij tantūm*

prospicere voluit; Ex quo sequitur, illud, hac in parte favorable esse, & lata interpretatione donandum, ut etiam fœminas raptrices comprehendat, licet verbis masculinis utatur, gratia duntaxat commoditatis, non intentione excludendi fœminas: sappè enim etsi verba Legis hunc habent intellectum in proposito masculinum, si ad litteram sumantur) tamen mens Legislatoris aliud vult. L. scire. ff. de excusat. Tutor. videlicet fœminas etiam comprehendere.

403. Per quod solvuntur ea exempla, in quibus nomine viri non veniunt fœminæ, quia sunt in materia merè penali, aut si etiam favorem continent, ea parte ad fœminas quoque ampliari debent. Nec quidquam facit, quod rarus sit casus fœminæ raptricis, ad ea autem potius debet aptari Jus, quæ & frequenter, & facile, quam quæ rarò eveniunt. L. nam ad ea. ff. de Legib. Quàmvis enim verum sit, Leges non ferri direcūt, & ex professo circa casus rarò contingentes, certum tamen est, legē universaliter in omnes transgredientes latam, stringere etiam illos de populo, qui rarissimè eam violent. Deinde Clericatus l. c. narrat casum factum de fœmina raptrice: Clarus item S. rapitus. post initium refert in quadam Italiz urbe

urbe puerum à moretrice raptum: Tira-
quellus plures viros à fœmina raptos
reçenset: Idem reperitur in alijs: quæ
omnia cùm citet Sanchez l. c. non video,
quomodo ex rareté fœminarum raptricū
deducere conetur, eas sub Tridentino
non comprehendendi. Addit quidem gravi-
us delictum esse raptum fœminæ propter
majorem injuriam, quæ irrogatur fœmin-
iæ, cuius major est honestas. Verum si
vir honestatem fœminæ lædat ipsa in hoc
gravius delinquit, quod sui sexus, hone-
statis, & verecundiæ obliita, virum rape-
re audeat.

§. II.

Resolvitur casus de Raptu.

Bella una cum Genitoribus suis beneficio
quasi, & largitate Præpotentij divitis,
& magnæ considerationis viri suam habuit
sustentationem. Præpotentius pulchritudine
Bellæ captus, eam in uxorem habere voluit.
Renuit illa prudens secuta consilium: Pa-
uperior caveat sese sociare potenti: & ne ille
consensum tandem extorqueret, se loco
incolatus sui subducere decreverat. At
præpotentius propositum Bellæ resciens,
non tantum beneficia, quæ libereliter
contribuebat, subtrahere, sed varias e-
tiam vexas, quarum capax erat, si Bella
do-

domicilium mutaverit, parentibus illius minabatur, quibūs illa permota, & habitationem suam non mutavit, & mutantē tandem propositō, se Præpotentio in uxorem dedit. An validē?

404. *Respondeo*, invalidē, & nulliter, si minaz Præpotentij, quas Bellæ, & parentibus intentare voluit, erant graves, & ad justum metum, secundum dicta de impedimento vis, sufficientes. Ratio est; quia ad raptum sufficit abduatio violenta fœminæ de loco ad locum, non physicè, sed moraliter diversum ex fine extorquendi matrimonij: atqui in proposito casu Præpotentius violentiam moralē intulit Bellæ mediante gravi metu: abduxit etiam illam ad locum moraliter diversum; licet enim physicè in eodem permanserit domicilio, quia tamen illud antecedenter liberum ei erat, postea vero per metum gravem violenter detenta, censetur in morali æstimatione mutasse locum, & in potestate Præpotentij raptoris constituta; adeoque verum, & proprium ille comiserat raptum, nec potuit in uxorem habere Bellam, nisi illa revocatis prius minis, plena libertate donata, sponte in matrimonium consensisset.

Vides, in resolutione nullitatis matrimonij nullā de substractione beneficiorū fa-

factam fuisse mentionem: quāmvis enim & illa Bellæ animum graviter movere, & concutere potuerit, cùm tamen ad beneficia nullum jus, ut supponitur, habuerit, subtractione eorum cō ipso, quod injesta nou erat, injustum metum causare nequaquam potuit, qui sufficiens foret ad violentiam inferendam per dicta l. c. de impedimento metus.

Pro fine nota, Concilium Trident. ultrà hoc, quod raptum inter impedimenta dirimentia reposuerit) quapropter tanquam impedimentum merè Ecclesiasticum ab infidelibus non attenditur, nec ab illis secundum Mastriū, qui in loco Tridentini non promulgati morantur, & juxta c. fin. de raptor. raptam, dummodo liberè deinde consentiat in matrimonium, et si non fuerit partii redita tutæ, ducere possunt) graves etiam pœnas in raptos fulminasse sequentibūs, nibilominus raptor ipse, ac omnes illi consilium, auxilium, & favorem præbentes sint ipso jure excommunicati, ac perpetuo infames, omniumque dignitatum incapaces: & si Clerici fuerint, de proprio gradu decidant. Teneatur præterea raptor mulierem raptam, sive eam uxorem duxerit, sive non(quia et si duxerit, raptum tamen commisit, qui his pœnis vindicatur) decenter arbitrio Judicis

*dicis dōtārē. Sed hæ omnes pœnæ, excep-
ta excommunicatione, sunt ferendæ sen-
tentiaæ, quas ulterius dilucidari esset ultra
institutum meum.*

Atque hæc sunt

*Quæ socianda vetant Con-
nubia, facta retractant.*

*Quia verò Romanorum Pontificum De-
creto cæterorum Opuscula Tractatorum ap-
probantur, vel reprobantur: ita ut quod Sè-
des Apostolica probavit, bodie teneatur ac-
ceptum, & quod illa repulit, bodie inefficax
babeatur. c. si Romanorum I. d. 19. quid-
quid ultra claram, & apertam Romanæ,
seu Apostolicæ Ecclesiæ decisionem in to-
to tractatu dictum est, illius iudicio, cor-
rectioni, vel reprobationi lubenti animo,
& prompta voluntate submitto, firma
fide credens, quod Apostolica Ecclesia Ma-
ter est omnium Ecclesiarum, à cuius regulis
declarationibus, oraculis nullatenus con-
venit deviare. c. non docet. I. dist. 12. sed
potius omnes Illius Sanctiones accipiendæ
sunt, tanquam ipsius Divini Petri vocè fir-
matæ sint, c. sic omnes 2. dist. 19. tit.*

*Ut incepi, ita finio
In Nominé Domini.*

THESES

Ad mentem
Subtilis Doctoris

DE DEO UNO

à V. P. Jacobo Kukajna, & Rel.
F. Wilhelmo Sumtekh ex Ord. Minor.
Strict. Observant. S. Theolog. Studiosis.
Labaci in Ecclesia D. V. Assump-
tæ Annò 1744. Mense Septem-
bris die

PRÆSIDĒ

P. JOANNE NE POMUCE-
NO TROPPER *eiusdem Ord. Lectore*
Generali publicè propugnatæ.

I. **T**heologia DĒI est scientia **II.** sim-
pliciter speculativa. **III.** Nostrā
verò, cuius objectum est DĒus sub ratio-
ne veritatis, **IV.** est simpliciter practica,
V. nec habet rationem propriæ scientiæ.
VI. Non tantū Fides divina, **VII.**
sed moralis etiam ratio demonstrat DĒ-
um existere (**VIII.** immò hoc est etiam
per

per se notum) **IX.** esse singularem, **X.**
& infinitum. **XI.** Moderna Providentia
non datur pro longo tempore ignorantia
DEI inculpabilis. **XII.** Valeamus Illum
nominare secundum naturam. **XIII.** &
non tantum negative, sed etiam positive,
& conceptu quidditativo intelligere.
XIV. Inter omnes conceptus præstanti-
or est, quo concipitur sub ratione entis
simpliciter infiniti. **VXXX.**

XV. Existentia, **XVI.** & singulari-
tas sunt prædicata DEI quidditativa.
XVII. Essentia Divina continet formaliter
perfectiones simpliciter simplices, seu
attributa. **VIIIX.** Est illis prior priorita-
te naturæ intelligendi. **XIX.** Cum illis
sumpta, **XX.** aut cum creaturis etiam
numerata non est perfectior intensivè.
XXL Refugit omnem compositionem.
XXII. Nec includit à parte rei aliquod
prædicatum per modum generis tran-
scendentalis.

XXIII. Attributa Divina, & Mo-
di intrinseci non sunt, nisi intensivè infi-
niti. **XXIV.** Unum est perfectius aliò in
fuo conceptu quiditativo. **XXV.** Imen-
sitas DEI formaliter non deducitur ex
Omnipotentia. **XXVI.** Deus est in spa-
tijs imaginarijs. **XXVII.** Sed nullibi
propriè in loco. **XXIX.** Est tamen phy-
sicè, quam **XXIX.** terminativè immu-
tabi-

tabilis. **XXX.** Libertas Illius in actu secundo non dicit aliquod intrinsecum actu necessario Voluntatis superadditum, **XXXI.** Sed illum ipsum actum, ut cum indifferentia terminatum ad objecta, seu creaturas. **XXXII.** Æternitas DEI est duratio intrinsecè indivisibilis.

XXXIII. Personalitates Divinae admittunt prioritatem, & posterioritatem Originis. **XXXIV.** Nec Illæ, nec Attributa distinguntur ab Essentia realiter, **XXXV.** sed formâliter Scotisticè.

O. A. M. D. G.

Menda graviora

Pag. lin.

27	12	ebrietatem,
34	8	invicibilis
51	29	alter
57	7	collocata
98	8	baptismum
99	29	ulla
102	ult.	solis
161	2	Rubrum
ibid.	17.	Rubrō
193	9	applicans

emenda

servitutem.
vincibilis
alteram
collata
baptizatum
nulla
solius
Sumarium
Summario
explicans

Pag. liz.

230	3	lib. 7.	lib. 14.
238	20	spiciuut	scipiunt
315	7	(NB.)	(NB) causa
317	23	liberam	viduam
349	2	eu	seu
362	4	namque	namque Petrus
404	9	oblatio	ablatio
ibid.	24	oblatione	ablatione
421	4	allata	ablata
450	28	moretur	moreretur
458	21	attentorum	attentatorum
472	11	ita	item
473	27	Pondrania	Pomerania
475	26	cimparem	, imparem
476	12	N. 3.	N. 374
477	22	quia	pia
479	8	divinitatem	divinationem
481	6	supervenire	supervivere
483	19	ibidem	idem
486	9	sit in	sit conjugium in
487	23	Rubrum	Summarium
489	ult.	N. 3.	N. 318.
491	16	matculo	masculino
493	5	rarite	raritate.

Alios levioris momenti errores offendisti, benevole Lector! qui à tua prudencia emendari petunt.

